

**O'ZBEKISTON RESPUBLIKASI OLIY VA O'RTA  
MAXSUS TA'LIM VAZIRLIGI**

**J. ESHNAZAROV**

**JISMONIY MADANIYAT  
TARIXI VA BOSHQARISH**

*O'zbekiston Respublikasi Oliy va o'rta maxsus ta'lim vazirligi  
tomonidan darslik sifatida tavsiya etilgan*

**TOSHKENT – 2008**

**J.Eshnazarov.** Jismoniy madaniyat tarixi va boshqarish.  
T., «Fan va texnologiya» nashriyoti, 2008., 388 bet.

Mazkur darslik respublika oliy o'quv yurtlaridagi jismoniy tarbiya fakultetlari talabalari uchun tayyorlangan. Darslik kadriar tayyorlash milliy dasturini amalga oshirishdagi ilmiy pedagogik faoliyatni takomillashtirish va xalqaro sport harakati tarixi, O'zbekiston jismoniy madaniyat tarixi hamda jismoniy madaniyat harakatini boshqarish to'g'risidagi ma'lumotlar bilan talabalarni tanishtirishga xizmat qiladi. Shuningdek, darslikdan akademik litseylar, kasb-hunar kollejlarining bo'lajak mutaxassislari ham foydalanishlari mumkin.

**Taqrizchilar:** G'ulomov A.X. – SamDU, sport-pedagogika fanlarini o'qitish uslubiyati kafedrasи mudiri, dotsent;  
Xoldorov T.X. – Pedagogika fanlari nomzodi, dotsent, «Talaba» Respublika sport uyushmasi ijrochi direktori.

ISBN 978-9943-10-122-7

© «Fan va texnologiya» nashriyoti, 2008.

## KIRISH

Jismoniy madaniyat jahon xalqlarining umumiy madaniyati mazmunidan chuqur o‘rin egallamoqda. Uni o‘qitish, o‘rganish va ilmiy tadqiqot olib borish bugunning dolzarb muammolaridan biridir.

O‘zbekiston Respublikasining Prezidenti I.A.Karimov: «Tarixga murojaat qilar ekanmiz, bu xalq xotirasi ekanligini nazarda tutishimiz kerak. Xotirasiz barkamol kishi bo‘lmaganidek, o‘z tarixini bilmagan xalqning kelajagi ham bo‘lmaydi»<sup>1</sup>, - deb yangi tariximizga yo‘l ochib berdi. Buni yurtimizning mustaqilligi yillarda amalga oshirilgan ijtimoiy madaniy islohotlarning samarali natijalarida ko‘rish mumkin.

Jahon xalqlari tarixi, shuningdek, O‘zbekiston xalqlari tarixida jismoniy tarbiya va sport tarixining ham o‘ziga xos xususiyatlari hamda ijtimoiy-tarbiyaviy o‘rnı g‘oyat kattadir.

Jismoniy tarbiya harakatida mutaxassis kadrlarga bo‘lgan talablar va ehtiyojlar ijtimoiy turmush hamda mehnatda, ayniqsa, Xalqaro sport harakatida doimiy ishtirok etishi muhim ahamiyat kasb etmoqda. Shu sababdan jismoniy tarbiya, sport, xalq milliy o‘yinlari va sayohatlar bo‘yicha malakali kadrlar tayyorlashga alohida e’tibor berilmoqda.

Kadrlar tayyorlash Milliy dasturi, Sog‘lom avlod davlat dasturi, «Alpomish» va «Barchinoy» maxsus testlarini hayotga singdirish, bolalar sportini rivojlantirish, o‘quvchi yoshlarining «Umid niholları», «Barkamol avlod», sport o‘yinlari hamda talabalar «Universiada»larini tashkil qilishda asosiy maqsad buyuk kelajakning har tomonlama barkamol avlodlarini tarbiyalashdir. Bu jismoniy tarbiya va sport mutaxassis-

---

<sup>1</sup> Karimov I.A. «O‘zbekistonning o‘z istiqlol va taraqqiyot yo‘uli». T., «O‘zbekiston», 1992, 71-bet.

larining zimmasiga g‘oyat katta sharaflı mas’uliyatni yuk-lamoqda.

Jismoniy tarbiya va sport sohasida mutaxassislar tayyor-lash va ularning nazariy bilim hamda amaliy malakalarini oshirishda «Jismoniy tarbiya va sport tarixi hamda jismoniy madaniyat harakatini tashkil etish va boshqarish» fani asosiy mutaxassislik fanlaridan biri bo‘lib hisoblanadi.

O‘zbekiston Davlat jismoniy tarbiya instituti (O‘zDJTI) va Respublika oliy o‘quv yurtlarininig jismoniy tarbiya fa-kultetlari, shuningdek, pedagogika kasb-hunar kollejlarining jismoniy tarbiya bo‘limlari, Olimpiya o‘rinnbosarlari kasb-hunar kollejlarida Davlat ta’lim standartlari asosida «Jismoniy tarbiya va sport tarixi» fan sifatida o‘qitib kelinmoq-da.

Umumiy o‘rtta ta’lim maktablari, akademik litseylar, kasb-hunar kollejlarida o‘tkaziladigan jismoniy tarbiya dars-lari mazmunida jismoniy madaniyat harakati bilan bog‘liq barcha tadbirlar o‘z ifodasini topmoqda. Bunda «Jismoniy tarbiya va sport tarixi» fanidan maqsadli foydalanish amalga oshirilmoqda.

«Alpomish» va «Barchinoy» maxsus testlari asosida mak-tabgacha ta’lim muassasalari, ishlab chiqarish va mehnat jamoalari, aholi istiqomat va dam olish joylari, ayniqsa, o‘quvchi yoshlar va talabalarning yozgi dam olish hamda sport-sog‘lomlashtirish oromgohlarida ommaviy jismoniy tarbiya va sport tadbirlariga keng o‘rin berilmoqda. Aholining salomatligini yaxshilash, barkamol avlodning ma’naviy va jismoniy rivojlanishini ta’minlashda jismoniy tarbiya va sport-ning nazariy asoslarini singdirish muhim vazifalardan biri qilib qo‘yilmoqda. Jismoniy tarbiya va sportining mohiyatini bunday tushuntirish, ularni targ‘ibot qilish, barcha sport tur-lari tarixi, xalq milliy o‘yinlari tarixi bilan tanishtirish muhim ahaimiyatga egadir. Bu yo‘lda ajdodlarimizdan bizgacha yetib kelgan madaniy-tarbiyaviy va ilmiy meroslar mazmunidagi jismoniy tarbiya hamda uning tarixi asosida ta’lim-tarbiya berishni davr taqozo etmoqda.

«Jismoniy madaniyat va sport tarixi» ixtisoslikka oid maxsus fan sifatida, eng avvalo, milliy qadriyatlar, ijtimoiy, madaniyat taraqqiyoti natijalar, mustaqillik yillarda joriy etilgan qonunlar, qarorlar, farmonlar, nizomlar hamda O'zbekiston Respublikasi Prezidenti I.A.Karimovning asarlariida ilgari surilgan g'oyalarga tayanadi. Ularni jismoniy madaniyat ijtimoiy-pedagogik jarayon sifatida o'ziga metodologik asos qilib oladi. Shuningdek, jahon miqyosidagi va O'zbekiston sharoitidagi jismoniy tarbiya va sport taraqqiyoti fanning mazmunini tashkil etadi.

Bu fan sport turlari tarixi, pedagogika tarixi, jismoniy tarbiya nazariyasi va uslubiyati hamda boshqa fanlar bilan uzviy bog'liq holda o'rganilmoqda va rivojlanmoqda.

Darslik uch bo'limdan iborat. Birinchi va ikkinchi bo'limlar xorijiy mam'lakatlar jismoniy tarbiysi va sporti tarixi hamda xalqaro sport va olimpiya harakatiga bag'ishlanib, ularning yo'naliishlari va mazmuni V.V.Stolbov tahririda nashrdan chiqqan «Istoriya fizicheskoy kulturi sporta» darsligiga (M., «FiS» nashriyoti, 2000) asoslanadi. Uchinchi bo'lim – «O'zbekistonda jismoniy tarbiya va sport tarixi» deb nomlanadi. Ta'kidlash joizki, bu bo'limni to'rtta katta davrga ajratib o'qitish maqsad qilib qo'yildi, ya'ni:

1. Qadimgi ajdodlar jismoniy tarbiyasi.
2. Temuriylar sulolasi hukmronligi va keyingi davrlarda jismoniy tarbiya hamda harbiy mashqlar.
3. Chor Rossiyasi va sobiq Ittifoq mustamlakachiligi davrida O'zbekistonda jismoniy tarbiya va sport (1866–1991).
4. Mustaqillik yillarda jismoniy tarbiya va sport taraqqiyoti (1991–2005).

Bu davrlarni belgilashda «O'zbekistonning yangi tarixi» va boshqa manbalardagi aniq ko'rsatkichlar, fikr-mulohazalar hamda ilmiy tajribalarga tayanildi. Shu bilan birgalikda mutaxassis olimlar R.I.Ismoilov, Yu.S.Sholomitskiy, R.Abdumalikov, J.T.Toshpo'latov, A.K.Akramov, H.A.Botirov hamda jurnalistlar S.Ostonov, T.Obidov va boshqalarning o'quv qo'llanmalari, ilmiy-ommabop risolalaridan foydalанилди. Shu sababdan, ularga o'zimizning minnatdorchiligidizni izhor

etamiz. Shuningdek, darslik 1999-yilda R.Abdumalikov, A.K.Akramov, K.D.Yarashevlar tomonidan tayyorlangan «Jismoniy tarbiya va sport tarixi» dasturiga moslashtirilib, jismoniy tarbiya va sport sohasidagi o'quvchi yoshlar, talabalar, yosh ijodkor o'quvchilar hamda keng jamoatchilikka mo'ljallandi.

Darslikda barcha davrlardagi eng muhim voqealar va tadbirlargagina alohida e'tibor berildi. Shu sababdan ba'zi bir ma'lumotlar, dalillar bunga kirmay qolgan bo'lishi mumkin.

Darslikda ba'zi bir mamlakatlardagi ijtimoiy-siyosiy voqealarga fan-texnika taraqqiyotiga batafsil to'xtab o'tilmadi. Chunki ular tarix fanini o'qitilish jarayonida o'quvchilar ongiga avvaldan singdirilgan. Sobiq Ittifoq (SSSR) Rossiya negizida tashkil topganligi sababli Rossiya va Ittifoqning jismoniy tarbiya va sport sohasidagi mazmunlarni bir bobda qisqa ravishda berish ma'qulroq ko'rindi.

Shuningdek, xalqaro sport va olimpiya harakatiga alohida bob ajratilganligi uchun har bir davlatdagi xalqaro sport uyushmalari haqidagi ma'lumotlar qisqartirildi.

Darslik haqida o'zlarining tanqidiy fikr va mulohazalarini bildirgan hamkasblarimizga minnatdorchilik izhor etamiz.

## BIRINCHI BO'LIM

### XORIJJIY MAMILAKATLARDA JISMONIY MADANIYAT VA SPORT TARIXI

#### *I bob. QADIMGI AJDODLAR JISMONIY MADANIYAT TARIXIDAN LAVHALAR*

##### **1.1. Qadimgi odamlarning ijtimoiy-madaniy turmushida jismoniy tarbiyaning o'rni**

Jahon xalqlarining umumiy madaniyati va ijtimoiy-turmush sharoiti haqida manbalar beqiyos ko'p. Qadimgi dunyo tarixi bilan aloqador bo'lgan tarixiy voqealar, ulug' sanalar tarix fanlarida keng va chuqur ifodalangan. Shu sababdan, o'quvchi yoshlar va talabalarning bu sohada ma'lum tushuncha hamda bilimlarga ega bo'lganligini e'tiborga olgan holda tarixiy davrlar, turli xil voqealar ustida to'xtamaslikni lozim ko'rdik. Ijtiomiy formatsiyalar davridagi umummadaniyatining tarkibiy qismi sifatida jismoniy tarbiya haqidagi eng muhim ma'lumotlar, dalillarni keltirish asosiy maqsad qilib qo'yildi.

##### **Jismoniy mashqlar va harakatlari o'yinlarning kelib chiqishi.**

Jahon xalqlari jismoniy madaniyat va uning mazmunini o'rganish, ilmiy tadqiqotlar olib borish jarayonlari uzoq vaqtlardan buyon davom etib kelayotgan ilmiy-pedagogik faoliyatlardan biri hisoblanadi.

Jismoniy tarbiya tarixini o'rganish, ilmiy tadqiqotlarning natijalarini fan va kundalik hayotda qo'llashda N.I.Ponomaryev, S.D.Sinikin, F.I.Samoukov, N.I.Toropov, G.D.Xarabuga, Yu.P.Simakov kabilarning xizmatlari e'tiborga loyiqidir. Ayniqsa, XX asrning ikkinchi yarmida «Jismoniy

tarbiya va sport tarixi» darsliklari, o'quv qo'llanmalarini nashrdan chiqarishda V.V.Stolbovning alohida o'mni bor. Uning darsliklari qayta-qayta nashrdan chiqarilib, o'quv yurtlarida keng qo'llanilib kelinmoqda.

Ularning ta'limotlariga asosan insoniyat taraqqiyotining ilk davridan boshlab to hozirgi kungacha bo'lgan jismoniy tarbiya tarixinining rivojlanish yo'llarini o'rganish imkoniyatiga ega bo'lmoqdamiz.

Arxeologik topilmalar, turli ilmiy tadqiqotlarning natijalariga qaraganda insoniyat jamiyatni yer kurrasida bundan 3,5–4 million yillar avval paydo bo'lgan. Ov qurollarini yasash, olov yoqish, kiyinish, jismonan baquvvat bo'lish uchun bolalarni maxsus mashqlar bilan tayyorlash kabi juda ko'p ijtimoiy turmush tajribalariga ega bo'lganlar.

Ma'lumki, ajdodlar madaniyati va ijtimoiy mehnat hamda turmush sharoitlarini ilmiy ravishda asoslab berishda G'arbiy Yevropa (Germaniya, Fransiya, Gretsiya, Italiya va h.k.) olimlari katta hissa qo'shishgan. XIX asr oxiri XX asrning boshlarida odam paydo bo'lishining biologik jarayoni haqidagi nazariyalarni ilgari surgan Byuxer va Gross (Germaniya), Spenser (Angliya), Lesturno (Fransiya) kabilaming mulohazalariga chek qo'yildi. Ularning fikricha, jismoniy tarbiyanı inson o'zining hayvon ajdodlaridan sof biologik yo'l bilan meros qilib olgan. Ular hayvonlarning beixtiyor harakatlari bilan insonning ongli faoliyat o'rtasidagi asosiy farqini ko'rishmag'an.

O'z davrining ilg'or namoyandalaridan biri, faylasuf va rus marksisti G.V.Plexanov ibtidoiy o'yinlar va jismoniy mashqlar biologik omillardan emas, balki odamlarning mehnat faoliyatidan kelib chiqqanligini ilmiy jihatdan isbotlab bergen. Bolalarning hayotida o'yin mehnatdan oldin paydo bo'lsa ham, umuman jamiyatda u faqat mehnatni, insonlarning ongli faoliyatini aks ettiradi.

Ilk davrlarda odamlar yashash uchun tabiat bilan kurashganlar. Ya'ni turli tabiiy ofatlardan (shamol, quyunlar, sel, sovuqlik, yirtqich hayvonlarning hujumi va h.k.) saqlanish yo'llari, qurol-aslahalar yasash kabi ishlab chiqarish

jarayonlarini ixtiro qilganlar. Kishilar uchun kerakli hayotiy malaka va ko'nikmalar jismoniy sifatlar, malaka va qobiliyatlar ularning bevosita mehnat faoliyati jarayonlarida hosil qilinganligini hozirgi davrda tasawwur etish qiyin emas. Yoshlar barcha mehnat va jismoniy harakat faoliyatlarini katta yoshdagilardan o'rganganligi harnda ularga taqlid qilib rivojlantirganligi tabiiy bir holdir.

Ijtimoiy turmush kechirish, ayniqsa, hayvonlarni ovlash ishlab chiqarish kuchlarining takomillashuviga sabab bo'lgan. Turli mustahkam va o'tkir uchli yengil nayzalarning, so'ngra esa o'q va youning paydo bo'lishi ovchilikning takomillashuviga va ovning rivojlanishiga olib keldi. Buning natijasida ovqat topish uchun sarflanadigan vaqt ancha qisqardi. Natijada, o'troqlashib yashash, bolalarmi tarbiyalash imkoniyatlari kengaydi. Bu jihatlar eng qadimgi ajdodlarimiz bo'lgan zardushtlar, o'g'izlar hayotida (Avesto) ham uchraydi.

Xo'jalikni idora qilishning yangi shakllari yuzaga kelishi bilan kishilik jamiyatini uyuştirish holatlari ancha mustahkamlanib bordi. Ona urug'i jamoalari paydo bo'ldi, ularning a'zolari qarindosh-urug'chilik munosabatlari asosida birlashib, mehnat qilib hayot kechira boshladilar. Bu, o'z navbatida, jamoatchilikni yuzaga keltirdi. Shuningdek, astasekin madaniyat sohasida ham o'zgarishlar yuzaga keldi. Uyjoy qurish, kiyim-kechak paydo bo'ladi. Tasviriy san'at (qoya toshlariga rasm chizish, yog'och va loydan onalar siymosi va turli xil shakllarni yasash) ijod qilindi. Jamoada qo'shiq, o'yin va raqlar ijob etildi, bayramlar vujudga keldi. Ana shu davrlarda diniy tasavvurlar paydo bo'ldi (ilohiy kuchlarga ishonish, ularga bo'ysunish, qurbanliklar keltirish kabilar). Mehnat bilan bog'liq bo'lgan turli musobaqalar, o'yinlar mustaqil tarbiyaviy ahamiyat kasb etdi va ulardan urug' jamoasining turli yoshdagi guruhlari foydalandi. Mehnatning jins va yoshga qarab bo'linishi amalga oshirildi.

San'atning paydo bo'lishi kishilarning fikr va tasavvurlarini boyitdi, ularning ma'naviy dunyosini takomillashtirdi. O'yin va raqlarda takrorlanadigan mehnat va mudofaa

xususiyatidagi harakatlar faqat mehnat emas, balki jismoniy mashqlar sifatida rivoj topdi. Turli xil jismoniy mashqlarning (kurash, otda poyga, nayza uloqtirish, qilichbozlik va h.k.) o‘yinlar tarzida vujudga kelishi ibtidoiy jamiyat tarbiyasida tubdan o‘zgarishlar yasash uchun turki bo‘ldi. Odamlar o‘z-o‘zini hayotga, ayniqsa, mehnat faoliyatiga tayyorlashning yangi omillari va qurollarga ega bo‘la boshladi. Sobiq Ittifoqning yetakchi tadqiqotchilaridan biri M.O.Kosven «Ibtidoiy madaniyat tarixi lavhaları»da odamlarning harakat qilishga intilishdagi ba’zi faoliyatlarini e’tirof etadi, ya’ni «Mehnat jarayonidagi charchoq va horg‘Inliklarni chiqarish maqsadida kechki paytlarda ovchilik va harbiy raqslar mashqlarini bajarganlar», deydi. Bu, o‘z navbatida, ov qilish va harbiy yurishlarga tayyorgarlik – mashq (trenirovka) vazifasini bajarganligini ko‘rsatadi.

Ta’kidlash lozimki, ijtimoiy turmushda, ayniqsa, bolarining jismonan baquvvat qilib tarbiyalash, harbiy-mudofaa ishlarida ishtirok etuvchilarning jangovorlik holatlarini takomillashtirishda Yevropa qit’asida mavjud bo‘lgan davlatlarning ish tajribasi katta o‘rin tutadi. Bunga qadimgi yunonlarning (Gretsiya) jismoniy tarbiya tizimi (sistemasi) tarixiy jihatdan e’tiborga molikdir. Chunki bu tizim davrlar o‘tishi bilan deyarlik jahonga, shuningdek, sobiq Ittifoqda ham o‘z mazmuni va mohiyatiga ega bo‘ldi.

**Afina tizimi.** Afinada quidorlik tizimi o‘ziga xos xususiyatlarga egadir. Eradan avvalgi V–IV asrlarda sinfiy tafovutlar kuchli bo‘lgan. Hunarmandchilik, savdo va fan Afinani Gretsiyaning markaziga aylantirdi. Har bir quidor jamiyat ishlarida faol qatnashish imkoniyatlariga ega bo‘lgan. Ta’lim va tarbiya tizimida Afina fuqarolarining qatnashish huquqi bo‘lgan. Afina tizimi Sparta tizimidan farqli o‘laroq harbiy-jismoniy ta’lim bilan birgalikda ko‘p tarmoqli targ‘ibot ishlarini olib borgan. Afinaliklarning fikricha, inson har tomonlama uyg‘un kamol topshi lozim edi. Bunda aqliy, ma’naviy (axloq), estetik va jismoniy tarbiya asosiy vosita bo‘lishi talab etilgan. Bunday talab va ehtiyoj bora-bora takomillashtirilib borilgan.

Ta'kidlash joizki, ijtimoiy-mehnat va madaniyat jarayonlari deyarli barcha qit'alarda u yoki bu darajada shakllanib, keyinchalik tobora rivoj topgan. Ilk davrlarda mulkchilik va ijtimoiy tengsizlik bo'limganligi ko'p manbalarda izohlanadi. Urug'chilik jamoasi ona urug'i (matriarxat) va ota urug'i (patriarxat)ga bo'lingan. Ularning har biri o'ziga xos ijtimoiy taraqqiyot va jismoniy tarbiya xususiyatlariga ega bo'lganligi tabiiydir.

**Matriarxat davrida jismoniy tarbiya.** Ona urug' taraqqiy qilgan davrda o'yin uchun maxsus tayyorlangan uskunalar (jundan qilingan to'p, shar, nayzabozlik tayoqlari, uchi to'q-moq nayzalar, o'yinchoq, palaxmon, shoxmon, o'yinchoq yoy, boshi egri hassa, to'qmoq va h.k.) paydo bo'lgan. Yoshlarni gurzi (to'qmoq), nayza, so'yil irg'itishga, yoydan o'q otishga o'rgatish ibtidoiy jismoniy tarbiya yo'naliшlaridan hisoblanib, uning asosiy tarkibiy qismini tashkil etgan.

Hind urug'chiligida kauchuklardan koptoklar, maxsus chana («Toboggan») yasaganlar. Ulardan xo'jalik yumushlari va turli musobaqalarda ham maqsadli foydalanganlar. Aytishlaricha, Kolumb davrida yevropaliklar hindlarning koptoklari ispanlarning (kastiliyalik) koptoklaridan yaxshi ekanligini tan olishgan.

Sharqiy Braziliya xalqlari orasida qiz va yigitlar hayotida kerak bo'lgan epchillik, chaqqonlik chidamlilik, jasurlik va qat'iyatlilik kabi qobiliyatlar hamda sifatlarga ega bo'lishi lozim edi. Baroro va Konella kabi qabilalarda yigitlar ma'lum sinovlardan o'tmagunlaricha uylanishga ruxsat berilmagan.

Sharqiy Afrikadagi ibtidoiy qabilalarda langarcho'p bilan sakrash va yugurib kelib balandlikka sakrash musobaqalari ham o'tkazilgan. Ularni turli bayramlarda namoyish etishgan.

Ibtidoiy jamoa tuzumi davrida suvda suzish, kanoe va baydarka xilidagi yengil uzunchoq qayiqlarda eshkak eshish ham keng qo'llanilgan.

Shimoliy va Janubiy Amerikada yevropaliklarning istolsiga qadar katta rezina koptok, chavgon va raketkalardan foydalaniб o'ynaladigan xokkey tipidagi yozgi va qishki

o'yinlar rasm bo'lganligi aniq manbalarda o'z ifodasini topgan.

**Patriarxat davrida jismoniy tarbiya.** Urug'chilik va qabilachilik davrida ishlab chiqarish jarayonlari yangi bosqichlarga ko'tarildi. Bunda erkaklarning mehnati, yaratuvchilik fikr-mulohazalari oldingi o'rinda turgan. Temir qurollarning paydo bo'lishi, omoch, bolta bilan ishlash, dehqonchilik va chorvachilikning rivojlanishi ovning xo'jalik ahamiyatini susaytirdi. Chorva mollarini boqish, qo'lga o'rgatish, xonakilashtirish va dehqonchilik qilishdagi tajribalar jamoada erkaklarning hukmron bo'lishini ta'minladi. Oila katta erkaklar (patriarxat) oilalarga aylana bordi. Yagona nikohlik (mongamiya) yuzaga keldi. Urug'lar birlashib qabilalarni tashkil etadi. Patriarxat taraqqiyotining dastlabki bosqichida qabilalar o'rtasida nizolar, janjallar, ko'pincha bir-biriga qaramaqarshi bo'lgan qabila vakillarining kurashi (yakkama-yakka kurash) bilan hal etilgan. Ba'zi hollarda janjalli masalalar birgalikda shodiyona mehmondorchiliklar tashkil etish, bir-biriga sovg'alar berish, aka-ukachilik, do'st tutinish va h.k. bilan yakunlangan. Bu, o'z navbatida, qabilalar o'rtasidagi do'stlik munosabatlarining rivojlanishi va mustahkamlanishida muhim ahamiyatga ega bo'lgan. Qabilalar o'rtasida o'tkaziladigan musobaqalar jarayonida jamoa shon-sharafi, o'zarobir-birini quvvatlash, zaiflarga yordam qilish tushunchalari rivoj topgan.

Avvalgi majmuaviy (kompleks) mashqlar (kurash, mushtlashish, og'irlik ko'tarish, yugurish, sakrash va h.k.) astasekin mustaqil tur sifatida o'rganilib, an'analar, marosimlarda namoyish etilgan va musobaqa tarzida tashkil etilib, g'o-liblarni olqishlash, taqdirlash kabi odatlar amalga oshirilgan.

Dehqonchilik, chorvachilik va boshqa kasb-hunar bilan shug'ullanuvchilar o'z sohalari bo'yicha turli o'yinlar, mashqlarni ixtiro qila borganlar. Masalan, bug'uchilik bilan shug'ullanuvchilar, bug'uchilar musobaqalarini uyuhshtirganlar.

Turli qabilachilik holatlari o'zarobir jang, nizo va urushlarni keltirib chiqargan. Shu sababdan himoya qal'alari, qurolyaroqlar yasash kabi yangi faoliyatlar tarkib topib, ular

yanada rivojlangan. Natijada, maxsus jangchilarni tayyorlash ishlariga alohida e'tibor qaratiladi. Jangchilarning jismoniy tayyorgarligida boshqa qabila va elatlarni bosib olish, ezish, ko'pchilikni hukmron ozchilikka bo'ysundirish uchun foy-dalanishni ko'zda tutadigan jismoniy tarbiyaning yangi tizimi namunalari tug'ilashadi. Bunday jarayonlar esa quldarlik tuzumini vujudga keltirdi.

Quldarlikning dastlabki davrida qabilachilik munosabatlarining xalq hokimligi an'anasi saqlanib, qabila zodagonlari hokimiyatini cheklab turgan. Lekin qabilalar o'rtasida to'qnashuvlar jiddiy harbiy xususiyatlarga ega bo'lgan. Ularning asosiy sababi boylik ottirish va o'z hukmronligini o'rnatishdan iborat bo'lgan. Harbiy dohiylar rahbarligida maxsus posbonlar (drujina) paydo bo'lgan. Dohiylar ko'pincha qabilalarning yo'lboshchisi ham hisoblangan. Xalq kengashlari yuzaga kela boshlagan. Ularning vazifalari jamoaning barcha a'zolarini himoya qilishdan iborat bo'lgan. Ovul (qishloq) istehkomlari (kazarma) paydo bo'lib, chet el posbonlari hujumidan harbiy mudofaa qilish madaniyati rivojlanadi.

Eramizdan avvalgi XII–IX asrlarda qadimgi Yunonistonda (Gretsiya) oddiy zodagonlarning yugurish, kurashish, mushtlashish (boks), nayza va lappak (disk) uloqtirish, kamondan o'q otish, g'ildirakli aravalarda ot poygasi kabi o'yin musobaqalarini aks ettiruvchi chizmalar, tasvirlar, haykallar, yodgorliklar, arxeologik qazilmalarda topilgan. Shuningdek, ularning mazmuni, shakllari va mohiyatlari Gomer tomonidan uning «Iliada» va «Odisseya» asarlarida o'z ifodasini topgan. Ibtidoiy jamoaning yemirilishi va quldarlik tuzumining shakllanishi qadimiy Germaniya, Okeaniya, hindu qabilalari (astek, ink, mayya) va boshqa joylarda ham sodir bo'lib, ularda ham o'ziga xos jismoniy mashqlar va o'yinlarning rivojlanishiga olib kelgan. Masalan, mayya qabilasida kauchukdan yasalgan koptok bilan jamoa bo'lib basketbolga juda o'xshab ketadigan o'yin o'ynash an'anaga aylangan. Ya'ni uning shakli va mazmuni hozir mashhur bo'lgan sport o'yiniga asos solgan bo'lishi mumkin. Qadimgi

Peru mamlakatida jismoniy mashqlar yoshlardan iborat harbiy qismlarni tayyorlashda eng muhim vosita sifatida xizmat qilgan.

## **1.2. Qadimgi Sharq davlatlarida jismoniy tarbiya**

Eng avvalo shuni ta'kidlash lozimki, xususiy mulk-chilikning rivojlanishi, ishlab chiqarishning taraqqiy etishi va ilk davlatlarning paydo bo'lishini tarixchilar eramizdan avvalgi IV–III asrlarda boshlagan deb ko'rsatadilar. Bu davrlarda yirik davlatlar asosan qadimgi Sharqda, Gretsiya va Rimda bunyod etildi.

Qadimgi Sharq hududidagi Hindiston, Xitoy, Misr, Eron, Bobil (Vavilon), Assuriya kabi davlatlardagi jismoniy tarbiya vositalarining ximla-xilligi haqida haykallar qurilish yodgorliklaridagi devoriy suratlar, turli madaniy ashyolar, qo'lyozmalar guvohlik beradi.

Jismoniy madaniyatning ilk izlari, namunalari, O'rta yer dengizi atrofida, eradan avvalgi IV asrlarda vujudga kelgan davlatlarda (Mesopotamiya) ko'proq uchraydi. Jismoniy mashqlarning mazmuni va shakllari harbiy faoliyatlarda o'z ifodasini topgan. Bunda, asosan, merganlik (kamon-yoy), bel ushlashib kurashish, mushtlashish, g'ildirakli aravalarda poyga qilish san'ati va merganlik kabi faoliyatlar muhim o'rinni egallaydi.

Tarixchilar, tadqiqotchilarning e'tirof etishicha, greklar Olimpiya bayramlarini o'z xudosi Zevsga bag'ishlab o'tkazgan bo'lsalar, parfiyenlar, skiflar, eroniylar, rimliklar, arablar o'z o'yin va an'analarini messopotamiyaliklardan o'rgan-ganlar.

Hindlar va eroniylar hayotida ham turli tuman jismoniy mashqlar va o'yinlar vujudga kelgan. Ular tarkibida otda (tuyada, xachir va h.k.) yurish va ov qilish, qilichbozlik, aravachalarda poyga, kamondan o'q otish, to'plar va tayoqlar bilan o'ynash keng rivojlangan.

Qadimgi Eronda maxsus tashkil qilingan maktablarda zodagon yoshlarni tarbiyalash tizimi mavjud bo'lgan. Bunda

yuqorida tilga olingan mashqlarni (nayza sanchish, qilich ishlatish, otdan ag'darish) o'rgatish dastur asosida olib borilgan.

Qadimgi Misrda harbiy aslzodalarni harbiy-jismoniy jihatdan maxsus tayyorlash uchun kurash, qilchbozlik, kamondan o'q otish, nayza uloqtirish kabi mashqlardan foydalanishgan. Buni eramizdan avvalgi XVIII–XII asrlarda Beni Gossan degan joydagi fir'avnlar qabristonidan topilgan yodgorliklarda tasvirlangan 400dan ortiq jismoniy mashqlar va o'yinlarni asoslab beradi.

Misr davlatida dinlarning ko'pligi tufayli ularning xudolariga hamda urf-odatlariga bag'ishlangan ko'pgina bayramlar, an'anaviy xalq musobaqalari o'yinlar va raqslar bilan birga qo'shib olib borilgan. Keyinchalik ulardan ko'proq ideologik (g'oyaviy) maqsadda foydalanganilgan.

Hukmron doiralar xalq o'yinlari va jismoniy mashqlardan o'z kamoloti va manfaatlari yo'lida foydalanganlar.

Qadimgi Sharq davlatlarida quldarlik tuzumi davrida ozod dehqonlar, kasb-hunar egalari, savdo-tijorat xodimlari orasida rasm bo'lgan xalq jismoniy tarbiyasi shakllari va xalq mashqlarining turlari quldarlar tomonidan o'z obro'yi hamda hukmronligini kuchaytirish maqsadida o'zlashtirilgan va ulardan keng foydalanganilgan.

### **1.3. Qadimgi Yunonistonda jismoniy tarbiya. Olimpiya bayramlari**

Qadimgi Yunon davlatining tarkib topishi va rivojlanishi eradan avvalgi III–II ming yilliklarni o'z ichiga oladi. Yunoniston tarixining Gomer davri deb eradan avvalgi XII–IX asrlar tilga olinadi.

Gomerning «Iliada» va «Odisseya» poemalarida o'sha davrdagi yunon hayotining yorqin manzaralari aks ettiriladi. Qahramonlar sifatida zodagon jangchilar timsoli chizilib, ularni oddiy xalqdan ajratuvchi jismoniy sifatlari va fazilatlari talqin etiladi. Gomer poemalarining qahramonlari halok bo'lgan qahramonlar yoki qabila hayotidagi biror muhim vo-

quea sharafiga bag'ishlab tashkil etiladigan musobaqalar va o'yinlarda o'zlarining jismoniy fazilatlarini namoyish etganlar. Bunda yugurish, nayza va lappak uloqtirish, sakrash, kurash, mushtlashish kabi mashqlar orqali musobaqalashganlar.

«Odisseya» poemasida «atlet» (shug'ullanuvchi) so'zi o'sha vaqtda «olijanob qahramon», «aslzoda» (zodagon) tu-shunchalari bilan bog'langan. Ya'ni xalq ichidagi «chaqqon odam» tushunchasiga qarama-qarshi qilib qo'yilgan.

Shu sababdan, oddiy kishilar zodagon jangchilaming o'yinlarida ishtirok etmagan, faqat tomoshabin sifatida o'tirishgan.

Bo'lajak jangchilar tayyorlash maqsadida mamlakatning yirik shaharlarida maxsus tarbiya tizimi vujudga keladi. Ular tarixda Sparta va Afina tizimi (sistema) nomi bilan o'rGANildi.

**Sparta tizimi.** Eradan avvalgi IX asrda Sparta shahri vujudga kelib, uning aholisini 9 mingga yaqin quldorlar oilasi, shuningdek, 30 ming hunarmandlar, savdogarlar va yer egalari, 200 ming qul tashkil etgan.

Quldarlar (spartiatlar) qullardan saqlanish va o'zlarini himoya qilishga tayyorlanish maqsadida o'ta qattiq tarbiyaviy tizimdan foydalangan. Bolalar 7 yoshgacha oilada tarbiyalangan. Bu davrda ularni qorong'udan qo'rgomaslik, yig'lamaslik, ovqat tanlamaslikka o'rgatganlar va chiniqtirishga katta ahamiyat bergenlar. 7 yoshdan 18 yoshgacha bolalar va o'smirlar davlat tizimidagi tarbiya muassasalarida asosan jismoniy tarbiya bilan shug'ullanganlar. ularni sovuq va ochlikka bardosh berish, chaqqonlik va og'riqlarga chidash kabi faoliyatlarga o'rgatib, chiniqtirganlar. Yoshlarni nayza va lappak uloqtirish, yugurish, sakrash, kurash va harbiy o'yinlar, yovvoyi hayvonlarni ovlashga o'rgatganlar.

Jam (xor) bo'lib qo'shiq aytish, musiqa chalish, raqs kabi sohalarga ham ko'p vaqt ajratilgan. Davlat tomonidan belgilangan rahbarlar (pedanomlar) yosh spartiatlarni mardlik, jasorat, qullarga nisbatan nafrat ruhida tarbiyalaganlar. Shu

maqsadda kechalari qullarga qarshi hujumlar, bosqinlar uyuştirganlar. Shubhali qullarni o'ldirishgan. 18–20 yoshli tarbiyalanuvchilar efeblar (zobitlar) qatoriga qabul qilinib, ular jismoniy va harbiy tayyorgarlikni o'taganlar. Keyinchalik esa ularni harbiy darajalarga ajratib, qariguncha harbiy xizmatda ushlab turishgan.

Sparta tizimida qullarni jismoniy tarbiyasiga ham katta e'tibor qaratilgan. Sog'lom bolalarni dunyoga keltirib, ularni sog'lom qilib o'stirish uchun oilalar ham o'ta sog'lom bo'lishi ko'zda tutilgan. Shu sababli ham qiz bolalarni yugurish, kurash, nayza va lappak uloqtirish kabi mashqlar bilan muntazam ravishda shug'ullanadirishgan. Sparta xotin-qizlari ko'proq qullarni saqlashda xizmat qilganlar.

Sparta davlati tarbiya tizimini va harbiy sohadagi eng kuchli qismi Gretsiyada tashkil etildi. Ular uzoq yillar davomida yengilmas deb nom qozondi. Sparta atletikachilari ko'pgina olimpiya, pif va boshqa o'yinlarda qatnashib, g'alabalarni qo'lg'a kiritgan.

Afinada bola yetti yoshgacha oilada, qullar nazorati ostida tarbiyalangan. Bu yoshda ko'proq o'yinlarga e'tibor berilgan. Keyin o'g'il bolalarni maktabga yuborishgan. Qiz bolalar esa uyda tarbiyalangan. 7 yoshdan 15 yoshgacha bo'lganlar davlat maktabi yoki shaxsiy maktablarda ta'lim olishgan. Ular musiqa va gimnastika maktablari deyilgan. Ya'ni musiqa mashg'ulotlarida musiqa, raqs, o'qish-yozish bilan, gimnastika mashg'ulotlarida esa yalang'och holda kurash (palestra) bilan shug'ullanganlar. 12–16 yoshdan boshlab birinchi o'ringa gimnastika mashg'ulotlari qo'yilgan.

16 yoshga to'lgandan keyin yaxshi ta'minlangan otonalar o'z farzandlarini gimnasiylarga berishgan. Afinada davlat hisobida uch xil gimnasiy, ya'ni: akademiya, litsey va kinosorg mavjud bo'lgan. Bu o'quv yurtlarida yoshlarni jismoniy tarbiya bilan bir qatorda siyosatshunoslik, falsafa va habiyot fanlari bo'yicha ham ta'lim olgan.

Afinada 18 yoshli yigitlar davlat harbiy tashkilotiga – qo'shilishga – qabul etilgan. Ular ikki yil davomida harbiy xizmatni amalga shuningdek, qo'shilishga qabul etilgan. Ular (efeblar) birinchi yili, jismoniy tarbiya va har-

biy tayyorgarlikdan o'tishgan. Ikkinci yili esa qalqon va nayza bilan qurollanib, davlat chegarasini qo'riqlaganlar.

Sekin-asta jismoniy tarbiyaning pedagogik va ilimi nazariyasi paydo bo'la boshladi. Qadimgi faylasuf olimlar – Platon, Aristotel va boshqalarning asarlarida tarbiya ta'lif tizimidagi jismoniy tarbiyaga yuksak baho berildi.

Platon (eramizdan avvalgi 427–347 y.y.) Afina zodagonlari vakili, faylasuf-idealit (g'oyachi) insonning ma'naviy va jismoniy sifatlari haqidagi nazariyaning asoschisidir. U Sparta tizimiga moyillik bildirib, harbiy-jismoniy tarbiyani aqliy tarbiya va ta'lif bilan qo'shib olib borishni ko'zda tutdi. Platon o'zining (davlat) asarida shunday degan: «Yaxshi gimnastika ham oddiy bo'ladi, lekin eng avvalo, harbiy gimnastika bo'lishi lozim».

Aristotel (eramizdan avvalgi 384–322 y.y.). Yirik olim va faylasuf, Platonning o'quvchisi va Aleksandr Makedonskiyning ustozidir. Uning ta'limoto dialektika sohasida yuksak baholanadi. Chunki u shakl va mazmun birligi haqidagi g'oyani olg'a suradi. Shu bilan birga borliqning rivojlanishini isbotlaydi. Insonning ruhi va tanasi ajramlas holda bog'liq ekanligini tushuntirib beradi. Jismoniy tarbiyaning aqliy tarbiya bilan hamohangligini ta'kidlaydi.

Aristotel o'g'il bolalarini jismoniy jihatdan mustahkam qilib tarbiyalash tarafdori bo'lgan. U Platondan farqli o'laroq tarbiyada ko'proq ta'lif-tarbiyaga o'rinn berishni, gimnastika mashqlari hajmini kamaytirishni taklif etadi. Chunki gimnastikada ko'proq harbiy jismoniy tarbiya va ta'lif ko'zda tutilgan va u bolalar uchun juda murakkab jarayon, deb hisoblaydi.

Demokrit (eramizdan avvalgi 460–370 y.y.). Jismoniy mashqlar insonning shakllanishida muhim o'rinn tutadi, ya'ni tabiiy holatni rivojlantirishda ustunroqdir, deb ta'lif beradi.

Sokrat (eramizdan avvalgi 469–399 y.y.) aytishicha, mustahkam sog'liq ko'pgina illatlardan saqlashga kafolatdi. Qadimgi grek shifokori Gippokrat (eramizdan avvalgi 375 y.y.) ta'biri va ta'limi bo'yicha, jismoniy mashqlar

shug'ullanish turli xil kasalliklarni oldini olish (profilaktika) va davolashda muhim ahamiyatga egadir.

Qadimgi greklarda jismoniy tarbiya asosan gimnastika va agonistika (maxsus)dan iborat bo'lgan. Gimnastika umumiy jismoniy tarbiyada qo'llanilgan. Agonistika tizimida esa maxsus tayyorgarlik va boshqa musobaqlarda qatnashish ko'zda tutilgan.

Gimnastika maxsus tizim sifatida palestrika (kurash), orxestrika (raqs) va o'ynlarni o'z ichiga olgan. O'z navbatida palestrika pentatlon (besh kurash: yugurish, uzunlikka sakrash, nayza va lappak uloqtirish, kurashdan iborat bo'lgan. Shuningdek, unga pankration (kurash va mushtlashish - aralash), suzish, mushtlashish, otda yurish, kamondan o'q otish va boshqalar mashqlar ham kiritilgan.

Orxestrika asosan musiqa jo'rligidagi raqlardan tashkil topgan. O'yinlar esa tayoqlar, g'ildiraklar, chavgon, shar, to'plar bilan gimnastika qilishdan iborat bo'lgan.

Yuqorida ta'kidlangan turlardan Olimpiya bayramlarida (agonlarda) ko'proq foydalanilgan.

**Olimpiya bayramlari va boshqa gimnastika o'yinlari (agonlar).** Qadimgi Gretsyaning shon-shuhratini ko'tarishda Olimpiya va gimnastika o'yinlari (agonlar) o'mni alohida ajralib turadi.

Qadimgi Olimpiya o'yinlari Alfey daryosi vodiysining Peloponiyes yarim orolida joylashigan Elida shahrining Olimpiya qishlog'ida o'tkazib kelingan. Odatga ko'ra, hozirgi davrda Olimpiya mash'alasi Kronos tog'i etagidagi (Olimp tog'ida emas) Olimpiyadan olinadi va Olimpiya o'yinlari o'tkaziladigan shaharlarga yetkaziladi.

Olimpiya – olimpizmning yaratilishi markazidir. Eradan avvalgi uch minginchi yillar davrida odamlar bu joylarga ko'chib kelib o'mashgan va zinch joylashgan.

Gomerning «Iliada» poemasida tasvirlanishicha, Troya urushida halok bo'lgan Patrokl xotirasiga bag'ishlanib, uning do'sti Axill aravalari qo'shilgan otlar poygasi, mushtlashish, kurash, yugurish, kamondan o'q otish, nayza va disk uloqtirish bo'yicha tadbir (musobaqa) o'tkazgan. Shu tariqa Olim-

piya qishlog'i asta-sekin muhim madaniy tadbirlar o'tkazish markaziga aylangan. Avvalo, bu yerda Gera xudosiga bag'ishlangan bir koshona keyinchalik esa, ya'ni eramizdan avvalgi VII asrning ikkinchi yarmigacha Yer onasiga bag'ishlab katta ibodatxona qurildi. 200 yildan keyin, ya'ni greklarning Olimpiya qishlog'idan eronlar ustidan g'alaba qi-lishiga bag'ishlab Zevs xudosi sharafiga katta namoyish markazi qurilgan. Bu joyda Elida davlati oliv kengashi binosi joylashgan bo'ladi. Olimpiyada juda ko'p ibodatxonalar, ularda son-sanoqsiz haykallar mavjud bo'lib, ular turli xudolar, afsonaviy qahramonlar, Olimpiya o'yinlari championlari, podsholar, sarkardalar sha'niga bag'ishlangan.

Bu joyda boshqa turli xil madaniy, qurilish maskanlari qatorida sport inshootlari majmuasi (kompleks) ham joylashtirilgan. Bunda stadion, ot chopar (ippodrom), gimnastika va palestra (kurash) joylari mavjud edi. Ba'zi manbalarning guvohlik berishicha, Olimpiya o'yinlarining ilk bor tashkil etilishi greklarining bosh xudosi Zevsning o'z otasi Kronos sha'niga bag'ishlab katta an'anaviy bayramlar o'tkazishi bilan bog'liq bo'lib, ular Olimpiya (joy) o'yinlari deb atalgan.

Boshqa rivoyatlarga ko'ra esa tashkil etilgan o'yinlar afsonaviy qahramon Gerakl sha'niga, ya'ni kuch, mardlik, jasorat, harbiy shuhrat ramziga bag'ishlangan. Aniqrog'i, Elida podshosi Avdiy ustidan qozongan g'alabasi sharafiga Gerakl o'yinlari tashkil etilgan. U o'yinlarni o'tkazish uchun masofalarni (distansiya-stadiya) o'z oyoq izlari bilan o'lchab bergen. Olti yuz oyoq izi bir masofa (stadiya), ya'ni 192 m. 27 sm.ni tashkil etgan. Avvallar o'yindagi g'oliblarni ana shu tur bilan belgilagan. Gerakl pankration (kurash va mushtlashishning aralashmasi) musobaqasida qatnashib g'olib chiqadi. Keyinchalik o'tkazilgan o'yinlardagi g'oliblarga «Ikkinchi Gerakl» unvonini berish odatga aylantirilgan.

Xullas, o'yinlar urish qahramonlari, podshohlarni yengan jasur va botir sarkardalar sha'niga bag'ishlab o'tkazilgan.

Olimpiya o'yinining ilk bosqlanishi eradan avvalgi 776-yilga to'g'ri keladi. Bu davrda faqat erkin holda tug'ilgan

greklargina Olimpiya o'yinlarida qatnashgan. Qullar, ayollar va chet elliklar o'yinlarda qatnashish huquqiga ega bo'l-magan. O'yinlar har to'tt yilda bir marotaba tashkil etilgan. Dastlabki o'yinlarda faqat yugurishlar asosiy dastur hisoblangan. Keyingi o'yinlarning dasturlariga besh kurash (pentathlon): yugurish, uzunlikka sakrash, nayza va lappak uloqtirish, kurash kiritilgan. Shuningdek, mushtlashish, pankration (mushtlashish va kurash), otta yurish, aravalarda poyga kabi turlari bo'yicha ham musobaqalar tashkil etilgan. 37-Olimpiya o'yinlaridan boshlab (eradan avvalgi 632 y.) o'yinlarda bolalar ham ishtirok etishgan. O'yinlar avvallari bir kun davomida, keiynchalik besh kunda o'tkazib borilgan. O'yinlar tantanali ravishda qiziqarli tarzda ochilgan.

Qadimgi greklarning Olimpiya o'yinlari uzlucksiz 1160 yil davom etgan. Ellada aholisi o'zining Olimpiya o'yinlarida 290 marta yig'ilgan. Eng oxirgi o'yin Yangi eraning 393 y.ga to'g'ri keladi. Bir yildan keyin esa Rim Imperatori Feodosey-I xristianlikning keng yoyilishi tufayli Olimpiya o'yinlarini o'tkazishni taqiqlab qo'ysi. 32 yil o'tgach esa Feodosey-II barcha turga kiruvchi yodgorliklar, Olimpiyadagi muqaddas joylarni buzishga farmon berdi va ularni yakson qildi. Qolg'anlari esa katta suv toshqinlari (sel) va yer qimirlashlari natijasida vayron bo'ldi. Natijada, marosimlar va Olimpiya o'yinlar nomi butunlay unitildi.

Qadimgi Yunonistonda Olimpiya bayramlari (o'yinlari) kabi turli xil boshqa bayramlar ham o'tkazish odat bo'lgan. Ulardan diqqatga sazovor bo'lgnlari – Pif o'yinlari – Apolonga bag'ishlanib, Delfi shahrining atroflarida o'tkazilgan. Bunda musiqa, raqlar bilan birgalikda gimnastika o'yinlari ham o'tkazilgan. G'oliblar lavr shohlaridan yasalgan chambar bilan taqdirlangan. Shuningdek, Nemey, Panafma o'yinlari ham muntazam ravishda o'tkazilgan. Bularda ham musiqa gimnastika va boshqa o'yinlar dasturning asosiy mazmunini tashkil etgan.

Eradan avvalgi IV asrdan boshlab yunonistondagi quzdorlik tuzumi barham topa boshladi. Bu, o'z navbatida, umum-madaniyat va xususan jismoniy madaniyatning o'sishiga sal-

biy ta'sir ko'rsata boshladi. Avval Makedoniya, keyinchalik esa rimliklarning hukmronligi ostida Yunoniston mustamlakachilik zulmini boshidan kechirdi. O'tkazilayotgan o'yinlarda yunonlarga mansub bo'lman fuqarolar, professional sportchilar (mushtlashish, kurash, besh kurash va h.k.) qatnashishi odatga aylanadi. Lekin xristian dinining kengayishi va rivojlanishi boshqa xudolar sha'niga bag'ishlab o'tkazib kelinayotgan bayramlarga barham berdi. Shular qatorida Olimpiya bayramlarini o'tkazish ham to'xtab qoldi.

#### **1.4. Qadimgi Rimda jismoniy tarbiya**

Rim davlatining vujudga kelishi eradan avvalgi 754-yilga to'g'ri keladi. O'zining dastlabki 3 asri (eradan avvalgi VIII—VI), shohlar davri mobaynida Rim jamiyati urug'chilik tuzumi va patriarchal quldarlik munosabatlarning rivojlanish bosqichini o'tagan.

Rim podsholari davrida turli xil marosimilar: suvoriyalar, labirintlar (chalkash yo'llar)da musobaqa o'tkazishgan, ular «troyan o'yinlari» deb tarixda tilga olinadi. Bu o'yinlar asosan rimlik patrisiyalar zodagonlar uchun ahamiyatli bo'lgan. Qo'sh g'ildirakli aravada poyga, turli xil harbiy raqlar, nayza uloq-tirish, kurash va boshqa mashqlar ham keng tarqalgan. Bu quldarlik jamiyati tuzumining harbiy-jismoniy faoliyatida muhim o'rinni egallagan. Shu sababdan ham, jismoniy tarbiya tizimi quldarlar harbiy qudratini mustahkamlash vazifasini o'tagan.

Rim respublika sifatida mayjud bo'lib, harbiy-siyosiy tizim tarkib topgan. Shu tufayli hokimiyat harbiy xizmat faoliyatidagi kishilar qo'lida bo'lgan. Har bir fuqaro harbiy xizmatni o'tashi — majburiy ravishda o'zini harbiylik faoliyatiga tayyorlashi zarur edi. Shuning uchun maxsus tarbiya muassasalari tashkil etilgan. Bu yerdagi tarbiya tizimining qadimgi Yunonistondagidan farqi shuki, u uyda beriladigan tarbiya xususiyatlariga mos kelgan. Rimlik yigitlar harbiy xizmatga birmuncha ilgari - oilada, o'z tengdoshlari orasida tayyorlangan. Jismoniy mashqlar va o'yinlar bunda asosiy

vosita sifatida xizmat qilgan. Yigitlar 16–17 yil harbiy xizmatda bo‘lishgan. Bu davrda uzoq yurishlar va harbiy-jismoniy tayyorgarlik ishlarini bajarganlar.

Bu tartib eradan avvalgi II asrgacha davom etib, Mariya islohoti bilan professional harbiylikka asoslangan davrgacha saqlanib qolgan.

Jismoniy mashqlar, o‘yinlar, turli musobaqalar qadimgi rimliklarning hayotiga singib ketgan. To‘p bilan o‘ynaladigan har xil o‘yinlar ommalashgan. Ular patrisiy (aslzodalar) orasida, shuningdek, plebeylar orasida keng tarqalgan edi.

Eramizdan avvalgi VI va III asrlarda sirk tomoshalari rivojlanib, maxsus inshootlar paydo bo‘lgan. Aslzodalar uchun eng qulay va ommaviy sirk o‘yinlari asosiy jismoniy tarbiya vositasi va tizimini tashkil etgan. Chunki sirkda turli xil attraksionlar, kulgili hajviy va murakkab jismoniy mashqlar namoyish etilgan.

Eradan avvalgi VI asrdan boshlab har 10 yilda bir marotaba o‘tkaziladigan yirik musobaqalar an‘anaga aylangan. Uning das-turidagi qo‘sht g‘ildirakli aravada poyga eng qiziqarli o‘yin bo‘lgan. Bunda kurash, yugurish, mushtlashish kabi turlar ham o‘rin egallagan.

Qadimgi Yunoniston va Rimning o‘zaro aloqalari tufayli Rimga jismoniy tarbiya vositalari ham kirib kelgan. Eramizdan avvalgi II asrda ba’zi rimlik faollar yunonlarning jismoniy tarbiya tizimidagi turlar va usullarni o‘zlariga tatbiq etishga harakat qildilar. Eramizdan oldingi 80-yillarda Yunoniston Rim tomonidan bosib olingach, elchi Sulla Union Olimpiya o‘yinlarini Rimga ko‘chirishga urindi. Uning buyrug‘iga binoan 175-Olimpiya o‘yinlari Rimda o‘tkazilishi kerak edi. Lekin bu holat rimliklar tomonidan ma’qul-namadi. Shu sababdan, eradan oldingi 76-yildagi o‘yinlar eski joyi – Olimpiyada tashkil etilgan.

Rimda eski o‘yinlarning qismlari turli bayramlarda takrorlangan. Shu bilan birga yangi o‘yinlar vujudga kelib, ular keng tomoshabinlarni o‘ziga jalb etgan.

Eradan avvalgi II asrda vujudga kelgan yangi o‘yinlardan diqqatga sazovori gladiatorlar jangi bo‘lib, keyinchalik u Rim tomoshalarining asosiy qismiga aylandi. Bunda avvallari sirk o‘yinlarida qilichbozlik san’atini yaxshi egallagan qullardan foydalanganlar. Eramizdan avvalgi I asrda Rimda gladiatorlar tayyorlovchi maxsus mакtablar tashkil etilgan. Ular davlatga yoki shaxsiy kishilarga mansub bo‘lgan. Maktablarga gunohkor bo‘lgan va hukm qilingan qullar tanlab olingan. Eng katta maktab Kanuyeda bo‘lib, o‘z vaqtida bu yerda Spartak ham ta’lim olgan. Ularga asosan qilichbozlik san’ati o‘rgatilgan va sirklarda namoyish etilgan. Qilichbozlik jangida (sirk o‘yini) omon qolgan gladiatorlar yana o‘z maktablari va instruktorlariga qaytarilgan.

Eradan avvalgi I asr oxiri va yangi eraning boshida Rimda imperatorlik vujudga keldi. Bunda harbiy quldarlik hukmronligi o‘rnatildi. Zodagonlar yengil kiyimda iliq suvlarda cho‘milish, uqalash (massaj) qabul qilish, yengil gimnastika bilan mashg‘ul bo‘lganlar. Yoshlar aravalarda yurish, qilichbozlik bilan shug‘ullanib, «Yuventlar» (yoshlar) tashkilotini tuzishadi.

Yirik tomosha o‘yinlarini sirklar, amfiteatrлarda tashkil qiliuvchilar gladiatorlarning yirtqich hayvonlar: yo‘lbars, qoplon va h.k. bilan olishuvini uyuşhtirganlar.

IV asrda Rimda xristian dini davlat tomonidan quvvatlandi. Cherkov ta’siri asta-sekin davlat va jamoa hayotining barcha sohalarini qamrab oldi. Shu sababli Rim an’analari inqirozga uchray boshladi. Cherkov tizimi gladiatorlarning qonli janglari, sirk tomoshalariga qarshi chiqdi. Bunday tomoshalar 404-yilda butunlay taqiqlandi. Lekin xalq tomoshalarni o‘tkazilishini talab qildi. Shunga asosan sirklarda aravada yurish, o‘yinlar, professional kurash hamda mushtlashish (boks) bo‘yicha tomoshalar o‘tkazildi. Ularda tomoshabinlar ham ishtirok etishi odatga aylandi.

Eramizdan avvalgi 74–71-yillarda qullar ahvolining nihoyatda yomonlashuvi Spartak rahbarligidagi qo‘zg‘olonga sabab bo‘lgandi. Spartak kuchli, jasur odam bo‘lib, u qurollarni ustalik bilan ishlatardi. Shuning uchun ham XX asr-

ning 20-yillaridan boshlab uning xotirasi uchun o'tkaziladigan jahon ishchi va mehnatkashlarining musobaqalari spartakiada deb ataladi, shuningdek, «Spartak» sport tashkiloti ham dunyoga mashhur.

Qadimgi Rimda jismoniy mashqlarning jismoniy rivojlanish va jamiyat uchun afzalliliklari haqida ko'p fikrlar bildirilgan. Shoir Yuvenal she'rlarida ilk bor «Sog' tanda sog' aql» shiori jarangladi va u jahon xalqlarining shioriga aylandi.

Qullarni shafqatsiz ezish, ularning tinimsiz qo'zg'ololari, harbiy tashkilotlarning susayishi qadimgi davlatlarning yemirilishiga, shu asosda jismoniy tarbiyaning kuchsizlanishiga sabab bo'ldi.

Xulosa qilib aytganda, ibtidoiy jamoa tuzumida vujudga kelgan jismoniy tarbiya urug'chilik va qabilachilikning takomillashuviga yordam berdi. Ov bilan bog'liq va turli xil boshqa mafrosimlar o'yinlarni tashkil etishga asos soldi. Bunday jarayonlar Sharq, Yevropa mamlakatlarida o'z ifodasini topib, qadimgi Yunoniston, Rim va boshqa davlatlarning paydo bo'lishida o'ziga xos xizmat vazifasini o'tagan.

Quldarlik tuzumi Yunoniston, Rim va boshqa davatlarda rivoj topib, davlatchilik tizimi yuzaga kelgan. Zodagonlar, oddiy xalq o'zlariga xos o'yinlar, bayramlar uyuşhtirgan.

Tarixda Olimpiya bayramlarini tashkil qilish, unda chaq-qonlik, tezlik, kuchlilik va chidamlilik sifatlarini sinash amalga oshirildi. Qullarni gladiatorlikka tayyorlash ishlari kuchaydi va maxsus maktablar tashkil etildi. Xristian dinining paydo bo'lishi Yunoniston, Rim hamda boshqa davatlarda Olimpiya bayramlari, sirk tomoshalarida «jang-o'yin»ni taqipladi.

### **O'z-o'zini nazorat qilish va bilimlarni tekshirish uchun savollar**

1. Jismoniy mashqlar va o'yinlar qanday paydo bo'lgan?
2. Ibtidoiy jamoa tuzumi davrida jismoniy tarbiya jamiyat hayotining qaysi sohalarda ko'proq aks etgan?

3. Onalik hukmronligi davrida jismoniy tarbiya qanday amalga oshirilgan?
4. Jismoniy tarbiya va o‘yinlarning rivojlanishiga sabab nima?
5. Ibtidoiy jamoa tuzumidan quldorchilik jamiyatiga o‘tishda jismoniy tarbiya va o‘yinlarning qanday xususiyatlari bo‘lgan?
6. Qadimgi Sharq mamlakatlarida jismoniy madaniyat qanday rivojlangan?
7. Qadimgi Yunon gimnastika tizimi haqida nimalarni bilasiz?
8. Sparta va Afina jismoniy tarbiya tizimidagi farqlar nimalardan iborat edi?
9. Olimpiya bayramlari va boshqa o‘yinlar qayerda va qachon o‘tkazilgan?
10. Qadimgi Rim jismoniy madaniyatining xususiyatlari nimalardan iborat edi?
11. Jismoniy madaniyat qadimgi shoirlar, haykaltaroshlar, shifokorlar, notiqlar, faylasuflar tomonidan qanday talqin qilingan?
12. Qadimgi Yunoniston va Rimda jismoniy madaniyat rivojlanishining susayishi va tanázzulga uchrashiga sabab nima?
13. Qadimgi ajdodlarning ijtimoiy turmush sharoiti va unda qo‘llanilgan jismoniy madaniyat haqidagi ma’lumotlarni tahlil qiling.

## **II bob. O'RTA ASRLARDA JISMONIY TARBIYA VA SPORT**

### **2.1. Yevropa mamlakatlarida jismoniy tarbiya va sport**

O'rta asr davri eramizning V–VII asrlariga to'g'ri keladi. Bu vaqtدا feodal tuzumi G'arbiy va Sharqiy Yevropa, Osiyo hamda Shimoliy Afrikada vujudga kelib, u rivojlanib boradi. Markaziy Amerika, Avstraliya qit'alari, Osiyoning shimoliy viloyatlarda esa bu davrda ibtidoiy jamoa tuzumi yoki ilk quzdorchilik tuzumi hukm surgan. Demak, jahondagi xalqlar turli-tuman ijtimoiy sharoitlarda yashab, o'z madaniyatlarini bir-birlari hisobiga to'ldirganlar hamda boyitganlar.

**Yevropa.** Feodal tuzumi davrida asosan ritsarlar va diniy arboblar hukmronlik qilganlar. Ular, asosan, krepostnoy dehqonlar va hunarmand aholini ezish va ishlatish asosiga yashaganlar.

O'rta asrlar davomida madaniyatning tarkibiy qismi sifatida jismoniy tarbiya va sport ham rivojlangan. Bir necha yuz yillar davomida katolik dini aqliy va jismoniy tarbiyaga salbiy ta'sir o'tkazib keldi. Xristian dini ta'lif va tarbiya sohasida o'zining hukmronligini ustun qo'ydi. Bunda faqat ruhiyat va oxirat haqida ta'lifot olg'a surildi. Dinning ta'siri natijasida maktablar va universitetlarda jismoniy tarbiyaga e'tibor berilmadi. Cherkov feodal tuzumiga yordam berish maqsadida ritsarlik katolisizmini keng tarqatdi. Salb (xoch) yurishlari-dagi ritsarlik faoliyatlarida jismoniy tayyorlarlikka ehtiyoj sezilib, shu sababdan, ularni tayyorlashga e'tibor kuchaytirildi hamda ritsarlik jismoniy tarbiya tizimi tashkil etildi. Bunda, asosan, harbiy ishning amaliy xususiyatiga tayanildi.

Ritsarlarni tarbiyalashda otda yurish, qilichbozlik, ov suzish, kamondan o'q otish, shaxmat o'yini, she'r aytish kabilardan foydalaniladi. 7–14 yoshdagি bo'lajak ritsarlar

obro'li feodal ayollar tarbiyasini olgan. Bolalar orasidan tanlab olingen 14 yoshga to'lganlar qurollarni ishlatish bo'yicha tayyorlanardi. 21 yoshda esa ular bevosita ritsarlikka jalb qilingan. Ular har qanday xizmatni bajarishga tayyor bo'lishi uchun kuch va chidamlilikka erishish yo'lida jismoniy mashqlar bilan shug'ullanganlar. Bunda o'yinlar va sport muhim o'rinn tutgan. O'yinlar, harakatlar harbiy xususiyatga ega bo'lgan sport o'yinlari ichida fransuzcha «Je de pom» (tennisga o'xshash), inglizcha «so'l» (futbolga o'xshash), gollandcha «Gold» o'yinlari ko'proq qo'llanilgan. Harbiy tayyorgarlik mashqlarida shahar devorlariga hujum, qasr va qo'rg'onlarni o'rab olib, qamal qilish udumga kirgan. Buning uchun sun'iy joylar tayyorlangan. Sport turlari orasida qilichbozlik, otda yurish, kurash, nayza uloqtirish, bosqon irg'itish, uzunlikka sakrash, kamondan o'q otish, suzish kabi mashg'ulotlarga keng o'rinn berilgan.

Nayzabozlikni o'rgatishda shu sohadagi mutaxassis o'qituvchilar feyxmestrlarni taklif etishgan. Boshqa turlarda ham bu usullar qo'llanilgan. Ritsarlarning ko'ngil ochish mashqlari asosan ov qilish, ya'ni burgut (lochin) yoki it bilan o'ljani tutish otda va piyoda yurib hayvon ovlashdan iborat edi.

Ritsarlaring harbiy-jismoniy tayyorgarligini sinovdan o'tkazish uchun ritsarlar turnirini o'tkazishgan. Bu haqda VI asrda Fransiyada amalga oshirilgan faoliyatlar, tadbirlar guvohlik beradi. Turnirlar ommaviy tusda va yakkama-yakka bellashuvlar ko'rinishida o'tkazilgan. Turnirlami tashkil qilish, asosan, oilada o'g'il tug'ilishi, jangdagi g'alaba, ritsarning uylanishi, yirik feodalning tug'ilgan kuni va boshqa sabablar bilan bog'liq bo'lgan.

Yakka bellashuvda ritsarlar «qirolga hayot, ayolga qalb baxsh etish va o'ziga shon-shuhrat keltirish» uchun qasamyod qilishgan. Turnirlarning o'tkazilishi ko'proq XIII asrga to'g'ri keladi, ya'ni bu krest (xoch) yurishi bilan bevosita bog'liqdir. Bunday yirik turnirlar Germaniya, Angliya, Fransiya, Ispaniyada ko'proq tashkil etilgan. So'nggi turniriar XV asr oxirlarida Germaniyada, XVI asr boshlarida Fransiyada

o'tkazilgan. Bu davrda feodal munosabatlar keskin o'zgardi va ritsarlik tizimi susayib bordi, ya'ni yangi burjuaziya munosabatlari yuzaga keldi. Bu, o'z navbatida, porox va o'q otar qurollarning kashf etilishi tufayli jismoniy tarbiyaga ehtiyoj susayishini keltirib chiqardi.

Dehqonlarning yer mulki va o'z shaxsiy mulkiga ega bo'lishi yollanma ishchilarining ko'payishini ta'minladi. Feodallar va din peshvolari jismoniy mashqlar va xalq o'yinlariga qarshi edi. Buning negizida, asosan, dehqonlar va shahar hunarmandlarini qo'zg'alon ko'tarish, eng avvalo, jismoniy va harbiy kuchga ega bo'lish imkoniyatidan mahrum etish maqsadi yotar edi. Shunga qaramasdan, xalq qadimgi o'yinlar va jismoniy mashqlar bilan shug'ullanish, an'anaviy bayram hamda marosimlarda ularni qo'llashni ma'lum darajada davom ettirgan. XIV asrda Shveysariyada 16–18 yoshdagি o'smirlar o'rtaasida yugurish, sakrash, kurash, nayza uloqtirish, tayoqlarda qilichbozlik kabi sport turlari bo'yicha musobaqalar o'tkazilgan.

Chex dehqon va hunarmandlari XV asrda Rim katolik dini va feodallariga qarshi g'alayon va qo'zg'alonlarida jismoniy mashqlardan harbiy maqsadda samarali foydalanganlar.

O'rta asrda shaharlarning ko'payishi (XI–XIV asrlar) xalq jismoniy madaniyati yangi shakllarining rivojlanishiga olib keldi. Shahar hunarmandlari, mehnatkashlari shahami himoya qilish maqsadida qilichbozlik va o'q otish bo'yicha «Birodarlik» jamiyatini tuzganlar. Bunday faoliyatlar Fransiya, Italiya, Germaniya, Belgiya, Shveysariya kabi davlatlarda namunali bo'lgan. Shu asosda turli xil o'yinlar va ko'n-gilochar tadbirlar ham tashkil qilingan. Angliyaning maydonlari va keng ko'chalarida sul (futbolga o'xshash o'yin) ommaviy ravishda o'tkazilib, tomoshabinlarni jalb etgan. Shahardagi ommaviy sayllarda akrobatika, kurash, mushtlashish kabi o'yin-mashqlar namoyish etilgan.

Dehqonlar orasida kurash, tosh otish (uloqtirish), yugurish, tayoqlar bilan qilichbozlik, konkida uchish, otda poyga, lapta, to'p bilan o'yin, chinu xokkey, chang'ida yurish kabi turlar keng tarqalgan.

O'rtalashtirishda (XV–XVI a.a.) shahar burjulari kichik doirada o'q otish va qilichbozlik bo'yicha tuzgan «Birodarlik» («Bratstvo») jamiyatlari mustahkamlana bordi. Shahardagi boylar jismoniy mashqlar va o'yinlar o'tkazish uchun maxsus joylar, moslamalar qura boshladi. Bunda asosan tennis, golf, kriketga katta e'tibor berildi.

## 2.2. Osiyo, Afrika va Amerika qit'alarida jismoniy tarbiya va sport

Osiyo, Amerika va Shinioliy Afrika mamalakatlarda qadimgi an'analarining uzoq saqlanishi bu hududlarda feodal tuzumi va jismoniy madaniyatning sekin rivojlanishiga olib keldi. Shunday bo'lsa-da, eski an'analar zamirida yangi an'analar paydo bo'la boshladi.

**Osiyo mamlakatlari.** O'rtalashtirishda qadimgi jismoniy madaniyat tajribalari Hindistonda keng tarqaldi. Bunda kurasch, kamondan o'q otish, yugurish, ot o'yinlaridan foydalanildi. Milliy raqslar bilan birgalikda xatxa-yog (hind gimnastikasi), ya'ni gavdaning harakat me'yordari, marosim (ritual) o'yinlari va boshqalar ommalasha boshladi.

**Xitoy.** Dehqonlarning «sariq belbog'lar» deb atalgan mashg'ulotlari III–V asrlarda davom etib kelgan. Bunda qurolsiz jang usullari avjiga chiqqan. Chunki hukmdorlar aholidayan qurollarni yig'ib olgan va ularni ishlatishni taqilagan edi. VI asrda Xitoy gimnastikasi (ushu) tez rivoj topdi. Bunda qo'l va oyoqlami ishlatib jang qilish, kaft va uning qirralari bilan urish amalga oshirilgan. Min sulolasiga hukmronligi davrida ushu keng rivojlangan edi. Unda 20 xildan ortiq qurollar va tayoqlar qo'llanilgan. Lekin o'q otish qurollarining paydo bo'lishi bu turlar taraqqiyotini ancha pasaytirdi. Shunga qaramasdan, ushu mashqlaridan davolash maqsadida foydalanish davom etgan. Xitoyda, shuningdek, ot ustida chavgon yugurish va hindlarga xos xatxa-yog bo'yicha musobaqalar o'tkazilib turilgan.

**Yaponiya.** O'rtalashtirishda Yaponiyada jismoniy madaniyatning rivojlanishi Samuraylar institutining tashkil etilishi

bilan bevosita bog‘liqdir. Samuraylar mayda dvoryanlarning harbiy-feodal tabaqasi bo‘lib, ularning jismoniy tarbiya tizimi (busido) xilma-xil kurash turlari: sumo, jiu-jiyts va karate, bitta yoki ikkita qilich – kendo bilan jang qilish san’ati, nayza ishlata bilish (noginata), piyoda va otda yugurishda kamondan o‘q otish, marosim bellashuvlar, turli xil to‘p o‘yinlari kabi mashqlarni o‘ziga mujassamlashtirgan.

**Markaziy Amerika xalqlari.** Yevropaliklar mustamlaka qilib olgan davrlargacha bu mintaqada inklar, mayya va aseteklar davlatlari mavjud bo‘lgan. XII asrlarda bu mam-lakatlarda ma’lum darajada jismoniy tarbiya tizimi mavjud bo‘lgan. Bunda davlat miqyosida va oila sharoitida tarbiya berish amalga oshirilgan. Tashkil qilingan maktablarda o‘yinlar va boshqa jismoniy mashqlar bilan shug‘ullanishgan. Kamondan o‘q otish, tayoqlami (nayza) uloqtirish, qilich va qalqon bilan ishslash karatega o‘xhash kurash kabi harbiy-jismoniy tayyorgarlik amalga oshirilgan. Inklar va aseteklarda uzoq masofalarga yugurish hayotiy ehtiyoj bo‘lib hisoblangan. Ko‘pchilik o‘yinlar va mashqlar bu xalqlarning diniy ma-rosimlari, urf-odatlari bilan bog‘liq bo‘lgan. Shuningdek, qabilalararo o‘yinlar, diniy bayramlar, tantanalar, atletik musobaqalar tashkil etilgan. Butun jismoniy tarbiya tizimi aborigen xalqlarning mehnat, harbiy va hayotiy turmushida katta o‘rin tutgan. Yevropaliklarning bosqinchilik, talon-taroj qiliш, o‘ldirish, majburlash kabi harakatlari Amerika xalqlarining jismoniy madaniyat tizimi rivojlanishiga salbiy ta’sir etgan.

**Afrika mintaqasidagi xalqlar.** O‘rta asrlarda Afrika xalqlari orasida mehnat, harbiy ishlar va ijtimoiy turmush orqali jismoniy madaniyat shakkilari belgilangan. Jismoniy tarbiya oilada, ovchilar tomonidan qabilada va «xudo»lar uyi-da berilgan. Ko‘pincha musobaqalashish shaklida amalga oshirilgan. Bunda kamondan o‘q otish va tayoqlarni mo‘ljalga tekkizish (viyel), ustunga kim o‘zarga tirmashib chiqish kabilalar qo‘llanilgan. Raqlar bilan birgalikda harbiy mashqlar qo‘sib o‘rgatilgan. Yoshlarni harbiy jihatdan tayyorlash maqsadida oilada yoki «xudo»larning uylarida qabila, urug‘

boshliqlari rahbarligida turli xil an'anaviy marosimlar tashkil etilgan. Bunda kurash, nayza va lappak uloqtirishdan keng foydalaniłgan. O'g'il va qizlardan iborat yoshlarni tarbiyalash tizimida tamtam sadolari ostidagi an'anaviy (ritual) raqslar, turli harakatli o'yinlar, akrobatik mashqlar asosiy vosita sifatida xizmat qilgan. An'anaviy marosimlar kurashsiz, chidamlilik, epchillik, jasurlikni tarbiyalovchi sport turlarisiz tashkil etilmagan. Bu, o'z navbatida, xalqlarning jipsligi, inoqligi, ahilligini ta'minlashga xizmat qilgan. Bosqinchilik va mustamlakachilik tazyiqi Afrikada milliy jismoniy madaniyatining ancha susayishiga sabab bo'lgan.

### **2.3. Uyg'onish davrida jismoniy tarbiya tizimi va pedagogik g'oyalarning paydo bo'lishi**

Feodalizm negizida ishlab chiqarish, savdoning o'sishi, shaharlarning kengayishi, kapitalistik munosabatlarning rivojlanishiga olib keldi. Geografik jihatdan kengayish natijasida markaziy davlatlar vujudga kela boshladi. Ishlab chiqarishning rivojlanishi tabiiy va pedagogik fanlarning taraqqiy etishini ta'minladi. Fan va texnika ishlab chiqarishni kengaytirishga yordam berdi. Leonardo da Vinchi (1452–1519) qushlarni kuzatib, uchuvchi apparatning tuzilishi to'g'risida o'z mulohazalarini bildirdi.

G'arbiy Yevropa va Rossiyada kitob nashr qilish ishi vujudga keldi. Kemasozlik taraqqiy etdi. Ispanlar, gollandlar va inglizlar Janubiy yarim sharda ko'pgina geografik kashfiyotlar qilishdi. Ruslar Shimoliy muz okeaniga tadqiqot (ekspeditsiya) uyuştirdi. O'q otar qurollarning turlari ko'paydi.

Tabiatshunoslik sohasida inson faoliyatini o'rganishga doir kashfiyotlar qilindi. Leonardo da Vinchi odam gavdasining mutanosibligi va uning harakat mexanikasini o'rgandi. Shveysariyalik Paratselye (1493–1541) shogirdlarini bemor yotgan joylarida o'qitdi, xirurgiya va terapiyaning uzviy bog'liqligini ta'kidladi. Ispan shifokori qon almashishi haqida ba'zi bir ma'lumotlarni bayon etdi. Ingliz olimi Garvey (1578–1657) «Yurak va qon harakati haqida» nomli

kitob yozdi. D.Bekon (1561–1626) faqat kuzatish va tajriba (induksiya, analiz, taqqoslash, tajriba-sinov) chinakam ilmiy usullar, deb isbot qildi.

Burjuaziya mafkurachilari ilohiy qarashlarga qaramaqarshi ravishda inson shaxsini ulug'ladi. Quruq pedagogikaga qarshi, kishining faqat aqlinigina emas, balki tanasini ham tarbiyalashga qaratilgan yangi pedagogika ilgari surildi.

Vittorino da Feltre (1378–1466) Italiyada pedagogika sohasidagi dastlabki gumanistlardan biri bo'lgan. Hukmdorlar va saroy ahli bolalarini tarbiyalash uchun maktab yaratgan. Bunda aqliy va jismoniy tarbiyaga alohida e'tibor berilib, yalqovlarni ayovsiz jazolaganlar. Vittorino bolalarni sof havoda o'ynatish, suvda suzish va turli jismoniy mashqlarni bajarishga odatlantirdi.

Mashhur italyan gumanist shifokori Iyeronim Merkuralis (1530–1606) gimnastikaga doir 6 ta kitob yozdi. Dastlabki uch kitobini jismoniy mashqlar tarixini yoritishga va keyingi uch kitobini esa jismoniy mashqlarning davolovchi xususiyatlarga bag'ishladi. U ko'p kuch sarf qiluvchi mashqlarni to'la ma'qullamadi va asosan davolovchi jismoniy mashqlarni qo'llab-quvvatladи.

Fransuz gumanitar yozuvchisi Fransua Rable (1483–1553) o'z asarlarini lotin tilida emas, o'z ona tilida yaratgan. Uning «Gargantuya va Pantagryuel» romani xalq orasida sevib o'qilgan. Unda dunyoni ilmiy anglash g'oyasi olg'a surilgan. Uning ta'kidlashicha, o'g'il bolalarning ilohiy kitoblarni o'qishi bema'nilik, undan ko'ra umuman o'qimagani ma'qul, o'quvchilarni, albatta, fikrlash va erkin harakat qilishga o'rgatish lozim.

Rable tarbiyada aniq tartib, ya'ni tozalik, ovqatlanish tartibi va jismoniy mashqlar bo'lishi shartligini ta'kidlagan.

Fransuz Mishel Monten (1533–1592) bolani o'qitish va tarbiyalashda uning qiziqishlari va qobiliyatlarini hisobga olish zarurligini uqtiradi. Tanani tarbiyalash haqida «jonne, tanani emas, balki odamni tarbiyalaydilar», - degan, ya'ni ikkalasini (tan va ruhni) qo'shib tarbiyalash kerakligi xususida qat'iy hukm qilgan. Uning g'oyasi shundayki, bolani shilqim

va chiroylı bo'lishga emas, balki umuman baquvvat va kuchli yigit bo'lishga o'rgatish kerak.

Chexiya gumanisti Yan Amos Komenskiy (1592-1670) ko'zga ko'ringan pedagog bo'lgan. Uning fikricha, tabiat har bir kishiga ma'naviy kamolot imkoniyatlarini bergen, shu sababdan umumiy ta'lif hamma uchun zaruriydir. Demak, barcha joylarda maktab tashkil qilish va ularda barcha bolarlar, jumladan, kambag'allarning farzandlari ham o'qitilish kerak, degan g'oyani oldinga suradi Komenskiy.

O'ita asrlarda o'q otish qurollarining kashf etilishi ritsarlik tarbiya tizimi barham topishining muhim sabablaridan biridir. Endilikda shahar va qishloq aholisi o'rtasida jismoniy mashqlar turli xil o'yinlar bilan ommaviy shug'ullanish vaziyati yuzaga kela boshladi. Shahar va qishloqlarda o'zlariga xos bo'lgan an'analar, bayramlarda katta ziyofatlar uyu-shtirib, kurash, mushtlashish va boshqa mashq-o'yinlar namoyish-ko'rgazmasini tashkil etish keng rivojlandi.

Shu bilan birgalikda shahardagi sinfray xususiyatga ega bo'lgan guruhlar, oqimlar o'rtasida keskin kurashlar, noroziliklar kuchaydi.

Yangi paydo bo'layotgan kapitalistik tuzumga qarshi ilk sotsial utopistlar vujudga kela boshladi. Ular orasida ingliz Tomas Morning (1478-1535) alohida o'mi bor. U eski feodal va yangi kapitalistik tuzumlarni butunlay rad etdi. Uning yaxshi davlat tuzilishi va yangi orol haqidagi qiziqarli «Utopiya» («orzu» ma'nosida) kitobi e'tiborga loyiqdир. Bu asarda qat'iy kun tartibi (rejim) belgilanib, unga ko'ra ertalab ishslash uchun - 2 soat, tushlik va dam olishga - 2 soat, tushdan so'ng ishslash uchun - 3 soat, kechki ovqat va ko'ngilochar o'yinlarga - 3 soat, uxlash uchun esa - 8 soat belgilangan. Bolalar tarbiyachilar rahbarligida aqliy ta'lif, mehnat ta'limi, axloqiy va jismoniy tarbiya kurslarini o'tishlari shart bo'lgan.

Mor utopistlarning harbiy-jismoniy mashqlariga katta e'tibor berib, qurollar bilan suvda suzish, o'q otish, bolta va boshqa moslamalarni jangda ishlata bilish, oilani himoya qilish.

lish hamda qo'shnilarini dushman hujumlaridan saqlash uchun zarurligini uqtiradi.

Italiyalik Tommazo Kampanella (1568–1639) jamiyatda boylar va kambag'allarning bo'lmasligi haqida qayg'uradi. U «Quyosh shahri» nomli kitobini sayohatchi tilidan yozib, ajoyib fikrlarni bildiradi. Ya'ni Quyosh shahrida boy ham, kambag'al ham bo'lmaydi. «Jamo – barcha kishilarni ayni bir vaqtida boy va shu bilan birga, kambag'al qiladi, hamma narsasi bo'lgani uchun boy bo'ladi, hech qanday mulki bo'lмаганлиги учун камбаг'ал бо'ladi, ular буюumlarga emas, balki буюумлар уларга xizmat qiladi», – deydi u. «Quyosh shahri»da onalar bolalarini 2 yoshgacha emizib, keyin ularni maxsus tarbiyachiga beradilar. Bunda bolalar sayr, yugurish, turli o'yinlar bilan mashg'ul bo'lishadi. Yetti yoshli bolalar guruhlarga ajratilib, birlari ma'ruza tinglasa, boshqalari jismoniy tarbiya bilan shug'ullanadilar.

Qizlarning 19 va yigitlarning 21 yoshgacha turmush qureshi man etilgan. Ammo 27 yoshdan keiyin turmush qurma-ganlar qoralangan. Fohishalik qilganlar avvalo qattiq jazolangan (bo'yniga boshboldoq osilgan), qayta takrorlansa, o'limga mahkum qilingan.

Kampanella «Quyosh shahri» aholisining (solariylar) haq-huquqi, bilimi, mehnati, dam olish va ijtimoiy turmush sharoitlarida tengsizlik bo'lmasligiga erishganligi assosida, kelajak avlodning shu tarzda hayot kechirishlarini orzu qilganligi bilan jahon xalqlari e'tiboriga sazovordir.

Ta'kidlash lozimki, XVI asrda Yevropada kapitalistik tuzumning rivojlanishi davrida jismoniy tarbiya va sport pedagogika nazariyasidan ancha orqada edi. Bu davrda cherkovlarda islohotlar boshlandi. Xristianlikda yangi protestantlik yo'nalishi paydo bo'ldi. Cherkovdagilarning jismoniy tarbiyaga munosabati o'zgardi. Ya'ni yoshlarni jismonan sog'lom qilib tarbiyalash va ularning turli xil bemazagarchiliklardan yiroq bo'lishiga erishishda jismoniy tarbiya, mashqlar va o'yinlardan foydalanishning ijobiy tomonlari tan olindi. Shaxsga sig'inishni tarbiyalovchilar (katolik, protestant cherkovi va h.k.) yoshlarga o'z ta'sirini o'tkazish yo'lida jismoniy tarbiya va sportdan keng foydalanishga o'tadi.

## **2.4. Olimpiya an'analarini qayta tiklash harakati**

Insoniyatning iroda, aql va jismoniy harakatini tarbiyalashga xizmat etuvchi qadimgi Olimpiya bayramlarini qayta tiklash g'oyalari uyg'onish davriga kelib paydo bo'la boshladi. Uning ilk tashabbuskorlaridan biri italiyalik davlat arbobi Matteo Polimiyeri (1406–1476) hisoblanadi. U o'zining «Fuqarolik hayoti haqida» nomli kitobida antik Olimpiya o'yinlarining yoshlarni jismoniy tarbiyalashdagi mohiyatini ochib beradi. Shuningdek, «Hayot shahri» (Gorod jizni) kitobida yoshlarni vatanparvarlik ruhida tarbiyalash, jamiyatga xizmat qilish ehtiyojini singdirish inson hayotining ma'naviy me'yorlarini tarkib toptirishning asosi ekanligini e'tirof etgan.

Qadimgi Olimpiya o'yinlaridan ibrat olishni Yan Amos Komenskiy, Jan Jak Russo, Fridrix Shiller, Mixail Lomonosov, Iyeronim Merkuralis va boshqa donishmandlar ham tavsiya etishgan.

Ba'zi bir davatlarda qadimgi Olimpiya o'yinlari o'tkazish amaliy jihatdan kuchga kirgan. Bunday o'yinlar faqat bir davlat miqyosidagina o'tkazilganligi ko'zga tashlanadi. 1604-yilda Robert Dover (Angliya) yoshlар orasida Olimpiya o'yinlariga o'xhash musobaqa o'tkazishga muvaffaq bo'ladi. Bu voqeа «Gotevold o'yinlari» (joyning nomi asosida) nomi bilan tarixda qoldi. Gotevold tepaliklarida o'tkazilgan musobaqalar dasturida rapira, sablya, shpagada qilichbozlik, kurasch, futbol (sul) o'yini, bosqon uloqtirish, otda poyga, shaxmat va boshqa o'yinlar bo'lgan. Uilyam Shekspir «Vindgorlik oyimchalar» (Vindgorskiye devushki) asarida «Gotevold tepaliklaridagi Olimpiya o'yinlari» deb uni tilga oladi.

Kapitan Robert Douverning o'yinlari o'ttiz yildan ortiq davr ichida o'tkazib borildi. Uning 1641-yilda vafot etishi bilan uning o'yinlari ham to'xtab qoldi.

Antik Olimpiya o'yinlari timsolidagi musobaqa keyinchalik Germaniya, Shvetsiya, AQSH, Kanada, Gretsya kabi davatlarda ham o'tkazilgan. Har bir mamlakatning imkoniyat doirasi va o'zlariga xos xususiyatlari asosida o'yinlar ham

turlicha tus olgan. Masalan, 1845-yilda Kanadada bu «Montreal Olimpiya o'yinlari» nomi bilan o'tkazilgan.

Shu tariqa jahonda Olimpiya o'yinlari xalqaro miqyosida o'tkazishiga asta-sekin zamin tayyorlangan. XIX asrning oxirida bu ish to'la amalga oshirildi.

Xulosa qilib aytganda, o'rtalasrlar jarayonida jismoniy madaniyat yangi shakllar va mazmunlarga ega bo'lgan holda, ularning deyarli barcha vositalari qadimgi ajdodlar jismoniy madaniyat negizida rivoj topdi. Ularni takomillashtirishda harbiy jismoniy tayyorgarlik tadbirdilari, yoshlarni har tomonlama tarbyailash maqsadida tashkil etilgan ritsarlik maktablari va boshqa shu turdag'i o'quv muassasalarining o'mi g'oyat katta bo'ldi.

Feodalizm tuzumining rivojlanishi shahar va qishloqlar aholisi o'rtasida o'tkazilgan turli an'analarda, marosimlar o'tkazishda, kurash, boks, qilichbozlik, kamondan o'q otish, otlarda poyga va boshqa turli-tuman o'yinlardan keng foydalanganlar.

Feodal tuzumning yemirilishi va kapitalistik tuzumining shakllana borishi natijasida kelishmovchilik va urushlar ko'payib, o'q otar qurollardan keng foydalanila boshlandi. Shu tariqa jismoniy tarbiya va sportning rivoji zamon ruhi bilan bog'langan holda davom etdi.

XV-XVII asrlarda Yevropa mamlakatlariida guumanistlar va utopistlar tomonidan yoshlarni jismoniy va ma'naviy jihatdan tarbiyalashga doir yangi g'oyalar ilgari surildi. Shu asosda tibbiyot, pedagogika va boshqa fanlar rivojlandi.

Sanoat, qurilish, texnika va boshqa sohalardagi kashfiyotlar davlatlarning iqtisodiy-madaniy jihatdan rivojlanishiغا sabab bo'ldi.

Fan, madaniyat va ta'lim-tarbiyaning yangi yo'nalishlari negizida antik Olimpiya o'yinlari qayta tiklashga urinishlar bo'ldi. Natijada, Shvetsiya, Angliya, Kanada va boshqa bir qator davatlarda qadimgi Olimpiya o'yinlariga qiyoslab, yangi ko'rinishdagi o'yinlar o'tkazildi va umuman, jamiyatning o'sha davrdagi tuzilishi, diniy hukmronlik sharoitida bunday tadbirdilari muntazam o'tkazib borish, ularni xalqaro miqyosda tashkil qilishga hech bir davlat qodir emas edi.

## O‘z-o‘zini nazorat qilish bo‘yicha savollar

1. O‘rtalarda jismoniy madaniyat va sportning rivojlanishni qanday izohlaysiz?
2. Ritsarlik tizimidagi turnirlarning maqsadi nima?
3. Yevropa mamlakatlarda qilichbozlik va o‘q otish jaimiyatlarining paydo bo‘lishiga sabab nima?
4. Gumanistlar va sotsial-utopistlarning jismoniy tarbiya haqidagi mulohazalari nimalardan iborat bo‘lgan?
5. Antik Olimpiya o‘yinlarini qayta tiklashga urinishlar qachon va qaysi davlatlarda amalga oshirilgan?
6. O‘rtalarda jismoniy tarbiya sport sohasida kechgan keyingi o‘zgarishlarga qanday ta’sir qildi?
7. O‘rtalarda o‘tkazilgan bayramlar va an’anaviy masosimlarda qanday yangi sport turlari, jismoniy mashqlar, o‘yinlar yuzaga kelgan?
8. O‘rtalarda jismoniy madaniyatini aks ettiruvchi qanday yangi manbalarni (kitoblar, qo‘llanmalar, almanaxlar va h.k.) bilasiz? Ularning mualliflari, ijodkorlari haqida ma’lumotlar to‘plang?
9. O‘rtalarda madaniyatiga doir qanday asarlar, kinofilm-larni bilasiz?

Yer yuzida ijtimoy-madaniy tur mushning tubdan o'zgarishi o'rta asrlarga kelib bog'lanadi. Yevropa, Osiyo, Amerika, Afrika qit'alaridagi ilg'or madaniyat vakillari jismoniy tarbiyani inson hayotining uzviy omili ekanligini isbotlashga harakat qildi. Natijada, jismoniy tarbiya vositalarini oilaviy hamda maktab tarbiyasida qo'llanishga erishishdi. Erishilgan ilg'or tajribalar davlatlardan-davlatlarga, qit'alardan-qit'alarga tarqaldi, ya'ni qilichbozlik, o'q otish, kurash, aravada poyga, suzish kabi o'nlab o'yin-mashqlar xalqaro miqyosda qo'llanila boshladi. Bu jihatlar Germaniya, Fransiya, Italiya, Rossiya, Xitoy, Yaponiya, AQSH va bo'shqacha ko'p davlatlarda jismoniy tarbiyaning rivojlanishi hamda keyinchalik milliy sport turlarining yuzaga kelishiga sabab bo'ldi.

Yuqorida qayd etilganidek, jismoniy tarbiya jahonshumul tarixiy ahamiyat kasb etadi. Shu sababdan, o'tgan davrlardagi xalqaro jismoniy tarbiya tarixida eng muhim bo'lgan sanalarni tilga olish maqsadga muvofiqdir.

XVI–XIX asrlardagi burjua inqilobi feodal tuzumning asosini buzib-yanchib tashladi va kapitalizmning g'alabasini ta'minladi. Bu davrda tabiatshunoslikka doir juda ko'p ilmiy kashfiyotlar qilindi. Moddiy dunyoning barqarorligi va g'ayritabiyy kuchlarning yo'qligi haqidagi fikrlarga olib keldi. Odamning aqli, irodasi va jismoniy fazilatlarining namoyon bo'lishida tarbiya natijasi ko'rina boshladi. Bu hol insonning pedagogikaga bo'lgan qiziqishi ortishiga va jismoniy tarbiyaning nazariy asoslari amalda bajarilishiga sabab bo'ldi. Jon Lokk (Angliya), Jan Jak Russo (Fransiya), Iogann Pestalossi (Shveysariya)ning pedagogik qarashlari hamda XVIII asrning oxiridagi nemis filantroplarining pedagogik tajribasi jismoniy tarbiya nazariyasi va amaliyotning taraqqiy qilishiga katta ta'sir etdi.

Jon Lokk (1632–1704) ingliz burjua inqilobi davrining ko‘zga ko‘ringan faylasufi, pedagogi bo‘lgan. O‘sha vaqtarda ingliz burjuaziyasi o‘z mustamlakachilik hukmronligini kengaytirib borar va metropoliyalardagi siyosiy hokimiyat uchun kurashar edi. Ingliz burjuaziyasi faqat o‘z metropoliyalari dagina emas, balki chet el mamlakatlarida ham faol harakat qilishga o‘z mollarini zo‘rlik bilan o‘tkazishga, zarur bo‘lganda esa kam taraqqiy etgan mamlakat xalqlarini bostirishga va o‘ziga bo‘ysundirishga qodir bo‘lgan.

Lokk o‘z falsafiy va pedagogik ta‘limotida ingliz burjuaziyasi va unga qo‘shilgan dvoryanlarning manfaatini ifoda qildi. U kishining ichki va tashqi tajribasini bilish manbai deb hisobladi. Uningcha, tashqi tajriba bevosita mayjud bo‘lgan tashqi moddiy dunyo bo‘lib, u kishi tomonidan sezgi a’zolari (tasavvuri) orqali idrok qilinadi. Ichki tajriba esa inson qalbining faoliyati (refleksi), demak, «Bu ikki manba sezgi obyekti sifatida yagona mohiyatni tashkil etadi, barcha g‘oyalimarimiz ana shu mohiyatdan boshlanadi», - deb e’tirof etgan Lokk. Sezish a’zolarini (sezish, hid bilish, ko‘rish, eshitish) takomillashtirish, harakat a’zolarini (qo‘l, oyoq) o‘stirish, tanani chiniqtirish, foydali amaliy ko‘nikmalar (suzish, otda yurish, eshkak eshish, qilichbozlik, o‘q otish) hosil qilish, jismoniy kuchlarni yuqori darajada ishga solish uchun iroda kuchi va qobiliyatni kamol toptirish zarurligini ishonchli dalillar bilan isbotlab bergen. Bu g‘oyalalar o‘sha davr ingliz maktablaridagi jismoniy tarbiyaga kuchli ta’sir etgan.

XVIII asrda fransuz ma’rifatchilari Didro, Gelvesiy, Golbax, Russo va boshqalar inson shaxsining shakllanishida tashqi muhitning hal qiluvchi roli to‘g‘risidagi ta‘limotni taraqqiy ettirishdi.

Jan Jak Russo (1712–1778) xususiy mulkni kishilar tengsizligining asosiy sababi deb hisobladi. Shu sababdan, u bu sohada mulkchilikni cheklash tarafdoi edi. Russoning «Emil yoki tarbiya» kitobida kishini tabiatga muvofiq ravishda individual tarbiyalash g‘oyasi olg‘a suriladi. Bu fransuz burjuaziyasi xohishiga muvofiq kelar edi.

Russoning fikricha, inson erkin bo'lib tug'iladi, lekin u yo'rgakdalik chog'idayoq, dastlab o'z odatlarining quliga, so'ngra esa jamiyat quliga aylanadi. Hech qanday odatlarga ega bo'lmaslik — eng yaxshi odatdir. «Tana jondan ilgari tug'iladi, shuning uchun dastlab tana to'g'risida g'amxo'rlik qilish kerak, bu har ikkala jins uchun ham umumiy bo'lgan tartibdir», - deydi u.

Russo jismoniy tarbiyani tabiiy ozod insonni tarkib toptirishning asosi, deb hisobladi. Bunda aqliy va mehnat tarbiyasini qo'shib olib borish zarurligini o'qtiradi. U keng xalq ommasining emas, balki mayda burjua sinfming tarbiyasi to'g'risida g'amxo'rlik qildi.

Shveysariyalik buyuk pedagog-demokrat Iogann Pestalossi (1776–1827) xalq maorisi g'oyasini quvvatladi. U tarbiya asosini odamning tabiiy qobiliyatlarini o'stirishdan, tarbiya maqsadini odamning ma'naviy qiyofasini tarkib toptirishdan iborat, deb bildi. Uning fikricha, tana faoliyati harakatlarda namoyon bo'ladi, harakatlar esa bo'g'inlar tuzilishi va harakatchanligiga bog'liqdir. U bo'g'inlar uchun gimnastika elementlarini ishlab chiqdi. Bunda barcha harakatlar o'z mazmunini topgan edi. Pestalossi elementar gimnastikani o'ziga xos «mehnat malakalari alifbosи» deb hisobladi, ya'ni ko'tarish, irg'itish yoki uloqtirish, aylantirish, urish va h.k. qilishga o'rgatish zarur deb topdi.

XVIII asrning 70–80-yillarda German davlatlarida yangi yo'nalishdagi maktablar paydo bo'ldi. Bular filantroplar (insonparvarlar) ochgan maktablar edi. O'qituvchilar bunday maktablarda akademistlar, pedagogistlar va fabulyantlar kabi guruhlarga bo'linishgan. Akademitslar — aslzodalar, pedagogistlar — amaldorlar, fabulyantlar mehnatkashlarning farzandlari bo'lgan. Bunday tartib filantroplarning feodal ta-baqachilik tartiblariga qarshi emasligidan dalolat berar edi.

Filantropinlardagi gymnastikaning mashhur rahbarlari Gherard Fit (1763–1836) va Jeogxann Guts-Muts (1759–1839) kabilar edi. G.Fit «Jismoniy tarbiya ensiklopediyasi tajribalari» nomli uch tomli kitob yozdi. Kitoblarda jismoniy tarbiyaning qadimugi va o'sha davrlardagi tarixi, uning tarbiyaviy mohiyati aks ettirildi.

I.Guts-Muts «Yoshlar uchun gimnastika» kitobini yozdi (1713). Bu kitobdan Yevropa davlatlarida keng foydalandilar. Chunki muallif kitobida jismoniy tarbiyaning nazariy va amaliy jihatlari, ayniqsa, mashqlarning aniq tasviri va ularning qo'llanish usullari bilan qo'shib bergan edi. U tasvir-lagan gimnastik mashqlar sirasiga kurash, yugurish, sakrash, uloqtirish, irg'itish, suzish, arqon, shoti, langarcho'p bilan sakrash va daraxtlarga osilib-tirmashib chiqishga doir mashqlar hamda qo'l mehnati, o'yinlar kiradi.

Jismoniy tarbiyaning pedagogik nazariyasi bu davrlarda turli xilda mayjud bo'lgan. Ingliz faylasufi va sotsiologi Gerbert Spenser (1820–1903) jismoniy tarbiya, aqliy tarbiya va axloq tarbiyasini qo'shib olib borishni quvvatladi. Shuning-dek, nemis faylasufi Fridrix Nixil (1844–1889) va boshqalar sport-gimnastika harakatini yangi davrda keng yoyishga xizmat qildi.

Fransuz pedagogi Jorj Demeni (1850–1917) fiziologiya va jismoniy mashqlar bo'yicha mutaxassis edi. «Jismoniy tarbiyaning ilmiy asoslari» (1903), «Yoshlar jismoniy tarbiyasi» (1917) kabi kitoblarini yozdi. J.Demeni 1880-yilda Parijda «Muqobil gimnastika» klubini tashkil etdi. U shvedlar, nemislar va boshqa xalqlarning gimnastika tizimini izchil ravishda o'rgandi va tanqid qildi. Olim umumrivojlantiruvchi tabiiy mashqlar (yurish, yugurish, sakrashlar, yuk ko'tarish, osilish, uloqtirish, himioya va hujum mashqlari, qo'l, oyoq, gavda harakatlari va h.k.) bajarishning foydali jihatlarini asoslab berdi, bolalar, yoshlar va xotin-qizlar gimnastikasi tizimini ishlab chiqdi. Bu bilan gavda harakatlarini fiziologik asoslarga moslashtirish zarurligini ta'kidladi.

### 3.1. Gimnastika tizimlari

XIX asrda iqtisod, siyosat, fan va texnikaning rivojlanishi natijasida jismoniy madaniyat ham rivoj topdi. Ayniqsa, harbiy tayyorgarlikda jismoniy tarbiya vositalari maqsadli ravishda qo'llana boshlandi. Ayniqsa, nemislar, shvedlar va fransuzlarning o'zlariga xos gimnastika tizimlari rivoj topdi.

Gimnastika tizimi uchun oddiy mashqlargina emas, yengil atletika, suzish, boks, qilichbozlik, harbiy qurollardan otish va boshqa ko‘p mashqlar asos qilib olindi. Bunday tizimlarni ishlab chiqish va amalda qo‘llash bo‘yicha mutaxassislar paydo bo‘la boshladi.

1810-yilda Berlinda «Pestalossi do‘stlari jamiyat» qoshida birinchi gimnastika to‘garagi tashkil topdi. Yoshlar harakatiga Fridrix Yan (1778–1852) boshchilik qildi. 1811-yilda Berlin yaqinidagi maydonda o‘yinlar tashkil qilindi. Bu joyda gimnastika asbob-uskunalarini o‘rnatildi.

1812-yil bahoriga kelib, to‘garak qatnashchilarini soni 500 kishiga yetdi. Ularning mashg‘ulotlarida gimnastika va harbiy sayohat-mashqlariga keng o‘rin berildi.

Yan «Gimnastika» so‘zini «Turnkunst» (epchillik san’ati), shug‘ullanuvchilarini esa turnerlar deb atadi. Keyingi yillarda turnerlar harakati ancha susaydi. Faqat 1862-yilda barcha turnerlar jamiyatlarini Umumgermaniya gimnastika ittifoqiga (Doyche Turner Shaft) birlashdi. Ularning gimnastika tizimida mashqlarni o‘rgatish usullari, mashqlar klassifikatsiyasi (tasnifi), anatomiq-fiziologik xususiyatlari, yuklanma berish me’yorlari bo‘yicha yagona talab va nazariya yo‘q edi. Adolf Shpiss (1810–1853) muktabdagagi gimnastika darslarining tuzilishini ishlab chiqdi. Uning ta‘limoti nemis gimnastika tizimini to‘ldirdi va XX asrgacha davom etdi.

**Shvetsiya gimnastika tizimi.** Per Ling (1776–1839) o‘z hukumatining taklifiga ko‘ra, German davlatlari va Daniyada jismoniy tarbiyaning ahvoli bilan tanishdi. U 1813-yilda Stokholmda gimnastika institutini tashkil etdi. Gimnastikaning to‘rt turini – harbiy gimnastika, pedagogik gimnastika, shifobaxsh gimnastika va estetik gimnastikani alohida ajratdi. Bu turlar maktablarda ham o‘rgatila boshlandi. Per Lingning o‘g‘li Yalmar Ling (1820–1886) boshchiligidagi gimnastika asboblari takomillashtirildi, yangi gimnastika devorchasi, uzun kursilar xari (brevno), langar cho‘plar (shest), narvonlar, arqonlar, kon va h.k. yangi usulda yaratildi. Darslar ko‘p qismli (12–18) qilib o‘tkaziladigan bo‘ldi. Shu sababli, uni keyingi mutaxassislar, nazoratchilar tanqid ostiga olishgan.

Ta'kidlash lozimki, shvedlarning gimnastika tizimi ko'pingina Yevropa mamlakalari, hatto Amerikada ham keng qo'llanilgan.

**Fransuzlar gimnastika tizimi.** Fransiyadagi inqilobiy ozodlik urushlari yoshlarning harbiy ishga ommaviy ravishda qiziqishi va yoshlar komandalarining vujudga kelishiga (1771) imkon berdi. Napoleon davrida yoshlar komandalari maktab batalonlariga aylantirilib, hukumat tomonidan quvvatlangan.

Mamlakatda gimnastika joriy qilish polkovnik Fransisko Amorosga (1770–1848) yuklatildi. U 1819-yilda normal fuqaro va harbiy gimnastika maktabini tashkil qildi. Uning «Jismoniy, gimnastika va axloqiy tarbiyaga doir qo'llanma» (1830) kitobi barcha maktablarga joriy etildi.

Dvoryanlar doirasida qilichbozlik keng rivojlandi. XIX asr o'rtalarida velosiped sporti, golf, kriket, Laun-Tennis, ov, kamondan, to'pponcha va miltiqdan o'q otish turlariga e'tibor kuchaydi.

**«Sokol» gimnastika tizimi.** Chexiyada, so'ngra esa Avstro-Vengriyaning slavyan xalqlari o'tasida XIX asming 60-yillarida «Sokol» (Lochin) gimnastika harakati vujudga keldi. Chex burjuaziyasining nemis burjuaziyasi tomonidan siqib qo'yilishi sababli, ular o'z milliy ozodligiga intilib, «Sokol» harakatini yaratdilar. Bu yoshlarning «Sokol» jamiyatni tuzilishiga olib keldi. 1871-yilda chexiyada 130 ta «Sokol» jamiyatni mavjud bo'lgan. Jamiyatda chex jismoniy tarbiyasining milliy tizimi tarkib topib, ayrim jihatlari nemis gimnastikasiga o'xshagan. Tizimda mashqlarning gavdaga ta'siri emas, balki bajariladigan harakatlarga ko'proq e'tibor berilgan. Keyinchalik gimnastika mashqlarining odam sog'ligiga va uning irodasiga bo'lgan ta'sirini e'tirof etib, kitoblar yozishgan. Lekin ularda o'qitish usullari o'z ifodasini topmadi. Shunday bo'lsa-da, bu nemislari gimnastikasiga nisbatan ancha boy va uslubiy jihatdan ancha mukammal bo'lgan. E'tiborli tomoni shundaki, o'qituvchilar ba'zi mashqlarni o'n martalab takrorlash o'miga murakkab mashqlar majmuuni (kompleks) bajartirish yo'llariga o'tdilar.

Chexlar saf mashqlari va kiyimlarga juda katta e'tibor berishgan. Gavda hamda oyoqlarning nozik, antq va tashqi ko'rinishi go'zal harakatlarigina amalda qo'llanilgan. Gimnastikani juda ham ziynatlil qilish uchun har xil buyumlarдан: tayoqlar, sharflar, qadimiy qurol turlari nayzalar, qalqonlar va h.k.dan foydalanishgan.

Turnik, qo'sh cho'plar (busya), konda bajariladigan mashqlar, shuningdek, erkin mashqlar musiqa jo'rligida bajarilib, turli buyumlar yordamida ijro etiladigan mashqlar, piramidalar, akrobatika mashqlari sinchiklab ishlab chiqilgan. Ular quyidagi to'rt guruhga ajratilgan:

1. Asboblarsiz bajariladigan mashqlar – erkin mashqlar va h.k.
2. Asboblarda bajariladigan mashqlar – buyumlar bilan va asboblar ustida bajariladigan mashqlar.
3. Guruh bo'lib bajariladigan mashqlar – piramidalar, o'yinlar.
4. Harbiy mashqlar – qilichbozlik, kurash, mushtlashish (boks) mashqlari.

«Sokol» gimnastikasining asosiy muallifi, mashqlarning asosiy texnikasi va usullarini ishlab chiqqan kishi estetika professori Miroslav Tirsh (1832–1884) edi.

Shunday qilib, yangi davrda gimnastikaning pedagogik, uslubiyat va tashkiliy asoslari yuzaga keldi hamda rivoj topdi.

### **3.2. Sport – o'yin tizimlari**

Sport–o'yinlar tizimi gimnastika tizimi qatorida jahondagi juda ko'p mamlakatlarda tashkil topdi. Ularning tashkiliy va uslubiy shakllari o'ziga xos tamoyillarda tarkib topdi. Uning asosida musobaqalar uchun mo'ljalangan va yaxshi natijalarga erishishni ko'zda tutgan mashqlar ifodalangan edi. Tizim turli mamlakat xalqlarining turmush sharoi-tida uchraydigan xilma-xil mashqlar va o'yinlarni o'zida mujassamlagan. Shahar va qishloqlarda o'tkaziladigan bayramlarda kurashchilar, mushtlashuvchilar, akrobatlar, qilichbozlar, yugurish va sakrash ustalari, polvonlar o'z mahoratlarini

namoyish qilishgan. Shimoliy mamlakatlarda chang‘ida va konkida uehish musobaqalari rasm bo‘lgan.

Shahar va qishloqlarning atoqli kishilarini orasida otda yurish, qilichbozlik, golf o‘yini, kriket, kamon va to‘pponchadan o‘q otish, turli xil ovlar ancha rivojlangan. Shu davrda professional kurashchilar, bokschilar, giryta (tosh) ko‘taruvchilar, akrobatlarning uchrashuvlari, bahslari boshlangan. Ko‘pgina davlatlarda o‘quv yurtlari (maktablar, kollejlar, universitetlar) tashkil qilinib, ularda akademik sport va sport o‘yinlari rivojlantirishga rahnamolik kuchaygan edi.

**Buyuk Britaniyada sport-o‘yin tizimi.** XVII asr o‘rtalaridagi burjua inqilobi natijasida Buyuk Britaniyada iqtisodiy, siyosiy va madaniy rivojlanish yuzaga kelib, u yirik kapitalistik mamlakatga aylandi. Shu tariqa Buyuk Britaniyada boshqa mamlakatlarga nisbatan avvalroq sport-o‘yin tizimi shakllandi. Boshqa mamlakatlarni bosib olish, mustamlakachilik yo‘li bilan o‘z boyligini oshirdi va davlatni mustahkamladi. Bunda ulkan dengiz floti va harakatchan ekspeditsiya bo‘limlari (otryadlar) muhim rol o‘ynadi. Ular kollejlar, universitetlar va harbiy o‘quv yurtlari bitiruvchilaridan iborat edi.

Buyuk Britaniyada sport—o‘yinlar tizimining ilk asoschisi Regbi shahridagi kollej direktori pedagog Tomas Arnald (1795–1842) hisoblanadi. U o‘z faoliyatida o‘quvchilarning harakatchanligi va faolligini rivojlantiruvchi, qiyin sharoitlarga tezda mo‘ljal olish, qo‘rmaslikni tarbiyalovchi sport turlariga katta e’tibor berdi. Bular jumlasiga, yengil atletika, boks, eshkak eshish, suzish, regbi, futbol, kriketni kiritdi. Uning ta’limoti va tuzgan tizimi mamlakat va chet ellardagi o‘quv yurtlarida keng qo‘llanildi.

**AQSHda sport va o‘yinlar.** Sport- o‘yin tizimi AQSHda keng tafbiq qilina boshlandi. Pestalossi (XIX asrning 20–30-yillari) ta’limotining yoyilishi sababli mamlakatning turli o‘quv yurtlari, universitetlarida jismoniy tarbiya darslari o‘qitila boshlandi. Shu davrning 50–70-yillarida ba’zi sport klublari tashkil etilib, musobaqalar o‘tkazildi.

AQSHning milliy aholisi — hindular orasida turli xil o‘yinlar davom etgan. Ular qilichbozlik, kamondan o‘q otish, nayza uloqtirish, uzoq masofalarga yugurish, sakrashlar, kуrash va boshqa mashqlar bilan doimiy shug‘ullanganlar. Shuningdek, Yevropadan, ayniqsa, Angliyadan o‘tgan sport-o‘yinlar AQSHga keng tarqaladi.

Aristokartlarning o‘z vaziyatlarini mustahkamlab olish-larida sport manfaat keltiruvchi omil bo‘lib qoldi. Ular oddiy xalqdan ajralib turish maqsadida sport ishqibozlarining nizomini ishlab chiqadi (Buyuk Britaniya 1864). Bunda oddiy mehnatkashlarning musobaqalarda qatnashishi mumkin emasligi ko‘rsatilgan. Faqat XIX asr oxirlarida inqiloblarning kuchayishi sababli, yoshlар sport musobaqalarida cheklangan holda qatnashish imkoniyatiga ega bo‘ladilar (Buyuk Britaniya, Fransiya, Germaniya va boshqa).

Keyingi yillar mobaynida bir qator yirik mamlakatlarda gimnastika, sport o‘yinlarining ko‘pgina turlari shakillandi va rivoj topdi. Bu obyektiv hodisa, jamiyat taraqqiyoti qonuniyatining mahsuli edi.

**Harbiy, skaut va boshqa tashkilotlarda sport.** XIX asr oxiri va XX asr boshida sport-gimnastika harakati rivojlanishida harbiy fanlarning takomillashuvi va harbiy xizmat muddatlarining qisqarishi muhim rol o‘ynadi. Ko‘pgina mamlakatlarda harbiy xizmat muddati 4–6 yilga kamaytirildi. Bu, o‘z navbatida, xizmatchilarni uzlusiz tayyorlab turish va chaqiriqqacha bo‘lgan yoshlarning jismoniy tayyorgarligini oshirishni taqozo etdi. Shu sababdan, hukumat harbiy doiradagilarning talablariga asosan maktablar, universitetlar va sport jamiyatlarida jismoniy tarbiyani kuchaytirishga qaror qildi. Eski jismoniy tarbiya tizimlari o‘miga yangi va takomillashgan tizimlar ishlab chiqila boshladi.

Maktablar, universitetlarning o‘quv dasturlariga sport va o‘yinlar kiritildi. Fransiya, Angliya, AQSH, Shveysariya, Belgiya va boshqa mamlakatlarda ommaviy maktablar qatorida «Yangi maktab»lar yuzaga keladi. Bu maktablar internat xususiyatiga ega bo‘lib, qiziquvchilarining katta mablag‘lari hisobiga faoliyat ko‘rsatgan. O‘qitish uchun maxsus mutaxas-

sislar taklif etilgan. Maktab maydoni va atroflarida sport mu-sobaqalari va o'yinlar tashkil qilingan. Ular shaharlarning eng go'zal va diqqatga sazovor joylarida o'tkazilgan.

XIX asr oxiri va XX asr boshida Angliyada yoshlarni tarbi-yalashda skaut bo'limlariga (otryad) katta e'tibor berildi. Bu bo'lim yoshlari tashkiloti hisoblangan. Skaut otryadlari-ning asoschisi ingliz harbiy generali Baden Puel (1857–1941) edi.

Burjuaziya yoshlarga o'z ta'sirini o'tkazish maqsadida sport rivojini rag'batlantirishni boshqa tashkilotlarga ham singdiradi.

AQSHda 1870-yilda yoshlarning xristian tashkilotlarida sport bilan shug'ullantirish ishlari amalga oshirildi. Bunda shved va nemis gimnastika tizimi mazmuni va usullaridan foydalanildi. O'rgatishda diniy xodimlar ruh (jon), aql va tana majmuidagi tushunchalar asosida sport o'yinlarini qo'l-ladi. AQSH xristian yoshlari ittifoqining g'oyalari, ish shaklari va usullari Yevropa mamlakatlariiga ham yoyildi.

**Ishchi sportining vujudga kelishi va rivojlanishi.** Jismoniy tarbiya harakatining yanada kengroq yoyilishida ishchilar sport klubining tashkil qilinishi va rivojlanishi alohida o'rinda turadi. XIX asrning ikkinchi yarmida inqiloblarning ko'-payishi va kuchayishi natijasida demokratiyaning amalga oshishiga imkon yaratildi. Bu esa havaskorlik sporti, gimnastika va turistik (sayohat) tashkilotlarning vujudga kelishiga sabab bo'ldi. Shuningdek, ishlab chiqarish korxonalarining ko'-payishi, proletariatning (ishsiz va qashshoqlar) zavod-fabrikalarga ishga jalb etilishi, siyosiy partiyalarning, kasaba uyushmalarining ko'payishi va h.k. ham bunga ko'mak berdi.

Birinchi marotaba 1850-yilda Germaniyada sport tashkilotlari tuzila boshlandi. Lekin reyxstagning 1878-yildagi «Qat'iy qonun»i asosida sotsialistik partiyagina emas, hatto kasaba uyushmalari va gimnastika klublari ham ta'qib qilindi. «Qat'iy qonun»ning bekor qilinishi bilan (90 y.) ishchilar sport tashkilotlari yangidan qad ko'tardi. Shu davrda Berlin, Leypsig va boshqa shaharlarda Ishchilar gimnastika tashkiloti ittifoqining yig'ilishlari bo'ldi. 1813-yilda Germaniya Ishchilar sport uyushmasi tashkil etildi. XX asr boshlarida bun-

day tashkilotlar Vengriya, Belgiya, Chexiya, Bolgariya va boshqa mamlakatlarda ham ta'sis etildi.

Tadbirkorlik sport klublari ham muhim ahamiyat kasb etdi. Ular zavod, fabrika va turli muassasalarining rahbarlari tomonidan tashkil etilib, ishchi va xizmatchilarga qaratilgan. Bu faoliyat faqat sport va turizm bilan shug'ullanishgagina qaratilib qolmasdan, ishchi va xizmatchilarining rahbarlari bilan aloqasini yaxshilash hamda turli oqimlarga qo'shilmasligining oldini olishni ham nazarda tutgan.

Tadbirkorlik sport va gimnastika tashkilotlari Germaniya, AQSH, Angliya, Fransiya va boshqa mamlakatlarda ham vujudga keldi. 1913-yil Gente shahrida (Belgiya) Germaniya, Fransiya, Belgiya, Avstriya mamlakatlarining ishchilar sport tashkilotlari vakillari «Xalqaro ishchilar madaniyat va sport uyushmasi» Markaziy byurosini tuzdi. U 1914-yil fevraldan boshlab Bryusselda o'z faoliyatini boshladi. Birinchi jahon urushi yillarda ham bu tashkilot o'z faoliyatini susaytirmadi.

### **3.3. Jismoniy madaniyatda rekreatsion harakatlar**

Rekreatsiya — qayta tiklash, sog'lomlashtirish, hordiq chiqarish ma'nolarini bildiradi. Jismoniy madaniyatning taraqqiyotida rekreatsion harakat muhim o'rinni tutadi. Chunki u faol dam olishning mujassamlashgan vosita, usullaridan hisoblanadi.

Rekreatsion jismoniy madaniyat harakatining rivojlanishiga obyektiv sabablar ko'p. Ya'ni zavod-fabrikalar, maktablar va boshqa joylarni qurish uchun joylarni band qilish, shaharlarning kengayishi, ekologiyaning buzilishi, ishchi va mehnatkashlar ish vaqtining ko'payishi, dam olish hamda hordiq chiqarishga imkoniyatlarning kamayishidir. Yoshlar o'tasida ichish, chekish, bezorilik va tartibsizlikning o'sishi ham ularga qarshi tadbirlar olib borishni taqozo etdi. Yana bir tomoni shundaki, fan-texnika taraqqiyoti va ba'zi kishilarning turmush sharoiti faol harakat qilishdan orqada qolib ketdi. Natijada, gipodinamiya hollari rivojlana boshladi. Bularning barchasi salomatlikning susayishi va kasalliklarning

ko‘payishiga olib keldi. Ana shu illatlardan saqlanish yo‘lida jismoniy tarbiyadan foydalanish ishlari shakllandi. Bu yillarda birinchilardan bo‘lib Angliya XIX asrning 70-yillarida harakat qildi va Londonda o‘yinlar uchun maydonlar tashkil qilindi, istirohat bog‘lari barpo etildi «Sotsialniy kavartal» (ijtimoiy hudud) harakatining faollari sayrlar, o‘smirlar va katta yoshdagilar bilan o‘yinlar o‘tkazishdi. XX asrning 80—90-yillarida shunga o‘xshash istirohat va ko‘ngil ochish bog‘-lari AQSH, Germaniya, Polshada (Iordan bog‘i) Kanada, Fransiya, Avstraliya, Urugvay va boqsha mamlakatlarda ham bunyod etildi.

**Lyuter Gulik.** Rekreatsion harakatni davlat miqyosiда tashkil etuvchilardan biri amerikalik shifokor Lyuter Gulik (1866—1918) hisoblanadi. Bu harakatning mohiyatini ilmiy asoslab berish unga tegishlidir. XIX asr o‘rtalaridayoq AQSHda «O‘yinlar uchun maydonlar kerak» degan harakat mavjud edi. Uning «Sof havo» dasturi asosida bolalar uchun yozgi dam olish oromgohi tashkil qilingan. Boston shahrida 1868-yilda birinchi marotaba o‘yinlar uchun maydonlar qurilgan. 1861-yilda Vashington atrofida yozgi dam olish oromgohi qurilgan. Shu davrlarda ilk bor rekreatsion klublar vujudga kela boshladи. 1855-yilda sog‘liqni tiklash va jismoniy tarbiya Amerika Assotsiatsiyasi ta’sis etilib, u o‘yin maydonlari va sog‘lomlashtirish oromgohlarini qurishda yordam berdi. Shunga o‘xshash muassasalar boshqa davlatlarda ham tashkil qilindi. Ular Germaniyada «Yoshlar va kattalarning o‘yiniga ko‘maklashish Markaziy komissiyasi», Daniyada «O‘qituvchilar o‘yiniga ko‘maklashish milliy komissiyasi» Urugvayda — park va sport milliy kengashi, Polshada — yoshlarning o‘yini va hordiq chiqarish komissiyasi, o‘yinlar va sayrlar bo‘yicha Shveysariya jamiyatni va hokazodan iborat bo‘lgan.

Rekreatsiya (sog‘lomlashtirish, qayta tiklash) tizimidan yugurish va yurish, suzish va eshkak eshish, chang‘i va konkida uchish, gimnastika va velosipedda yurish, xalq o‘yinlari va raqslar, piyoda sayohatlar kabi turlar o‘rin olgan. Uning dasturida, shuningdek, voleybol, basketbol, qo‘l to‘pi

(gandbol), beysbol va boshqa o'yinlar ixchamlashtirilgan qoidalari bo'yicha tashkil qilingan. Gimnastikachilar, akrobatlar, giryta (tosh) ko'taruvchilar va boshqalarning namunaviy chiqishlari o'tkazib borilgan.

Uyushmalarda shifokor nazorati va maslahatlari, uqalash (massaj) xizmatlari tashkil qilingan, suv va fiziomuolajalar amalga oshirilgan, shug'ullanuvchilarga madaniy-ma'rifiy xizmatlar uyuşhtirilgan. Bu harakatning boshida xayriya tashkilotlari (rahm-shafqat va salomatlik, hushyorlik, tabiatni sevvuchilar va h.k. jamiyatlari) turib, mazkur ishlarni boshqarganlar.

Rekreatsiya ishlari tijorat (biznes) uchun muhim bo'lganligi sababli bu faoliyatlarni keyinchalik kommersiya sohasi egallab oladi. Shu jihatdan ham, rekreatsiya tizimiga faqat shifokorlar, pedagoglar hamkoriiygina emas, balki ishlab chiqarish doiralari ham kirib keldi.

Ta'kidlash lozimki, jismoniy tarbiyaning deyarli barcha vositalari va ularni tashkil qilishning o'ziga xos turli usullari sportni rivojlantirish bilan bir qatorda aholining salomatligini yaxshilash, tiklash, rivojlantirishga xizmat qilib kelgan. Buning ilmiy-nazariy asoslari va ijtimoiy-pedagogik mohiyatini o'rganish, erishilgan ilg'or tajribalarni amalda qo'llash barobarida XIX asrning ikkinchi yarmi va XX asr boshlarida ancha ijobiy ishlar qilinganligi ma'lumdir.

Jahondagi davlatlarning o'ziga xos xususiyatlari, siyosiy-iqtisodiy, moddiy tizimlari mayjud. Shu asosda xalqaro miqyosda jismoniy tarbiya va sport bilan shug'ullanishning ham turli yo'naliishlari mavjuddir.

### **3.4. Havaskorlik va professional sport**

So'nggi davrda sport keng qanot yozib taraqqiy qila boshladi. Kollejlar va universitetlardagi sport keng jamoat-chilik doirasiga yoyilib, jismonan chiniqish va faol dam olish vositasiga aylana bordi. XIX asr oxirlarida sport havaskorlik va professional darajasiga chiqib oldi. Bu 1894-yil Parijda havaskorlik sportining tamoyillarini o'rganish va uni keng

yoyishga bag‘ishlangan Xalqaro Kongressda rasmiy tasdiqlangan.

**Havaskorlik sporti.** Havaskorlik sportiga maqom (status) berishdan maqsad aristokratik sport doirasidagilar va boshqa sohalardagi sportchilarni chegaralash, o‘z navbatida esa jismoniy mehnat bilan shug‘ullanuvchi ishchilar, sport sohasidagi mutaxassislar, murabbiylar, pedagoglarga keng imkoniyat yaratib berishdan iborat edi.

Mehnat jarayonida sport bilan shug‘ullanib chiniqish va yana ish haqi olish havaskorlikka ziddir, degan g‘oya paydo bo‘ldi. Shu sababdan, bu jarayon professionallikni yuzaga keltirdi. Shu tariqa klublar tashkil etilib, havaskorlik sporti harakati rivojlana boshladi. Klublar ham, davlat ham xususiy ko‘rinishga ega edi. Chunki ishchilardan yig‘ilgan a’zolik badallari klub xarajatlarini qoplay olmas edi. Avvallari faqat bir sport turi bo‘yicha klublar tashkil etildi. Keyinchalik esa bir necha sport turlari (polisport) bo‘yicha klublar yuzaga keldi. Shular qatorida sport jamiyatlari tashkil etila boshladi. Sport harakatining rivojlanishi musobaqalarning qoidalarini ixchamlashtirish, rekordlarni rasmiylashtirish, axborotlarni yig‘ish kabi faoliyatlarni yuritishni taqozo qildi. Bu, o‘z navbatida, avvalo mahalliy va milliy, keyinchalik ba’zi bir sport turlari bo‘yicha xalqaro uyushmalarini tashkil qilishga olib keldi, ya’ni ittifoqlar (soyuz), ligalar (yetakchi), federatsiyalar (uyushma) yuzaga keldi.

Birinchi milliy uyushma (soyuz) – AQSHning beysbol milliy federatsiyasi edi. U 1858-yilda ta’sis etilgan. Oradan besh yil o‘tgach (1863 y.), ingliz futbol ligasi vujudga keldi. Keyinchalik esa gimnastika, qilichbozlik, boks va boshqa sport turlari bo‘yicha milliy uyushmalar Yevropa, Amerika, Osiyo, Avstraliya mamlakatlarida ham tashkil qilindi.

Sport harakatining kengayishi, qit‘alarda milliy sport uyushmalarining tashkil etilishi, xalqaro sport federatsiyalarining ta’sis etilishi va musobaqalar o‘tkazib turilishi xalqaro Olimpiya o‘ynlarini tiklash va o‘tkazishga olib keldi. Bu haqda alohida bobda tanishish mumkin. (II qism, VII bob).

**Professional sport.** Havaskorlik sporti qatorida profesional sport ham rivoj topdi. XVII–XVIII asrlarda mavjud bo‘lgan sovrinli sport («Prizovoy sport») o‘rniga hozirgi davr professional sporti paydo bo‘ldi, bu savdo–ishlab chiqarish va moliyaviy kapital bilan uzviy bog‘liq edi. Professional sportchini sotib olish va sotish mumkinligi sababli yollanma ish kuchi predmetiga aylanadi. Chunki u tovarlarni reklama qi–lish va boshqa sohalarda katta foyda keltira boshladи. Professional sportchi va tadbirkorlarning (menejer) o‘zaro munosabatlari shartnomalar asosida rasmiylashtiriladi. «Qanday bo‘lmasin g‘alaba» shiori ostida katta pul evaziga barcha joylarda reklama qilish professionalizm yo‘lida amalga oshirib borildi. Sportchilarga giyohvand moddalar (doping) berish, ularning jismoniy, ma’naviy xususiyatlari sun’iy ravishda kuchaytirildi. Professional sport ko‘rgazmalarida jinoyatkorlik ishlari ham amalga oshirilishi ko‘zda tutilgan edi. Bunday jarayonlarni tashkil qilishda amerikaliklar eng avval ish boshlagan. Amerikalik mutafakkir yozuvchilar X.Marti, E.X.Xeminguey, J.London kabilarning asarlarida professional sportining qonli oqibatlari va xalq ommasining ongsiz ra–vishda tomoshalarga intilishlari achinarli hol sifatida ifoda etilgan.

Burjuaziya professional sportni rivojlantirish bilan kassa yig‘imini, reklamalar, turli xil ayyorlik yo‘llari bilan katta foydani qo‘lga kiritadi.

Professional sport asta-sekin kurash, boks, beysbol, futbol, basketbol, tennis, avtomotopoya, velosiped, tog‘chang‘isi va boshqa sport turlarida ham ildiz ota boshladи hamda jahonga keng tarqaldi. Professional sportning salbiy tomonlari bilan birgalikda uning targ‘ibot yo‘lidagi ba’zi ijobiy xususiyatlarini ham tan olishga to‘g‘ri keladi. Ya’ni ommaning jismoniy mashqlar bilan shug‘ullanishi, yoshlarni sport, o‘yin va gimnastika bo‘yicha tashkil qilingan klublarga jalb etishda bu sport harakatining o‘ziga xos xizmatlari mavjud bo‘lgan.

### **3.5. Birinchi jahon urushi arafasi va urush yillarida jismoniy tarbiya va sport**

Birinchi jahon urushi arafasi, urush yillarida jismoniy tarbiya va sportni milliyashtirish avjiga chiqdi. Imperialistik hokimiyat harbiy quronanishni kuchaytirish, o'rnbosarlarni (rezerv) harbiy-jismoniy jihatdan tayyorlashishini yaxshilashga katta kuch sarf qila boshladi. 1911-yildan boshlab Germaniyadagi sport uyushmalarining barcha yo'riqnomalarini dasturlari yoshlarni milliy ruhda tarbiyalashga da'vat etadi. Bunda ko'proq harbiy-sport o'yinlari, katta guruhda yurishlar (forsirovanni marsh), sport va motorlashgan klublar tashkil qilish avjiga chiqdi. Nemis maktablarida harbiy-jismoniy tayyorgarlik darslari tashkil qilinib, haftada 3 soatgacha mashg'ulot o'tkazila boshlandi va har kuni 10 daqiqalini gimnastika va yurish (marshirovka) tashkil qilindi.

Fransuz harbiy leytenantı Jorj Eber (1875–1957) o'zining harbiy jismoniy tayyorgarlik usulini tashkil etdi. Bunda yurish, sakrashlar, yuk ko'tarish, uloqtirish, suzish, himoya va hujum kabi jismoniy mashqlarga tayanildi. Shunningdek, u harbiylarga miltiq, to'pponcha, shpagadan foydalanish, otda yurish, mototsikl haydash, qayiqlarda eshkak eshish, yelkanlarni tiklash, belkurak, lom, arra, bolta va bolg'alarni qo'llay bilish kabi sifatlarni tezda o'zlashtirishni tavsiya etdi.

Eber sportga qarshi bo'lib, faqat sportdagi professionallikning jiddiy tarafidori edi. U «Sport jismoniy madaniyatga qarshi» nomli kitobini yozadi. U shu sohaga rahbarlik qilsada, ilmiy tayyorgarlikka ega emas edi va o'z uslubiyatini faqat tajribalar asosida tashkil etadi. Eber Demenidan farqli ravishda xotin-qizlarning jismoniy tarbiyasiga qarshi noilmay fikrlar bildiradi. Uning fikricha, erkaklarning mashqlarini xotin-qizlar ham bajarishi lozim. Buni o'rgatilgan hayvonlar misolida ko'rish mumkinligini ta'kidlaydi.

Eberning uslubiyatini Fransiya va boshqa bir qator mamalakatlardagi harbiy o'quv yurtlarida harbiy-jismoniy tayyorgariik mashg'ulotlarida qo'lladilar.

Jismoniy tarbiyani milliylashtirish AQSH, Angliya va boshqa mamlakatlarda ham amalga oshirildi.

O‘q otish jamiyatlari, jismoniy va harbiy tayyorgarlik qo‘mitalari, skautlar jangovor otryadlarining tashkil etilishi, shuningdek, o‘quv yurtlari dasturlariga harbiy-jismoniy tayyorgarlikning kiritilishidan maqsad salomatligiga ko‘ra yaroqli kishilarni harbiy xizmatga tayyorlashdan iborat edi.

### **O‘z-o‘zini nazorat qilish uchun savollar**

1. Yangi davrdagi jismoniy tarbiya va sportning rivojlanishi qanday bo‘lgan?
2. XVIII–XIX asrlarda yetakchi bo‘lgan pedagogik nazariyada jismoniy tarbiya masalalari qanday ifodalanadi? Ulardagi o‘xhash farqlar, tamoyillar nimalardan iborat?
3. Gimnastika tizimlarining vujudga kelishi va boshqalaridan farqi nimalarda edi?
4. Germaniya, Fransiya, Shvetsiya kabi Yevropa mamlakatlari nima uchun gimnastika vositasida, Angliya va Amerika mamlakatlari esa sport va o‘yinlar vositasida jismoniy tarbiya vazifalari hal etilgan?
5. Ishchilar sport tashkilotlarining vujudga kelishiga sabab nima?
6. Yangi davrda havaskorlik sporti va professional sportning farqi nimada?
7. Rekreatsion sport tushunchasi nima?
8. Birinchi jahon urushi yillarida jismoniy tarbiya va sportni milliylashtirishning sabablari nimada? J.Eberning usullari nimaga qaratilgan edi?
9. Yangi davr jismoniy tarbiyaning ahamiyati nimada?

*IV bob. XX ASR 20-YILLARIDA IKKINCHI JAHON  
URUSHI TUGAGAN DAVRGACHA JISMONTY  
TARBIYA VA SPORT*

**4.1. Germaniya, Italiya, Yaponiya mamlakatlarida  
jismoniy tarbiya va sport**

Birinchi va Ikkinci jahon urushlari oralig'ida jismoniy tarbiya va sportning rivojlanishi ikki yo'nalishda mavjud edi. Birinchi yo'nalish 1917-yil oktabr inqilobi natijasida vujudga kelgan sobiq Ittifoqdagi jismoniy madaniyat harakati edi.

Ikkinci yo'nalish esa barcha boshqa mamlakatlardagi jismoniy tarbiya va sport harakatidir.

Ma'lumki, Birinchi jahon urushida Germaniya, Italiya, Yaponiya va uning tarafdorlari mag'lubiyatga uchrab, AQSH, Angliya, Fransiya hamda ularning tarafdorlari g'alaba qildilar.

Urushdan keyingi yillarda har bir davlat o'z yo'nalishida jismoniy tarbiya va sportdan tarbiya vositasi sifatida turlichaloydalandi. Shunday bo'lsa-da, barcha yirik mamlakatlarda jismoniy tarbiya tizimining tashkiliy tomonlarida qayta qurish amalga oshirildi. Bunda eski usullar o'mniga yangi yo'nalishlar ko'proq urush saboqlari tarix voqealiklari asosida tarkib topa boshladi. Barcha mamlakatlarda sport tashkilotlari faoliyatini nazorat qilish tobora kuchayib bordi. Asosiy diqqat-e'tibor havaskorlik sport-gimnastika harakatiga qaratilib, maktablar va boshqa o'quv yurtlarida jismoniy tarbiyaning o'qitimishiga katta e'tibor berildi. Bu yo'lda Germaniya, Italiya va Yaponiyadagi holatlarni o'rganish maqsadga muvofiqdir.

Germaniya urushda yengilgach, Versal shartnomasiga asosan harbiy qismlarni ko'p saqlamasligi kerak edi. Hukumat o'zining harbiy tayyorgarlik faoliyatlarini sezdirmaslik

maqsadida sport tashkilotlari panasiga o'tib oldi. Bunda qu-yidagi vazifalar qo'yildi: yaqin yillar mobaynida yarim harbiy va sport tashkilotlari orqali harbiy xizmatni o'tashni bir necha millionga yetkazish, nemis yoshlarini millatchilikka, keyin esa fashistlikka tayyorlash, bunda German Gimnastika Ittifoqi asosiy rol o'ynadi. Germaniyada Inqilobiy ko'tarilish yillarda (1918–1923) siyosiy betaraflik shiori ostida yoshlar mustaqil tashkilot sifatida faoliyat yurita boshladilar. Gimnastika Ittifoqi bu harakatga juda ko'p ishchi yoshlarini jalb etishga muvaffaq bo'ldi. Uning a'zolari millatchilik ruhida tarbiyalana boshladi. «Germaniya, Germaniya hamma narsadan ustun» degan shior yana yuzaga keldi. Ular fashistlar yetakchisi Gitler tarafdoi edilar.

1933-yilda fashizm o'matilib, sport harakati ochiqchasiga millatchilik yo'lida o'tkazildi. Barcha ishchi va hatto burjua-demokratik sport tashkilotlari tarqatib yuborildi. Fashistlarga qarshi bo'lgan sportchilar yashirin holatda yashashga o'tdilar yoki chet mamlakatlarga ketib qoldilar. Yoshlarga millatchilik kayfiyatini singdirish va sportni ham shu maqsadlarga xizmat qildirishda hujumchilar guruhi Gestapo, «Po'lat dubulg'a» tashkiloti, Gitlerchi yoshlar ittifoqi, burjua sport-gimnastika klublari katta ish olib bordilar.

«Gelendeshpert» (joylardagi sport) ochiq harbiylashishni keng yoydi. Bu maktablar bolalar o'qitishga mo'ljallanib, haftada 5–8 soat jismoniy tarbiya o'tkazilgan. Maktablarda musobaqalar o'tkazish uchun maxsus kunlar belgilangan va barcha o'qituvchilarning ishtirok etishlari talab qilib qo'yilgan.

Sport-gimnastika tashkilotlari o'z a'zolari o'tasida fashistlik harbiy g'oyalari va jismoniy tarbiya ishlarini agressivaga mos ravishda olib borish shakllari hamda usullaridan foydalandi.

Nemis sportchilarining xalqaro sport va Olimpiya maydonlariga chiqish yo'li oson kechmadi. Xalqaro Olimpiya qo'mitasining (XOQ) qaroriga binoan Birinchi jahon urushining asosiy sababchisi sifatida Germaniya 1920 y. (Antverpen) va 1924-yilgi (Parij) Olimpiya o'yinlariga qo'yilmadi.

Lekin Germaniya hukumati va jamoatchi sport tashkilotlari mamlakatda sportni rivojlantirish uchun barcha imkoniyatlardan foydalandilar. 1926-yilga kelib, nemis sportchilari og‘ir atletika, ot sporti, yengil atletika, yunon-rum kurashi, suv polosi kabi turlari bo‘yicha jahonda oldingi o‘rirlarni egalladi. 1928-yilda Ámsterdamdagি o‘yinlarda nemis sportchilari paydo bo‘lib, birdaniga yuqori natijalarga erishdi. Ular olgan medallari soniga ko‘ra ikkinchi o‘rinni egalladi. AQSH sportchilari birinchi o‘rinda edi.

1930-yilda Germaniya 1936-yildagi Olimpiya o‘yinlarini o‘tkazish huquqiga ega bo‘ldi. Shu tariqa XI Olimpiyada Berlinda va IV qishki Olimpiyada o‘yinlari Gormish — Partenkirkxenda o‘tkazildi.

1933-yilda Gitler mamlakatda fashistik va militaristik tartiblarini o‘rnatib, Olimpiya o‘yinlari bayrog‘i ostida o‘zining qabih siyosatidan foydalandi. Bunday sharoitda Olimpiya o‘yinlarini o‘tkazishga qarshi demokratik kuchlar qanchalik harakat qilmasin, o‘yinlar Berlinda tashkil qilindi. Germaniyadagi totalitar tuzum o‘zining Yevropadaga «Yangi tartibini» namoyish qildi.

Germaniya o‘z hududida o‘tkazilgan Olimpiya o‘yinlarida hammadan ko‘proq medallar olishga erishdi. Ummumani, medallar quyidagicha taqsimlandi: Germaniya — 89 (33—26—30)ta, AQSH — 56 (24—20—12)ta edi. Germaniyaning akademik eshkak eshish (baydarka va canoe), og‘ir atletika, gimnastika, ot va yelkan sporti, boks, besh kurash kabi turlari ustunligi bor edi. 1936-yilgi qishki Olimpiyadada tog‘ chang‘isi bo‘yicha erkaklar va ayollar o‘rtasidagi musobaqalarda Germaniyaga teng keladigan raqiblar ham yo‘q edi.

1938-yilda XOQ yana bir katta xatoga yo‘l qo‘ydi. Ya’ni sportni rivojlantirishdagi xizmatlari uchun gitlerchilar Germaniyasini «Quvonch orqali kuch» kubogi bilan taqdirladi.

**Italiya.** Jismoniy tarbiya va sport bu mamlakatda keng doirada taraqqiy etdi. Mussolinining siyosati yangi urushga tayyorgarlik va buyuk Italiyani yaratishga qaratildi. Xalq maorifi vazirligi tarmog‘idagi jismoniy tarbiya departamenti

«Balilla milliy operasi» maxsus tashkiloti yordamida bolalarni jismoniy trabiyalash ishlarini amalga oshirdi. «Balilla» guruhi 8–13 yoshdagi o‘g‘il va qiz bolalarni hamda 14–18 yoshdagi yoshlar va qizlarni o‘z ichiga oladi. «Balilla milliy operasi» markaz va viloyatlarda tashkil qilinadi. Unda yengil atletika, qilichbozlik, gimnastika, eshkak eshish va boshqa sport turlaridan keng foydalanildi. Joylarning geografik va iqlim sharoitlariga qarab sport turlari tanlanadi. Ya’ni Alp tog‘larida – tog‘ chang‘isi sporti, dengiz yoqalarida – suzish, yelkan sporti, daryolarda – suzish va eshkak eshish, tekisliklarda – ot sporti, maxsus joylarda sport o‘yinlari: regbi, futbol, basketbol, voleybol, o‘q otish, velosiped, avtomotosport kabilar mavjud edi. Harbiy-sport ishlari sportklublar, jamiyatlar va uyushmalarda olib borildi.

Italiya sport tashkilotlari Milliy Olimpiya qo‘mitasi (MOQ) tomonidan boshqarildi va xalqaro sport hayotida faol ishtirok etdi. Italiya sportchilari 1900-yildan boshlab, uzlusiz ravishda Olimpiya o‘yinlari, Yevropa championatlari hamda boshqa xalqaro sport musobaqalarida ishtirok etib keldi, Italiyaning futbol bo‘yicha terma jamoasi («Skuadra Adzurra») ikki marotaba (1934, 1938 y.y.) champion bo‘ldi. U 1936-yilda Olimpiya oltin medaliga sazovor bo‘ldi. Juhon va Yevropa championatlarida italiyalik qilichbozlar, velosipedchilar, o‘q otuvchilar, tog‘ chang‘ilari, gimnastikachilar va boshqa bir qator sport turlari vakillari g‘alabalarni qo‘lga kiritdi. Italiya deyarli barcha xalqaro sport uyushmalari tarkibidan o‘rin egallagan edi.

**Yaponiya.** Bu mamlakatda milliy xususiyatlar asosida jismoniy tarbiya va sport rivojlanishi yuqori darajada o‘sib bordi. O‘sha davrlarda Yaponiyaning siyosati Osiyoni bosib olishga qaratilgan edi. Shu maqsadda maktablar va sport-gimnastika tashkilotlaridan unumli foydalanildi. O‘quv yurtlari va sport klublari jismoniy tarbiya va sportni rivojlantirishning asosiy markaziga aylantirildi. Bo‘lajak oddiy harbiylarni tayyorlash boshlang‘ich maktablarda, amalga oshirildi. Bunda eski milliy jismoniy mashqlar, ya’ni dzyu-do, kenzo (tayoqlarda qilich tushish), kamondan o‘q otish va hozirgi

zamon sport turlari: gimnastika hamda o'yinlar qo'llanilgan. Kollejlar va universitetlarda harbiy kadrlar tayyorlanib, ularda ham dzyu-do, karate, qilichbozlik, o'q otish, gimnastika, beysbol, regbi, suzish, yengil atletika mashqlaridan maqsadli foydalilanilgan. Yaponiyada sumo milliy kurashi keng tarqal-gan.

Yaponiya sportchilari xalqaro sport musobaqalarida faol ishtirok etib keldilar. Ular 1912-yilgi V Olimpiiadadan 1936-yildagi XI Olimpiyadagacha doimiy ravishda ishtirok etdi. Birinchi oltin medalni M.Oda 1928-yilda uch hatlab sakrash bellashuvlarida qo'lga kiritgan. 1932-yilgi Olimpiya o'yin-larida (Los-Anjeles) yaponiyaliklar suzish bo'yicha 6 turdan beshtasida g'alabaga erishadi. 100 m. masofaga erkin suzish bo'yicha 15 yoshli Ya.Miyazaki birinchi o'rinni egalladi. 1500 m.ga erkin suzish bo'yicha 14 yoshli K.Kitamura g'olib chiqdi. U yosh bo'lsa-da, bu masofani 19 daqiqa 12,4 soni-yada bosib o'tib, jahon rekordini o'rnatdi. Bu natijani bosh-qalar faqat 20 yildan keyin o'zgartirishga muvaffaq bo'lish-gan.

Yaponiyalik chavandoz T.Insi o'yinlarda oltin medal so-hibi bo'lishga erishdi. 1936-yilgi Olimpiadada yaponlar suvda suzish bo'yicha 11 ta medalga ega bo'lib (4-2-5), bu sport turida peshqadam bo'lishdi.

Xulosa qilib aytganda, Berlin-Rim-Tokio uchligidagi si-yosiy munosabatlар va urush harakatlari bosqinchilik hamda fashistlashish darajasiga ko'ra bir-birini to'ldirdi.

O'quvchilar va yoshlarni harbiy-jismoniy jihatdan tayyor-lash, harbiy xizmatlarning jangovarligini oshirshda sport-gimnastika burjua tashkiloti davlat hokimiyatiga yaqindan yordam berdi.

Xalqaro sport harakati va uning g'oliblariga ma'lum da-rajada itoat etgan bu davlatlar Olimpiya o'yinlarida ongli faollik hamda ustunlik bilan ishtirok etib keldi. Bunday jihat-lar har bir mamlakatdagi sportchi yoshlarning qiziqishlarini rivojlantirishga muhim hissa qo'shganligi bilan e'tiborga molikdir.

## **4.2. AQSH, Fransiya, Buyuk Britaniya, Skandinaviya mamlakatlarida jismoniy tarbiya va sport**

Demokratiya vakillari deb yuritilgan AQSH, Fransiya, Buyuk Britaniya, Skandinaviya mamlakatlarida sport-gimnastika harakati birmuncha o'zgacha rivojlana boshladi. Ular haqida quyidagi ma'lumotlar guvohlik qilishi mumkin.

**AQSH.** Urushlar oralig'i davrida AQSHda moliyaviy iqtisodiy holatga katta e'tibor berildi, bu jahonda taraqqiy etgan kapitalistik dunyoni vujudga keltirdi. AQSH jahonda hokim bo'lish siyosatini olg'a surdi. Boshqa davlatlarga amerikacha yashash tarzini targ'ib qila boshladi. Bu yo'lda sportchilar ming xalqaro musobaqlarda ishtirok etishi maqsadga qaratilgan tadbirdardan biri bo'lib xizmat qildi.

Yoshlarni tarbiyalashning muhim vazifasi sifatida sportga alohida ahamiyat berildi va sport tashkilotlari faoliyatini qat-tiq nazorat ostiga oldi. Ko'pgina shtatlardagi maktablarda jismoniy tayyorgarlik haqida qonunlar qabul qilishdi. Shu qonunlar asosida moliyaviy yordam berish, jismoniy tarbiya o'qituvchilarini tayyorlash, jismoniy tarbiya darslariga ajratilgan vaqlarni belgilash ko'zda tutildi. Shu tariqa umumiy tarbiyaning bir bo'lagi sifatida jismoniy tarbiya qonunlashtirildi.

17 yoshgacha bo'lgan bolalar va o'smirlar maktablar sport skaut tashkilotlarida jismoniy tarbiyani olishadi. Bunda gimnastikaga nisbatan sport o'yinlariga ko'proq e'tibor kuchaytirildi. Boylarning bolalari kollejlar, universitetlarda ta'lim olib, jismoniy tarbiya bilan sport klublarida mashg'ul bo'lishdi. Amerikada kollejlar va universitetlar asosan sport ishlarining markazi hisoblanar edi.

Amerikaning kollej va universitetlarida ko'proq yengil atletika, suzish, basketbol, eshkak eshish sporti, tennis, beysbol, amerikacha futbol bilan shug'ullanish tashkil qilindi.

Oliy o'quv yurtlariaro universitet sportining milliy assotsiatsiya (NKAA) yetkachi tashkilot hisoblanar edi. Bu tashkilot 1906-yilda tuzilgan edi.

Amerikada havaskorlik sporti harakatida 1888-yilda tashkil etilgan atletika uyushmasi (soyuz) asosiy rol o'ynadi. Bu

tashkilot Amerikada mavjud bo‘lgan barcha sport tashkilotlari ustidan rahbarlik qildi, faqat universitet sporti mustaqil edi. Atletik uyushma boshida yirik moliyaviy va ishlab chiqarish kapitali turar edi. Amerikada 1894-yilda Milliy Olimpiya qo‘mitasi (MOQ) tashkil etilib, u mamlakat Olimpiya harakatini boshqardi. Ikki urush oralig‘ida Amerika sport bo‘yicha jahondagi eng yirik va kuchli davlatga aylandi. Amerika sportchilari yozgi va qishki Olimpiya o‘yinlari hamda jahon miqyosida o‘tkazilgan sport musobaqalarining doimiy qatnashchisi bo‘lib qoldi.

Mamlakatda sport taraqqiyotiga asosan 1932-yil Los-Anjelesda o‘tkazilgan X yozgi va Leyk-Pleisidda o‘tkazilgan IV qishki Olimpiya o‘yinlari sababchi bo‘ldi. Amerikalik sportchilar Olimpiya o‘yinlarida yengil atletika, o‘q otish, boks, tramplindan sakrash, tennis, regbi, bobsley, eshkak eshish, suzish kabi turlarda ancha ustunlik qildi. Suvda suzish bo‘yicha Jon Veysmyller 1924 va 1928-yildagi Olimpiya o‘yinlarida 5 ta oltin medalga sazovor bo‘lgan. 1936-yil Berlinagi Olimpiya o‘yinlarida Neyer Jessi Ouens 4ta oltin medal bilan mukofotlandi, ya’ni 100 va 200 m.ga yugurish, uzunlikka sakrash va 4x100 m. estafetada qatnashdi. Amerikada irqiy kamshitishlarga qaramasdan, mamlakat shuhrati uchun terma jamoalar tarkibiga negrlar ham kiritildi. Ular Olimpiya o‘yinlarida g‘olib kelib, keyin professional sportga o‘tib ketishardi. Bu davrda Amerikada professional sport amerikacha turmush tarzining xususiyatlaridan biri bo‘lib hisoblangan.

Professionallik negizida sport ancha rivojlanib, bunda turli xil reklamalar, matbuot, radio va keyinchalik televideni-yeda uzluksiz targ‘ibot olib borish muhim rol o‘ynadi. Bu o‘z navbatida sport trestlari, kompaniyalar, yirik stadionlar qu-rish kabi maxsus tijorat ishlab chiqarish sohasini yuzaga keltirdi. Bunday sharoitlarda o‘tkazilgan matchlar (uchrashev) va tadbirlar tadbirkorlarga ulkan boyliklar keltirdi. Amerikada professional sport biznesga (savdo, tijorat) aylandi. Ishbilarmonlar sportchilarni ekspluatatsiya qilish yo‘li bilan katta boyliklar to’plashdi. Masalan, 1927-yilda boks

bo'yicha jahon championati o'tkazilib, Tunney va Demis uchrashuvi uyuşdırıldı va undan 2 mln.dan ortiq dollar foyda olinadi. Shu tariqa Amerikada bokschilar, basketbolchilar, futbolchilar, regbichilar, beysbolchi va xokkeychi sportchilar tovar sifatida sotiladigan va sotib olinadigan dara-jaga yetib, bu jarayon keng tarmoqlanib ketdi.

**Fransiya.** Yoshlar jismoniy tarbiyasi va sporti Fransiyada o'ziga xos tarzda rivojlanib bordi. 1920-yilda maktab yoshi-gacha bo'lgan bolalar va maktab o'quvchilarining jismoniy tarbiyasi haqida qonun qabul qilindi. Harbiy vazirlik o'quv yurtlarda jismoniy tarbiya va sport to'g'risidagi nizomni tasdiqladi. Jismoniy tarbiyaning vosita va usullari asosi uchun Jorj Eberining tabiiy-tayanch gimnastikasi tizimi qayta ishlangan holatda va shvedlar gimnastikasining ba'zi qismllari olingan edi. Ko'p sonli sport klublari va tashkilotlarida Olimpiya o'yinlari turlari, ayniqsa, futbol, tog' chang'isi sporti va figurali uchish kabilalar keng rivojlandi.

20-yillar oxiri va 30-yillar boshida mamlakatda faol dam olish jarayonida sportdan foydalanishga katta e'tibor berildi. Bunda rekreatsion sport keng quloch yozdi. 1936-yilda sport ishlari va faol dam olish davlat boshqarmasi tashkil etilishi bilan rekreatsion sport o'z maqomiga ega bo'ldi.

Fransiyada Olimpiya harakatini rivojlantirishda baron Pyer de Kubertenning nomi bilan bog'liq faoliyatlar ko'p. 1894-yilda Parijda Xalqaro Olimpiya qo'mitasini (XOQ) tuzishga harakat qilindi. Shu asosda Fransiya Milliy Olimpiya qo'mitasi (MOQ, 1894) tashkil etildi. Parijda ikki marotaba Olimpiya o'yinlari o'tkazildi, ya'ni 1900-yilda – II, 1924-yilda – VIII o'yinlari. Shuningdek, 1924-yilda Shamonni shahrida I qishki Olimpiya o'yinlari tashkil etildi. Bu davrlarda Parijda ko'pgina xalqaro sport uyushmalarining shtab-kvartiralari joylashgan edi.

Fransiya sportchilar 1904-yilda Sent-Luisda bo'lib o'tgan yozgi Olimpiya o'yinlaridan tashqari, barcha yozgi va qishki Olimpiya o'yinlarining qatnashchisi hisoblanadi. 1924–1936-yildagi o'yinlarda velosipedchilar g'oliblikka ega bo'lishdi. 1920–1932-yildagi o'yinlarda – fransuzlar og'ir at-

letika va 1920–1924–1928-yildagi Olimpiya o'yinlarida qilichbozlik bo'yicha shuhrat qozongan edilar.

Ikkala jahon urushi oraliq'i davrida Fransiya sobiq Ittifoq bilan xalqaro sport tashkilotlari va ba'zi klublar orqali sport bo'yicha yaqin aloqada bo'lgan.

30-yillarning boshida Fransiyada sovet yengil atletikachi va suzuvchilari musobaqalarda ishtirok etadi. «Spartak» va «Dinamo» sport jamiyatlaridan tashkil etilgan futbol terma jamoasi Fransiyaning «Resing» va «Red Star» kabi kuchli sport futbol klublari bilan uchrashuv o'tkazadi. Fransiyaning taniqli yuguruvchisi Jyul Lyadumeg sovet yuguruvchilari Georgiy va Serafmi Znamenskiylar bilan bahslashish uchun Rossiya keladi. Fransiyada 1934-yilda sportchilarning fashistlarga qarshi slyoti bo'lib, unda SSSR vakillari ishtirok etadi.

Slyot qatnashchilari jahondagi barcha sportchilarni fashizmga qarshi faol kurashga chaqiradi. Bu bilan tinchlik va osoyishtalikni barcha yerlarda ta'minlash ko'zda tutiladi.

Buyuk Britaniya birlashgan qirolligiga Angliya, Shotlandiya, Uels va Shimoliy Irlandiya kiradi. Bu hududlarning har birida sport markazlari mavjud edi, ya'ni Angliyada – 4 ta, Shotlandiyada – 2 ta, Uelsda – 1 ta va Shimoliy Irlandiyada – 1 ta. Ularni jismoniy dam olish markaziy kengashi (sovet), o'yin maydonlari milliy tashkiloti va Britaniya Olimpiya assotsiatsiyasi birlashtirar edi.

O'sha davrlarda Buyuk Britaniya maktab, kollej va universitetlarda jismoniy tarbiyaning yaxshi yo'lga qo'yilganligini va sportning rivojlanish surati bilan ajralib turar edi. Bernard Shou o'zining «Mafusailga qaytish» pyesasida buni shunday ifodalaydi: «Yopiq maktablarning tarbiyalanuvchilariga faqat foyda keltiruvchi, jismoniy chiniqish va harbiy mahoratga o'rgatish asosiy yo'l. Bu esa o'q otish, samolyotlardan bomba tashlash, begunoh kishilarga qirg'in keltirishdan boshqa narsa emas. Urush – din, o'ldirish esa jasoratga o'xshaydir» deydi.

17 yoshgacha bo'lgan yoshlar orasida XX asr boshida tashkil topgan Skaut harakati keng tarqalgan edi. Skaut otryadlarida yigit va qizlar axloq bo'yicha va jismoniy tarbiya

olishar, har bir a'zo har kuni biron-bir ma'qul ish qilishi, sport va o'yinlar bilan shug'ullanishi shart edi.

Buyuk Britaniya jahon sport va Olimpiya harakati rivojiga munosib ravishda o'z hissasini qo'shdi. Ular hisobida anchagina jahon va Olimpiya yutuqlari mayjud . Ikkala jahon urushi oralig'ida o'tkazilgan Olimpiya o'yinlarida – Antverpenda – 42 ta va Parijda – 34 ta Olimpiya medallariga sazovor bo'lgan.

O'zlarida tashkil etilgan jahon, Yevropa championatlari va xalqaro musobaqalarda Angliya, Uels va Shimoliy Irlandiya mustaqil termia jamoalarini bilan ishtirok etishgan. Faqat Olimpiya o'yinlaridagina Buyuk Britaniya bayrog'i ostida terma jamoalar tarkibida qatnashdi. Buyuk Britaniya sportchilari Olimpiya o'yinlarida boks, velosport, chim xokkeyi, tennis, (1920), shuningdek, akademik eshkak eshish, suzish va boshqa turlar bo'yicha g'oliblikka erishgan. 1936-yildagi Olimpiya o'yinida Buyuk Britaniya shaybali xokkey bo'yicha chempionlikni qo'lga kiritgan. Shu davrlarda u ko'pgina xalqaro sport uyushmalarining a'zosi bo'lgan.

**Skandinaviya mamlakatlari va Finlyandiya.** Ikkala jahon urushi oralig'ida bu mamlakatlarda sport-gimnastika harakati rivoj topadi. Shvetsiya, Norvegiya, Daniya va Finlyandiya mamlakatlari qadimdan sport an'analari bilan jahonda mashhur edi.

Bu hududlarda jismoniy tarbiya va sport avvalgi shved gimnastikasi, daniyalik Nils Buksning tabiiy gimnastikasi, Io-gann Mollerning shaxsiy (individual) gimnastikasi kabi tizimlarni qayta ishlash va ularni amalda bajarish evaziga rivoj topadi.

Maktablarda iqlim sharoitidan maqsadli foydalanish natisida qishki sport turlari keng rivoj topadi. Ayniqsa, chang'i va konkida uchish sporti, to'pli xokkey (bendi), shaybali xokkey, chang'ida ikki kurash, konkida figurali uchish, tramplindan chang'ida sakrash kabi turlar bu xalqlar hayotiga chuqr singib ketgan.

Mazkur mamlakatlarning hukumat doiralari maktablar, bilim yurtlari, institutlar, universitetlarda jismoniy tarbiyani

tashkil etishga juda katta katta e'tibor berishgan. Shimoliy mamlakatlarning sportchilari xalqaro sport va Olimpiya harakatlarida faol ishtirot etib kelgan. Sportchilarni tayyorlash maqsadida yirik sport inshootlari qurildi. Shvetsiya, Norvegiya, Daniya va Finlyandiya milliy Olimpiya qo'imalari tashkil etilib, milliy sport uyushmalari (soyuz) va klublar xalqaro sport uyushmalari tarkibiga kiritilgan. Bu mamlakatlaring sportchilari jahon, Yevropa championatlari va Olimpiya o'yinlarining doimiy qatnashchilari hisoblanadi. Shu yillarda eng yaxshi sportchilar tayyorlandi. Finlyandiyaning jahonga tanilgan yengil atletikachilari X.Komxmaynen 1912, 1920 yildagi Olimpiya o'yinlarida 4 ta oltin medal olishga erishgan. P.Nurmi 9 ta oltin medalni (1920, 1924, 1928) qo'liga kiritgan bo'lsa, konkida uchish bo'yicha K.Tunberg, nayza uloqtirishda M.Yarvinen mashhur edilar.

Shvedlar sporti o'sha paytda dunyoda tengi yo'q figurachi G.Grafstremni, ya'ni to'rtta Olimpiya o'yinlari qatnashchisi, 3 ta oltin medal (1920, 1924, 1928) va bir kumush medal sohibini (1932) jahonga yetkazib berdi.

Jahon urushlari oraliq'i davrida Shimoliy davlatlarda ishchilar sport klublarining faoliyatları e'tiborga loyiq edi. Shvetsiyada sport klublari Shved ishchilar sporti uyushmasiga (AIF), Finlyandiyada – Fin ishchilar sporti uyushmasi (TUL)ga birlashgan edi. Bu mamlakatlarning sportchilari 1928-yilda Moskvadagi 1-spartakiadada ham ishtirot etishgan.

**Jahonning boshqa mamlakatlari va hududlari (region).** Ikki jahon urushi oraliq'ida sport-gimnastika harakati Yevropaning boshqa bir qator davlatlari va hududlarida ham ma'lum darajada rivojlandi.

Olimpiya sport turlari va boshqa sport turlari ham Chexoslovakiya, Bolgariya, Vengriya, Polsha, Portugaliya, Ispaniya, Belgiya, Niderlandiya va boshqa davlatlarda rivoj topganligi ma'lum. Bu davlatlar shu oraliq davrida o'tkazilgan Yevropa, jahon birinchiliklari va Olimpiya o'yinlarida ham ishtirot etishgan.

Yer yuzasining boshqa hududlarida (Osyo, Afrika, Lotin Amerikasi) sport-gimnastika harakati hali rivoj topmagan edi. Ba'zi davlatlarda hozirgi zamon sport turlari, ya'ni chim xokkeyi, yengil atletikaning ba'zi turlari, kurash va h.k., shuningdek, milliy jismoniy mashqlar hamda o'yinlar bir-muncha rivojlangandi.

Ba'zi bir davlatlar o'sha paytlarda Olimpiya o'yinlarida ishtirok etishgan. Hind chim ustida xokkeychilari VIII, IV va X Olimpiya o'yinlarida championlik unvoniga sazovor bo'lganlar.

Misr sportchilari 1928, 1936, 1948-yilgi Olimpiya o'yinlarida 6 ta oltin medalni qo'lga kiritishga muvaffaq bo'lgan.

Amerika mintaqasidagi Braziliya, Argentina, Kanada mamlakatlari sportchilari ham o'yinlarda ulkan yutuqlarning sohibi bo'lishgan. Kanada xokkeychilari 1920, 1924, 1928, 1932-yildagi Olimpiya o'yinlarida championlik shohsupasiga ko'tarilib, qishki sport turlari bo'yicha o'zlarining dovrug'ini butun jahonga taratganlar.

Xulosa qilib aytganda, Birinchi jahon urushidan keyingi dastlabki yillarda (20 y.) sport-gimnastika harakati Yevropa va boshqa qit'alardagi mamlakatlarda tez rivoj topdi. Buning negizida yoshlarni harbiy-jismoniy jihatdan tarbiyalash, ularning jismoniy barkamolligini oshirishda sport turlaridan foydalanish faoliyatları yangi tartibda amalga oshirildi.

Mamlakatlarning o'zaro sport aloqalari mustahkamlanib, xalqaro sport uyushmalari faoliyatları kuchayib bordi. Olimpiya o'yinlari qiziqarri ravishda tashkil qilindi.

#### **4.3. Xalqaro miqyosda ishchilar sportining rivojlanishi**

Ikkala jahon urushi oralig'idagi sport-gimnastika harakatining rivojlanishida ishchilar sporti harakati va taraqqiyoti o'ziga xos o'rın tutadi.

Ishchilar sporti Chexoslovakiyada tez rivojlanib ketdi. Ularning sport harakati XIX asr oxirida vujudga kelib, asta-

sekin yuqori darajaga ko'tarildi. 1921-yilda ishchilar sport jamiyati federatsiyasi tashkil etildi. Shu yil Pragada sport jamoalarini birinchi ulkan spartakiadani o'tkazdi. Unda 20 mingdan ortiq yigit va qizlar, erkaklar va ayollar faol ishtirok etishdi. Bu spartakiada mamlakatda sport harakatini rivojlan-tirishning namunasi bo'lib hisoblandi.

Bolgariyada Birinchi jahon urushidan keyingi davrlarda ishchilar sport tashkilotlari vujudga keldi va ular «Spartak» nomi ostida birlashdi. «Spartak» otryadlari Sofiya, Plevna va boshqa shaharlarda tuzildi. «Spartak» tashkilotidagi ishchi sportchilar Qizil sport internatsionaliga kirar edi. 1930-yilda sport harakati yangi pog'onaga ko'tarila boshladи.

Vengriya, Finlyandiya, Fransiya va boshqa mamlakat-larda ham ishchilarining sport tashkilotlari vujudga kelib, ular asosan sport-gimnastika federatsiyalari harakati asosida faoliyat ko'rsatdilar.

Fransiyada 1934-yilda barcha ishchi tashkilotlari sport-gimnastika federatsiyasiga birlashtirildi. Bunda sportdagи mil-latchilik va fashizmga qarshi faoliyatlar kuchaytirildi.

Bu federatsiya faqat milliy va mahalliy sharoitlardagina emas, hatto xalqaro miqyosda ham tadbirlar o'tkazdi. Ayniqsa, «Yumanite» gazetasiga bag'ishlab o'tkazilgan kross jahonga ma'lum edi.

Nemis ishchi sport-gimnastika uyushmasi (soyuz) qator sport tashkilotlaridan biri bo'lib, fashistlar hokimiyatigacha bo'lgan vaqtarda (1919 y.) bu uyushmaning 100 ning a'zosi bor edi. 1932-yilga kelib, ularning soni 1 mln.ga yetdi.

Germaniyadagi kommunistik va sotsial-demokratik partiyalarning o'zaro ixtiофlari, qarama-qarshiliklari ishchilar sport tashkilotlari o'rtasidagi nizolar va qarshiliklarga sabab bo'ldi. Asosiy omma sotsial-demokratlar partiyasining ta'siri va oqimida edi. Ishchilar sport tashkilotlari fashizmga qarshi kurashlarda faol ishtirok etdi.

Shu tariqa ishchilar sport tashkilotlari Avstriya, Belgiya, Angliya, Shvetsiya, Norvegiya kabi mamlakatlarda ham tashkil etilib, ular o'z mamlakatlarining sport musobaqalarida ishtirok etganlar.

#### **4.4. Jismoniy tarbiyaning yangi yo‘nalishlari**

Birinchi jahon urushidan keyingi davrlarda harbiy maktablarning isloh qilinishi hamda harbiy xizmat haqidagi qonunlar asosida yoshlarning harbiy bo‘lмаган hamda harbiy jismoniy tayyorgarligi kuchaytirib borildi. Maktablarning jismoniy tarbiya uslubiyatida sport o‘yinlari mavqeining ustunligi sezila boshladi. Urushgacha o‘тан davrda keng tarqalgan gimnastika asbob-uskunalarida bajariladigan sun’iy mashqlar, yurishlar (marshirovka) sport o‘yinlari usullari bilan siqib chiqarila boshlandi.

Ana shu davrlarda (20-yillar) Angliya, Polsha, Germaniya, Litva, Latviya, Daniya va boshqa mamlakatlarda J.Eberining tabiiy gimnastika usullari bilan bir qatorda Nils Bukning (1880–1950-yil) asosiy gimnastikasi, Karl Gaulgofer (1885–1941 y.y) va Margarita Shtayxerning (1891–1945 y.y) tabiiy mакtab gimnastikasi vujudga kelib, keng tarqalgan edi.

N.Bukning tizimi shved gimnastikasini yangilash (modernizatsiya) yo‘li bilan vujudga keldi va amalda qo‘llanila boshlandi. U harbiy bo‘lмаган yoshlarga mo‘ljallangan edi. Uning tizimi bo‘yicha dars uch qismdan iborat edi: 1) asbob-siz mashqlar; 2) asboblar bilan shvedlar usuli bo‘yicha mashqlar, 3) yurish, yugurish, sakrash mashqlari. Bir darsning o‘zida 40–50 tagacha mashq bajarish tavsiya etilgan.

Australiyalik K.Gaulgofer va M.Shtrayxerlarning tabiiy gimnasitikasi nemis gimnastikasi o‘miga yuzaga kelgan edi. Ular burjuaziyaning yangi pedagogik nazariyasiga asoslanib, mehnatdan bo‘sш vaqtarda bajarish, bolalarga o‘rgatish (uchun mashqlar tizimi) zarurligini himoya qilishdi. Ular o‘zlarining «Mакtab gimnastika tizimi» (1927), «Tabiiy gimnastika» (1930) va boshqa ishlarida jismoniy tarbiyani san’atga o‘xshatadilar, chunki bunda o‘rgatish tabiiy sharoitda olib borilishini va unda tabiiy jismoniy mashqlar qo‘llanishini na-zarda tutadilar. Ular dars tuzilishi, shug‘ullanuvchilarning ishiga qarab mashqlами 3 qismga bo‘lishadi:

1) jonlantiruvchi (harakatga keltiruvchi): tez yurish, yugurish, sakrab o‘ynash nafas mashqlari;

2) gavda muvozanatini saqlash, epchillik va kuchni rivojlantiruvchi asosiy mashqlar yugurish, yurish, sakrash va b.;

3) susaytiruvchi (tinchlantiruvchi) mashqlar: oddiy harakatlari o'yinlari, sekin yurish va h.k.

Avstriya pedagoglari jismoniy tarbiyaning asosiy vositalariga yengil atletika, kurash, boks, suzish, qishki sport turlari, qilichbozlik, sayohat va ochiq havoda bajarish mumkin bo'lgan boshqa mashqlarni kiritadi. Bu pedagoglar o'z tizimlarida jismoniy tarbiyaning inson rivojlanishidagi ijtimoiy xususiyatini inkor etgan, ya'ni nasl asosiy rol o'ynaydi, deyishgan.

Avstriya gimnastika maktabi va Bukning asosiy gimnastikasi qatorida G'arbiy Yevropa va Amerikada Zurennинг gigiyenik gimnastikasi ham keng yoyildi. Bunda tana va ruhning garmonik holati haqidagi g'oya targ'ib qilindi.

Shular qatorida yana Bodening individual-tabiyy «Kit-Dit» tizimi nazariyasi asosida gavdaning to'g'ri o'sishi (osanka), mushaklarni mustahkamlash, yassi oyoqlikning oldini olish, bukrilik va boshqa jismoniy qusurlarning oldini olish usullari ham qo'llanila boshlandi.

Bunday usullar 20–30-yillarda ishlab chiqilib, Ikkinchiji jahon urushi arafalarida keng miqyosda tan olindi.

#### **4.5. Ikkinchiji jahon urushi davrida sportchilarining fashizmga qarshi kurashlari**

1939-yilda Ikkinchiji jahon urushi boshlandi. Ko'pgina mamlakatlarning sportchilari fashizm aggressiyasiga qarshi kurashlarda faol ishtirok etishdi. Fashistlarga qarshi yirik yopiq (nolegal) markazlardan biri Qizil sport birligi uchun kurashuvchi nemis jamiyati edi. Qizil sport internatsionalining (QSI) yetakchi arboblardan biri, komunistlarning reyxstagdagi deputati Ermeta Gurbe unga boshchilik qildi. U antifashistlar harakatini butun Germaniya bo'ylab sportchilar orasida targ'ib qildi. Yashirin holda «Rot-shport» gazetasini chiqardi. Gazeta va turli varaqlarda butun dunyodagi erk-parvar xalqlarni fashizmga qarshi kurashga chaqirdi. Mam-

lakat ichida va bosib olingan joylarda terrorchilik kuchaydi, sportchilar ham ta'qib ostiga olindi.

1945-yil 12-aprelda E.Gurbe Bergen – Belsen kons-lagerida qattiq kaltaklash va azoblar oqibatida vafot etdi. 1928-yil Moskvada 1- spartakiadada qatnashgan 6 karra Germaniya championi, Berlin Olimpiadasining to'rtinchi sovrindori, taniqli kurashchi va kommunist V.Zeslanbinder ham qamoqqa olinadi, fashistlarga qarshi kurash olib borgani uchun otib tashlanadi. Shuningdek, nemislarga qarshi kurashgan Qizil sport internatsionalining kotibi, 1936-yilda o'tkazilgan Barse-lonadagi Xalq Olimpiadasi tashkilotchisi F.Leshning qah-ramonona xotirasi ham o'chmas bo'lib qolgan. U Ispaniya Respublikasi uchun janglarda halok bo'lган edi. QSIning faol arbobi P.Sabel 1945-yilda Daxauda qatl etiladi. «Rot-shport» gazetasining muharriri B.Almistadba 1944-yilda qatl etilgan. Urushda halok bo'lган sport arboblaridan juda ko'pchiligining tasviri keyinchalik ular xotirasiga bag'ishlab chiqarilgan medal-larda aks etgan edi. Yirik sport inshootlari, stadionlar, sport tashkilotlari ularning nomi bilan ataladi.

Bolgar yozuvchisi Xristo Botevning «Ozodlik uchun kimki urushda halok bo'lsa, u o'lmaydi» shiori partizan otryadi mayori K.Nikolov-Stranjat xotirasiga bag'ishlab boks bo'yicha o'tkaziladigan turnir kubogiga uning qahramonligi zarhal harflar bilan o'yib yozilgan edi.

Fashistlar bosib olgan Norvegiya yerlarida yoshlarini fashizmga qarshi tarbiyalash uchun ommaviy sport musobaqalari tashkil etiladi. Bunda tramplindan sakrash bo'yicha sportchi B.Ruud, kurashchilar I.Stakke, B.Kix, konkida uchish bo'yicha mamlakat championi X.Xoraldsen kabilar «Fashistlar rahbarligida hech» qanday shart yo'q!» - deb qarshi chiqadi. Yuzlab Norvegiya sportchilari fashistlarga qarshi turganligi uchun gaz kameralarda o'ldiriladi.

Urush yillarda Vengriyada 1050 sport klubidan 700 tasi o'z ishini butunlay to'xtatadi. Olimpiya championlari A.Pechauer, D.Emerli, Ya.Garan kabilar o'ldiriladi. Jangda sport jurnalisti D.Kilion halok bo'ladi.

Polshadagi (Varshava) Jismoniy tarbiya akademiyasida urushda halok bo'lgan sportchilar xotirasiga bag'ishlangan memorial stend bor. Ular orasida X Olimpiada championi (10 km), jahon rekordchisi (3 km) Ya.Kusochinskiy portreti ham bor. Urush davrida u Palmirok o'rmonida gestapochilar qo'liga tushadi. Uni so'roq qilishganda, «Menden hech narsa ololmaysanlar!», «Yashasin Polsha!» deya o'limi oldidan mardonavor turadi. Uni qahramon sifatida Polsha jamoatchiligi e'zozlaydi. U kabi jasorat va qahramonlik namunalarini ko'rsatgan Chexoslovakiya, Ispaniya, Fransiya va boshqa mamlakatlarning sportchilari Olimpiya o'yinlari hamda jahon, Yevropa birinchiliklarining g'oliblari, ishtirokchilarini orasida ham ko'p uchraydi. Xulosa sifatida shuni ta'kidlash kerakki, urushdan avvalgi va urush yillardagi harbiy-jismoniy tayyorgarlik tizimlari, sport-gimnastika muta-xassislari yosh-larga o'z g'oyalarini qanchalik majbur qilib o'rgatmasin va buyruq ostiga olmasin, sportchilar orasida chin insoniylik, vatanparvarlik his-tuyg'ulari ancha mujassamlashgan edi.

### **O'z-o'zini nazorat qilish uchun savollar**

1. Jahonda jismoniy tarbiya va sport rivojlanishi qanday yo'naliishlarda davom etdi, buning sabablari nimada?
2. Ikkala jahon urushi oralig'ida Germaniya, Italiya, Yaponiyada sport-gimnastika harakati qay tariqa rivojlandi?
3. Ikkala jahon urushi oralig'ida AQSH, Fransiya va Angliyada sport-gimnastika harakati qanday rivojlandi, uning boshqa mamlakatlardan farqi nimiada edi?
4. Ikkala jahon urushi oralig'ida Skandinaviya mamlakatlari va Finlyandiyada sport-gimnastika harakati qanday taraqqiy etdi, undagi ilg'or tajribalar nimadan iborat?
5. Ishchilar sporti urushlar oralig'idagi davrlarda qanday rivoj topdi?
6. Ikkinci jahon urushi yillarda qaysi sportchilarni fashizmga qarshi kurash olib borganlarini bilasiz, ular qahramonlikning qanday namunalarini ko'rsatdilar?
7. O'sha davrdagi yoshlarning ongida fashizmga qarshi kurash g'oyalari qanday paydo bo'lgan edi?

## *V bob. IKKINCHI JAHON URUSHIDAN KEYINGI DAVRLARDA JISMONIY TARBIYA VA SPORT*

### **5.1. G‘arb mamlakatlari hayotida jismoniy tarbiya va sport**

Ikkinchi jahon urushi fashistlar Germaniyasi va mili-taristik Yaponiyaning batamom tor-mor etilishi bilan yakunlandi. Bunda sobiq sovet (SSSR) Ittifoqining o‘mi beqiyos katta bo‘ldi. Urushlar jarayoni va undan keyingi yillarda jahonda iqtisodiyot, siyosiy va madaniy rivojlanishning yangi davri boshlandi. Bu esa mamlakatlarining iqtisodiy, siyosiy va madaniy ahvoliga qarab jismoniy tarbiya va sportning ham rivojlanishini ta’min etdi.

Urushdan keyingi yillarda G‘arb mamlakatlarida ijtimoiy-madaniy hayotning yaxshilanishi tufayli jismoniy tarbiya va sportni rivojlantirishga katta e’tiibor berila boshlandi. Mamlakatlar iqtisodiy, siyosiy hamda monopolistik sharoitlar asosida jismoniy tarbiya va sportni rivojlantirishda avvalo o‘z manfaatlarini oldingi qatorga qo‘yishdi.

Bu davrdagi jismoniy tarbiya va sport taraqqiyoti katta qarama-qarshiliklarga duch keldi, chunki sotsialistik va kapitalistik tizimlar orasidagi ziddiyatlar, raqobat shuni taqozo etar edi. Ular ikki tomonidan jismoniy tarbiya va sportning ijtimoiy nazariyasini, davlat va jamoat tashkilotlaridagi mohiyatini o‘zlaricha targ‘ib qilishdi. Ko‘pgina sotsiolog va tarixchilarning asarlarida jismoniy tarbiya va sport aholini o‘z mamlakati hokimiyatiga hurmat, siyosiy betaraflik, irqchilik va millatchilikka nafrat ruhida tarbiyalashi, sog‘lom turmush tarzini targ‘ib etishi kerak, degan g‘oyalar olg‘a surildi.

**O‘quv yurtlarida jismoniy tarbiya va sport.** Maktablar va boshqa turdag‘i o‘quv yurtlarida jismoniy tarbiya va sportga alohida e’tibor kuchaydi. Bu, o‘z navbatida, jismoniy tarbiya va sportning yanada tez, shiddat bilan rivojlanishiga sabab

bo'ldi. Shuningdek, o'quvchi yoshlarni harbiy tayyorgarlikka o'rgatish, o'sib kelayotgan avlodning salomatligini tobora yaxshilash oqibatlari ko'zda tutildi. Chunki harbiy tayyorgarlik xarajatlari sovuq urush xavfi mavjud bo'lgan davrlarda o'zga mamlakatlarning hududlarida harbiy istehkomlar (bazarlar) qurish avj olganligi sababli aholidan soliq undirish, ishsizlarning ko'payishi aholining, ayniqsa, yoshlarning sog'lig'iga salbiy ta'sir ko'rsata boshladи.

1949–1950-yillarda AQSHda 9 mln.ga yaqin chaqiriq yoshidagi o'smirlar harbiy xizmatga jismoniy jihatdan yaroqsiz deb topilgan. 1957-yil president Duayt Eyzenxauer, 1961-yil president Jon Kennedy Amerika aholisining jismoniy tarbiyasi masalalari bilan shaxsan shug'ullandi. Ular ko'pchilik yoshlarning harbiy xizmatga jismonan layoqatsizligidan tashvishga tushdilar.

Jismoniy tarbiya va sportning salomatlikni yaxshilash va jismonan chiniqishdagи ahamiyatini amerikalik yoshlar ongiga singdirish yo'lida yetarli darajada ish olib borilmadi. Davlat qaramog'idagi va xususiy maktablarda, o'quv yurtlarida jismoniy tarbiya va sportning qo'llanishida katta farqlar, tafovutlar mavjud edi. AQSHda davlat hisobidagi boshlang'ich maktablarda asosan mehnatkashlarning bolalari o'qitilib, ularda sport maydonlari yetishmas edi. Ko'pgina maktablarda jismoniy tarbiya darslari o'tilmadi. Ayrim bolalargina shahardan tashqaridagi yozgi dam olish maktablariga jalb etilar edi. Barcha xususiy maktablarda boylarning bolalari o'qitilib, ularda sport inshootlari mavjud bo'lgan hamda mutaxassislar dars o'tkazgan. Ularda haftada 5 soat jismoniy tarbiya darslari tashkil etilgan. Dasturlarda sport va o'yinlarning majburiy ravishda o'rgatilishi ko'satilgan. Yengil atletika, suzish, basketbol, beysbol va boshqa turlar bo'yicha maktablarda va maktablararo musobaqalar tashkil etilgan. O'quv ishlaridan tashqari paytlarda g'oyaviy (ideologiya) va sport ishlarini o'qituvchilar orasida Skaut va Xristian yoshlar tashkiloti o'tkazgan.

AQSHda sport ishlari markazini avvalgidek kollejlar va universitetlar tashkil etar edi. Kaliforniya, Pensilvaniya, Chi-

kago va boshqa shtatlarning universitetlarida gigiyena hamda jismoniy tarbiya bo‘limlari, sportklublar tashkil topgan edi. Ularning faoliyati jismoniy tarbiya darslarining o‘tkazish, tibbiy ko‘riklar, ichki hamda universitetlararo musobaqa-larni tashkil qilishga qaratilgandi. Amerikaning kollej va universitetlarida asosan basketbol, regbi, beysbol, yengil atletika, boks, suzish, eshkak eshish sporti, tennis kabi turlar keng qo‘llanilar edi. Universitetlar yirik stadionlar, sport zallari, suv havzalariga ega bo‘lgan. Talabalar orasida ommani ko‘proq jalb etuvchi, daromad keltiruvchi sport turlari va musobaqalar ko‘proq rag‘batlantirilar edi. Sport musobaqalari universitetlarga bir necha yuz minglab dollarlar foyda keltirgan. Sport musobaqalarida g‘olib chiqqan, rekord qo‘yan va faol talabalarga imtiyozlar berilgan, ya’ni ularga stipendiyalar belgilangan, o‘qishga pul to‘lashdan ozod etilgan, o‘quv qo‘llanmalari, yashash joylari bilan ta’minlangan va h.k. Ularning ixtiyoriga yaxshi sport inshootlari, asbob-uskunalar muhayyo etilgan. Universitet sportida faqat yaxshi natijalar ko‘rsatuvchilargina shug‘ullanishga tuyassar edi. Shu sababdan ham, u yoki bu sport turi bilan shug‘ullanuvchi talabalar kamchilikni tashkil etardi.

**Germaniya Federativ Respublikasi, Angliya, Fransiya, Italiya, Skandinaviya** mamlakatlarida ham jismoniy tarbiya va sport jamiyat taraqqiyoti xizmatida bo‘ldi. Bu mamlakat-dagi maktablarda jismoniy tarbiya tizimi davlat tomonidan, ya’ni sport vazirligi, maorif va harbiy vazirliklar rahbarligida boshqarilgan. Boshlang‘ich va o‘rtta maktablarda jismoniy tarbiya majburiy dars sifatida o‘qitildi. Darslar haftada 2 soatdan 4 soatgacha o‘tkazilar edi. Bunda asosan sport-o‘yini usullari qo‘llanilardi. Shvetsiya va Norvegiya maktablarida gimnastika mashg‘ulotlariga umumiylashtirish 50% ajratildi. Ba’zi bir mamlakatlarda haftaning bir kuni o‘yin va sa-yohatlar uchun ajratib berilgan.

Skandinaviya mamlakatlarida gimnastika darslaridan tashqari sport ixtisosligi (bijor sport turi) keng qo‘llanilgan. Shvetsiyada sport uyushmalari hamkorligida havaskor guruhlari tashkil etilgan. Ular darsdan tashqari paytlarda o‘quv-

chilar bilan chang'i, konkida uchish sporti, suzish, yengil atletika, futbol, eshkak eshish va boshqa sport turlar bo'yicha turli tadbirlar olib borilgan. Maktab sporti uyushmalari (Skone) Skandinaviya mamlakatlari va Fin-lyandiya maktablarining o'quvchi-sportchilarini o'ziga birlashtirardi. Bu o'quvchi-sportchilar yoshi, jinsi va musobaqa talablari asosida turli darajalarga (toifa) ajratilgan. Mazkur mamlakatlarda ba'zi bir sport turlari bo'yicha nishonlar (znachok) keng tarqalib, ular yoshlarning qiziqishi va e'tiborini jalb etgan. Bu esa sport mahoratlari yanada ko'tarilishi uchun turtki bo'lib hisoblandi. Barcha sport turlari bo'yicha talab me'yorlarini bajarishga qiziquvchi o'quvchilar soni doi-miy ravishda o'sib bordi.

Yaponiyadagi maktab va o'quv yurtlarida jismoniy tarbiya o'ziga xos xususiyatlarga ega edi. Xalqaro sport turlari bilan bir qatorda an'anaviy milliy jismoniy mashqlar ham keng miqyosda qo'llanildi. Saqlab kelinayotgan milliy sport turlari an'anaviy tadbirlar sifatida yoshlarni samuraylar ruhida tarbiyalashga qaratilgan. Bunday turlar katta qilich (yoki uzun tayoq) bilan qilichbozlik, sumo kurashi, dzyu-do, karate, kamondan o'q otish va suzish kabilardan iborat edi. Murakkab malakalarni tarbiyalashda qo'lda qurol bilan sunda suzish, og'ir narsalami ko'tarish, sayoz va suvli joylarga balanddan sakrash, suv to'siqlarini egallash va boshqalardan foydalanildi. Institut va universitetlarda jismoniy tarbiya kafedralari, sport klublari faoliyat ko'rsatdi. Bu mamlakatda ham sport bilan shug'ullanuvchi talabalar uncha ko'p emas edi. «Akademik sport» faqat sport yulduzlari, yaxshi ta'minlangan oilalarning bolalarigagina xizmat qildi.

Australiyadagi maktablarning jismoniy tarbiya tizimi qiziqarli hisoblanadi. Bu mamlakatda jismoniy tarbiya maktabgacha tarbiya muassasalarida boshlanib, keyin boshlang'ich va o'rta maktablarda davom ettirilgan. Hukumat tomonidan bu sohaga yordam juda kam berilgan. Amerikadagi kabi bu yerda ham xususiy o'quv yurtlarida jismoniy tarbiyaga e'tibor kuchli edi. Ko'pgina xususiy maktablar diniy tashkilotlarga mansub bo'lgan. Xususiy maktab-internatlar

yuqori saviyada o'quv, sport va sog'lomlashtirish ishlarini tashkil qilish bilan ajralib turardi. Ularda qat'iy tartib o'matilgan, ya'ni har kuni cho'milish yoki dush, kunduzi bir yarim soatlik sport o'yinlari va suzish shart. O'qish uchun mablag'lar bahosi yuqori darajada bo'lgan. Davlat va xususiy o'quv yurtlaridagi o'quv-tarbiyaviy jarayonlar bir xil bo'l-maganligi tufayli o'quvchilar har xil bilimlarga va jismoniy tayyorgarlikka ega bo'ladi.

Ta'kidlash lozimki, o'quv jarayonidagi bunday shakllarning mavjudligi davlat va jamoat o'rtasiga turli munosabatlarni yuzaga keltirib, demokratik tamoyillardan uzoqlashib bordi.

**Havaskorlik sport gimnastika harakati.** Maktablar hamda o'quv yurtlaridagi jismoniy tarbiya va sport bilan bir qatorda havaskorlik sport-gimnastika harakati ham birmuncha taraqqiy eta boshladi. Ularning bir necha rivojlanishi yo'nalishlar bo'yicha davom etdi. Ko'pgina mamlakatlarda milliy jihatdan tashkil qilinadigan sport harakati yo'q hisobi. Shu sababdan, sport tashkilotlari yo'nalish va mavjud faoliyatlarga qarab turlarga ajratilgan.

**Ishchilar sporti.** Bir qator mamlakatlar urush davrigacha mavjud bo'lgan sport tashkilotlariga egadir. Bunga Fransuz sport-gimnastika ishchilar federatsiyasi (FSJT), Fin ishchilari sport uyushmasi (TUL), Italiya xalq sporti uyushmasi (UISP), Avstriya jismoniy tarbiya va sport ishchilar uyushmasi (ASKB) misol bo'lishi mumkin.

1946-yilda Xalqaro ishchilar sport qo'mitasi (KSIT) tashkil topib, u Lyutsem sport internatsionalining davomchisi sifatida faoliyat ko'satdi. Ishchilar sport harakatini birlashtirish va unga rahnamolik qilish ko'zda tutildi. Bu tashkilot davlat va jamoat tashkilotlaridan moddiy yordam ololmaganligi uchun qiyin sharoitlami boshidan kechirishga to'g'ri keldi. Ishchilar sport uyushmalari asosan kasaba uyushma tashkilotlari va sport klublari bilan yaqin aloqa hamda hamkorlikda ish tutdi.

Urushdan keyingi yillarda Olimpiya o'yinlari yan'a davom ettirildi. 1948—1952-yillarda Olimpiya o'yinlarida AQSH g'olib chiqdi va keyingi o'yinlarda esa ikkinchi o'ringa tushib

ketdi, ya'ni Melburn (1956), Rim (1960), Myunxen (1972), Barselona (1992) olimpiadalarida ikkinchi o'rinni egal-laganlar. Uchinchi o'rinnlami esa 1976-yilgi qishki (Insburg) va yozgi (Monreal), 1988-yilda Seulda o'tkazilgan Olimpiya o'yinlarida oldilar. Amerika sportchilari ko'proq yengil atletika, suzish, o'q otish, basketbol, boks, figurali uchish kabi turlarda doimo ustun bo'lib kelmoqda.

AQSHda futbol, boks, basketbol, xokkey, ketch, beysbol kabi turlar bo'yicha professionallik keng rivoj topgan.

AQSHda ma'lum doiradagi mutaxassislar orasida sportchilarda qo'llaniladigan doping va boshqa man etilgan vositalardan foydalanishga qarshi harakatlar ham kuchayib bormoqda. 2001-yil 11-sentabrda terrorchilar tomonidan New-Yorkdagi Xalqaro savdo markazi va uning atrofidagi ko'p qavatli binolar samolyot bilan urib xonavayron qilingach, xalqaro tahdid soluvchi yovuz kuchlarga, ularning giyohvandlik faoliyatlariga qarshi AQSHda jiddiy tadbirlar olib borilmoqda. Bu, o'z navbatida, faqat Amerika mintaqasidagina emas, balki butun jahondagi xalqlarning tinchosoyishta yashashlari hamda sportchilarning musobaqalarini betashvish o'tkazishlariga kafolat sifatida xizmat qilmoqda.

Olimpiya sporti urushdan keyingi G'arb mamlakatlarda keng miqyosda rivojlanib ketdi. Bunga, asosan, bu mamlakatlarda ikki yozgi va qishki Olimpiya o'yinlarining o'tkazilishi sabab bo'ldi. Shu asosda gimnastika, dzyu-do hamda qishki sport turlari Yaponiyada; konkida uchish va chang'i sport turlari, xokkey Kanada, Skandinaviya mamlakatlari va Finlyandiyada; konkida figurali uchish, tog' chang'i sporti Fransiya, GFR va Avstraliyada; futbol-Braziliya, Angliya, GFR, Gollandiya, Italiya, Argentina va boshqa mamlakatlarda rivoj topdi.

Umuman olganda, jahonda jismoniy tarbiya va sport rivoji bir xilda bo'lindi. G'arbda sport bilan shug'ullanuvchilarning ijtimoiy guruhlari ko'p qirralidir.

**«Sport hamma uchun».** So'nggi 20–30 yil mobaynida ba'zi bir G'arb mamlakatlarda «Sport hamma uchun» harakati avj ola boshladi. Uning tarqalishi Madaniy aloqalar

bo'yicha Kengashning Yevropa iqtisodiy hamjamiyatni doira-sida tarkib topishi bilan bog'liqdir. 1975-yilda «Sport hamma uchun» Yevropa xartiyasi (Nizom) qabul qilindi, unda jamiyatning kelgusi taraqqiyot dasturi ishlab chiqildi. «Sport hamma uchun» harakatining umumahamiyatga ega bo'lgan dasturida yugurish, yurish, aerobika, atletik gimnastika, oddiy musobaqalar uyuşhtirish, turli xil o'yinlar, shahardan tash-qariga sayohat va sayrlar asosiy mashg'ulot bo'lib hisoblanadi. Bu jarayonlar yangi davrda vujudga kelgan rekreatsion harakatning davomi desa bo'ladi. Bu harakat turli mamlakatlarda har xil nom bilan yuritila boshladi. Masalan, Norvegiya va Germaniya Federativ Respublikasida «Trimm», Italiyada – «Biz sizlarga taqlid qilamiz», AQSHda «Jismoniy faollik» kabi.

«Sport hamma uchun» harakati rekreatsion jismoniy mashqlar shaklidagi jismoniy tarbiya mashg'ulotidir. Bu, o'z navbatida, mehnatkashlar ommaviy-jismoniy madaniyatining ajralmas bir qismi hisoblanadi. Bu harakatni keng targ'ibot qilishga ommaviy axborot vositalari jalb qilindi. Ko'p sonli ishlab chiqarish firmalari, aholining turli xil jismoniy tarbiya vositalariga qiziqishini hisobga olgan holda juda ko'p miqdorda sport buyumlari, kiyimlarini bozorga chiqarmoqda.

**Sport va cherkov.** Cherkovlar sportdan o'z manfaatlari yo'lida foydalanishga harakat qildi. Urushdan keyingi davrlarda cherkov xodimlari davlat yordamida yoshlarni cherkovga jalb qilishda sport imkoniyatlarini keng qo'lladilar. AQSHda xristian yoshlarining birlashgan harakati (tashkilot), talaba-katolik milliy tashkilotlari jismoniy tarbiya va sport ishlari bilan shug'ullandi. Germaniyada 40-yillarda «Doyche-Yugendkrift» («Germaniyaning yosh kuchlari») va «Eyenkreys» («Dub xoch») tashkilotlari Vatikan bilan kelishilgan holda tuzilgan edi. Italiyada katolik spotchilari uyushmasi faoliyat ko'rsatdi. Sportdan keng foydalanuvchi eng yirik cherkovlardan biri, xristianlarning Xalqaro assotsiatsiyasi (IMKA) hisoblanadi. Cherkovlar, ayniqsa, Vatikan yoshlarni ma'naviy jihatdan tarbiyalash vositasi sifatida sportni tan oldi. 1952-yilda papa Piy II Xalqaro sport ilmiy Kongressiga

yo'llagan xatida «Cherkov sportining texnika, gigiyena, fiziologiya tomonlari bilan qiziqmaydi. Katolik cherkov xodimlari sportning tana va rujni tarbiyalaydigan vositalarini tan oladi», - deydi. 1968-yil papa Pavel VI Vatikanda Xalqaro Olimpiya qo'mitasi qatnashchilarini qabul qildi. U o'z nutqida «Cherkov sportining rivojlanishiga sidqidillik bilan qiziqadi, chunki din va Olimpiya o'yinlari orasida ziddiyatlar ko'rinxaydi», - degan edi.

Shunday qilib, cherkov hozirgi zamон dunyosiga qo'shilishiga majbur bo'ldi, deyish mumkin.

**Olimpiya sportining rivojlanishi.** G'arb mamlakatlarining ko'pchiligi Olimpiya sport turlarini rivojlantirishga katta e'tibor bermoqda edi. Urushdan keyingi yillarda G'arb davlatlarida Olimpiya sport turlarini rivojlantirishda bir qator asosiy yo'naliшlar vujudga keldi.

Birinchidan, Olimpiya sportini rivojlantirishda davlatlarning roli o'sib bordi. Ikkinchidan, Olimpiya sportiga ta'sir etuvchi monopoliyalar, korporatsiyalar, firmalarning moliyaviy ta'minoti davlat bilan birgalikda amalga oshirildi. Uchinchidan, katta sportda ilmiy-texnik taraqqiyot natijalari keng qo'llanila boshladi. To'rtinchidan, sportchilarni tayyorlash maqsadida maxsus markazlar, bir necha davlatlar bir-lashib mashg'ulotlar o'tkazish joylari amalda qo'llanildi. Bunday holatlar, ayniqsa, AQSHda ko'proq uchramoqda. AQSHda Olimpiya sportiga rahbarlik bir qator tashkilotlar tomonidan olib boriladi.

Bunda Oliy o'quv yurtlariaro Milliy assotsiatsiya (NKAA), Havaskorlik atletika jamiyati (AAYU), Milliy Olimpiya qo'mitasi (MOQ) faol ishtirok etadi. Uzoq vaqtlar bu uch tashkilot o'rtasida mustahkam aloqa bo'limgan, chunki o'zaro kelishmovchiliklar kuchli bo'lgan edi. Bunda moliyaviy ta'minot, milliy jamoani tarkib toptirish, Olimpiya o'yinlarida ishtirok etish, boshqa xalqaro musobaqalarda qatnashish kabi masalalarda o'zaro kelisha olmaganlar. Bunday holatlarni tugatishga AQSHda «Havaskorlik sporti haqida»gi qonunning qabul qilinishi (1978) sabab bo'lgan. Shu qonun asosida AQSH MOQ mamlakatdagi barcha havaskorlik sport

uyushmalarini o'ziga birlashtirib olgan. Shu sababdan, barcha masalalarni MOQ hal etadi. AQSHda Olimpiya va Panamerika o'yinlarida jamoalaming qatnashish-qatnashmasligini MOQ hal etadi. AQSH MOQsi Olimpiya va Panamerika o'yinlariga jamoalarni tayyorlash, qatnashish va barcha faoliyatlarga rahbarlikni amalga oshiradi. Bunda moddiy-texnik bazani mustahkamlash, sportchilarning mashg'ulotlarini tashkil etish, ilimiy-uslubiy tavsiyalar tarqa-tish va boshqalar muhim o'rinn tutadi.

AQSHda Olimpiya sportining deyarli barcha turlari mavjud. Ular orasida suzish, velosport, o'q otish, boks, yengil atletika kabi turlar kengroq tarqalgan. Ma'qul bo'lgan sport turlaridan ot va yelkan sporti, golf, qilichbozlik kabilalar hisoblanadi. Bu turlar bilan ko'pincha xususiy sport klublari shug'ullanadi. Ularga badavlat kishilar a'zo bo'ladilar. Shular qatorida baliq ovi, sayohat (turizm), amerikacha futbol, Sokker (Evrona futboli) beysbol va regbi ko'p qo'llaniladi. Amerika terma jamoalarini tayyorlash o'quv mashg'ulot markazlari Kolorado-Springs va Skvo-Vellida o'tkaziladi. Kolorado-Springs sport majmuida bir yo'la 800 sportchi shug'ullanishi mumkin. Olimpiya sportining yuqori natijalarga ko'maklashuvchi masalalarini Agoya, Arizona, Janubiy Kaliforniya universitetlarining laboratoriyalarda o'rganiladi.

**Sport va biznes.** Urushdan keyingi yillarda jahonda jismoniy tarbiya va sportga monopoliyalar, trestlar, matbuot homiylari, kino va televideniya rahbarlarining qiziqishi ortib bordi. Katta tijorat (biznes) uchun tadbirkorlar professional sportdan keng foydalandilar. Ular boks, futbol, xokkey, beysbol, avtosport va boshqa turlarni daromad manbaiga aylantirib yuborishdi. Professional sportchilarni mol (tovar) kabi sotib olish va sotish kuchaydi. Professional sport ham, havaskorlik sporti ham siyosat bilan uzviy bog'lanib qoldi. AQSHda professional sportchilardan prezident va senatorlarni saylashda keng foydalandilar. Turnirlarda siyosiy arboblar professional sportchilar bilan birga chiqadilar. Bu siyosiy partiyalarda, turli kompaniyalarda o'z mavqelarini yaxshilash yo'lida ularga manfaat keltiradi.

**Siyosatdan yiroqlik, insonparvarlik, havaskorlik.** Urush-dan keyingi davrlarda G'arb mamlakatlari sport-gimnastika harakatining nazariy-amaliy faoliyatida sportdag'i asosiy tamoyillardan yuz o'girish holatlari yuzaga keldi. Ya'ni siyosat-dan yiroqlashuv, insonparvarlik va havaskorlik yangi yo'naliishlarda davom etdi. Sportda kamsitish, chegarala-nishga yo'l qo'yilmaslik g'oyalari rivojlandi. Lekin kamsitish o'mniga siyosiy jihatdan b'azi mamlakatlarni o'z yo'lidan qaytarishga kirishildi. Bu xalqaro sport maydonlaridagi ba'zi davlatlarni siqish, xalqaro ahvolning keskinlashuvi (Vengriyadagi – 1956, Chexoslovakiyadagi – 1968, Afg'onistonidagi – 1979 voqealar va h.k.) sabab bo'ldi. Bunday holatlar sportdag'i gu-manizm tamoyillariga ham ta'sir o'tkazdi.

Iqtisodiy jihatdan rivojlangan mamlakatlarda insonpar-varlik g'oyalardan uzoqlashishning asosiy sabablaridan biri sportchilarining yuqori natijalarini ko'rsatishi uchun doping ishlatalishi (giyohvandlik), sportga aloqador bo'lmagan turli xil musobaqalarining uyuştilirishi (xotin-qizlar, odamlarning itlar bilan olishuvi va h.k.) sabab bo'ldi.

Havaskorlik harakatining halokatga uchrashi esa urush-dan so'nggi davrlardagi milliy va tashqi sabablar bilan bog'liqidir. Ichki sabablardan biri shuki, har yili sportda eng yuqori natijalarini ko'rsatish talabi kuchayadi, sportdan keladigan daromadlarni yo'q qilish, bunda ommaviy axborot vositalarini ishga solish kuchaydi. Tashqi sabablar esa sportdag'i havaskorlikning susayishi, xalqaro sport maydonlarida kuchlar tengligining o'zgarishlari hisoblanadi.

Shu sababdan, havaskorlik sport tamoyillarini saqlash eski yo'lga qaytdi, ya'ni havaskorlik sporti professional sport chegarasi doirasida rivoj topa boshladи. Olimpiya xartiyasidan «Havaskorlik» atamasi o'chirib yuborildi. 1984-yilda Los-Anjelesda o'tkazilgan XXIII o'yinlardan boshlab, Xalqaro Olimpiya qo'mitasi (XOQ) va bir qator sport federatsiyalarining (XSF) ruxsati bilan professional sportchilar Olimpiya o'yinlarida qatnashish huquqini oldilar. Asosan, ular futbol, basketbol, xokkey tennis, figurali uchish kabi turlarda ishtirok etdilar.

Tushkunlik (krizis) holatlaridan ustun kelish yo‘lida sportda ilmiy-texnik taraqqiyot natijalarini qo‘llash amalga oshirildi. Bu sportdagi yuksak natijalarga erishish yo‘llarida ko‘mak bo‘ldi. AQSH, GFR, Yaponiya, Fransiya, Angliya, Italiya kabi taraqqiy qilgan yirik mamlakatlarda tibbiyat, fiziologiya, psixologiya sohalarida ilmiy tadqiqot o‘tkazildi. Sportga o‘rgatish va mashg‘ulotlarni tashkil qilish usullari ishlab chiqildi. Ilmiy tadqiqot natijalariga asosan, universitetlar va kollejlarning majmualarida hamda yuqori malakali sportchilarni jalg etish yo‘li bilan ilmiy markazlarda katta si-nov-tajribalar amalga oshirib borildi.

Xulosa shundan iboratki, Ikkinchi jahon urushidan ke-yingi yillarda jismoniy tarbiya va sport jahonning barcha mamlakatlarida tezlik bilan rivojlandi. Eski usullardan voz kechildi. Xalqaro sport harakati va Olimpiya o‘yinlarining o‘tkazilishi yoshlarni sportga jalg etish, iqtidorli yoshlarni tarbiyalash va ularning sport mahoratlarini oshirishda katta rag‘batlantiruvchi kuch bo‘ldi. Bu jarayonlar AQSH, GFR, Fransiya, Italiya, Skandinaviya mamlakatlari hamda Sharqda Yaponiya, Koreya kabi mamlakatlarda keng quloch yoydi.

## **5.2. Taraqqiyot yo‘lidagi davlatlar**

Milliy mustaqillik uchun xalqlarning kurashi Ikkinchi jahon urushidan keyin, ayniqsa, kuchaydi. Bunda Fashistlar Germaniyasining yakson qilinishi, Yaponiya militarizmining yo‘q qilinishi, Afrika, Osiyo va Lotin Amerikasidagi xalqlarning milliy ozodlik harakatlari asosiy sabab bo‘lib hisoblangandi. Natijada, imperializmnинг mustamlakachilik tizimi tushkunlikka uchradi. Taraqqiy etib kelayotgan davlatlar milliy mustaqillikni qo‘lga kiritdi. Shu bilan o‘zlarining siyosiy, iqtisodiy, ijtimoiy va madaniy taraqqiyoti uchun kurash olib borishdi. Taraqqiy etib kelayotgan mamlakatlarda milliy-demokratik kuchlarning o‘sishi ta’sirida jismoniy tarbiya va sportda jiddiy o‘zgarishlar yuz berdi va u davom etmoqda. Jismoniy tarbiya va sport milliy madaniyatning uyg‘onishi hamda rivojlanishning ajralmas qismi bo‘lib qoldi.

Bu, o‘z navbatida, yosh davlatlar xalqlarini taraqqiyot yo‘lidan borishga undamoqda.

Bunday mamlakatlarda jismoniy tarbiya va sportni rivojlantirishdagi munosabatlar, asosan, mustamlakachilik tizimidagi asoratlardari qutulish, milliy kamsitishlarga to‘la barham berish, milliy jismoniy tarbiya tizimini yaratishga qaratilmoqda. Jismoniy madaniyat sohasida erishilgan yutuqlar milliy g‘urur va mamlakat iftixori sifatida baholanmoqda. Ularni xalqaro miqyosda mustahkamlash yo‘lida harakat qilinmoqda.

**Afrika mintaqasi.** Jismoniy tarbiya va sportning rivojlanishi Afrika mamlakatlarida namoyon bo‘lmoqda. Afrika mintaqasining xalqlari bir necha asrlar mobaynida o‘zining milliy madaniyati va uning tarkibiy qismi sifatida jismoniy madaniyatni ham yuzaga keltirdi. Lekin mustamlakachilik tizimi bu yurtlarda iqtisodiy va madaniy rivojlanishni ancha orqada qoldirdi. Jismoniy madaniyat taraqqiyotining to‘xtab qolish sababi, asosan, aholini yo‘qchilik, qashshoqlik holati bilan bog‘liq edi. Jismoniy tarbiya va sport o‘yinlari bilan shug‘ullanish mustamlaka egalari hamda mahalliy boyлагagina nasib etgan edi, layoqatli va eng yaxshi sportchilar faqat metropoliylar, ya‘ni mustamlakachilar (Fransiya, Angliya, Italiya va boshqa davlatlar) terma jamoalari tar-kibidagina musobaqalarda qatnashganlar.

Mustaqillikni qo‘lga kiritgan davlatlar yangi hayot qurish, jismoniy madaniyatni keng omma orasiga yo‘llashga kirishdi. Ko‘pgina davlatlarda jismoniy tarbiya va sport bo‘yicha rahbarlik davlat doirasida olib borildi. Jismoniy tarbiya məktəb va boshqa o‘quv yurtlarining dasturlariga kiritildi. Yoshlarni tarbiyalashda an‘anaviy milliy o‘yinlar, jismoniy mashq turlari keng qo‘llanildi. Bu jarayonlar arab mamlakatlari: Aljir, Liviya, Tunis, Marokko, shuningdek, Gana, Mali, Gvineya va boshqalarda namunali hisoblandi. Afrika mintaqasidagi davlatlarda xalqlar turmushi orasidagi farqlarni kamaytirishda jismoniy tarbiya va sport muhim vosita sifatida xizmat qildi, ijtimoiy taraqqiyotga katta hissa qo‘shti. Jismoniy tarbiya taraqqiyotini muvofiqlashtirish va rahbarlikni amalga oshirish

yo‘lida yagona tartibni ishlab chiqish amalga oshirildi. 1965-yilda Afrika Oliy sport Ittifoqi (Kengashi) tashkil etildi. Bu Afrika sportchilarini birlashtirish va yagona Afrika birligini ta‘minlashga xizmat qilib keldi, mustamlakachilik va irqchilikka qarshi kurash olib bordi. Bu Kengash sportda milliy kamsitish va irqchilikka qarshi faoliyatlamasi yuritdi. Shu asosda mintaqadagi musobaqalar va o‘yinlarga sportchilarni tayyorlash amalga oshirilmoqda.

Bu mintaqada sport harakatini rivojlantirishda Afrika o‘yini muhim ahamiyatga egadir. O‘yinlar birinchi marotaba 1965-yilda Kongo markazi Brozzavilda o‘tkazilgan. Unda 17 mamlakatdan 1500dan ortiq sportchi ishtirok etgan. O‘yin dasturida basketbol, voleybol, gandbol, tennis, futbol, yengil atletika, velosiped, boks, suzish, dzyu-do kabi turlar o‘rin olgan edi. O‘yinlarda yaxshi natijalarni Misr, Nigeriya, Keniya, Senegal, Fil suyagi qirg‘og‘i va Aljir sportchilari namoyish etgan. Afrika yoshlari birinchi o‘yinlarda o‘zlarining yakdilik, hamkorlik, birlik yo‘lidagi intilishlarini ko‘rsatdi. 1973-yil Lagosdagi (Nigeriya) ikkinchi Afrika o‘yinlarida 34 mamlakatdan 4000dan ortiq sportchi ishtirok etgan. 1978-yil Aljir shahrida uchinchi Afrika o‘yinlari tashkil etildi. Bu o‘yinlar XXII Olimpiya o‘yinlariga (Moskva, 1980) tayyorgarlikning asosi bo‘lib hisoblandi. Keyingi yillarda o‘tkazilgan o‘yinlar ham mintaqada hozirgi zamon sport turlarining rivoj topayotganliklarini namoyish etdi. Olimpiya o‘yinlari va sport turlari bo‘yicha jahon championatlarida, xalqaro turnirlarda ishtirok etayotgan afrikalik sportchilar soni tobora ko‘payib bormoqda.

**Osiyo mintaqasi.** Osiyodagi taraqqiyot yo‘lidan borayotgan mamlakatlarda davlat va jamoat tashkilotlari jismoniy tarbiya va sportning rivojlanishiga katta e’tibor berdilar. Mustaqillikni qo‘lga kiritgan Hindiston, Afg‘oniston, Birma, Indoneziya, Livan va boshqa mamlakatlardagi sport tashkilotlari juda katta muvaffaqiyatlarga erishdi. Jismoniy tarbiya va sportga qiziqish bu mamlakatlarda yil sayin oshib bordi. 1954-yilda Hindistonda hukumat tomonidan sport va jismoniy tarbiyanı o‘rgatish Milliy Kengashi tuzildi. Uning Dasturi hind yoshlarini

jismoniy va ma’naviy jihatdan rivojlantirishga qaratildi. 1963-yildan boshlab «Jismoniy takomillashtirish milliy harakati» musobaqalari doimiy o’tkazib borilmoqda. Ularda 2 mln. gacha kishi ishtirok etadi. Taraqqiy qilayotgan mamlakatlarda jismoniy tarbiya va sport sohasi uchun kadrlar tay-yorlash, sportning moddiy-texnik bazasini yaratishga jiddiy e’tibor berib, katta mablag’lar sarflanmoqda. 1960-yil Qobulda (Afg’iston) maktablar va boshqa o’quv yurtlari uchun jismoniy tarbiya o‘qituvchilarini tayyorlash maktabi tashkil etildi. 1975-yilda jismoniy tarbiya instituti ochildi. Oliy toifadagi jismoniy tarbiya va sport mutaxassislarini tayyorlovchi institutlar Hindiston, Eron va boshqa Osiyo mamlakatlarida mavjuddir. Osiyo mamlakatlarida sport-gimnastika va o‘yinlami rivojlantirish maqsadida 1949-yilda Osiyo o‘yinlar uyushmasi (federatsiya) tashkil etildi. Bu uyushma Osiyodagi 20 dan ortiq mamlakatlarni o‘ziga birlashtiradi. Osiyo o‘yinlari uyushmasining Ustavi Xalqaro Olimpiya qo‘mitasining Xartiyasiga (Ustav) mos keladi. 1951-yilda birinchi Osiyo o‘yinlari tashkil etildi. U Dehlida (Hindiston) o’tkazilib, har 4 yilda bir marotaba tashkil qilimoqda.

Osiyo o‘yinlari g‘oyat qizg‘in va keskin kurashlar bilan an'anaga aylandi. Bu mintaqalardagi mamlakatlarda milliy jismoniy mashqlar va o‘yinlar (gimnastika, xatxa-yog, langar va tayoqlar bilan mashq qilish – malkxamb, ritmik gimnastika, ot o‘yinlari, kurash va h.k.) keng qo‘llaniladi.

Osiyo o‘yinlari keyingi yillarda yanada tantanali ravishda o‘tkazib borilmoqda. Bunga, ayniqsa, 1991-yilda sobiq Ittifoq tarkibida bo‘lgan Markaziy Osiyo respublikalarining mustaqil davlat bo‘lib, Osiyo o‘yinlarida ishtirok etishlari ham asos bo‘lmoqda.

1994-yil kuzida Xirosima (Yaponiya) shahrida o‘tkazilgan XII Osiyo o‘yinlarida O‘zbekiston, Qozog‘iston, Turkmaniston va Tojikiston Respublikalari muvaffaqiyatli qatnashdilar. O‘zbekiston futbol jamoasi oltin medal sovrindori bo‘ldi.

1998-yilda Bangkokda (Tayvan) o‘tkazilgan navbatdaggi Osiyo o‘yinlarida barcha mamlakatlar qatori Markaziy Osiyo

davlatlari yana ishtirok etib, o'zlarining sportdagi mahoratlarini namoyish etdilar. O'zbekistonlik bokschilar, sharqona yakka kurashchilar, yengil atletikachilar yaxshi natijalarni qo'liga kiritishdi.

Osiyo o'yinlari Markaziy Osiyo respublikalarining sportdagi nufuzlarini yanada balandroq ko'tarish yo'lida katta xizmat qilmoqda. Bu, o'z navbatida, sport turlari bo'yicha Osiyo championatlari, Xalqaro turnirlarni o'tkazishga hamda jahon birinchiliklari va Olimpiya o'yinlariga tayyorgarlik-saralash musobaqalarida teng huquqli ravishda ishtirok etish, sportchilar mahoratini oshirish, eng muhim, mamlakatlarda jismoniy tarbiya va sport harakatini yanada takomillashtirishga asos bo'lmoqda.

**Lotin Amerikasi mintaqasi.** Urushdan so'nggi davrda bu mintaqada jismoniy tarbiya va sportning o'sishi sezilarli daramada ko'zga ko'rindi. Bunda Amerika va Karib dengizi, Panamerika o'yinlari muhim ahamiyat kasb etmoqda. Bu o'yinlar ilk bor 1951-yilda tashkil etilgan. Shular qatorida Boliviya o'yinlari ham mavjuddir. Bu o'yinlarning dasturida futbol, basketbol, yengil atletika, suzish, boks, kurash, velosport, o'q otish, qilichbozlik, tennis va boshqa sport turlari, ya'ni Amerika qit'asida keng tarqalgan o'yinlar mavjuddir.

Xalqaro sport va Olimpiya harakatida taraqqiyot yo'lida borayotgan mamlakatlar doimiy ravishda faol ishtirok etib kelmoqda. Afrika, Osiyo va Lotin Amerikasi mamlakatlarning aksariyatida Milliy Olimpiya qo'mitalari tashkil etilgan va ular katta faoliyat ko'rsatmoqda. Bu, o'z navbatida, mamlakatlarda jismoniy tarbiya va sportni rivojlantirishga ulkan hissa qo'shmoqda. Afrika, Osiyo va Lotin Amerikasi mintaqalaridagi Milliy sport tashkilotlari juda ko'p xalqaro sport uyushmalarining a'zosi hisoblanadi, ya'ni Xalqaro Olimpiya qo'mitasi, Xalqaro sport federatsiyalari tarkibidan o'z o'rinalini haqli ravishda egallaganlar.

Taraqqiyot yo'lidan borayotgan mamlakatlarning sportchilari Olimpiya o'yinlarida muvaffaqiyatlarga erishmoqda. Hindiston sportchilari 1948, 1952, 1956, 1964, 1980-yillarda chim xokkeyi bo'yicha Olimpiya championi unvoniga sazo-

vor bo'lishgan. Rimda va 1964-yilda Tokioda o'tkazilgan Olimpiya o'yinlarida Efiopiya yuguruvchilariga marafonchilar Abebe Bekila, Moskvadagi (1980) o'yinlarida M.Ifter 5 va 10 km.ga yugurish bo'yicha bellashuvlarda shuhrat keltirgan edi. Myunxenda (1972) o'tkazilgan XX Olimpiya o'yinida Jon-Akip-Bua (Uganda) 400 m.ga to'siqli yugurishda jahon rekordini o'matib champion bo'ldi. Shuningdek, Keniya, Marokko, Eron va boshqa mamlakatlar ham Olimpiya o'yinlarida yaxshi natijalarga erishadi.

Ta'kidlash zarurki, 2000-yil Sidneyda (Avstraliya) o'tkazilgan XXVII Olimpiya o'yinlarida O'zbekiston bokschilari 1 ta oltin va 2 ta kumush medalni qo'lga kiritdi. Andijonlik Muhammadqodir Abdullayev (71 kg) vaznda Olimpiya championi unvoniga sazovor bo'ldi.

Taraqqiyot yo'lida borayotgan mamlakatlardagi jismoniy tarbiya va sport ishlarini rivojlantirish, mutaxassis kadrlar tayyorlash, yangi usullar asosida mashg'ulotlar o'tkazish hamda tashkiliy sohalarda sobiq sotsialistik mamlakatlarning o'zaro yordami muhim o'rnlarni egalladi.

### **5.3. XX asr oxirida jahon mamlakatlarida jismoniy tarbiya va sport**

So'nggi 10 yilliklar davrida jahondagi yirik mamlakatlarda davlatning milliy sport harakati bilan uzviy ravishda hamkorlik qilish faoliyatları ko'zga tashlanmoqda. Buning negizida, asosan aholining salomatligini yaxshilash jamoatchilik tartibi hamda milliy xususiyatlarni himoya qilish maqsadlari mujassamlashmoqda. Shu asosda ko'pgina mamlakatlarning hukumat doiralari sport harakati faoliyatlarini qo'llab-quvvatlash bilan birgalikda sportning eng yuqori natijalariga erishish tizimini ham ma'qullamoqda.

Ko'p davlatlarda sport vazirligi faoliyat ko'rsatmoqda. Birgina Yevropa mamlakatlarida bunday vazirliklar 14 taga yetib bordi. Ba'zi davlatlarda bu vazifalar vazirlikka o'xshash sport bo'yicha Oliy Kengash zimmasida, Ispaniya, Buyuk Britaniya, Belgiya, Gretsiya, Portugaliya, Finlyandiya, Es-

toniya kabi mamlakatlarda esa ta'lim, madaniyat vazirligi nazoratidadir. Ularda mavjud maxsus bo'limlar hukumat vazifasini bajaradi.

Davlat idoralari va jamoatchilikka tegishli jismoniy madaniyat-sport tashkilotlarining mustahkam aloqadorligi om-maviy jismoniy madaniyat va sport sohasida umummilliy siyo'satni shakllantirishga qaratilgan.

90-yillarda ko'pgina mamlakatlarda sportning oliy tizimini, ya'ni davlat va jamoat organlarini birlashtirish munosabatlari kuzatildi. Daniya va Niderlandiyada Milliy Olimpiya qo'mitasi (MOQ) sport konfederatsiyasi bilan birlashtirildi. 1995-yil boshida Norvegiyada ham shu holat yuz berdi. Shunga o'xhash faoliyatlar taraqqiyot yo'lidagi barcha mamlakatlar, Sharqiy Yevropa mamlakatlari hamda ba'zi sobiq Ittifoq tarkibidan ajralib chiqqan mustaqil respublikalarda ham uchraydi.

Sport sohasi bo'yicha vazirlikka ega bo'limgan davlatlar, ya'ni GFR va Shveysariyada jismoniy tarbiya va sport ishlari Ichki ishlar vazirligi, Shvetsiyada — Moliya vazirligi, Yaponiyada — Ta'lim va madaniyat vazirligi tomonidan boshqariladi. Fransiya va boshqa bir qator mamlakatlarda esa bunday tuzilish bir-biriga birlashtirilgan.

Sport vazirliklari huzurida maxsus qo'mitalar tashkil etilgan bo'lib, ular zimmasiga barcha tashkilotlar faoliyatini muvosiqlashtirgan holda olib borish yuklatiladi, ya'ni klublardan tortib to vazirliklarga ular rahbarligi ostida bo'ladi.

90-yillarda yirik mamlakatlarda sportni moliyalashtirish bilan birgalikda sport inshootlarini qurish, ularni o'z ixtiyorida saqlash, sog'lomlashtirish markazlari, sport klublar, yuqori darajadagi sportchilarни tayyorlash, ularni muhofaza qilish, kadrlar tayyorlash, ilmiy tadqiqot, axborot, sportni mavjud qonunlar asosida ta'minlash kabi muhim masalalarni o'z ixtiyoriga olgan.

Sport to'g'risida Shveysariya (1972), Gretsiya (1975), AQSH (1978), Finlyandiya (1980), Fransiya (1975, 1984, 1992), Italiya (1984), Ispaniya (1988, 1990), O'zbekiston (1992, 2000) mamlakatlarida maxsus qonunlar qabul qilingan

hamda ko'p mamlakatlarda sport mavzusi konstitutsiyalarga kiritilgan.

Juda ko'p davlatlarda sport tashkilotlari davlat soliqlariidan ozod etilgan yoki ularga imtiyozlar berilgan, AQSHda bunday imtiyozlar 1933-yilda joriy qilingan. 1959-yilda AQSH Kongressi Milliy Olimpiya qo'mitasini yuridik shaxs sifatida tan olib, uni soliqlardan ozod etdi. Sportga o'z mablag'larini (kapital) sarflaydigan tijoratchilar ishlab chiqarish firmalari soliq masalasida imtiyozlarga egadir. Bunday holatlarning ko'p mamlakatlarda joriy etilishi sababli, mehnatkashlar kuchi va mablag'larini sportga sarflashga jalb etmoqda. Bunday tadbirlar ijobiy natijalarga yo'llamoqda.

GFRda sport o'z tarkibiga 21 mln.dan ortiq kishini birlashtirgan. Ularga 200 mingdan ortiq xodim xizmat qiladi. Davlat sport inshootlarini kengaytirish, mashg'ulotlarning joylarini yaxshilashga qiziqish bilan e'tibor berib kelmoqda.

Juda ko'p mamlakatlarda maktablar, oliv o'quv yurtlari, aholi istiqomat joylari, istirohat hamda ko'ngil ochish bog'lari, katta poliklinikalar va kurortlar tarkibidagi sog'lo-mlashtirish sport klublariga davlat tomonidan yaqindan yordam beriladi.

Qiziqarli tomoni shundaki, sportklublar xilma-xilligi, ya'ni bolalar, o'rta yoshdag'i, katta yoshdag'i kishilar, nogironlar uchun, shuningdek, oilaviy klublar takomillashmoqda. Ularda tanlangan sport turi bo'yicha yoki tavsiya etiladigan dasturlarda aerobika klubi, yugurish, bouling, bodibilding, golf, tennis, suzish, basketbol klublari alohida faoliyat ko'r-satadi.

Keyingi yillarda qator mamlakatlarda ko'p maqsadli klublar tashkil etilmoqda. Ular minglab shug'ullanuvchilar (mijoz) xohish-istiklarini qondirmoqda. Chunki suzish havzalari, o'yinlar uchun sport zallari, trenajer zallari, yugurish yo'laklari, bolalar uchun zallar va h.k.ga egadirlar. Ularning ba'zilari kecha-yu, kunduz xizmat ko'rsatishga qodirlar.

XX asr oxirlarida jismoniy madaniyat va sport barcha besh qit'ada takomillashdi. Buni barcha qit'alarning sportchilari xalqaro miqyosdagi musobaqalarda, ayniqsa, jahon

birinchiliklari va olimpiya o'yinlarida doimo qatnashib kela-yotganliklari bilan isbotlashlari mumkin. Futbol, boks, yengil atletika va boshqa sport turlari bo'yicha jahon championatlarida barcha davlatlar faol ishtirok etmoqda.

Sport ishqibozlari tennis bo'yicha o'tkazilayotgan nufuzli xalqaro turnirlari: Avstraliya ochiq championati, Fransiya, AQSH, Angliya kabi yirik mamlakatlarning xalqaro turnirlari, O'zbekiston Respublikasi Prezidenti **Kubogi** va h.k.ni doimiy ravishda ko'rib, kuzatib bormoqda.

Stenli kubogi uchun shaybali xokkey bo'yicha amerika-kanada xokkey ligalarining musobaqalari jahonda keng tomoshabinlar ommasini o'ziga jalb etmoqda.

Asr oxirlarida juda ko'p mamlakatlarda sport fanlari so-hasida ilmiy tadqiqot ishlari ancha kuchayib ketdi.

Olimilar sportning tibbiy-biologik, psixo-pedagogik, tarixiy-sotsialistik hamda iqtisodiy jihatlari, sport mashg'u-lotlarining nazariyasi va uslubiyati, sportchilarning ovqatlanishi, ularning charchoqlarni chiqarish – quvvatni qayta tiklash kabi tomonlarga jiddiy e'tibor berib, tadqiqot ishlarini kuchaytirmoqda. Ularning ilmiy-ijodiy faoliyatlariga katta mablag'lar sarf etilmoqda. AQSHda sportga doir ilmiy tadqiqot ishlari uchun har yili 1 milliard dollar ajratiladi. Germaniyada Ichki ishlar vazirligi **xazinasidan** (byudjet) sport ishlari uchun har yili 12 mln. marka ajratiladi. Katta ilmiy tadqiqot ishlari Xitoy, Fransiya, Yaponiya, Angliya, Rossiya va boshqa davlatlarda olib borilmoqda. Ana shu davlatlar XX asr oxirida sport olamida peshqadamlik qilib keldi.

Xulosa qilib aytganda, Ikkinci jahon urushidan keyingi davrlarda, ayniqsa, XX asr oxirlarida jahonda sport taraqqiyoti misli ko'rilmagan darajada ravnaq topdi. Bunday taraqqiyot, asosan, turli tizimlar va mintaqalarning ijtimoiy-iqtisodiy hamda madaniy sharoitlari bilan bevosita bog'liq holda amalga oshirildi.

90-yillarning boshlarigacha mamlakatlar sotsialistik va kapitalistik tizim deb atalgan ikkita katta guruhga ajralib taraqqiy qildi. G'arb davlatlari, AQSH, Yaponiyada jismoniy tarbiya va sport o'ziga xos tarzda, sobiq Ittifoq va uning ta-

rafedorlarida yana o'zgacha sharoit va imtiyozlar doirasida rivojlandi.

Osiyo, Afrika, Lotin Amerikasi qit'alaridagi taraqqiyot yo'lidan borgan mamlakatlarda hozirgi zamон sport harakati uchinchи yo'nalish bo'yicha borib ancha takomillashmoqda.

Bularning eng muhim sabablari shundaki, xalqaro sport musobaqlari, jahon championatlari, Olimpiya o'yinlari yu-qori saviyada o'tkazib borildi.

Sobiq Ittifoqning barham topishi tufayli (1991) mustaqil davlatlar ko'paydi. Sotsialistik tuzumdagи mamlakatlar milliy sport harakatlarini jahon an'analariga moslashtirmoqda.

### **O'z-o'zini nazorat qilish bo'yicha savollar**

1. Ikkinchi jahon urushidan keyin yirik mamlakatlarda jismoniy madaniyat va sport sohasida qanday o'zgarishlar bo'lgan?

2. G'arb mamlakatlaridagi jismoniy madaniyat va sport sohasida qanday o'zgarishlar yuz berdi?

3. G'arb mamlakatlarida sportning asosiy yo'nalishlari deganda nimalarni tushunasiz?

4. Taraqqiyot yo'lidan borayotgan mamlakatlarda jismoniy madaniyat va sport harakatining rivojlanish xususiyatlari nimada?

5. XX asr oxirlarida mamlakatlarda jismoniy madaniyat va sport taraqqiyotining xususiyatlari nimalardan iborat?

## *VI bob. ROSSIYA YA SOBIQ SSSRDA JISMONIY MADANIYAT VA SPORT*

### **6.1. Qadimgi Rusda jismoniy madaniyat (IX–XVII asrlar)**

Eng avvalo e'tirof etish lozimki, jismoniy madaniyat va sport tarixiga doir darsliklar (1968-yildagi tarjima), V.V.Stolbov rahbarligi tahriri ostida tayyorlangan, keyingi darsliklar (1983, 1989 va boshqa ruscha) birmuncha eskirdi.

V.V.Stolbov tahriri ostida 2000-yilda nashrdan chiqqan «Istoriya fizicheskoy kulturi i sporta» darsligi (uchinchini qayta ishlangan) birmuncha ixcham, voqealar oydinlashgan, so'nggi yillardagi o'zgarishlar, dalillar oddiy qilib bayon etilgan.

Eradan avvalgi IV–III asrlarda shimoliy rus xalqi mehnat va turmushda chang'idan ko'p foydalangan. Sibir va Uzoq Sharq xalqlari yugurish, nayza uloqtirish, boltani mo'ljalga otish, eshkak eshish, ayiq o'yinlari va jismoniy harakatlarning boshqa turlari bilan mashg'ul bo'lishgan.

Qadimgi slavyanlarning jismoniy mashqlari va turli xil o'yinlari alohida ajralib turgan. Sharqiy slavyan xalqlari quldorlik tuzumini deyarli boshdan kechirmaganlar. Ular chorvachilik, yer haydash, ovchilik, mayda hunarmandchilik bilan shug'ullanganlar.

Qadimgi slavyanlarda qizlarni onalar, o'g'il bolalarni esa otalar tarbiyalashgan. Har bir o'g'il bolaning jangchi bo'lishi uchun tayyorlanishi ko'zda tutilgan. Tarbiya ikki yoshdan boshlanib, bola to'rt yoshga yetganda, uni otga o'tqazganlar. 10 yoshga to'lgan bolalar qilichbozlik qilib, barcha hunarlami yaxshi egallagan.

Slavyanlar Volga, Dnepr daryolari va Qora dengizda suzish, eshkak eshishni yaxshi o'rganishgan. Sharqiy slavyan xalqlari o'zlarining an'analari va marosimlarida «Ayiq jangi»,

«Ho'kiz bilan olishuv», «Ovda» kabi o'yinlarni ijro etishdi.

Ta'kidlash lozimki, Rossianing madaniyat hamda jismoniy tarbiyasi davrlar o'tishi bilan rivojlangan. Bu Oktabr to'ntarishidan keyin (1917) ham bevosita Rossiyada va mustamlaka mamlakatlarida (Kavkaz, Markaziy Osiyo, Boltiq bo'yi va h.k.) davom ettirildi. Rossiya Federatsiyasi va sobiq SSSRning jismoniy tarbiya va sport tarixi bir hisoblanadi. Shuning uchun Rossiya Federatsiyasi va sobiq SSSR jismoniy tarbiya va sport tarixi bиргаликда ifoda etildi.

**Pedagogikaga doir adabiyotlarda jismoniy tarbiya masalalari.** Rus davlatining taraqqiy etishi va mustahkamlanishi bilimning turli sohalariga doir adabiyotlarga ijtimoiy ehtiyoj tug'dirdi. Tabiatshunoslik, meditsina va pedagogikaga oid har xil kitoblar chiqsa boshladi.

Yoshlar jismoniy tarbiyasiga salbiy munosabatda bo'lgan ruhoniylar bu masalaga doir adabiyotlarning Rusda tarqatishiga xalaqit berardi. Shunday bo'lishiga qaramasdan, XVII asr oxirlarida jismoniy tarbiya masalalari haqida ham to'xtalib o'tilgan pedagogik asarlar paydo bo'ladi. Ularning orasida eng yirigi olim, monax Yepifaniy Slavineskiyning (1676-yilda vafot etgan) «Bolalar odatlarini tarkib toptirish» nomli kitobi edi. Muallif o'zining bu kitobida «Domostroy»da (Turmush qoidalari va bolalar tarbiyasi to'g'risida maslahatlar to'plami) bayon qilingan tarbiya g'oyalaridan tubdan farq qiluvchi yangi insonparvar pedagogika g'oyalarini ilgari surdi. Slavineskiyning asari bolalar shaxsiga hurmat bilan sug'orilgan edi. U bolalar tarbiyasiga, harakatli o'yinlarga alohida e'tibor berdi. Slavineskiy harakatli o'yinlarga faqat bir ermak deb qaramadi, balki ularni sog'liqni mustahkamlash va ma'naviy jihatdan kamol toptirish vositasi deb hisobladi.

Yepifaniy Slavineskiy Rusda birinchi bo'lib o'yinlarni bolalar tarbiyasida qo'llash uchun kerakli va keraksiz guruhlarga ajratib, ularni toifalashga intildi. U to'p o'yini, yugurish va har xil sakrash o'yinlarini birinchi guruh o'yinlariga; pul yutish va yutqizish bilan bog'liq bo'lgan oshiq va qarta o'yinlarini, shuningdek, firibgarlik, shuhratparastlik va

boshqa nuqsonlarning ildiz otishiga sabab bo‘ladigan o‘yinlarni ikkinchi guruh o‘yinlariga kiritdi. Slavineskiy «O‘yinni nima bezaydi?» degan savolga shunday javob beradi: «Barqarorlik, haqiqiy quvonch, jonlilik va tafakkur kuchi o‘yinni bezaydi. Odamlar aytganidek, o‘yinda ko‘zbo‘yamachilik va ayyorlik bilan emas, balki halollik va to‘g‘rilik bilan g‘alaba qilish kerak». Uning xatosi shuki, suzish va kurashni sog‘liq uchun zararli deb hisobladi.

Xulosa qilib aytganda, Rossiya xalqlarning jismoniy tarbiyasi eng qadimgi vaqtlardan boshlab to XVIII asrga qadar ular hayotining iqtisodiy va ijtimoiy sharoitlari ta’siri ostida taraqqiy etdi. Vatanimiz hududidagi ilk quzdorlik davlatlarida jismoniy tarbiya bilan quzdorlargina shug‘ullanar edilar. Qullar esa jismoniy mashqlar bilan shug‘ullanishning har qanday imkoniyatlaridan mahrum etilgan edilar. Erkin dehqonchilik bilan shug‘ullanuvchi, quzdorlar qo‘singa olinuvchi ahолигина о‘зини jismoniy jihatdan o‘stirish va harbiy tayyorgarlik ko‘rish maqsadida jismoniy mashqlar va o‘yinlardan foydalanan edi.

Avlod-ajdodlarimiz bo‘lmish sharqiy slavyanlarda jismoniy tarbiya o‘ziga xos mustaqil yo‘l bilan taraqqiy etdi. Slavyanlar o‘z ijtimoiy taraqqiyotlarida quzdorlik tuzumini chetlab o‘tdilar. Shuning uchun ham ularning jismoniy tarbiyasiga qadimgi quzdorlik jamiyatni ta’sir etmadidi. Slavyanlar jismoniy tarbiyasining taraqqiyoti quzdorlik davlatlaridagi jismoniy tarbiya taraqqiyotiga qaraganda harbiy ishlar ta’sirida emas, balki ko‘proq mehnat faoliyati ta’sirida sodir bo‘ldi. Slavyanlarda jismoniy tarbiya umumxalq xarakterida edi. Jismoniy mashqlar va o‘yinlarning har xil turlari yuksak jismoniy va irodaviy sifatlar, harbiy-amaliy ko‘nikma va malakalarни таркиб топтиришга yordam berdi.

Kiyev Rusida jismoniy tarbiya o‘z tarixining ilk davrlarida mehnat va harbiy faoliyat orqali tarkib topgan qadimiyl mustaqil negiz va an’analalar asosida taraqqiy etdi. Jismoniy tarbiya feodal aslzodalar uchun harbiy tayyorgarlik vositalaridan biri bo‘ldi va uning keng xalq ommasi ustidan o‘z hokimiyatini mustahkmalashi uchun xizmat qildi. Vaqt o‘tishi bilan feodallar jismoniy-

tarbiyada foydalananidan xalq jismoniy mashqlari turlari borgan sari hukmron sinf ehtiyojlariiga moslasha bordi. Buning natijasida feodallar jismoniy tarbiyasi xalq jismoniy tarbiyasidan ajralib qoldi va sinfiy xarakter kasb etdi.

Jismoniy tarbiya markazlashgan Rus davlatida, ayniqsa, sezilarli taraqqiy etdi. Biroq feodal zulm, xalq ommasining shafqatsizlik bilan ekspluatatsiya qilinganligi sababli jismoniy jihatdan taraqqiy etish imkoniyatlari chegaralanib qolgan edi. Feodallar va rus podshohlari hukmron sinf jismoniy tarbiyasiga g‘amxo‘rlik qildilar va mehnatkashlar jismoniy tarbiyasini taraqqiy ettirishga yordam bermadilar. XVII asrning ikkinchi yarmida rus podshohlari xalq jismoniy mashqlari va o‘yinlarini hatto taqiqlab qo‘ydilar. Cherkov dehqonlar va quyi tabaqadagi shahar aholisi o‘rtasida jismoniy mashqlar va o‘yinlarning rasm bo‘lishiga qattiq qarshilik ko‘rsatdi.

## **6.2. Rus dvoryanlari muhitida jismoniy tarbiya**

Dvoryanlar muhitida jismoniy tarbiya taraqqiyoti, birinchi navbatda, armiya, flot va davlat muassasalarini uchun mutaxassis kadrlar tayyorlash zarurati bilan belgilanar edi.

1717-yili Pyotr I ning topshirig‘i bilan dvoryanlar oilaviy hayoti va turmushi tartibini belgilab bergan «Domostroy» o‘rniga jamoatchilik orasida xulq-atvor qoidalari hamda dvoryanlar bolalari hayoti va turmushiga qo‘yiladigan tala-balarmi o‘z ichiga olgan «Yoshlikning haqiqiy ko‘zgusi» nomli yangi qo‘llanma nashr etildi. Mazkur kitobda shunday deyilgan edi. «Agar yosh dvoryan mashq qilishda (ta’lim olishda), xususan, til bilish, ot minish, raqs tushish, shamshir bilan olishish sohasida kamolotga yetgan bo‘lsa, shu bilan birga, chiroylı gapira oladigan va ko‘p kitob o‘qigan bo‘lsa, u o‘zining ana shu fazilatlari tufayli bevosita saroy amaldori bo‘la olishi mumkin». Bundan ko‘rinib turibdiki, saroy amaldori chet tillarni bilish, raqs tusha olish va nutq san’atini egallash bilangina cheklanib qolmasligi, balki otda yurish va shamshir bilan olishish san’atini ham mukammal egallagan bo‘lishi kerak edi.

**O'quv yurtlarida jismoniy tarbiya.** Rus davlatida XVIII asning birinchi choragida o'tkazilgan islohotlar va o'zgarishlar tizimida harbiy va fuqaro o'quv yurtlarida jismoniy tarbiyaning joriy etilishi Rossiyada jismoniy tarbiyaning taraqqiy etishi uchun juda muhim ahamiyat kasb etdi. Qilichbozlik, otda yurish, eshkak eshish, kema arqonlaridan tirmashib chiqish jismoniy tarbiyaning asosiy vositalari bo'lgan.

Yuqorida eslatib o'tilgan matematika va novigatsiya fanlari maktabi jismoniy tarbiyani majburiy o'quv fanlaridan biri sifatida joriy etgan birinchi o'quv yurti bo'ldi. Maktabda boshqa fanlar bilan bir qatorda yelkanni boshqarish, eshkak eshish, rapirada olishishni (qilichbozlik) mashq qilish fanlari ham o'rganilar edi. Maktab binosi Suxarev minorasida qilichbozlik mashg'ulotlari uchun maxsus zal jihozlab qo'yilgan edi.

1703-yili Pyotr I ning topshirig'i bilan Moskvada asir olingan nemis pastori Ernest Glyukning xususiy gimnaziysi ochildi. Bu gimnaziyada boshqa o'quv fanlari bilan bir qatorda jismoniy tarbiya (otda yurish, chavandozlik) mashg'ulotlari ham o'tkazilar edi.

Dengiz akademiyasida qilichbozlik, qo'l jangi usullari jismoniy tarbiya vositalari hisoblanardi.

Ruhoniylargina emas, balki davlat muassasalari uchun amaldorlar tayyorlaydigan diniy o'quv yurtlarida ham jismoniy tarbiya joriy etiladi. Ammo diniy seminariyalarda jismoniy tarbiya fani boshqa fanlar bilan bir qatorda o'quv das-turi bo'yicha o'tkaziladigan dunyoviy o'quv yurtlaridan farqli ravishda harakatlari o'yinlar va sayrlar shaklida bo'lib («halol va badanni harakatlantiruvchi sayrlar...»), uning uchun har kuni darsdan tashqari 2 soat vaqt ajratilar edi.

XVIII asr o'rtalarida dvoryan bolalarini harbiy xizmatga tayyorlash maqsadida dvoryanlar uchun maxsus o'quv yurtlari ochildi. 1731-yilda quruqlikdagi shlyaxta kadet korpusi, 1752-yilda dengiz shlyaxta korpusi, pajlar korpusi va bosh-qalar tashkil etildi. Jismoniy tarbiya bu o'quv yurtlari das-turiga ham kiritilgan edi. Quruqlikdagi kadet korpusida ot

minish, qilichbozlik, raqlar, kurash, eshkak eshish va yelkan ishlari jismoniy tarbiya vositalari vazifasini o'tagan bo'lsa, pajlar korpusida esa otda yurish, qilichbozlik, to'p o'yini, kegli, raqlar jismoniy tarbiya vositalari bo'lib xizmat qilgan. Kadetlar jismoniy tarbiyasiga alohida e'tibor berilar edi. Bu sohada ko'proq yutuqqa ega bo'lgan kishilar rag'batlantirilib turilar edi. Kurash va qilichbozlik bo'yicha o'quv musobaqalarida muvaffaqiyat qozonganlarning nomlari saf oldida e'lon qilinardi. Otda yurish, qilichbozlik va raqlardan xalq oldida har yili ikki marta imtihon olinar edi.

1755-yilda buyuk rus olimi M.V.Lomonosovning tashabbusi bilan Moskva universiteti barpo qilindi. Bu universitetning o'quv fanlari orasida qilichbozlik va raqs ham bor edi. M.V.Lomonosov asarlarida shaxsiy-ijtimoiy gigiyena, sog'liqni saqlash va kishi umrini uzaytirish masalalariga doir ko'rsatmalar bayon qilingan.

Universitet qoshida o'quv rejasida qilichbozlik va raqsga har haftada 8 soat (qilichbozlik uchun 4 soat va raqs uchun 4 soat) vaqt ajratilgan gimnaziya ochildi. Qilichbozlikdan xalq oldida imtihonlar olinar edi. Boshqalardan ko'proq ajralib turgan gimnast-qilichbozlar shpaga bilan mukofotlanardi.

Jismoniy tarbiya litseylarda, xususan, Sarskoye selo litseyida nisbatan yaxshi yo'lga qo'yilgan edi. Bu o'quv yurtlarda jismoniy tarbiya majburiy o'quv fanlari jumlasiga kirar hamda uning mazmunini qilichbozlik va gimnastika tashkil etar edi. Bundan tashqari, litsey o'quvchilari bo'sh vaqtlarida yugurish va kurash tushishdan musobaqaqlashar edilar.

Biroq jismoniy tarbiya imtiyozli va pul bilan yaxshi ta'minlangan o'quv yurtlaridagina amalga oshirilar edi. Massalan, raznochinchalar gimnaziyalarida jismoniy tarbiya bilan mutlaqo shug'ullanilmas edi. 1804-yilgi maktab islohotidan keyin universitetlar ustaviga «Imkoniyat bo'lgan joylarda raqs, muzika mashq'ulotlari va jismoniy mashqlar o'tkazilsin» deb yozilgan edi. Universitet va gimnaziyalarda jismoniy tarbiya uchun mablag' ajratilmas edi. F.F.Ushakov (1744–1817), M.I.Kutuzov (1795–1813) kabilar A.V.Suvorovning milliy harbiy va jismoniy tayyorgarlik ta'limotini davom ettirdi.

Dvoryanlar pedagogikasi namoyandası, Rossiyadagi tarbiya o'yinlarining asoschisi L.L.Betskoy (1704–1795-yillar) o'zining bir qancha asarlarida yosh avlod jismoniy tarbiyasi va yosh avlodni jismoniy chiniqtirish masalalariga e'tibor berdi. U tarbiya vositalaridan shaxsiy gigiyena, chiniqtirish, sezgi organlarini rivojlantirish va jismoniy mashqlarga, ayniqsa, o'yinlarga alohida e'tibor berdi. U o'yinlarda jismoniy kamolot, shuningdek, bolalar tashabbuskorligini o'stirish vositalarini ko'rdi. XVIII asr oxiridagi Rossiya jamoat arboblaridan biri «Moskovskiye vedomosti»ning nashiri N.I.Novikov (1744–1818-yillar) pedagogika masalalariga, xususan, jismoniy tarbiya masalalariga alohida ahamiyat berdi.

N.I.Novikov o'zining «Umummaktab bilimlarini yoyish va umum salomatligi uchun bolalar tarbiyasi va kayfiyatiga 'g'risida» nomli asarida shu narsani ko'rsatib o'tdi: «Bolalik chog'ida harakatli o'yinlar jismoniy tarbiyaning eng muhim vositasi hisoblanadi. Olimlar tarbiyaning bu sohasini jismoniy tarbiya deb ataydilar». Novikov faol harakatlar, yurish, yugurish, harakatli o'yinlar, chiniqtirish mashqlari, ovqatlanish va dam olish rejimini jismoniy tarbiya mazmuniga kiritadi. U jismoniy mashqlarni qo'llashnigina emas, balki ularning foydasini tushuntirib o'tishni ham maslahat berdi.

Buyuk rus ma'rifatchisi, inqilobchi va materialist faylasuf A.N.Radishchyev (1749–1802-yillar) o'zining ta'lim-tarbiyaviy va falsafiy asarlarida takabbur oliftalar tayyorlashni nazarda tutuvchi dvoryanlar tarbiyasining joriy etilishiga qat'i qarshi chiqdi. U tarbiyaning asosiy maqsadi o'z yurti vatan-parvarlari – xalq baxt-saodati uchun faol kurashchilarni tayyorlash deb bildi. Uning fikricha, jismoniy tarbiyaning asosiy vazifasi organizmni chiniqtirish va uning barcha organlarini taraqqiy ettirish yo'li bilan odamning jismoniy kuchi hamda ma'naviy qobiliyatlarini takomillashtirishdir.

Radishchyev mehnatni hamda yugurish, uloqtirish yoki irg'itish, sakrash, otda yurish kabi xalq jismoniy mashq turilarini jismoniy tarbiya vositalari deb hisobladi. U jismoniy tarbiya metodlari, birinchi navbatda, odam organizmini har

taraflama takomillashtirişgaga, odamda har xil hayot, mehnat va turmush sharoitida ham tadbirdorlik bilan ish tuta olish xislatlarini tarbiyalashga qaratilgan bo'lmog'i kerak, degan oqilona fikrga keldi.

Rus olimlarining bir qancha asarlari jismoniy tarbiyaga doir ta'lim-tarbiya to'g'risidagi fikrlarni taraqqiy ettirish bilan bir qatorda jismoniy tarbiyaning tabiiy-ilmiy asoslarini rivojlantirish uchun ham katta ahamiyat kasb etdi.

Akademik A.P.Protasov 1765-yili Rossiya Fanlar akademiyasining ilmiy majlisida so'zga chiqib: «Bolalar jismoniy tarbiyasi haqida» va «Sog'liqni saqlash uchun harakatlanish kerakligi to'g'risida» ma'ruza qildi. U o'zining bu ma'ruzalarida odam organizmini o'stirish va mustahkamlash uchun jismoniy mashqlarning muhim rolini ko'rsatib o'tdi.

V.G.Belinskiy (1811–1848 y.) o'z asarlarida jismoniy tarbiya masalalari haqida to'xtalib o'tib, usti yaltiroq va formalistik ruhdagi burjua gimnastika sistemasini qattiq tanqid qildi. U Rossiyadagi hukmron sinf vakillarini G'arbiy Yevropa mamlakatlariiga taklif qilinganliklari uchun tanqid ostiga oldi hamda jismoniy tarbiyaning rus xalqiga xos vositalarini o'rganishga va ulardan foydalanishga chaqirdi.

V.G.Belinskiy jismoniy tarbiyaga, uni odam hayotining ijtimoiy sharoitidan ajratgan holda qarab bo'lmasligini ta'kidlab o'tdi. Tarbiyaga, shu jumladan, jismoniy tarbiyaga ham xalq ishi uchun kurashishga qodir bo'lgan inson manfaati yo'lidagi muhim soha deb qaramoq kerak. Bunday kishini tarbiyalash ishi har tomonlama bo'lmog'i lozim, aks holda, u tarbiya o'zining butun ma'nosini yo'qtadi, - deb ta'kidladi. V.G.Belinskiy tarbiyaning har bir tomoni deganda aqliy, axloqiy va jismoniy tarbiya birligini nazarda tutdi. V.G.Belinskiy tarbiyaning serqirrali g'oyasi, ma'naviy va jismoniy tarbiyaning bir-biriga bog'liqligi g'oyasi, biror narsa vositasida o'ylab chiqilgan formula emasligini, inson organizmidagi ruhiy jarayonlar uning jismoniy holatiga tabiatan bog'liqligini ko'rsatib o'tdi. Belinskiyning fikricha, jismoniy tarbiya aqliy va axloqiy tarbiyaning dastlabki asosi bo'lmog'i darkor. Jismoniy tarbiya odam sog'lig'ini mustahkamlash

hamda uning jismoniy va irodaviy fazilatlarini o'stirish vazifalarini o'tashi kerak. Biroq jismoniy tarbiya, V.G.Belinskiy ta'kidlashicha, tarbiyalanuvchilaming anatomik-fiziologik xususiyatlariga qat'iy muvofiq ravishda o'tkazilgan, tarbiyaning boshqa sohalari bilan uzviy ravishda bog'lab olib borilgan taqdirdagina kutilgan natijalarni berishi mumkin.

V.G.Belinskiy yugurish, sakrash, «Gimnastika ermaklar» va ayniqsa, xalq o'yinlarini jismoniy tarbiya vositalari deb hisobladi, zeroki, boshqa hech qanday jismoniy mashq o'yinlar singari kishida iroda, tashabbuskorlik, faoliik kabi fazilatlarni rivojlantira olmaydi.

XVIII asrning birinchi choragida Rossiyada yuz bergan iqtisodiy va madaniy o'zgarishlar hukmron sinflar jismoniy tarbiyasini taraqqiy ettirish uchun sharoit yaratdi. Jismoniy tarbiya elementlari rus dvoryanlari turmushiga kengroq joriy qilina boshladi. Harbiy va ayrim fuqarolar bilim yurtlarida jismoniy tarbiya majburiy fan tariqasida joriy etildi. O'quv yurtlari va harbiy bilim yurtlarida maxsus jismoniy mashqlar das-turlari kiritildi. Bunda P.F.Lesgaftning (1837–1909 y.) hissasi va xizmati kattadir. Harbiy kuchlarning harbiy-jismoniy tayyorgarligi yanada taraqqiy etdi. Jismoniy tarbiyaning ta'limgarbiyaviy va tabiiy-ilmiy asoslari tarkib topa boshladi.

Xalq ommasi jismoniy tarbiyasida feodalizmning buzilishi va kapitalistik munosabatlarning taraqqiy eta boshlashi davrida deyarli o'zgarishlar yuz bermadi. Rus mehnatkashlari ommasi va Rossiyadagi boshqa xalqlar ayovsiz ekspluatatsiya, qashshoqlik va siyosiy huquqsizlik sharoitida bolalar hamda yoshlarni jismonan o'stirish va sog'lomlashtirish maqsadida jismoniy mashqlardan keng foydalanish imkoniyatidan mahrum edilar. Xalq hayotida jismoniy mashqlar va chiniqtirish metodlarining an'anaviy xalq turlari saqlanib qoldi.

**O'quv yurtlarida jismoniy tarbiya.** Krepostnoy huquq bekor qilinganidan keyin fuqaro bilim yurtlarida jismoniy tarbiyaning yo'lga qo'yilishi qoniqarsiz ahvolda qolaverdi. Chor hukumati yosh avlod tarbiyasiga unchalik g'amxo'rlik qilmas edi. Biroq ijtimoiy ta'limgarbiy harakat ta'siri ostida 1864-yilning 19-noyabrida qabul qilingan yangi

maktab ustaviga muvofiq gimnaziya va progimnaziyalarda gimnastikani joriy etish mo‘ljallandi.

1864-yilgi o‘rtalik muktab islohoti jismoniy tarbiyani taraqqiy ettirish ishida ma’lum darajada oldinga tomon qadam qo‘yligani anglatardi. Ammo bu islohot moddiy baza va kadrlar bilan mustahkamlanmagan edi. Shuning uchun ham u bilim yurtlari o‘quvchilarining jismoniy tarbiyasini yaxshilash imkonini bermadi.

1889-yilda muktab o‘quvchilar va harbiy tayyorgarlikka chaqiriluvchilar jismoniy tarbiyasini yaxshilash maqsadida xalq maorifi vaziri tomonidan «Erkaklar bilim yurtlarida gimnastika o‘qitish qo‘llanmasi va dasturi» tasdiqlandi. Unda yoshlar jismoniy tarbiyasingning vazifalari to‘g‘risidagi umumiy qoidalar, darslarni o‘tish metodikasi va muktab majburiy fan sifatida joriy qilgan jismoniy mashqlar ro‘yxati berilgan. Jismoniy tarbiyaning asosiy vositalari sifatida gimnastika va o‘yinlar tavsiya etilgan edi. Bilim yurtlarida gimnastikani joriy etish oson ish bo‘lib chiqmadidi. Undan dars bera oladigan kishilar yo‘q edi. Gimnastika darslarini o‘tishga ofitserlar va hatto unter-ofitserlar taklif qilina boshladidi. Bu hol shunga olib keldiki, grajdan bilim yurtlarida harbiy gimnastika joriy etildi. Uni o‘rgatuvchi o‘qituvchilar juda oz maosh olishar, shuning uchun ham gimnastika o‘qitishga tasodifiy bir mashg‘ulot deb qarardilar. Faqatgina ayrim gimnaziyalarning direktorlari jismoniy tarbiyaning muhim ahamiyatini tushunar, bu ishga tajribali o‘qituvchilarni taklif qilish yo‘llarini axtarar edilar.

Ko‘philik olimlar, pedagoglar va shifokorlar jurnal sahibalarida bilim yurtlaridagi jismoniy tarbiyaning mavjud ahvolini tanqid qilishar edi. 1899-yili Moskva universiteti huzuridagi pedagoglar jamiyatining yig‘ilishida N.S.Filitis o‘zining o‘rtalik muktabda gimnastika o‘qitish haqida qilgan ma’ruzasida quyidagi xulosalarga keldi: «1889-yilda belgilangan gimnastika sistemasida yaxshi narsalar ham, shu bilan birga ko‘pgina yomon narsalar ham bor. Biroq undagi yaxshi narsalar muktablarda qo‘llanilmaydi, yomon narsalar esa qo‘llaniladi. Ana shuning uchun ham o‘rtalik muktab dasturlarini qayta ko‘rib

chiqish bo'yicha Moskva pedagoglarining yaqindagina bo'lib o'tgan majlisida tuzilgan jismoniy tarbiya masalalarini aniqlash komissiyasi bir ovozdan gimnastikaning hozirgi ahvolda o'rgatilishini zudlik bilan yo'q qilishni iltimos etishga qaror qildi».

Rasmiy doiralar maktabda jismoniy tarbiyani yo'lga qo'yishni yaxshilash yuzasidan choralar ko'rmadilar. Faqat ayrim pedagoglarning tashabbusi bilan maktablarda jismoniy tarbiyani yaxshilash harakati boshlandi. Sankt-Peterburg (1892-yil), Odessa (1892-yil); Kiyev (1893-yil), Moskva (1893-yil) va boshqa shaharlarda tuzilgan o'quvchi yoshlari jismoniy kamolotiga yordam beruvchi jamiyatlar bu sohada katta rol o'ynadi. Ular o'yin maydonchalarini ochdilar, o'quvchilar uchun sayr va ekskursiyalar uyuştirdilar. Jamoat tashkilotlari, ilg'or pedagoglar, shifokorlar va adabiyotchilarning qattiq turib talab qilishlari natijasida xalq mafrofisi vaziri 1902-yilning 15-avgustida farmoyish chiqarib, bu hujjatda maktablarda harakatli o'yinlar, harbiy gimnastika, buyumlar bilan bajariladigan gimnastika, konki va chang'i, suzish va eshkak eshish, velosipedda yurish, qilichbozlik, qo'il mehnati, raqs va ashulani joriy etishni nazarda tutdi. Unda maktab gimnastika bayramlari o'tkazish zarurligi ham ko'rsatib o'tilgan. Jismoniy mashqlar mashg'ulotlarini har kuni 30 minut davomida va, albatta, o'quv kunining o'rtaida o'tkazish, o'quv kunining dastlabki va oxirgi darslarida o'tkazilishiga sira yo'l qo'ymaslik tavsiya etilar edi. 1904-yilning 10-iyunida chiqarilgan yangi farmoyishda o'quvchilarning o'qituvchilar va qarindosh-urug'lar bilan sayr etishlari ham qo'shimcha qilinib, bu imkoniyatlar yanada kengaytirildi. Unda suv sportini keng yoyish, suzish maktablarini tashkil qilish tavsiya etilar, yuqori sinf o'quvchilarini o'q otadigan qurol bilan tanishtirish nazarda tutilardi.

Biroq ish «tavsiya etish» va farmoyish berishdan nariga bormadi. Chunki bu ishlarni amalga oshirish uchun zaruriy sharoit yo'q edi. Malakali pedagoglar va moddiy baza yo'q, o'quv va o'quvchilarning o'qishdan tashqi hayoti umuman normal tartibga solinmagan edi. Gimnastika mashg'ulotlari

maxsus ma'lumotga, hatto yaxshiroq umumiy ma'lumotga ega bo'Imagan o'qituvchilar boshchiligidagi chang-to'zoni ko'tarilib yotgan yo'lak yoki dam olish zallarida o'tkazilgan vaqtida o'quvchi yoshlari jismoniy tarbiyasining bu tarzda yo'lga qo'yilishi o'quvchilarda fanga qiziqish va rahbarga ishonch tug'dira olmas edi.

**Armiya va harbiy-o'quv yurtlarida jismoniy tayyorgarlik.** Rossiyaning Qrim urushidagi mag'lubiyati rus armiyasining tayyorgarlik, tashkiliy va texnik jihatdan quronishida jiddiy kamchiliklar borligini ochib tashladi. Biroq chor hukumati tub islohot o'tkazish yo'lidan bormadi, balki qo'shinlar ta'limi, tarbiyasi va jismoniy tayyorgarligi sohasida ba'zi bir yangiliklar joriy etish bilangina cheklandi.

1856-yili chor hukumati qo'shinlar ta'limining yangi das-turini joriy qildi, ustavni birmuncha soddalashtirdi va armiyadagi jismoniy tayyorgarlikni qonunlashtirdi. 1859-yili «Qo'shinlarda gimnastika o'rgatish qoidalari» tasdiqlandi. Unda jismoniy mashqlar uch guruhgaga ajratilgan edi: 1) gavda mushaklarini o'stirish uchun tayyorgarlik mashqlari; 2) yu-gurish; 3) harbiy-amaliy mashqlar hamda snaryadlarda: xoda, arqon, zina, xari, brusya, konda bajariladigan mashqlar, balandlikka va uzunlikka sakrash mashqlari, xoda ustida mu-vozanat saqlash va tirmashib chiqish mashqlari.

1874-yilda amalga oshirilgan qurolli kuchlar islohoti armiyaga chiqariluvchilar sonini ko'paytirdi va haqiqiy xizmat muddatini cheklab qo'ydi. Bu tadbirlar askarlar jismoniy tarbiyasini yaxshilashni shart qilib qo'ydi. Yo'l-yo'riqlar va metodik qo'llanmalar ishlab chiqila boshlandi. 1879-yildayoq «Qo'shinlarga gimnastika o'rgatish yo'l-yo'riqlari va ochiq joyda bajariladigan gimnastika» qo'llanmasining ikkinchi nashri chiqdi. Ochiq joyda bajariladigan gimnastika askarlari jismonan tayyorlashning suvorovcha metodi elementlari, xususan: o'ng'ir, chuqurlikdan sakrab o'tish, emaklash, tirmashish, o'rmalash, tezlashtirilgan marshlar, suzish, suvdan hosil topgan to'siqlarni yengish va shu singarilar kirardi.

Harbiy ministr D.S.Milyutinining eng yaqin yordamchisi M.I.Dragomirov (1830—1905-yillar) janglarda harbiy-amaliy

malakalar hosil qilish, chidamlilik, epchillik va harakatchanlik xislatlarini tarbiyalashga yordam beradigan jismoniy tayyorgarlikni joriy etish tarafdoi edi. Dragomirovning fikricha, gimnastika yurish, yugurish, sakrash, muvozanat saqlash, tirmashish va to'siqlarni yengish malakalarini takomillashtirishga imkon berishi kerak. U gimnastika mazmuniga yurish, yugurish, sakrash, tirmashish, to'siqlarni yengish, muvozanat saqlash va nayza bilan jang qilish mashqlarini kiritdi. Armiyada zovur, xoda, gulzor, o'ngir, g'or singari to'siqlardan iborat hujum doirasini egallash mashqlarini joriy etishni ham M.I.Dragomirov taklif qilgan edi.

P.F.Lesgaft harbiy qo'shinlar jismoniy tayyorgarligi nazariyasini taraqqiy ettirishga talaygina hissa qo'shdi. P.F.Lesgaft 1875–1876-yillarda harbiy vazirlikning topshirig'i bilan G'arbiy Yevropadagi bir qancha mamlakatlarda bo'lib, u yerlarda jismoniy tarbiyaning qanday yo'lga qo'yilganligi va gimnastika o'qituvchilarini tayyorlash ishlari bilan tanishgan edi. 1877-yili u Rossiyaga qaytishi bilan harbiy gimnaziyalar uchun jismoniy tarbiya dasturini ishlab chiqdi va 12 ta harbiy bilim yurtida bu dasturning amalga oshirilishini kuzatib bordi. Lesgaft harbiy gimnaziyalar uchun gimnastika o'qituvchilarini tayyorlash kurslari (1877-yil) hamda gimnastika va qilichboz o'qituvchilar malakasini oshirish kurslarini (1884-yil) tashkil qilishda faol ishtirok etdi. U jismoniy tayyorgarlikka baho berar ekan, jismoniy mashqlar qo'shinlar harbiy tayyorgarligining muhim vositasidir, degan fikrga asoslandi. Lesgaft jismoniy tayyorgarlik mazmuniga oddiy harakatlar (bukish va yozish) irg'itish yoki uloqtirish va to'siqlardan oshib yugurish, og'ir narsalarni ko'tarib mashq qilish, suzish va sakrash (hamma turlari), kurash, o'yinlar, snaryadlarda bajariladigan mashqlarni kiritdi.

General A.D.Butovskiyning (1838–1917-yillar) faoliyati armiyada jismoniy tayyorgarlik nazariyasini va amaliyotini taraqqiy ettirishda katta ahamiyatga ega bo'ldi. General Butovskiy 1888-yili – kadetlar korpuslarida jismoniy tarbiyani yo'lga qo'yish komissiyasining a'zosi bo'lgan vaqtida – «Sinfdan tashqari mashg'ulotlar qo'llanmasi»ni yozdi. Bu

qo'llanmada kadet korpuslarida tarbiyalanuvchilarning bo'sh vaqtlarini har xil o'yinlar va jismoniy mashqlarga bag'ishlashi nazarda tutildi.

A.D.Butovskiy kadet korpuslarini jismoniy tarbiyadan malakali mutaxassislar bilan ta'minlash maqsadida 1890-yili maxsus kurslar tashkil qildi va 16 yil davomida ularga o'zi rahbarlik qildi. U kurslarda jismoniy mashqlar tarixi va metodikasidan ma'ruza o'qidi. A.D.Butovskiy jismoniy tayyorgarlik o'tkazish metodikasiga ko'pgina yangiliklar kiritdi. U jismoniy tarbiyada vositalar emas, balki ulardan foydalanish metodlari hal qiluvchi ahamiyatga ega bo'lishini ta'kidlab o'tar edi. A.D.Butovskiy gimnastika, o'yinlar va qo'l mehnatini jismoniy tarbiyaning asosiy vositalari deb hisobladi.

Progressiv arboblarning zo'r berib qilgan harakatlariga qaramasdan, armiya va harbiy bilim yurtlarida jismoniy tayyorgarlik qoniqarsiz ahvolda qolaverdi. Ayrim harbiy qismlar va bilim yurtlarining ijobiy tajribalaridan foydalanilmadi. Armiya va harbiy bilim yurtlari uchun jismoniy tayyorgarlik bo'yicha kadrlar tayyorlash tizimida birlik bo'lmaganligi jismoniy tayyorgarlikning nazariy va tashkiliy-metodik asoslarini ishlab chiqishga salbiy ta'sir ko'rsatdi.

**XIX asrning ikkinchi yarmida jismoniy tarbiyaning ilmiy-nazariy asoslarini taraqqiy etishi.** XIX asrning ikkinchi yarmida Rossiyada jismoniy tarbiya nazariyasi anchagina taraqqiy etganligi bilan xarakterlanadi. O'sha vaqtda rus milliy inadaniyatining yuksalishi va ilg'or ijtimoiy harakat bunga sabab bo'lgan edi. Jismoniy tarbiya nazariyasining progressiv taraqqiy etishida rus revolyutsion demokratlaridan N.G.Chernishevskiy (1828–1889-yillar) va N.A.Dobrolyubov (1836–1861-yillar) asarlari juda muhim rol o'ynadi.

Chernishevskiy va Dobrolyubov o'zlarining materialistik va revolyutsion dunyoqarashlariga hamda tabiiy fanlar bilimlariga to'la asoslangan holda odamning aqliy, axloqiy va jismoniy kuchlarini mutanosib sur'atda taraqqiy ettirish zarurligini isbotlab berdilar. Ular to'g'ri tarbiya berish bilan samoderjaviyega qarshi hamda insoniyatning porloq kelajagi

uchun faol, jasur va mardonavor kurashchilar tayyorlash mumkin ekanligiga qattiq ishonar edilar. Ular, jismoniy tarbiyaning asosiy vazifasi revolyutsioner-kurashchi, o'zida yaxshigina jismoniy kamolot, aniq fikr, mustahkam iroda va xalqqa sadoqat fazilatlarini birgalikda mujassamlantiruvchi kishini tarbiyalashdir, deb hisobladilar.

Chernishevskiy odam shaxsini ikki: ruhiy va jismoniy qismga ajratuvchi o'sha vaqtdagi hukmron idealistik nazariyalarga qat'iylik bilan qarshi chiqdi.

U jismoniy tarbiya vositalarini tanlashda jismoniy mashqlarning tabiiy turlarini ilgari surdi va yugurish, sakrash, uloqtirish yoki irg'itish, suzish, eshkak eshish, konki, chanada yurish kabi mashqlarni shular jumlasiga kiritdi. U to'g'ri kundalik tartib hamda sayr qilish, yugurish, sakrash, kurash va raqs shaklidagi mashqlarni sog'liqni mustahkamlash uchun foydali vosita deb hisoblab, shaxsiy gigiyenaga ham alohida e'tibor berdi. Chernishevskiy jismoniy tarbiyaning uydirma vositalari va metodlariga qarshi keskin kurashti.

Dobrolyubov inson umumiyligi tarbiyasida jismoniy tarbiyaga katta ahamiyat berdi. U ham Chernishevskiy singari odam organizmining materialistik birligi va bir butunligi pozitsiyasida turdi «Biror tomoni boshqa bir tomon hisobiga taraqqiy etayotgan organizmni mutlaqo sog'lom organizm deb bo'lmaydi», - deb yozgan edi Dobrolyubov. U jismoniy mashqlarning tabiiy turlarini jismoniy tarbiya vositalari deb hisobadi. U gymnastikaning foydali mashg'ulot ekanligini inkor etmay, nemis gymnastikasining sun'iy mashqlarga haddan tashqari berilib ketishiga keskin qarshi chiqdi.

Demokrat, ma'rifatchi, tanqidchi va publisist D.I.Pisaryev (1840–1868-yillar) jismoniy tarbiya nazariyasini taraqqiyotiga talaygina hissa qo'shdi. Pisaryevning jismoniy tarbiya masalalariga doir fikrlari asosini tashkil etuvchi g'oyalar bolalar sog'lig'ini ilk yoshlik chog'idan boshlab asrash, ulami jismoniy jihatdan o'stirish va chiniqtirishni o'z ichiga olar edi. Bunday maktablarda o'yinlarni jismoniy tarbiyani taraqqiy ettirish imkonini beruvchi vositalar sifatida

joriy etish tarafdori edi. Pisaryevning bola tarbiyasining gigi-yenik shartlari va jismoniy tarbiyanı yoqlab chiqishi umuman o'sha vaqtda katta ahamiyatga ega edi.

Buyuk rus pedagogi va olimi K.D.Ushinskiy (1824—1870-yillar) ham jismoniy tarbiyaning faol tarafдорларидан edi. Uning «Odam tarbiya predmeti sifatida» nomli asari jismoniy tarbiyaning tabiiy-ilmiy asoslarini taraqqiy ettirishga anchagini ta'sir ko'rsatdi. Ushinskiy jismoniy tarbiya anatomiya, fiziologiya va psixologiya sohasida olingen chuqur bilimlar asosiga qurilmog'l darkor, deb hisobladи. Uning fikricha, jismoniy tarbiya odam faoliyatining hamma sohalariga ijobiy ta'sir ko'rsatadi. Masalan, Ushinskiyning fikriga qara-ganda, jismoniy mashqlar bola xotirasini mustahkamlashda katta rol o'ynaydi.

Ushinskiy mакtabda jismoniy tarbiyaning zarurligi haqidagi masalani ilgari surish bilangina cheklanmadи, balki o'ynilar va jismoniy mashqlar bolalarning bo'sh vaqtini ko'ngilli o'tkazadi hamda ularda salbiy xislatlarini yuzaga kelishiga yo'l qo'yaydi, deb hisoblab, jismoniy tarbiyaning zo'r tarbiyaviy ahamiyatini isbotlab berdi. Ushinskiyning jismoniy tarbiya sohasidagi xulosalari revolyutsion-demokratlar N.G.Chernishevskiy va N.A.Dobrolyubovlarning jismoniy tarbiya masalalariga doir xulosalari darajasiga ko'tarila olmadi. Chunki u jismoniy tarbiyani ijtimoiy-siyosiy muhit sharoitidan ajratib qo'ydi.

N.I.Pirogov (1810—1881-yillar) va I.M.Sechenov (1829—1905-yillar) asarlari jismoniy tarbiya masalalarini ilmiy jihatdan asoslab berishda katta ahamiyat kasb etdi.

Buyuk rus jarrohi N.I.Pirogov anatomiyada yangi yo'naliш — dinamik anatomianing asoschisi bo'ldi. U odam tanasining anatomik tuzilishini o'rganish asosida odam tanasi organlarining tuzilishi ularning funksiyasiga bog'liq ekanligini aniqlab berdi. Bu jismoniy tarbiyaning anatomik asoslarini ishlab chiqishda, jumladan, mashg'ulotlarning odam tanasi rivojlanishiga va tana shaklining o'zgarishiga ko'rsatadigan ta'sirini aniqlashda katta ahamiyatga ega bo'ldi.

Ajoyib rus fiziolog-olimi I.M.Sechenov o'tgan asrning 70-yillarda bir qancha kashfiyotlar qildi. Ular Sechenovga odam organizmi birligining materialistik nazariyasini asoslab, uni taraqqiy ettirish yo'llarini ochish imkonini berdi. Ana shu nazariyaga ko'ra, ruhiy va moddiy hodisalar organizm ishchanligi shaklidan iborat bo'ladi. Ulardan moddiysi birlamchi, ruhiy hodisalar esa ikkilamchidir. Sechenovning malaka hosil qilish nazariyasi va boshqa ilmiy kashfiyotlari odam organizmini har tomonlama mutanosib sur'atda rivojlantirish zarurligini asoslab berdi. Sechenovning fikricha, jismoniy tarbiya har taraflama tarbiya berishning muhim qismidir, odam ongingin moddiy asosini mustahkamlash, taraqqiy ettirish va takomillashtirishning muhim vositasidir.

Sechenov o'zining inson harakatlari fiziologiyasiga doir tadqiqotlari bilan hozirgi zamon eng muhim fanlardan biri — mehnat fiziologiyasiga asos qo'ydi. Bu tadqiqotlar sport fiziologiyasi uchun ham muhim amaliy ahamiyatga ega bo'ldi. Sechenovning «Sezgir nervlar qo'zg'alishining odam mushak ishlariga ko'rsatadigan ta'siri haqidagi masalaga doir» asarida mehnat fiziologiyasi va sport mashqlari fiziologiyasining asosiy masalalaridan biri bo'lgan charchash va dam olish masalasini chuqurroq o'rganish ishlarini boshlab berdi.

Shifokorlardan Ye.A.Pokrovskiy (1834—1895-yillar) va Ye.M.Dementyev (1850—1918-yillar) jismoniy tarbiya nazariyasini rivojlantirish sohasida ko'pgina ish qildilar.

Taniqli bolalar shifokori va «Vestnik vospitaniya» («Tarbiya xabarchisi») jurnalining redaktori Ye.A.Pokrovskiy oila va maktabda bolalar jismoniy tarbiyasi g'oyalarini targ'ib qiluvchi otashin kurashchi edi. Pokrovskiy, o'yinlar va jismoniy mashqlar bola sog'lig'ini mustahkamlaydi, uning jismoniy kuchi va bilimini taraqqiy ettirish imkonini beradi, deb ta'kidlar edi. U oila va maktabda bolalarni ilk yoshdan boshlaboq har tomonlama kamol toptirishga alohida e'tibor berilmog'i kerak, der edi. Pokrovskiy o'yinni bolalar jismoniy tarbiyasining asosiy vositasi deb hisoblardi. Gimnastika bilan, - der edi u, - maktabning yuqori sinflaridagina shug'ullanish mumkin Uning fikricha, gimnastika mashqlari bolalarni jismoni

o'stirishda harakatli o'yinlardek foyda bermaydi. Harakatli o'yinlar o'sayotgan bola organizmini taraqqiy ettirish talabalariga javob beradi va bolalarga zo'r quvonch baxsh etadi. O'yinlar bola hayotiga quvnoqlik va xushchaqchaqlik olib kirish bilan birga bola organizmining mustahkamlanishiga yordam beradi. O'yinlar bolalarni intizomli bo'lishga, umumiy talablar yoki qoidalarga bo'ysunishga, o'z istaklarini hammaning istagi bilan muvofiqlashtirishga odatlantiradi. Pokrovskiy milliy o'yinlarni jismoniy tarbiya tizimiga kiritishning muhimligini ham ko'rsatib o'tdi.

Pokrovskiy o'zining «Turli xalqlar, asosan, Rossiya xalqlari bolalari jismoniy tarbiyasi» (1884-yil) nomli asarida shunday deb ta'kidlaydi: «O'yinlar va o'yinchoqlar, garchi unchalik katta bo'lmasa-da, xalq poeziyasi, afsonalari, ertaklar, maqollar, topishmoqlar va boshqalar singari xalq ruhida muvofiq ravishda muhim ta'limi ahamiyat kasb etadi». Pokrovskiy tarbiyaning hukmron sistemasiga qarshi chiqib, liberal burjuaziya tomonida turdi.

Shifokor Ye.M.Dementyev B.A.Pokrovskiyning safdoshi edi. 1882–1884-yillarda u Moskva guberniyasi zavod va fabrikalarining sanitariya holatini birinchi bor tekshirish qatt-nashchisi bo'ldi. Shu asosda «Odamning umumiy jismoniy kamoloti natijasida odam mushak kuchlarining taraqqiy etishi» mavzuida dissertatsiya yoqladi. Unda ishchi yoshlarning og'ir mehnati va jismoniy o'sishi sharoitini yoritdi.

Dementyev «Gimnastika yoki o'yinlar», «Hozirgi mакtab tarbiyasi tizimi munosabati bilan yoshlar jismoniy tarbiyasi» kabi kitoblarini yozdi. Bunda o'zin va tabiiy mashqlarni birinchi o'ringa qo'ydi.

U chor Rossiyasidagi mavjud tarbiyaning har qanday tizimiga ham salbiy munosabatda bo'ldi va mehnatkashlar ommasining turmushi og'irligi uchun uni yaxshilash haqida g'amxo'rlik qildi.

Chor hukumati va rasmiy rus pedagogikasi namoyandalari jismoniy tarbiya nazariyasi masalalariga e'tibor bermadilar. Shu sababdan, bu sohadagi ilmiy-nazariy bilimlar turmushga deyarlik tatbiq etilmadi.

### 6.3. P.F.Lesgaftning jismoniy tarbiya ta'limi

Petr Fransevich Lesgaft (1837–1909-yillar) ajoyib olim va revolyutsiyadan oldingi Rossiyadagi jismoniy tarbiyaning eng faol ijodkori, jismoniy tarbiya ilmiy sistemasining asoschisidir. U o'zining ilmiy asarlarida jismoniy tarbiya jarayonining hamma tomonlarini aks ettirdi.

P.F.Lesgaft 1861-yilda meditsina-xirurgiya akademiyasini tamomladi va shu akademiyaning o'zida anatomiya o'qituvchisi bo'lib ishlay boshladi. U 1865-yillarda birin-kechin ikkita dissertatsiya yoqladi hamda meditsina doktori va xirurgiya doktori degan ilmiy darajalarni oldi. Lesgaft dissertatsiyalar tayyorlayotgan vaqtidayoq antropologiyani odam haqidagi fan sifatida keng ma'noda tushundi va uni o'rganishga kirishdi. Xuddi shu vaqtning o'zida u odam organizmining taraqqiy etish nazariyasi asoslari ustida ham ishlay boshladi. U bu ishga taraqqiyotning materialistik g'oyasini asos qilib oldi. Bu g'oyaga ko'ra, odam organizmni asosan tashqi muhit ta'siri bilan to'xtovsiz o'zgargani holda taraqqiy eta boradi. Lesgaft mashqlarini butun organizmni va uning ayrim qismlarini taraqqiy ettiruvchi yagona vosita deb bildi. Gavdaning barcha a'zolarini uyg'un ravishda mashq qildirilganda, organizm juda yaxshi taraqqiy etadi. Bu narsa Lesgaftni, jismoniy tarbiyaning ilmiy ravishda asoslangan tizimini yaratish zarur, degan fikrga olib keldi. U bu ishga ikkinchi dissertatsiyasini yoqlaganidan so'ng bir necha yil o'tgach kirishdi. P.F.Lesgaft 1872-yildan boshlab doktor Berglinning xususiy davolash gimnastika ishxonasida konsultant sifatida ishladi. 1874-yilda Lesgaft o'zining gimnastika masalalariga doir birinchi maqolasini chop ettirdi. Maqolada gimnastikaning asoslari haqida, asosan, uning organizmga ta'siri to'g'risida gap borar edi. So'ngra Lesgaft harbiy vazirlikning topshirig'i bilan bir yil mobaynida Yevropaning turli mamlakatlarda bo'ldi. Bundan maqsad o'sha mamlakatlarda jismoniy tarbiyaning qanday yo'lga qo'yilganligi bilan tanishish edi.

P.F.Lesgaft 1876-yilda o‘zining «Anatomianing jismoniy tarbiyaga munosabati va matabda jismoniy ta’limning asosiy vazifasi» degan asarini nashrdan chiqardi. Endilikda bu asarda jismoniy tarbiyaning vazifalari anchagina kengroq bayon qilingan edi. U jismoniy tarbiyaning bilim sifatidagi xarakterini ta’kidlab o‘tishga harakat qilib, uni jismoniy tarbiya deb emas, balki jismoniy ta’lim deb atadi. Undan keyingi yillarda Lesgaft «Maktab yoshidagi bolalar jismoniy tarbiyasiga doir qo’llanma» (1-qismi 1888-yilda, 2-qismi esa 1901-yilda yozilgan), «Nazariy anatomiya asoslari», «Oila tarbiyasi» va boshqa yirik-yirik asarlarini yozdi. Lesgaft o‘z nazariyasini yarata borib, jismoniy tarbiyani turmushga tatbiq qilish sohasida zo‘r tashabbus ko‘rsatdi. U 1874-yildan boshlab ko‘p yillar mobaynida harbiy o‘quv yurtlari o‘quvchilarining jismoniy tarbiyasiga rahbarlik qildi. Xuddi shu yillar ichida u jismoniy tarbiya rahbarlari tayyorlash kurslarida jismoniy tarbiya materiallariga doir bir qancha ma’ruzalar o‘qidi. P.F.Lesgaft garchi o‘quvchi yoshlar jismoniy tarbiyasiga yordam berish jamiyatida faqat kotib bo‘lib hisoblansa ham, aslida uning rahbariga aylanib qolgan edi.

P.F.Lesgaftning jamiyat ishlarida ishtirok etishi shunga olib keldiki, jamiyat faoliyati demokratik xarakter kasb etdi. Jamiyatning bolalar maydonchalariga kichik xizmatchilar va hatto ishchilarining bolalari ham qo‘yila boshlandi. Bolalar bilan harakatli o‘yinlar, ekskursiyalar va sayrlar o‘tkazdilar, qishda konki va chanalarda uchilar, yozda esa qayiq va kemonlarda suzishar edi. Ayni vaqtida jamiyat aholi orasida bolalar jismoniy ta’limga doir ilmiy bilimlarni yoyish sohasida katta ish olib bordi, bu masala yuzasidan ilmiy munozaralar o‘tkazib turdi.

1894-yil boshlarida jamiyat Lesgaftning tashabbusi bilan jismoniy mashqlar rahbarlarining kurslarini ochish haqidagi masalani xalq maorifi vazirligi oldiga qo‘ydi. Vazirlik kurslari erkaklar bilan ayollarning birgalikda ta’lim olishlariga qat’iy ravishda qarshi chiqdi. Vazirlik boshqa to’siqlarni ham

yuzaga keltirdiki, ularni bartaraf qilishga ikki yil ketdi. 1896-yilning yanvar oyidagina «Jismoniy mashqlardan ayol rahbarlar tayyorlash uchun muvaqqat kurslar» ochishga ruxsat etildi. Lesgaft kurslarning mudiri qilib tayinlandi. 1898-yilda uning iltimosi bilan kurslarda o'qish muddati 3 yil bo'lgan «Jismoniy ta'limning ayol tarbiyachilari va rahbarlari kurslari» nomi ostida qayta tashkil etildi. Kurslar qayta tashkil etilganidan keyin jamiyat faoliyati kengayib ketdi. Bolalar o'yinlari va jismoniy mashqlariga kurslarning o'quvchilari ishlab chiqarish amaliyoti tartibida rahbarlik qila boshladilar. Kurslarni tamomlaganlar Rossianing ko'pgina shaharlarga borib, bolalar orasida olib boriladigan jismoniy tarbiya ishlarni yo'lga qo'ya boshladilar.

Birinchi rus revolyutsiyasi yillari davrida Lesgaft kurslar o'mniga Oliy erkin maktab yaratdi. U yerda o'sha davrdagi eng yaxshi olimlar leksiyalar o'qidilar. Maktab binosida talabalarning har xil yig'ilishlari, ishchilarning yig'ilishlari o'tkazilar edi. Ishchi deputatlarning soveti o'z ishini shu yerda olib borgan. 1907-yil oxirida hukumat Oliy erkin maktabini yopib qo'ydi.

P.F.Lesgaftning butun hayoti va faoliyati chorizm reaksiyon kuchlari bilan uzlusiz kurashdan, butun insoniyat manfaatlari yo'lda fan tantanasi uchun kurashishdan iborat bo'ldi. Lesgaft biologiya, antropologiya, pedagogika, anatomiya, tarix va jismoniy tarbiya sohasida ish olib borib hamda o'z ilmiy faoliyatini amaliyot bilan uзви ravishda bog'lab, o'zining jismoniy madaniyat nazariyasini va metodikasining asosiy tamoyillarini taraqqiy ettirdi.

P.F.Lesgaft ishlab chiqqan jismoniy ta'lim nazariyasining asosiy yo'nalishlari quyidagilardan iborat:

1. Aqliy ta'lim ham, jismoniy ta'lim ham odamni butun jamiyat baxt-saodati uchun serunum mehnat qilishga tayyorlash imkonini berishi kerak. Har qanday ta'limning asosiy maqsadi odamning shaxsiy manfaatini emas, balki jamiyatga foyda keltirishni birinchi o'ringa qo'yishiga erishishdan iborat bo'lmog'i lozimi. Odam deydi Lesgaft, butun umrida ijodkor bo'lishi, yodaki uslublardan

foydalanimasligi darkor. Shunday qilingan taqdirdagina odamning uzlaksiz shaxsiy kamolotiga va butun jamiyat madaniyatining taraqqiyotiga erishish mumkin.

2. Inson aqliy faoliyatida ham, jismoniy faoliyatida ham ijodiy faollikka qo'yilgan maqsadlarga erishish uchuń vositalar ongli ravishda tanlangan taqdirdagina erishish mumkin. Shuning uchun Lesgaft mashq qilish natijasida hosil bo'lgan narsalarni bir-biridan farq qila olishga odatlanishni, ulami o'zaro bir-biri bilan taqqoslay olish hamda ularga baho bera bilish, ya'ni tahlil qila olishni jismoniy ta'limning eng muhim vazifalaridan biri deb hisobladi. Lesgaft ana shu nuqtai nazardan mashqlarni ko'rsatib berishni emas, balki ularni tushuntirib berishning o'zi bilan cheklanishni tavsiya qildi. Bu narsa o'quvchini bajargan harakatini ko'r-ko'rona takror qilib berishga emas, balki uning haqida ongli tasavvur hosil qilishga, undan keyin esa o'sha harakatni takror bajarishga majbur etadi. Odam ongi deydi Lesgaft, uning har bir faoliyatini oldindan bajarishi kerak.

3. «Hech qanday kamchiligi yo'q normal organizm»ga ega bo'lgan odamning har taraflama kamol topishigina serunum va mahsuldarroq mehnat qilishga qodirdir. Har taraflama kamol topishgina juda oz kuch sarflab, juda qisqa vaqt ichida eng yaxshi natijalarga erishib ishlash imkonini beradi.

4. Lesgaft kishining har taraflama kamol topishi deganda, odamning aqliy va jismoniy kuchlarini bir-biriga qo'shib, to'g'ri taraqqiy ettirishni, ong yetakchi rol o'ynagan paytda kishi faoliyatida bu kuchlarning faol ishtirok etishiga imkon beruvchi ulardagi uzviy bog'liqliknini nazarda tutdi.

5. Har bir odam jismoniy kamolotining yosh, jinsiy va individual xususiyatlarini hisobga olib, kuch sarflashdagi astasekinlik va izchillik tamoyiliga rioya qilgan taqdirdagina har tomonlama jismoniy kamolotga erishish mumkin.

6. Jismoniy ta'limning ilmiy jihatdan asoslab berilgan tizimi yordamida ish tutgan taqdirdagina to'g'ri jismoniy o'sishiga erishish mumkin. Jismoniy ta'limning tajriba tizimi ko'pchilik avlod tajribasida sinab ko'riganidan keyingina

to‘g‘ri tajriba deb tan olinishi mumkin.

7. Jismoniy ta’lim tizimining o‘zi esa har xii sharoitda va har xil shaklda qo‘llanuvchi, ta’lim-tarbiyaviy vazifalarga qarab asta-sekin o‘zgaruvchi uncha ko‘p bo‘limgan harakatlar tizimidan tarkib topadi. Lesgaft yurish, yugurish, sakrash, uloqtirish yoki irg‘itish, kurash, oddiy gimnastik mashqlar, o‘yinlar va ekskursiyalarni ana shunday mashqlar deb hisobladi.

P.F.Lesgaft jismoniy ta’lim jarayonining o‘zini quyida-gicha tasavvur etar edi:

A. Bola oddiy harakatlar qilib, ularni bir-biri bilan o‘zaro taqqoslaydi, ular o‘rtasidagi farqni anglaydi, ya’ni ularni tahlil qiladi va tushuna boshlaydi. Harakatlarning bolalar to-monidan ongli ravishda bajarilishiga erishish uchun ular ko‘rsatilishiga qarab emas, balki tushuntirish asosida bajariladi. Mashqlarning bu oddiy guruhi asosan maktabning boshlang‘ich sinflarida bajariladi.

B. Keyinchalik bola ortib boradigan qiyinchiliklarni hamda ancha murakkabroq to‘sqliarni asta-sekin yenga olishga o‘rganadi. Buning uchun ko‘tariladigan yoki irg‘tiladigan buyumlar vazni asta-sekin orttirib boriladi, yurish va yugurishda bosib o‘tilishi lozim bo‘lgan masofaga ajratilgan vaqt qisqartiriladi, yurish yugurish, sakrash, uloqtirish yoki irg‘itish paytida bosib o‘tilishi lozim bo‘lgan masofa ko‘paytiriladi, sakrab o‘tish uchun qo‘yiladigan to‘sqliar ko‘tariladi, qarshilik ko‘rsatuvchi kuchlar (masalan, sherik qarshiligi) orttiriladi, harakatlarning o‘zi esa murakkab-lashtiriladi. Bola har xil sharoitda umumiy harakatda o‘zi uchun tanish harakatlarni bajarib, nisbatan juda qisqa vaqt ichida iloji boricha kamroq kuch sarflab asta-sekin va ko‘proq va og‘irroq to‘sqliarni yengadi, borgan sari ko‘proq kuch sarflashni talab etadigan bu mashqlar ko‘pgina maktab-larning o‘ta sinflarida qo‘llaniladi.

D. Undan keyin o‘smir tevarak-atrofdagi buyumlarni hisobga olgan va natijalarni oldindan ko‘z oldiga keltirgan holda o‘z harakatlarini, vaqt va makonga moslashga o‘rganadi. U bu xildagi mashqlar yordamida o‘z mushak hislarini o‘stiradi va har qanday sharoitda ham durustroq hara-

kat qilishga o'rganadi. Makon' munosabatlarini o'rganish va ishni vaqtga qarab taqsimlash bilan bog'liq bo'lgan, bu mashqlar matabning yuqori sinflarida qo'llaniladi.

E. Ayni vaqtida bola yoki o'smir o'yin o'ynash, ekskursiya va og'ir harakatlar qilish paytida murakkab harakatlardan foydalaniib, o'zi hosil qilgan ko'nikmalarini tekshirib ko'radi va ularni mustahkamlab oladi. Murakkab harakatlar ko'rinishidagi bu mashq tizimlari matabning barcha sinflarida mashqlarning datlabki uchta guruhi bilan parallel ravishda qo'llaniladi.

P.F.Lesgaft o'zining jismoniy ta'lim tizimini yaratib, G'arbiy Yevropa mamlakatlari jismoniy tarbiya tizimini qattiq tanqid qildi. U bu gimnastika tizimi mashqlari bola organizmining anatomik tuzilishiga mos emasligini isbotlab berdi. Olim nemis va shved gimnastikasini tanqid qilishda me'yordan oshmadi va umuman, o'zidan keyingi olimlar, jumladan, F.Lagranj (Fransiya) singari gimnastikaning ahamiyatini kamsitmadi. Aksincha, gimnastika mashqlarini keng qo'llagan holda jismoniy ta'limining ilmiy jihatdan asoslab berilgan tizimini yaratish ustida ishladi. U olimlar va pedagoglarni ijodiy faol bo'lishga, gimnastika va sportning odat tusiga kirgan chet el tizimi rus yoshlari jismoniy ta'limiga kirib kelishiga tanqidiy ko'z bilan qaramaslikka qarshi kurashishga da'vat etdi.

P.F.Lesgaft tizimining asosiy kamchiligi shundaki, u jismoniy tarbiyaning sinfiy xarakterini tushunmadni, uni faqat biologik nuqtai nazardan tushuntirib berdi. Bundan tashqari, u boshqa xatolarga ham yo'l qo'ydi. Masalan, u sport musobaqalari va bolalar uchun gimnastika snaryadlarida bajariladigan mashqlarning foydali ekanligini inkor etdi, jismoniy mashqlarga o'rgatishda ko'rsatishning ahamiyatini kamsitdi. U o'zining jismoniy tarbiya tarixiga doir asarlarida rus xalqi badan tarbiyasini tekshirishga yetarlicha e'tibor bermadi. Shunday bo'lishiga qaramasdan, Lesgaft asarlari hozirgi kunga qadar o'zining ilmiy qiymatini saqlab keladi.

XIX asrning ikkinchi yarimida kapitalizmning qaror topishi ta'sirida Rossiyada bunyodgaga kelgan yangi ijtimoiy mu-

nosabatlar, mehnatkashlar bilan ekspluatatorlar o'rtasidagi kuchli sinfiy kurash va 60—90-yillardagi ijtimoiy-siyosiy harakat mamlakatda jismoniy tarbiya va sportning taraqqiy etishiga katta salbiy ta'sir ko'rsatdi.

Rossiyada kapitalizmning qaror topishi davrida mamlakatda sport-gimnastika harakati paydo bo'ldi; sportning ayrim turlari bo'yicha to'garaklar va klublar tashkil etildi, biringchi ishchilar sport to'garaklari vujudga keladi. Shafqatsiz ekspluatatsiya va proletariatning og'ir moddiy ahvoli proletariat orasida jismoniy tarbiya va sportni keng taraqqiy ettrish imkonini bermadi. Dehqonlar masalasiga kelganda, dehqonlarning jadallik bilan sinfiy tabaqlananishi va kapitalistik ekspluatatsiyaning avj olishi sharoitida ular o'ziga xos xalq jismoniy mashqlari turlarini yoyish uchun juda ham cheklangan imkoniyatiga ega edilar.

Mehnatkashlarni sog'lomlashtirishning keng tadbirlari va jismoniy tarbiyaning zarurati haqida gap yuritgan Rossiya progressiv doiralarining vakillari, ilg'or olimlar, pedagoglar, shifokorlar va jamoat arboblari jismoniy tarbiyaning shakllarini hamda xalq jismoniy tarbiyasi usullarini qo'llab-quvvatladilar. Ular jismoniy tarbiyadan ekspluatatsiya va qo'pol harbiy mashqlar sifatida foydalanishga qarshi faol kurashtilar, boshlang'ich va o'ita ta'lim bilim yurtlarida jismoniy tarbiyaning yo'lga qo'yilishini tubdan yaxshilashni tabab etdilar.

#### **6.4. Rossiyaning Olimpiya harakati yo'lidagi intilishlari**

XIX asr oxirida Rossiyada jismoniy madaniyat va sportning rivojlanishi, uning xalqaro sport harakatiga qo'shilishiga da'vat etdi. Bu esa Olimpiya o'yinlarining kelib chiqish sabablari haqidagi ma'lumotlarni o'rganishga qiziqish uyg'otdi.

Ma'lumki, qadimgi grek Olimpiya o'yinlari haqidagi ma'lumotlar deyarli jahonning barcha mintaqalarida uzoq yillardan buyon tarqalib, ko'pchilikning diqqat-e'tiborini torrib kelgan.

XV asrda bolgar yozuvchisi Isayi grek faylasufi Dionisiy Arepogitning asarini tarjima qilib tarqatgan edi. Bu esa qadimgi ruslarga ham ma'lum bo'lgan. Bu ma'lumotlar XVII–XVIII asarlarda yanada kengaygan. Olimpiya o'yinlariga o'xhash tadbirlarni Rossiyada o'tkazishni taklif qilgan M.V.Lomonosov hisoblanadi. U «Sog'lijni saqlash haqidagi mulohazalar»ida (1741–1742y.) o'yinlarning mohiyatini tan oladi, lekin uning Olimpiya o'yinlarini o'tkazish haqidagi g'oyalari amalga oshmay qolib ketdi.

1860-yil Rassomlar Akademiyasida ko'rgazma tashkil etildi. Unda V.O.Vereshagin, N.D.Dmitriyevlarning Olimpiya o'yinlari haqidagi rasmlari namoyish etildi. Ular oltin medallar bilan taqdirlandi. Olimpiya o'yinlarining ijtimoiy-tarbiyaviy xususiyatlari juda ko'p yozuvchilar, shoirlar, pedagoglarning asarlarda ifoda etilgan. P.F.Lesgaft ham «Tarixiy lavhalar» asarida Olimpiya o'yinlari haqida qimmatli fikrlar bildirgan.

Xalqaro Olimpiya qo'mitasining 1894-yil Parijda o'tkazilgan Kongressida rus generali A.R.Butovskiy (1818–1917) qo'mitaga a'zo qilib saylandi, 1900-yilgacha u mazkur lavozimni egallab turdi. A.R.Butovskiy rus harbiysida xizmat qilgan va jismoniy tarbiyani yaxshi o'zlashtirgan kishi sifatida taniqli bo'lgan. U Fransiya, Belgiya, Daniya, Shvetsiya, Germaniya kabi mamlakatlarda bo'lib, gimnastika-sport o'yinlari harakati va tizimini o'rgangan, yosh olim Pyer de Kubertenning ishlari bilan qiziqqan. Ular Olimpiya harakati haqida ko'p mulohazalar yuritganlar.

E'tiborli tomoni shundaki, 1994-yil 23-iyulda Sankt-Peterburgda Xuan Antonio Samaranch (o'sha vaqtida XOQ Prezidenti) ishtirokida Pyer de Kuberten va A.R.Butovskiylar xotirasiga bag'ishlab yaratilgan haykallarning (skulptor M.Anikdjin) ochilish marosimi bo'lib o'tdi. Ta'kidlash lozimki, rus sportchilari xalqaro sport musobaqalari va Olimpiya o'yinlarida muvaffaqiyat bilan qatnashdilar. Bunda Xalqaro Olimpiya qo'mitasidagi (XOQ) Rossiyaning ikkinchi a'zosi graf G.I.Ribopyer (1900–1913), knyaz S.K.Belolsolskiylar (1900–1908-yillar) katta xizmat qilishdi.

· 1908–1910-yillarda S.A.Trubeskoy XOQ a'zoligida bo'ldi. 1910-yildan XOQ a'zosi etib saylangan knyaz L.V.Urusov Oktabr inqilobini qabul qilmadi va Fransiyaga borib yashadi. Shunday bo'lsa-da, u to 1933-yilgacha XOQ a'zosi sifatida faoliyat ko'rsataverdi.

L.V.Urusov 1923-yilda Rossiya (emigrant) va sovet sport jamoalarining mustaqil ravishda Parijda o'tkazilgan VIII Olimpiya o'yinlarida qatnashishlarini taklif etdi. Bu masala Rimda 23-XOQ sessiyasida ko'rib chiqildi. Vatanparvarlik ruhida qilingan Urusovning harakatlarini XOQ Prezidenti Pyer de Kuberten ma'qulladi. Lekin Xartiyaga (ustav) asosan sovet va Emigrant rus jamoalarining o'yinida qatnashishi mumkin emas edi.

Rus Olimpiadachilari uchun A.R.Butovskiy katta xizmat qildi. 1896-yil u Kiyev sport tashkilotining vakili N.Ritter bilan I Olimpiada o'yinida (Afina) bo'ldi. Shu asosda rus sportchilarining Olimpiya o'yinlaridagi ishtirokini ta'minlashga qarata tadbirlar tashkil qildi. 1892-yil 17-oktabrda Peterburgda 10 ta sport va gimnastika tashkilotining yig'ilishi o'tkazildi. II Olimpiyada o'yinlariga (Parij) sportchilarni qatnashtirish uchun astoydil kirishildi. Lekin na II, na III Olimpiyada o'yinlarida ularning qatnashishiga imkoniyat bo'lmasdi, chunki hukumat tomonidan moddiy yordam berilmadi.

1908-yil Londondagi IV Olimpiyada o'yinlari yaqinlashishi bilan Rossiya sportchilarining ahvoli birmuncha yaxshilandi, shug'ullanuvchilar va yaxshi natija ko'rsatuvchilar soni ancha oshdi. Rossiyada Olimpiya qo'mitasi bo'limganligi sababli sportchilar birma-bir alohida o'yinlarga yetib boradi. Guruhda 8 kishi bo'lib, N.Panin (figurali uchish), N.Orlov, A.Petrov, Ye.Zamotin va G.Demin (kurash), G.Lind, A.Petrovskiy (yengil atletika) va martineonlardan (velosport) iborat edi. Figurali uchish bo'yicha N.Panin Olimpiya championi bo'ldi. Keyingi (Stokholm) o'yinlarda rus sportchilarini boshqa davlatlar tan ola boshladi.

1911-yil 16-martda Rossiya Olimpiya qo'mitasi (ROQ) tashkil etildi. Uning tarkibiga G.I.Riboyer, G.A.Dyupperon

(XOQ a'zosi sifatida), A.P.Lebedev (Sankt-Peterburg havaskorlik sport klubi), R.F.Fulda (Moskva, futbol uyushmasi), A.P.Chaplinskiy (S.Peterburg, og'ir atletika uyushmasi), A.K.Lindemut (Riga, Boltiq Olimpiya qo'mitasi), V.N.Shustov (Moskva, konkida uchish uyushmasi), S.V.Ivanov (S.Peterburg, chang'i uyushmasi) kiritildi.

ROQ raisi etib V.I.Srunevskiy (1893–1937) saylandi. U xotin-qizlař bilim yurti direktori, Peterburg uchish havaskorlik jamiyati raisi edi.

1912-yil Stokgolmda Rossiya sportchilarasi rasmiy ravishda XOQ a'zosi sifatida qatnashdi. Bunda 170 ga yaqin vakillar, shundan 50 ga yaqin sportchilar bor edi. Lekin natijalar yaxshi bo'lindi. N.Kleyn (kurash) va o'q otish jamoasi (4 kishi 12 ta) kumush medallarini olishgan – chang'ichilar esa 2 ta bronza medaliga sazovor bo'ldi.

V Olimpiadadan keyin o'yinlarga juda puxta tayyorlanish zarurligi ma'lum bo'ldi. Shu sababdan, 1912–1913-yil uchun musobaqalar o'tkazish rejali tuzildi.

Rossiya rahbarlari 1916-yilgi Olimpiya o'yiniga qadar to'rtta umumrossiya o'yinlarini: 1913-yil – Kiyevda, 1914-yil – Rigada, 1915-yil – Sankt-Peterburgda va 1916-yil – Moskvada o'tkazishni mo'ljalladilar.

Kiyev va Rigadagi Olimpiya o'yinlari hukumatni (imperiya) ancha qiziqtirdi. Bu o'yinlar dasturiga Olimpiya sport turlarining barchasi kiritildi, asosiy diqqat esa yengil atletika va futbol musobaqalariga qaratildi.

1914-yil 1-avgustda Germaniya Rossiyaga qarshi urush e'lon qildi. Shu sababdan, sport tashkilotlarining barcha faoliyatları urushga qarshi qaratildi.

1916-yil iyunda Rossiyada 23 ta harbiy-sport qo'mitasi mavjud edi. Shunga qaramasdan 1915–1916-yilda Moskva, S.Peterburg shaharlarida chang'i va konkida uchish, yengil atletika, og'ir atletika va boshqa turlar bo'yicha Rossiya championatlari o'tkazildi.

Xulosa qilib aytganda, Rossiyada eng qadimgi davrlardan boshlab to'ktobr inqilobigacha (1917) bo'lgan uzoq davrlarda jismoniy madaniyat Yevropa mamlakatlaridagiga

o‘xshab rivoj topdi. Xalq ichida ommalashgan bug‘u ovi va boshqa o‘yinlar takomillashdi.

Ijtimoiy tuzumlar oqibatida ruslarning kaltak, tayoq, cho‘qmor, bolta, nayza va boshqa qurollardan, keyinchalik nayzabozlik, o‘q otar qurollardan foydalanuvchi turnirlar o‘tkazildi. Shvetsiya, Germaniya, Chexiya va boshqa davlatlarning sport-gimnastika tizimidan keng foydalanildi.

Jismoniy tarbiyaning ijtimoiy-tarbiyaviy xususiyatlari va ularning jismoniy rivojlanishidagi mohiyatlarini pedagoglar, olimlar, harbiy sarkardalar mohirlik bilan baholadilar.

Rossiyada imperializmning rivojlanishi jismoniy madaniyat va sportga ham ma’lum darajada ijobiy ta’sir o‘tkazdi. Rus sportchilari xalqaro uchrashuvlar, turnirlar, Olimpiya o‘yinlarida ishtirok etib, yuksak darajadagi tajribalarga ega bo‘ldi. Rus Olimpiya o‘yinlari o‘tkazila boshladи.

Birinchi jahon urushi tufayli Rossiyada sport taraqqiyoti birmuncha susayib, u harbiy-jismoniy tayyorgarliklar tusini oldi.

### **O‘z-o‘zini nazorat qilish uchun savol va topshiriqlar**

1. Rus davlatida qaysi jismoniy mashqlar va o‘yinlar turmush sharoitida o‘z ifodasini topgan?
2. Qadimgi rus davlatlarida jismoniy tarbiya qanday amalga oshirilgan?
3. Tibbiyot va pedagogika fanlarida jismoniy tarbiyaga qanday baho berildi?
4. Qachondan boshlab va qaysi o‘quv yurtlarida jismoniy tarbiya dars sifatida majburiy o‘qitila boshlandi?
5. Rus askarlarida jismoniy tarbiya qanday shakllandi?
6. Jismoniy tarbiya va sportni rivojlantirishning negizida qanday o‘quv qo‘llanmalari yaratildi?
7. Pedagogika, falsafa va boshqa fanlarning (sohalar) jismoniy tarbiya masalalariga munosabati qanday edi?
8. XIX asrning oxirida jismoniy tarbiya va sport qanday holda edi?
9. Jismoniy tarbiyaning nazariy asoslari (N.G.Chernishevskiy, N.A.Dobrolyubov va N.I.Pirogov, I.M.Sechynev

va boshqa) qanday rivoj topdi?

10. P.F.Lesgaftning jismoniy tarbiya ta'limi va uning hayoti.

11. Rossiyada sport klublarining tashkil etilish sabablari.

12. Rossiya Olimpiya harakatiga qo'shilishi va Rossiyada o'tkazilgan Olimpiya o'yinlari haqida nimalarni bilasiz?

## **6.5. Sobiq SSSR davrida jismoniy tarbiya va sport. Jismoniy tarbiya harakatining yangi shakkleri va rahbarlik usullari (1917–1941-yillar)**

1917-yildagi Oktabr inqilobini tashkil etgan va uning oqibatlari o'laroq yuz bergan o'zgarishlar faqat Rossiyagagini taalluqli ekanligini hozirgi davrda hech kim hech yerda inkor qilmaydi. Rossiya XIX asrning o'rtalari va ayniqsa, ikkinchi yarmida Kavkaz, Markaziy Osiyo va boshqa hududlarni zo'ravonlik bilan mustamlakaga aylantirganligi ham bugungi kunda u yerlarda mavjud bo'lgan mustaqil respublikalarga emas, butun jahon hamjamiyatidagi davlatlarga ayondir.

Sobiq SSSR sifatida (1922-yil) Rossiya va uning mustamlakalaridagi respublikalarda jismoniy tarbiya nafaqat shakl va mazmun jihatdan, balki barcha usullar bilan rus tuzumi (tizimi) asosida amalga oshirildi. Shu tufayli Rossiya, Ukraina, Belorussiya, Boltiqbo'y, Kavkaz va Markaziy Osiyodagi Respublikalarning jismoniy tarbiya va sport tizimida tashkiliy va boshqaruv jihatdan deyarli farq yo'q edi. Shu-larga asosan sobiq Ittifoqda rivoj topgan jismoniy tarbiya va sport barcha mintaqalarga mansubdir. Uning asosini esa Rossiya tashkil etar edi.

Ana shularga tayangan holda sobiq Ittifoqdagi sport Rossiya sporti degan xulosa bilan tarixiy voqeliklarga umumiy holda tushunchalar berildi. Ba'zi joylarda milliy respublikalar haqida qismangina ma'lumotlar bayon qilindi.

E'tirof etish kerakki, sobiq Ittifoq tarkibidagi respublikalarning jismoniy tarbiya va sport tarixlari har bir respublikada alohida o'qitilmoqda. Shu sababdan ham, ularning tarixiga doir batafsil to'xtab o'tilmadi.

Mutaxassislar, yosh ijodkorlar va talabalar imkoniyat doirasida ular haqidagi o'quv va boshqa qo'llanmalarni topib o'qishlari maqsadga muvofiqdir.

O'zbekistonning jismoniy tarbiya va sport tarixiga doir ma'lumotlar so'nggi qismda alohida bayon etiladi. 1917-yil oktabrda bolsheviklar rahbarligida Rossiyada inqilob g'alaba qildi va yangi sovetlar Ittifoqi davlati tuzildi. Davlatni mustahkamlash va ruslarning mavqeini yanada oshirish maqsadida harbiy-jismoniy tayyorgarlik ishlari kuchaytirildi. Bunda eski mutaxassislardan foydalanish va yangi kadrlar tayyorlash ishlari tez amalga oshirildi. Buning yana bir sababi shundaki, 1918-yil fuqarolar urushi boshlandi. Shu sababdan, 1918-yilning apreldidan boshlab harbiy majburiy ta'lim (Vsevobuch) e'lon qilindi. Unda faqat harbiy tayyorgarlikkina emas, balki jismonan sog'lom aholini majburiy ravishda o'qitish amalga oshirildi.

1919-yil aprelda jismoniy tarbiya, sport va chaqiriqqa tayyorgarlik bo'yicha I Umumrossiya syezdi (qurultoy) o'tkazildi.

1920-yil avgustda davr talablari asosida Vsevobuch tarkibida Jismoniy tarbiya oliy kengashi (VSFK) ta'sis etildi. Uning raisi etib N.I.Podvoyskiy (1880—1948) tayinlandi. Mamlakatda jismoniy tarbiya va sportning tarkib topishi, shakllanishi va rivojlanishida uning xizmatlari kattadir.

1918-yil Moskvada va 1919-yil Petrogradda jismoniy tarbiya institutlari tashkil etildi.

Shu yillarda maktablarda jismoniy tarbiyani tashkil etish ishlari amalga oshirildi.

Tarixiy ma'lumotlarga qaraganda, 1918-yilda sport klublarida 38 ming kishi a'zo bo'lib, ular sport turlari bilan shug'ullanishgan. 1920-yilga kelib esa ularning soni 143,5 mingga yetadi. Undan tashqari 1,5 mln. kishi harbiy chaqiriq mashg'ulotlarida shug'ullangan.

Inqilobdan keyin ko'p joylarda «Olimp», «Olimpiya», «Olimpiyachi» kabi sport klublari vujudga kelgan edi.

Rossiya Xalqaro Olimpiya qo'mitasi a'zosi sifatida o'yinlarda qatnashib kelgan edi. Lekin inqilobdan keyin si-

yosiy voqealar va davlat tizimi o‘zgarishi tufayli XOQ tarkibidan chiqarildi.

Fugorolar urushining tugashi tufayli Vsevobuch tarkibidagi Jismoniy tarbiya oliy kengashi ham 1921-yilda tuga-gaydi. Uning o‘rniga yoshlar ittifoqi (komsomol) va kasaba uyushmalari ittifoqi jismoniy tarbiya va sportga rahbarlik qila boshladi. Shu tufayli yoshlar ittifoqi «Chumoli» («Muravey»), «Spartak», «Yoshlar floti» kabi sport jamiyatlarini tuzadi.

Yoshlar ittifoqining tashabbusi bilan Butunrossiya Markaziy ijroiya qo‘mitasi (VSIK) 1923-yil 27-iyunda «Jismoniy tarbiya va Oliy Kengash»ni tuzishga qaror qabul qildi.

Oliy kengashga sog‘liqni saqlash komissari I.A.Semashko (1874–1899) tayinlandi. Kengashning zimmasiga ilmiy, o‘quv va tashkiliy faoliyatlarni muvofiqlashtirib olib borish yuklatildi.

Shu yili «Dinamo» jamiyatni ham tashkil etildi.

Sanoatning turli tarmoqlarida sport to‘garaklari, klublar paydo bo‘ldi. «Jismoniy tarbiyaga – 24 soat» va boshqa juda ko‘p shiorlar vujudga keldi. Ular ishchi va mehnatkashlar ommasini sportga jalb qilishga qaratildi. 1925-yilga kelib, jismoniy tarbiya va sport bilan shug‘ullanuvchilar soni 668,2 mingga yetdi.

1923-yil 6-noyabrda «Jismoniy tarbiya va sport» nashriyoti ta’sis etildi. «Jismoniy tarbiya xabarları», «Qizil sport», «Proletar sporti» kabi jurnallar nashr etila boshladi.

Ko‘p sonli sport musobaqalari va bayramlari jismoniy tarbiya hamda sport jarayonlarini ilmiy-uslubiy asoslashni taqozo etdi. Bu sohada V.V.Gorinevskiy shifokorlar nazorati, futbol, yengil atletika va boshqa sohalarda tadqiqotlar olib bordi. Petrogradlik bir guruh olimlar (L.A.Orbeli, A.N.Krestovnikov va boshqa) jismoniy mashqlar fiziologiyasi ustida ilmiy tadqiqotlar o‘tkazdi. Shu tariqa ilmiy anjumanlar o‘tkazila boshladi. Eng yetuk va iqtidorli olimlardan iborat ilmiy tadqiqot laboratoriyalari, markazlar tashkil etildi. Jismoniy tarbiya va sport tizimida keskin bahşlar vujudga keldi. Ba’zi rahbarlar gimnastikani oldinga qo‘yishni taklif etishsa, boshqalari esa mehnat gimnastikasi, shuningdek, shved, sokol, nemis, fransuz gimnastika tizimlarini ma’qul ko‘rishdi.

Haſbiylar tarafidagi mutaxassislar esa gimnastika va sportni rad etishdi, ya'ni faqat jismoniy mashqlar bilangina shug'ullanishni tavsiya etishdi.

Markaziy jismoniy tarbiya instituti olimlari bu sohada katta tadqiqotlar olib bordi. Ularning natijalari bo'yicha sovet jismoniy tarbiya tizimi ishlab chiqildi.

1925-yil professor M.P.Kuljinskiy (Markaziy institut) futbolning pedagogik mohiyati haqida maqola o'qib, unda futbol ingliz burjuaziyasi ishlab chiqqan va u aldash bilan bog'liqidir, biz yoshlarni aldamchilikka o'rgatmasligimiz kerak, - degan g'oyani olg'a surdi.

Mamlakatda jismoniy tarbiya va sport ishlarini rivojlantirishda turli-tuman usullardan foydalanish zaruriyatni vujudga keldi.

Bu sohada partiya va hukumatning maxsus qarorlari (1925, 1929 va h.k.) ham qabul qilindi. Shu qarorlar asosida mavjud bo'lgan sport to'garaklari o'rniga sport seksiyalarini (sho'ba) tashkil etish tavsiya etildi. Lekin bu tajribalar hayotda juda sekin amalga oshirildi.

1928-yil avgustda Umumittifoq I spartakiadasi Moskvada o'tkazildi. Unda barcha ittifoqchi respublikalar va ba'zi bir chet mamlakatlarning sportchiłari ishtirok etdi. 7225 qatnashchi orasida 600 dan ortiq inglizlar, argentinalik, germaniyalik, norvegiyalik, urugvaylik, finlyandiyalik, fransiyalik, chexiyalik sportchilar bor edi. Ikki hafta davomida yengil atletika, gimnastika, kurash, o'q otish, gorodki, eshkak eshish va boshqa sport turlari bo'yicha musobaqalar davom etdi. Spartakiadada yosh sportchilar M.Shamonova, N.Ozolin, D.Markov, V.Dyatkov, T.Korniyenko va boshqalar muvaffaqiyatli qatnashdilar. Ta'kidlash kerakki, ularning ko'pchiligi keyingi davrlarda taniqli murabbiy va iste'dodli olimlar bo'lib yetishdi.

Umumiylar bo'yicha spartakiadada Rossiya — birinchi, Ukraina — ikkinchi, Belorussiya — uchinchi, O'zbekiston — to'rtinchi, Kavkazorti-beshinchi va Turkmaniston — oltinchi o'rinni egallashdi.

1929-yildan boshlab «Umumittifoq jismoniy tarbiya ikki haftaligi» kasaba uyushmalari tomonidan o'tkazila boshladi va bunda qishloq sportchilarining ham ishtiroki amalga oshirildi.

Partiya va hukumatning 1929-yil 23-sentabr hamda 1930-yil 1-aprel qarorlariga asosan mamlakatda jismoniy tarbiya va sport ishlariга rahbarlik qilish tartiblari kuchaytirildi. Markaziy Ijroiya qo'mita (MIQ) tarkibida Butunittifoq jismoniy tarbiya kengashi tashkil etildi.

Yangi Konstitutsiya qabul qilinishi (1936) bilan bu kengash «Butunittifoq jismoniy tarbiya va sport bo'yicha qo'mita»ga aylantirildi.

1930-yildagi anjumanga asosan klublar tizimidan jismoniy tarbiya ishlab chiqarishga yo'naltirildi. Yangi ishchilar sport klublari o'miga jismoniy tarbiya jamoalari (kollektivi fizkulturi) tuzila boshladi. Bunda «Har bir jismoniy tarbiyachi – ilg'or, har bir ilg'or – jismoniy tarbiyachi» shiori keng tarqaldi.

1935–1936-yillarda ko'ngilli sport jamiyatlari tashkil etila boshlandi. «Dinamo» (1923), «Spartak», «Lokomotiv», «Krasnoye Znamena» (1935) jamiyatlarining ilg'or tajribalariga tayanib, Kasaba uyushmalari Markaziy Kengashi qaroriga asosan 64 ta ko'ngilli sport jamiyatlari (DSO) vujudga keldi.

30-yillardagi jismoniy tarbiya va sport rivojlanishining muhim tomonlardan biri siyosiy va davlatni himoya qilish tarafiga qaratilganligi bilan ajralib turadi.

1930-yil Butunittifoq yoshlar tashkilotining (komsomol) tashabbusi va bevosita ishtiroki bilan «SSSR mehnat va mudofaasiga tayyor» (GTO) jismoniy tarbiya majmui tashkil etildi. 1931-yil martda MIQ qoshidagi jismoniy madaniyat Oliy kengashi GTO majmuining I bosqichi va 1933-yilda II bosqichini tasdiqladi. 1934-yilda esa BGTO («Bud gotov k trudu i oborone») majmui bolalar uchun ishlab chiqildi va tasdiqlandi.

Bu uch bosqichli jismoniy madaniyat majmuida (kompleks) asosan, barkamollik va salomatlik yo'nalishlari mujassamlanib, sovet jismoniy tarbiya tizimining asosini tashkil

etdi. Shu sababdan, barcha joylarda bu majmuuning talablari hamda me'yorlarini bajarishga bo'lgan qiziqish, intilish kuchaytirildi.

1940-yilda bu majmua yangidan qabul qilindi. Bunda majburiy va tanlov tartibiga imkoniyat berildi. Majburiy turlarga: gimnastika mashqlari, to'siqlarni oshib o'tish, suzish, chang'i sporti, yugurish, o'q otish, gigiyenik bilimlar asosini va jismoniy tarbiya tizimini bilish talab qilib qo'yildi. Tanlab olish turlarida 7 guruh mashqlar tavsiya etildi. Bunda kuch, tezlik, chidamlilik, epchillik, botirlik va qat'iylik kabi sifatlarni, himoya va hujum, uloqtirish hamda otish usullarini rivojlantiruvchi mashqlar ko'zda tutildi.

Vatan himoyasi va mudofaasi bilan bog'liq «Havo hujumi va kimyoiy muhofazaga tayyor» (PVXO), «Sanitar himoyasiga tayyor» (GSO), «Alpinist SSSR», «Parashyutist SSSR», «Turist SSSR» kabi normativlar va nishonlar ham joriy etildi.

1938-yilda Sovet Ittifoqi qahramonlari V.Chkalov, V.Vodopyanov, G.Bayyaunov, V.Malokov va deputat A.Staxanovlarning taklifiga ko'ra qizil harbiylar kunining 21 yilli giga bag'ishlab harbiy-texnik sport turlari bo'yicha umumittifoq bayrami o'tkazildi.

Ta'kidlash lozimki, 1929-yilda xalq komissarligi maktablarda 2 soatlik jismoniy tarbiya darslarini joriy etgan edi. Shu bilan birga bolalar sport mакtablarini tashkil etish haqida qaror qabul qilgan edi. «Dinamo», «Spartak» sport jamiyatlarida sport mакtablari tashkil qilingan. 1937-yilda 200 dan ortiq bolalar sport mакtablari mavjud edi.

Maktab o'qituvchilari va oliy o'quv yurtlari talabalarining umumittifoq sport musobaqalari tashkil qilindi.

Sovet jismoniy tarbiya tizimining ilmiy asoslari tobora rivoj topa boshladi. 1925, 1927, 1929-yillarda o'tkazilgan Buttunittifoq ilmiy anjumanlarning xulosalari shuni ko'rsatdiki, jismoniy tarbiya tizimini ilmiy asoslashni yanada takomillashtirish kerak edi. Aksariyat ko'pchilik olimlarning diqqat-e'tibori hamon shug'ullanuvchilar ustidan tibbiy nazorat o'tkazib borishni yanada yaxshilashga qaratildi. Sportchilar-

ning mushaklari rivojlanishi, yurak, o'pka va boshqa a'zolarining funksiyalari ustida V.V.Gorinevskiy, A.N.Krestovnikov, I.M.Sarkizov-Serazin va boshqalar katta tadqiqotlar o'tkazishdi. GTO (MMT) jismoniy madaniyat majmui va sport turlarining tayanch, sog'lomlashtirish va tarbiyaviy jarayonlarini hal etishga qaratilgan tadqiqotlar ham paydo bo'ldi.

Shu tariqa jismoniy tarbiya va sportning nazariya hamda amaliyotiga oid ishlar ko'paydi. A.N.Krestovnikovning «Sport fiziologiyasi» (1939), V.V.Belinovichning «Jismoniy tarbiya uslubiyati asoslari» (1939), A.D.Novikovning «Jismoniy tarbiya vositalari va usullari» (1941), professor N.A.Bernshteynning sportdagi harakat va texnikalarni o'rganishga bag'ishlangan kitoblari va ishlari yuzaga keldi. Sport jarohati sohasida A.N.Landa, I.A.Kryachkolarning ishlari e'tiborga loyiq bo'ldi. Sportchilarning ma'naviy-irodaviy sifatlari va xulqlarini ilmiy jihatdan o'rganishda G.G.Shaxverdov, P.A.Rudik, A.S.Puni kabi pedagog va psixolog olimlarning xizmatlari kattadir. 30-yillarda gimnastika, yengil atletika, boks, suzish, sport o'yinlari, qilichbozlik va boshqa sport turlari bo'yicha ilk bor darsliklar, o'quv qo'llanmalari yaratildi.

Eng e'tiborli jihatlardan biri shuki, havaskorlik jismoniy tarbiya harakatida Butunittifoq ko'rik-tanlovlari o'tkazib borildi. Bunda markaziy shaharlar, sport jamiyatları, sport klublari, jismoniy madaniyat jamoalari kengashlarining ilg'or tajribalarini ommalashtirish an'anaga aylandi. «Dinamo», «Spartak» va boshqa sport jamiyatları juda katta tadbirlar o'tkazib, g'oliblikni qo'lga kiritdi, shu asosda hukumatning medal va yorliqlariga sazovor bo'ldi.

1932-yilda Butunittifoq kasaba uyushmalarining I spartakiadasi o'tkazilib, unda 3850 kishi qatnashdi.

1935—1937-yillarda yagona Butunittifoq sport tasnifi ishlab chiqildi va hayotga tatbiq etildi, bu esa sport maktabining asosiga aylandi. Shu sababdan, u yoshlarning sport tayyorgarligini oshirishning yagona tamoyili bo'lib xizmat qila boshladi. Keyinchalik bu tasnif qayta ishlab chiqilib, u ancha ta-

komillashtirildi va o‘z ichiga 34 sport turini oldi.

1937-yilda bиринчи маротаба жисмониј тарбија ходимларининг Butunittifoq namoyishi о‘тказилди. У гар то‘т yilda о‘тказишга mo‘ljallandi. 1939-yil 27-mayda «Xizmat ko‘rsatgan sport ustasi» unvoni ta’sis etildi. 1939-yildan boshlab hukumat qarori asosida Butunittifoq jismoniy tarbiya xodimlari kunini о‘тказиш odatga aylandi.

1940-yilda bu bayramga bag‘ishlab о‘тказилган tan-tanalarda mamlakatdagi 62 ming jismoniy madaniyat jamoasida 5.3 mln. kishi jismoniy tarbiya va sport bilan shug‘ullanayotganligi aytib o‘tilgan. Bu davrda 6 ta institut va 25 ta texnikum jismoniy tarbiya va sport mutaxassislarini tay-yorlashda faoliyat ko‘rsatdi. Shuningdek, 378 stadion, 70 mingdan ortiq katta va kichik sport zallari qurildi.

30-yillarning qatag‘oni (repressiya) sportni ham chetda qoldirmadi. Sport rahbarlari, yirik pedagog-olimlar begunoh jazolandı. Ular orasida Butunittifoq jismoniy madaniyat ken-gashi raisi A.K.Antipov, Butunittifoq jismoniy madaniyat va sport qo‘mitasi raisi I.I.Xarchenko, Qizil sport internatsionalining Sovet sho‘basi (seksiya) raisi M.S.Kedrov, Markaziy jismoniy tarbiya institutining rektori A.A.Zigmund va bosh-qalar bor edi.

Ikkinci jahon urushidan oldingi 10 yillik davrda sovet sportchilarining xalqaro miqyosidagi obro‘-e’tibori ancha oshdi. Sportchilarning yuqori natijalari va ommaviy sport tadbirdari jahonga tarqala boshladı. Bu esa sport tashkilot-larining xalqaro aloqalarini ta’minladi va ularni rivojlantirishga katta xizmat qildi.

Ittifoq sportchilar urush va fashizmga qarshi kuchlarni boshqarishda o‘ziga xos faoliyat ko‘rsatdilar, 1934-yilda Parijda bo‘lib o‘tgan fashizmga qarshi sportchilar slyotida, 1937-yilda Antverpenda о‘тказилган III xalqaro ishchilar Olimpiadasida ishtirok etdilar. Ittifoq sporti xalqaro ishchilar sport harakatining oldingi safida dadil bordi.

Sobiq Ittifoq hukumati va sport tashkilotlari chet mam-lakatlар bilan o‘zaro hamkorlik va do‘stlik faoliyatlariga ma‘lum darajada e’tibor berib bordi. 1938—1940-yillarda

mamlakatga 250 dan ortiq chet el sportchilari tashrif buyurishdi. O‘z navbatida esa ittifoq sportchilaridan 175 nafar kishi chet mamlakatlarda bo‘ldi.

Ta’kidlash lozimki, o‘sha davrda sovet mamlakati chet mamlakatlar bilan turli sabablarga ko‘ra mustahkam aloqada emas edi va bu sportga salbiy ta’sir ko‘rsatardi. Shu sababdan, Xalqaro Olimpiya qo‘mitasi (XOQ), Xalqaro sport uyushmalari va chet mamlakatlarning burjuaziya tashkilotlari ularni o‘zlariga dushman deb biliшdi. Bu esa reaksiон (sotsialistik tuzum dushmanlari) kuch sifatida tushunilar edi. Shu kabi sabablarga ko‘ra, sovetlar mamlakatiga xorijiy davlatlarning deyarli hech biri xayrixohlik bilan qaramas edi. Ularning ko‘pchiligidagi hatto sovetlarni yakson qilish g‘oyasi mavjud bo‘lib, u Ikkinchi jahon urushi davrida aynan namoyon bo‘lganligi sir emas.

Xulosa qilib aytganda, sobiq sovetlar mamlakati (Rossiya) 1917–1941-yillar davomida jismoniy tarbiya va sportni yo‘lga qo‘yish, uni rivojlantirish masalalariga doir juda ko‘p muhim tarixiy tadbirlarni amalga oshirdi. Sovet sportini jahonga tanitish maqsadida 1928-yilda o‘tkazilgan I Butunitti-foq spartakiadasi shular jumlasidan edi. Uning an‘analarini kasaba uyushmalari tashkilotlari keyinchalik davom ettirdi. Ilg‘or tajribalar va sinov-tekshirishlar asosida sovet jismoniy tarbiya tizimining ilmiy-nazariy asoslari yaratildi.

XX asrning 30–40-yillar (davomida) sovet sportchilari chet mamlakatlar bilan o‘zaro aloqalar bog‘lashga urindi.

Yoshlarning harbiy-jismoniy tayyorgarligini oshirish va jismonan barkamollikni ta‘minlash yo‘lida «Mehnat va mudosaaga tayyor» (GTO) jismoniy madaniyat majmui ishlab chiqildi va amalga oshirildi.

### O‘z-o‘zini nazorat qilish uchun savollar

1. «Dinamo» sport jamiyati qachon tuzildi?
2. I Spartakiada qachon qayerda o‘tkazildi, uning ahamiyati?

3. Jismoniy tarbiya va sport sohasining asosiy yo'nalishlari (tendensiya) 30-yillarda nimalardan iborat edi?
4. Ikkinci jahon urushi oldidan sportni siyosiyashtirish va harbiylashtirishdan maqsad nimada edi?
5. O'quv yurtlarida jismoniy tarbiya va sport mashg'ulotlari qanday olib borildi?
6. 30-yillardagi asosiy ilmiy tadqiqotlar va olimlar haqida nimalarni bilasiz?
7. Sportdagи qatag'on (repressiya) haqida tushunchalar bering.
8. Sovet sportchilarini Yevropa, Xalqaro sport musobaqalari va Olimpiya o'yinlarida ishtiroy etmaganligining sabablari nimada edi?

### Ikkinci jahon urushi davrida jismoniy tarbiya va sport

1941-yil 22-iyunning erta tongida fashistlar Germaniyasi urush e'lon qilmasdan, to'satdan havo hujumini boshladi. Urush millionlab sovet kishilarini qirib tashladi. Unga qarshi barcha sovet kishilari safida sport tashkilotlarining rahbarlari, deyarli barcha taniqli sportchilar faol ishtiroy etdi. Ularning ko'plari xalq, Vatan yo'lida jonlarini fido etdilar.

Urush yillarida asosan jangchilar va front orqasidagi mehnatkashlarni, ayniqsa, yoshlarni harbiy-jismoniy tayyorlash ishlariga katta e'tibor berildi.

1941-yilning sentabrida umumiylar harbiy tayyorgarlik joriy etildi. Harbiy-o'quv punktlari tashkil etilib, uning mashg'ulotlari 110 soatlik reja asosida o'tkazildi. Mashg'ulotlarda tig' (shtik) sanchish, miltiqni ishlatish, granata uloqtirish, to'siqlardan oshish kabi mashqlar o'rgatildi. Dastur asosida shug'ullanuvchilar turli ixtisosliklar bo'yicha guruhlarga ajratilib o'qitildi. Bunda qo'l jangi - 25 soat, chang'i janglari - 20—40 soat, tog'dan otishish - 30 soat davomida o'rgatilar edi.

Yozgi mavsumda suzish va suvda yuklami o'tkazish, cho'kayotganlarni qutqarish va birinchi yordam ko'rsatish kabi mashg'ulotlar tashkil etilgan.

1942-yilda GTO talablari harbiy-jismoniy tayyorgarlikka moslashtirib qayta ishlab chiqildi va amalda qo'llanildi.

Urush yillarda kasaba uyushmalari «Dinamo», «Spartak» sport jamiyatları, o'quv yurtlaridan 28 ming jismoniy madaniyat jamoaları faol ishtirok etdi. Rossiyaning barcha hududlari, shuningdek, Kavkaz va Markaziy Osiyo Respublikalarining sportchi yoshlari urushda qatnashdi. Moskva, Peterburg (Leningrad) va boshqa shaharlardagi jismoniy madaniyat institutlarida harbiy ofitserlarni tayyorlash va ularni urushga jalb etish amalga oshirildi.

Urush boshlangan yillarda maktablarning VIII–X sinflarida harbiy jismoniy tarbiya darslari o'tkazila boshladи.

Shu tariqa sportchilar harbiylar qatorida matonat bilan jangga kirib, fashistlarga zarba berishda oldingi saflarda borishdi.

Ma'lumotlarga qaraganda urushning birinchi kunlaridan oq o'z ixtiyori bilan jangga otlangan kasaba uyushmalari, «Dinamo», «Spartak» sport jamiyatları va boshqa jamoalar-dagi yetuk sportchilar soni ko'p bo'lgan. Ular orasida taniqli bokschilar N.Korolev, L.Temuryan, B.Galushkin, kurashchi G.Pilnov, og'ir atletikachi N.Shatov, konkida uchuvchi A.Kopchinskiy, suvda suzuvchi – eshkak eshuvchi A.Dolgushin, chang'ichi ayol L.Kulkova va boshqalar juda ko'p bo'lgan.

Belorusiya, Ukraina va unga yaqin bo'lgan chet mammalatlarning o'rmon va tog'larida partizanlar xizmat qilgan. Ular safida sobiq sportchilar ham anchagina bo'lganligi ma'lum.

Harbiy qismlarda jangchilarning harbiy-jismoniy tayyorgarligi va barqaroriigini mustahkamlashda harbiy sarkardalar G.K.Jukov, I.S.Konev, A.M.Vasilevskiy kabilarning ta'limitarbiyalari muhim o'rinn tutganligini e'tirof etish zarurdir.

Yana shuni ham ta'kidlash zarurki, urush yillarda front orqasida mehnat qiluvchi aholi o'rtasida jismoniy madaniyat va sport ishlari o'z faoliyatini to'xtatgan emas. Bunga ba'zi e'tiborli misollarni keltirish mumkin, ya'ni 1941-yil dekabrda rus xokkeyi bo'yicha Moskva kubogi o'tkaziladi. Bunda qizil

harbiy markaziy uyi jamoasi (SDKA) g'olib chiqadi.

1943-yil frontda jiddiy o'zgarishlar, olg'a siljishlar yuz bergenligi tufayli mamlakatda ommaviy sport ishlari jonlanaadi. Ba'zi sport turlari bo'yicha respublikalar va umumittifoq miqyosda birinchilik uchun sport musobaqalari tashkil etiladi. 1943-yilda gimnastika bo'yicha umumittifoq sport musobaqasi tashkil etildi. Shuningdek, bu an'ana yengil atletika, konkida uchish, chang'ida yurish, suzish, velosport, og'ir atletika va qo'l jangi (rukopashniy boy) kabi turlarda davom ettirildi. Bunday musobaqalar Kavkazorti, O'rta Osiyo, Uzoq Sharq, Ural va Sibir hududlarida ham o'tkazilgan.

O'quv yurtlarida ham jismoniy tarbiya va sport mashg'ulotlari qayta tiklana boshladi va sport turlari bo'yicha musobaqalar tashkil etildi.

1942-yilda 140 sport maktabi faoliyat ko'rsatgan bo'lsa, 1943-yilda esa ularning soni 280 taga yetdi. Maktablar, hunar-texnika bilim yurtlari va oliy o'quv yurtlarida chang'ida yurish, yengil atletika, tig' (shtik) jangi va boshqa harbiy jismoniy mashg'ulotlar bo'yicha musobaqalar tashkil etildi.

1944-yilda sportning 14 turi bo'yicha mamlakat birinchiligi o'tkazildi. Shuningdek, futbol bo'yicha mamlakat kubogi uchun musobaqa o'tkazilib, «Zenit» (Leningrad) jamoasi g'olib chiqdi. Sport musobaqalarida ko'p rekordlar o'rnatildi. Bu, o'z navbatida, aholining jipsligi va urushda g'oliblik uchun olib borilgan barcha tadbirdarning namunasi hamda ijobjiy samaralari edi.

Xulosa qilib aytganda, sobiq Ittifoq jismoniy tarbiya tizimi hamda uning barcha ishtirokchilari fashistlar ustidan g'alaba qilishga bor kuch va imkoniyatlarini safarbar etdilar va g'olib keldilar.

### **O'z-o'zini nazorat qilish uchun savol va topshiriqlar**

1. Ikkinchi jahon urushi davrida jismoniy tarbiya va sport ishlarining qanday xususiyatlari mavjud edi?

2. Urush yillaridagi harbiy-jismoniy mashqlar haqida ma'lumot bering.
3. Urush davrida maktablar va boshqa o'quv yutlarida jismoniy tarbiya ishlari qanday amalga oshirildi?
4. Urush maydonlarida jasorat ko'rsatgan taniqli sportchilardan kimlarni bilasiz?
5. Front orqasida mehnat qilayotgan aholi o'ttasida qanday sport tadbirlari o'tkazildi?
6. Urush yillarida Kavkaz, O'rta Osiyo sportchilari va harbiy-jismoniy xizmatchilar qanday qahramonlik namunalarini ko'rsatdilar?
7. Qo'shimcha adabiyotlarni mustaqil o'qish.

**Urushdan keyingi davrdan to SSSRning inqirozga uchrashi  
davrigacha bo'lgan yillarda jismoniy tarbiya va sport  
(1946—1991-yillar)**

Urushdan keyingi davrlarda jismoniy tarbiya va sport ishlariga rahbarlik qilishni tubdan yaxshilash (1948, 1959, 1966, 1968), sport inshootlarini ko'paytirish hamda mutaxassis kadrlar tayyorlashga e'tibomi kuchaytirish (1966), jismoniy tarbiya va sportni yanada ommalashtirish (1972, 1981), madaniy sport majmularini qurish va kengaytirish (1985) kabi muammolarni hal etishga qaratilgan edi. Sobiq Ittifoq davrida jismoniy tarbiya va sport sohasida erishilgan ichki (mamlakat birinchiliklari, spartakiadalar) va tashqi (Yevropa va jahon birinchiliklari, Olimpiya o'yinlari) yutuqlar jahondagi eng taraqqiy qilgan mamlakatlar bilan raqobatlashish va ularni ancha orqada qoldirishga asos bo'ladi. Urushdan keyingi dastlabki yillarda erishilgan eng e'tiborli yutuqlardan biri shuki, 1951-yilda Xalqaro Olimpiya qo'mitasi Sovetlar mamlakatini o'z a'zoligiga qabul etdi va mamlakatda Milliy Olimpiya qo'mitasi tashkil etildi. Bu, o'z navbatida, sovet sportchilarining Olimpiya o'yinlaridagi deyarli doimiy g'alabalarni ta'minlashga xizmat qildi.

1937-yildan buyon har 4-yilda bir marta o'tkazib kelingan umumittifoq jismoniy tarbiyachilar namoyishi

so'nggi marotaba 1954-yilda tashkil etildi. Sportchilarning ommaviy harakatlari va yuksak mahoratlarini ko'rsatuvchi bu namoyish o'miga 1956-yildan boshlab sobiq SSSR xalqlari spartakiadasi o'tkazila boshladi. Bu ulkan tadbir ham Olimpiya o'yinlariga o'xshash har 4 yilda bir marotaba o'tkazib borildi.

Shuni ham ta'kidlash lozimki, mamlakatda jismoniy tarbiya va sportni rivojlantirish sport tashkilotlari rahbarlarining o'rni nihoyatda kattadir.

Urushdan keyingi yillarda mamlakatda mutaxassis kadrlar tayyorlash va ularning ish faoliyatlarini davr talablari asosida olib borishda yoshlar ittifoqi muhim rol o'ynaydi. Juda ko'p sohalarda sobiq yoshlar ittifoqi rahbarlarini boshqaruv ishlariga qo'yish odat edi. Shu sababdan, Butunittifoq jismoniy tarbiya va sport qo'mitasi (sportqo'mita) raisligiga yoshlar ittifoqining sobiq bosh kotibi N.N.Romanov tayinlanadi. Keyinchalik esa (1948-yil) bu lavozimni A.N.Apollonov egallaydi.

1953–1958-yillar mobaynida sport qo'mitasi sog'liqni saqlash vazirligi tarkibida ish olib bordi.

1983–1990-yillar davomida sport qo'mitasi raisi bo'lib M.V.Gramov ishladi. Uning bu lavozimga tasodifan (Yu.V.Andropov tavsiyasi bilan) kirib qolganligi tezda ma'lum bo'ldi, chunki u jismoniy tarbiya va sport sohasida, ayniqsa, katta sportda hech qanday tushunchaga ega emas edi. Uning aybi bilan, ya'ni o'sha davrlardagi siyosiy vaziyat tufayli sovet sportchilari 1984-yilda Los-Anjelesda (AQSH) o'tkazilgan XXIII Olimpiya o'yinlarida ishtirot etmadи.

Mamlakat rahbarlarining talab va tavsiyalariga ko'ra M.V.Gramov Milliy Olimpiya qo'mitasi raisi (1983–1990) Xalqaro Olimpiya qo'mitasidagi huquqiy a'zosi (1988–1992) ham edi.

Mamlakatda jismoniy madaniyat va sport ishlarini yanada yaxshilash va ularni boshqarishda sport jamiyatları asosiy o'rinni egallaydi.

1957-yil oxirida Butunittifoq kasaba uyushmalari federatsiyasi Markaziy Kengashi (VSSPS) ko'ngilli sport

jamiyatlarining tuzilishi va tarkibini o'zgartirishga qaratilgan qaror qabul qildi. Mavjud bo'lgan ko'p sonli ko'ngilli sport jamiyatlari (DSO) o'mniga hududiy (territorial) sport jamiyatlari tashkil etildi. Bunda har bir respublikada o'zlarining mustaqil sport jamiyatlarini tashkil etishga ruxsat berildi. Shu asosda «Trud» (Rossiya), «Avangard» (Ukraina), «Krasnoye znamya» (Belorussiya), «Gantiad» (Gruziya), «Mehnat» (O'zbekiston) va hokazo tuzildi.

E'tirof etish kerakki, qishloq sportini rivojlantirishga ham jiddiy e'tibor berildi. 1966-yilda Butunitifoq «Urojy» (hosil) tarmoqli sport jamiyatini tuzildi va uning tarmoqlari bo'lgan, Ukrainadagi «Kolos» (boshoq), Belorussiyadagi «Urazshay», O'zbekistondagi «Paxtakor», Latviyadagi «Varpa» kabi ko'pgina sport jamiyatlari rasmiylashtirildi.

Ko'ngilli sport jamiyatlarining markazlashtirilishi va respublikalarda tarmoqli sport jamiyatlarining tashkillashtirilishi yirik korxonalar va xo'jaliklarda sport klublarining yangi shakl va mazmunda vujudga kelishiga sabab bo'ldi. Ular yil sayin ko'payib bordi. Urushgacha bo'lgan davrda jismoniy madaniyat institutlari atigi 6 ta bo'lsa, 1958-yilga kelib, ularning soni 16 taga yetdi. Yangidan Yerevan, Lvov, Almati, Kaunas, Riga, Toshkent (1955 y.), Bishkek (Frunze), Volograd, Omsk, Smolensk kabi shaharlarda oliy ma'lumotli mutaxassislar tayyorlash ishlari boshlandi.

1959-yil 1-yanvardan boshlab GTO majmuining yangi mazmuni joriy etildi. Bunda urush yillaridagi harbiy-jismoniy mashqlar chiqarib tashlandi va aholi uchun zarur bo'lgan sport turlarining unsurlari (elementlari) kiritildi. Shunday bo'lsa-da, uning negizi va mazmunida harbiy-jismoniy tayyorgarlik («Mehnat va mudofaaga tayyor») maqsadi mujassamlashgan edi. Sovet jismoniy tarbiya tizimining ustunligi va unga partiya hamda hukumat tomonidan e'tiborning kuchayishi natijasida jahonga mashhur sportchilar va mutaxassislar vujudga keldi.

Jahon sport musobaqalari va Olimpiya o'yinlarining g'oliblari V.Chukarin va M.Goroxovskaya (gimnastika), V.Kus va G.Zibina (yengil atletika), M.Isakova va

Ye.Grishin (konkida uchish), L.Kozireva va V.Kuzin (chang'i sporti), A.Vorobyev va Yu.Vlasov (og'ir atletika), G.Shatkov va V.Yengibaryan (boks), V.Bobrov (futbol va xokkey), E.Strelsov va L.Yashin (futbol) kabi juda ko'p sportchilar jahonga mashhur bo'ldilar.

Partiya va hukumat qarori asosida jismoniy tarbiya va sport qo'mitasi, shuningdek, respublikalardagi sport qo'mitalari ham davlat sport qo'mitasiga aylantirildi. Bu, o'z navbatida, sport tashkilotlarining nufuzini oshirishga qaratildi. Qayta qurish yillarida, shuningdek, kasaba uyushmalari tarkibidagi ko'ngilli sport jamiyatlarida ham o'zgarishlar yuz berdi. 1981-yilda mavjud bo'lgan 33 ko'ngilli sport jamiyati (KSJ-DSO) 1987-yilda 8 taga birlashtirildi, ya'ni «Burevestnik», «Spartak», «Trud», «Vodnik», «Lokomotiv», «Urojaj» kabi KSJlari tugatildi. Ular shu nomlar bilan respublika va viloyat klublariga aylantirildi. Ammo bu tadbirlar keyinchalik jismoniy tarbiya va sportning moliyaviy ta'minlanishi, sport inshootlarini kengaytirish, musobaqalarni o'tkazish ishlariiga ta'sir etdi.

**Spartakiadalar.** 1955-yildagi hukumat qarori asosida 1-sobiq SSSR xalqlari spartakiadasi 1956-yil yozida Moskvada tashkil etilib, unda barcha Ittifoqchi respublikalarning yetuk sportchilari ishtirot etdi. Shu yili Lujnikida eng yirik sport majmui qurilib, spartakiada shu joyda ochildi. Ikkila hafta davomida sportning 21 turi bo'yicha 9244 nafar sportchi bellashdilar. Shu asosida qishki spartakiadani o'tkazish ham (1962 y.) an'anaga aylandi. Ikkala spartakiadada erishilgan yaxshi natijalarni quyidagi jadvallardan ko'rish mumkin:

### Yozgi spartakiada

Terma jamoalar kuchli 6 o'rinn	1956	1959	1963	1967	1971	1975	1979	1983	1986	1991
	I	II	III	IV	V	VI	VII	VIII	IX	X
Moskva	1	1	1	1	2	2	2	2	3	-
Rossiya	2	2	2	2	1	1	1	1	1	1

Leningrad	3	3	4	4	5	4	5	3	2	-
Ukraina	4	4	2	3	3	3	2	4		2
Gruziya	6	-	-	-	-	-	-	-	-	-
Estoniya	5	5	5	5	-	-	-	-	-	-
Belorussiya	-	6	6	6	4	5	2	-	-	3
Qozog'iston	-	-	-	-	-	6	6.	-	-	-

### Qishki spartakiada

Termal ja-moalar kuchli beshlik	1962	1966	1974	1978	1982	1986	1990
	I	II	III	IV	V	VI	VII
Moskva	1	1	2	1	1	1	3
Rossiya	2	-	-	-	-	3	1
Leningrad	3	2	1	2	3	2	
Ukraina	4	5	-	5	5	-	2
Qozog'iston	5	4	4	-	-	-	

E'tiborli jihat shundaki, 1953-yilda «Jismoniy tarbiya nazariyasi» o'quv qo'llanmasi ilk bor nashrdan chiqarildi. Moskva va Leningrad jismoniy madaniyat institutlarining pedagogik jamoalari tomonidan (1959, 1960) bu o'quv qo'llanmasi mukammal ishlab chiqildi.

Jismoniy tarbiya tizimining ilmiy asoslari yanada mustahkamlandi. I.M.Sarkizov-Serazinning davlat jismoniy tarbiyasi, chiniqish va sport uqalashlari (massaj); M.F.Ivanskiyning dinamik va plastik (tekis) anatomiysi; P.A.Rudik va A.S.Punilarning sport psixologiyasi; S.P.Letunovning sport tibbiyoti kabi yangi tadqiqot ishlari yuzaga keldi. 1951–1955-yillarda P.F.Lesgaftning besh tomlik tanlangan asarlari va V.V.Gorniyevskiyning tanlangan asari nashrdan chiqarildi.

Sport mashg'ulotlari nazariyasi va uslubiyatiga bag'ishlab o'tkazilgan ilmiy-nazariy anjumanda sportchilarining XV–XVII yozgi va VII–VIII qishki Olimpiya o'yinlaridagi ishti-roki keng muhokama qilindi. Unda olimlar tomonidan olib borilgan ilmiy tajriba-sinovlarning ijobiy xususiyatlari ma'qullandi. Bu keyinchalik sport mashg'ulotlarini ilmiy-

nazariy asosida tashkil qilish yo'llariga keng imkoniyat ochib berdi.

Jismoniy tarbiya sohasidagi ilm-fanning rivojiga Moskva, Leningrad, Malaxovka, Kiyev, Minsk, Omsk, Lvov jismoniy madaniyat institutlari, shuningdek, Moskva, Leningrad va Gruziya ilmiy tekshirish institutlari katta hissa qo'shdi.

Mamlakatda ilmiy maktab shakllandi. Sportning tibbiy-biologik masalalari bo'yicha A.N.Krestovnikov, V.S.Farfel, M.F.Ivanskiy, S.P.Letunov, A.G.Dembo, I.M.Sarkizov-Serazini, N.V.Zimkin va boshqalar o'z ilmiy mакtablarini yaratdilar.

Sport biomexanikasi sohasida N.A.Bernshteyn, D.D.Donskiy, V.M.Zasiorskiylar katta tadqiqotlar olib bordi.

XX asrning 60—70-yillarida jismoniy tarbiya nazariyasi va sport psixologiyasi sohalarida ilmiy mакtablar shakllandi. Bunda A.R.Novikov, N.I.Ponomarev, L.P.Matveyev, V.P.Filin, P.A.Rudik, A.S.Puni va ularning shogirdlari - izdoshlari katta faoliyat ko'rsatdilar.

Ta'kidlash lozimki, 1986-yilgi (VIII) spartakiada ishtirokchilari uchta guruhga bo'linib (Rossiya hududlari; Kavkaz hududlari; O'rta Osiyo hududlari), musobaqalar turli shaharlarda, qisman Toshkentda ham o'tkazildi. 1991-yilgi X (so'nngi) spartakiada ham turli hududlarda (Rossiya, Ukraina, Belorussiya) tashkil etildi.

1991-yilda «Sovetskiy sport» gazetasi spartakiadaning avvalgi mavqeい yo'qolayotganini ochiq yoritgan edi. Chunki mamlakatdagi qayta qurish jarayonlarining izdan chiqishi, siyosiy voqealar, ochiq demokratiyaning keng yoyilishi ko'pchilik qatorida sportchilarni ham tashvishga solib qo'ydi. Shu sababdan, spartakiadada yetuk sportchilarning aksariyat ko'pchilik qismi startlarga chiqmagan edi.

Xulosa shundan iboratki, dastlabki, spartakiadalar barcha ittifoqchi respublikalarda sportning ommalashishi va mahoratlari sportchilarning yetishib chiqishda katta ahamiyat kasb etdi. Buning negizida esa sport inshootlarining kengayishi, mutaxassis kadrlar tayyorlashning kuchayishi, mehnatkash yoshlarni sportga jalb etish yo'lidagi sport jamiyatlarining jонбоzliliklari yotar edi.

## Jismoniy tarbiya va sport haqidagi fanlarning taraqqiyoti

Mamlakatda jismoniy madaniyat va sportning taraqqiyoti shu sohadagi fanlarning rivojlanishiga kuchli va ijobiy ta'sir o'tkazdi.

1956-yilda Stalin shaxsiga sig'inishni fosh etishga qaratilgan jiddiy tadbirlar jismoniy tarbiya va sport sohadagi olimplarning erkin va ijodkorlik bilan mehnat qilishiga sharoit yaratib berdi.

Eng avvalgi jismoniy tarbiya va sport mashg'ulotlarini tashkil etishda anatomiya, fiziologiya, gigiyena masalalariga qaratilgan tibbiy yo'najishlar keng muhokama qilina boshladi. Mashqlarni o'rgatish va sport mashg'ulotlarini olib borishning yangi yo'l-yo'rqliklari haqida K.V.Gradapolovning «Boks» (1950), G.V.Vasilev va N.G.Ozolin tahriridagi «Yengil atletika» (1952; 1953), P.T.Kashur tahriridagi «Sport o'yinlari» (1953), A.T.Brikin tahririda «Gimnastika» (1950) darsliklar va o'quv qo'llanmalari chop etildi.

Muhim tomoni shundaki, bu davrlarda ba'zi bir sport turlari nazariyasi va usullari bo'yicha yirik tadqiqotlar amalga oshirilib, mukammal ishlangan darsliklar, o'quv-uslubiy qo'llanmalar, monografiyalar yaratildi. Bunda N.G.Ozolin va V.M.Dyachkovlarning (yengil atletika), M.L.Ukran, A.M.Shlyomin, V.M.Smolevskiy (gimnastika), N.J.Bulgakova, M.Ya.Nabatnikov (suzish) va h.k.ning xizmatlari beqiyos katta bo'ldi.

Jismoniy tarbiya va sport tarixini yaratishda F.I.Samoukov, D.A.Kradman, I.G.Chudinov, G.D.Xarabuga, N.I.Panomarev, V.V.Stolbov va boshqa yirik olimplarning qator darsliklari, o'quv qo'llanmalari qayta-qayta nashrdan chiqarildi.

E'tirof etish kerakki, V.V.Stolbov uzoq yillar davomida jahon va sovet jismoniy tarbiyasi tarixini o'rganish yo'lida tinimsiz mehnat qilib keldi. Uning rahbarligi va tahriri ostida jismoniy tarbiya instituti uchun (1975, 1983, 1989, 2000) jismoniy tarbiya fakultetlari va jismoniy madaniyat texnikumlari uchun yaratilgan darsliklar qayta-qayta nashrdan chiqarildi.

«Jismoniy tarbiya va sport tarixi» dasrligi (2000-yildagi va avvalgi nashrlari) sobiq Ittifoq tarkibidagi respublikalar, ya’ni hozirgi mustaqil davlatlardan keng foydalaniilmoqda.

**O’quv yurtlarida jismoniy tarbiya va sport.** Urushlar tugagach (1945), mamlakatdagi deyarli barcha turdag'i o’quv yurtlarida harbiy tayyorgarlik darslari bekor qilindi. Uning o’rniga jismoniy tarbiya darslarini tashkil qilishning yangi yo’llari vujudga keldi. Darslarning mazmuni sport turlari bilan boyitildi. Yangi dasturlar, o’quv-uslubiy qo’llanmalar ishlab chiqildi va ular amalda keng qo’llanildi.

Ta’kidlash lozimki, jismoniy tarbiya darslari asosan «Mehnat va mudosaaga tayyor» (GTO) jismoniy tarbiya majmuiga asoslandi.

Maktab o’quvchilarining sport turlariga qiziqishi kuchaydi, ularga keng shart-sharoitlar yaratib berildi. Bolalar va o’smirlar sport maktablarining tarmog'i kengaydi va ularning miqdori barcha hududlarda tobora osha boshladи.

1946-yilda bolalar va o’smirlar sport maktablarining (DYuSSh) soni 460 ta bo’lsa, 1957-yilga kelib 1220 taga yetdi.

Sport maktablari asosan «Dinamo» va «Spartak» sport jamiyatlari tarmog’ida tashkil etildi.

1968-yildagi Butunittifoq o’qituvchilar qurultoyi (syezd) o’quvchi yoshlarni faqat ma’naviy jihatdangina emas, balki jismoniy jihatdan ham tarbiyalashni keng ko’lamda olib borilishini, bolalarni har tomonlama chiniqtirish zarurligiga katta e’tiborni qaratdi. Shu asosda maktabgacha tarbiya muassasalarida jismoniy tarbiyani keng qo’llash usullarini takomillashtirish masalalari ham ta’kidlandi.

Bu jihatlar bog’cha va maktablarda jismoniy tarbiyaga bo’lgan diqqat-e’tiborni ancha kuchaytirdi.

1961-yilda yirik shaharlarda sport internat-maktablarni ochish odatga aylandi. Shu asosida 1963-yilda Toshkentda ham respublika sport internat-maktabi tashkil etildi.

Maktablar, tuman, shahar, viloyat, respublika hamda umumittifoq maktab o’quvchilarining spartakiadalarini tashkil etildi.

Kasb-hunar bilim yurtlarida jismoniy tarbiya va ommaviy sport tadbirlarini tashkil etish «Mehnat zaxiralari» («Trudoviye rezervi») sport jamiyatni tomonidan amalga oshirib borildi. Ular tarkibidagi mohir sportchilar ham o'quvchi yoshlar jismoniy tarbiya harakatini o'stirish ishiga katta hissa qo'shdilar.

Oliy o'quv yurtlarida talabalarning jismoniy tarbiya darslari, sport mashg'ulotlari va ommaviy sport tadbirlarini yo'lga qo'yishda Oliy ta'lim vazirligi, «Burevestnik» sport jamiyatni rahnamolik qilishdi. Talabalarga 1–2-kurslarda Mehnat Mudofaasiga tayyorgarligini I va II bosqichlari tala-balarni bajarish vazifa qilib qo'yildi.

Qayta qurish yillari davrida umumta'lim maktablarida, shuningdek, o'rta maxsus va oliy o'quv yurtlarida yangi islohotlar amalga oshirila boshlandi. Yangi ishlab chiqilgan das-turlar 1985-yil 1-sentabridan kuchga kirdi. Jismoniy tarbiya darslari 2–3 soatni tashkil etdi.

Turg'unlik yillari davridagi o'ziga xos vaziyat o'quv yurtlari faoliyatini tubdan o'zgartirishga imkoniyat bermadi. Chunki moddiy-texnik yetishmovchiliklar va ayniqsa, siyosiy ahvol islohotlarga keng yo'l ochib berilishiga to'g'anoq bo'ldi.

Xulosa shundayki, sobiq Ittifoq, sovetlar mamlakatini yangi yo'ldan borishga qanchalik undagan bo'lsa-da, ular amalga oshmadi. Jismoniy madaniyat va sport ishlari ham faqat Rossiya, Ukraina, Belorussiya hududlari hamda markaziy shaharlardagina ancha rivoj topdi.

### **Sobiq SSSR va Rossiya federatsiyasi sportchilarining xalqaro aloqalari (40–80-yillar oxiri va 2000-yil)**

Sovet xalqining fashizm ustidan g'alaba qilishi jahon mamlakatlarini tashvishga, hatto chuqur larzaga soldi. AQSH boshchiligidagi kapitalistik tuzum va sovetlar boshchiligidagi sotsialistik tuzum orasidagi raqobat sovuq urush tahdidiga zamin hozirladi. Shu tariqa bu mamlakatlar sportchilari orasida ham uzoq yillar nosog'lom raqobat va dushmanlik mu-

nosabatlari avj oldi.

Sobiq Ittifoqning Davlat sport qo'mitasi rahbari N.N.Romonov o'tgan davrlarni xotirlab, «Olimpiya yo'lidagi mashaqqatli yillar» (1987) va «Olimpiya cho'qqisiga chiqish» (1991) kabi estalik asarlarda sovet sportchilarining xalqaro sport va Olimpiya harakatidagi ulkan faoliyatlarini mahorat bilan yoritdi.

1946-yilda sovet mamlakatiga 18 mamlakatdan sport va killari tashrif buyurgan bo'lsa, o'z navbatida, sovet sportchilari 14 mamlakatga chiqish qilgan. Bu raqamlar 1951-yilda 29-49 taga yetadi, ya'ni sovet sportchilari safar qilgan xorijiy mamlakatlar soni SSSRga o'z vakillarini jo'natgan mamlakatlar soniga qariyib 2 baravar o'sdi.

Sovet sportchilari ilk bor (1946) Xalqaro futbol federatsiyasi (DIFA) tarkibiga a'zo bo'lib kirdi. Keyinroq ular og'ir atletika, yengil atletika, (IAAF), kurash (FILA), basketbol (FIBA), suzish (FIIA), chang'i (ISU), shaxmat (FIDE kabi sport turlari bo'yicha ham xalqaro sport federatsiyalari hamda uyushmalari tarkibiga kiritildi (1997).

1947-yilda I.Kotkas, K.Koberidze, N.Belov kabi kurashchilar, N.Isatov, I.Mexanik, I.Azdarov, G.Novak, Ya.Kusenko singari og'ir atletikachilar Yevropa championi unvoniga sazovor bo'lishdi.

1948-yildan boshlab konkida uchuvchilar ham jahon mu-sobaqalariga kira boshladi. M.Shakova Finlyandiya (1948), Norvegiya (1941) va Moskvada (1950) o'tkazilgan jahon birinchiliklarida g'olib bo'ldi.

1947-1951-yillarda gimnastikachilar ham jahonga tanildi. Pragada (Chexoslovakiya) o'tkazilgan I jahon yoshlari va talabalari festivalida qatnashgan gimnastikachilar, o'sha davrning eng kuchli sportchilari bo'lgan Finlyandiya, Shvetsiya, Shveysariya mamlakatlarini orqada qoldirdi.

Bunday ulkan natijalar xalqaro sport va Olimpiya harakatida tan olindi. Sovet sportchilari uchun Olimpiya o'yinlari darvozalari keng ochildi.

**Olimpiya hamjamiyatiga qaytish.** O'tgan boblarda Rossiyaning Xalqaro Olimpiya qo'mitasi (XOQ) tarkibiga a'zo

bo‘lganligi va keyin sovetlar hokimiyati inqirozi tufayli uning a’zoligidan chiqarib tashlanishi ta’kidlangan edi. Shu sababdan, endi olimpiya harakatini olimpiya hamjamiyatiga qaytish iborasi bilan yuritish mantiqan to‘g’ri bo‘ladi, chunki sovetlar mamlakatini jahondagi ko‘pchilik mamlakatlar asosan Rossiya davlati deb tanishar va buning zamirida siyosiy, iqtisodiy boshqaruv faoliyatining u yoki bu sabablari yotar edi.

Shunga asosan 1952–1991-yillar oralig‘idagi Olimpiya harakatida asosan Moskva (Rossiya) rahbarligining faoliyati ustun turar edi. Bu jismoniy tarbiya va sport tarixida o‘z ifodasini to‘laligicha topgan deyish mumkin.

1951-yil 21-aprelda Olimpiya qo‘mitasi ta’sis etildi. Olimpiya qo‘mitasining birinchi raisi K.A.Andropov (1910–1988) edi. Qo‘mita tarkibidagi umumittifoq seksiya rahbarlari saylandi, ya’ni V.Andreyev (chang‘i sporti), G.Baklanov (gimnastika), V.Grantkin (futbol) va boshqalar. Shuningdek, uning tarkibida xizmat ko‘rsatgan sport ustalari M.Isakova, Z.Bolotova, F.Vanin, B.Arkadyev, A.Mazur, N.Ozolin, Z.Romonova ham bor edi.

K.A.Andropov to 1975 yilgacha Sovet mamlakati Olimpiya qo‘mitasi raisi ham XOQning a’zosi sifatida juda ko‘p xizmat qildi.

A.O.Romanov 1952-yilda XOQ a’zoligiga saylandi va 1971-yilgacha shu lavozimda ishladi.

S.P.Pavlov 1975–1983 yillarda, M.V.Gramov 1983–1990-yillar oralig‘ida, V.G.Smirnov 1990–1991-yillar davomida Olimpiya qo‘mitasi raisi vazifasida faoliyat ko‘rsatishdi.

Sovet mamlakati Milliy Olimpiya qo‘mitasi (MOQ) Xalqaro Olimpiya qo‘mitasiga yo‘llanma yubordi. Natijada, 1951-yil 7-mayda Venadagi XOQning sessiyasida bu masala ko‘rib chiqildi va XOQ prezidenti Otto Mayer talabning qoniqtirilishini ma’lum qildi.

Shu tariqa sovet sportchilari Xalqaro Olimpiya o‘yinlarining eng faol ishtirokchilariga aylandi.

**1952-yil Xelsinki (Finlyandiya).** Sovet sportchilari jahonning eng kuchli sportchilari bilan ilk bor uchrashib, kuch sinashdi. Bunda sportchilari (XV Olimpiya o'yinlari) sportchilar 2 ta jahon va 6 ta Olimpiya rekordlarini o'rnatdi. Bu bilan 22 ta oltin, 30 ta kumush va 19 ta bronza medallariga sazovor bo'ldilar. AQSH sportchilari 44 ta oltin medal (sovetslarga nisbatan ikki barobar ko'p) olishdi.

Birinchi sovet oltin medal egasi N.Romashkova (disk uloqtirish) edi. 29 sportchi champion unvonlariga sazovor bo'lishdi. O'yinlarda ilk qatnashish umuman zafarli bo'lsada, suzish, qilichbozlik, ot sporti, futbol kabi ayrim sport turlarida sportchilar ancha sust qatnashdi.

**1956-yil. Kortino-d-Ampesio, Melburn.** Qishki Olimpiya o'yinlarida sovet sportchilari ilk bor Kortino-d-Ampesioda (Italiya) o'tkazilgan VII Olimpiya o'yinlarida ishtirok etdi. Konkida uchuvchilar 4 ta oltin medal egasi bo'lishdi. Xokkeychilar birdaniga Olimpiya, jahon va Yevropa championi unvoniga sazovor bo'lishdi. Chang'ida yurish (2 ta oltin) ham yomon bo'lmadi. Sportchilar jami 7 ta oltin, 3 ta kumush va 6 ta bronza medallarini egallab, eng kuchli deb hisoblandi.

XVI yozgi Olimpiya o'yini 1956-yil (noyabr oxiri va dekabr boshi) Melburnda (Avstraliya) o'tkazildi va unda sovet sportchilari 37 ta oltin, 20 ta kumush, 32 ta bronza medallarini olishga tuyassar bo'ldi. 58 sportchi Olimpiya championlari nomini oldi. V.Kus 5 va 10 km.ga yugurishda jahon sportchilarini hayratda qoldirdi.

**1960-yil Skvo-Velli, Rim.** Qishki VIII Olimpiya o'yinlari va XVII yozgi Olimpiya o'yinlari (Rim)da ishtirok etgan sovet sportchilari 50 ta oltin, 34 ta kumush va 40 ta bronza medallariga sazovor bo'lishdi. Umumiy ochkolar bo'yicha sovet sportchilari AQSH va boshqa kuchli mamlakatlarning sportchilarini ortda qoldirdi. Olimpiya championlari tarkibida P.Bolotnikov, R.Shavlakadze, opa-singillar Tamara va Irina Press (yengil atletika, Samarqand shahar mакtabining sobiq o'quvchilari, urush yillarda Leningarddan ko'chirib yuborilgan), V.Kapitonov (velosport), B.Shaxlin, L.Latinina (gim-

nastika), S.Filatov (ot sporti), Yu.Vlasov (og'ir atletika), V.Ivanov (eshkak eshish), Ye.Grishin va L.Skoblikova (konkida uchish) kabilar bor edi.

**1964-yil Insburk, Tokio.** IX qishki (Insburk) va XVIII yozgi Olimpiya o'yinlarida (Tokio) sovet sportchilari yana bir bor o'zlarining mahoratlarini tantanavor namoyish etishdi. Ochkolar bo'yicha jamoalar orasida sovet sportchilari g'olib deb topildi. V.Brumel (yengil atletika), B.Grishin va L.Skoblikova (konkida uchish), V.Popenchenko (boks), G.Promenshikova (suzish) kabilar Olimpiya championi bo'lishdi.

**1968-yil. Grenobl, Mexiko.** Qishki Olimpiya o'yinlarida sovet sportchilari 5 ta oltin, 5 ta kumush va 3 ta bronza medali sovrendori bo'lishdi.

Mexiko (Meksika)da o'tkazilgan XIX yozgi Olimpiya o'yinlarida sovet sportchilari avvalgi davrlardagiga nisbatan past natijalar ko'rsatdilar. O'yinlarda qatnashgan 322 sportchi atigi 29 ta oltin, 32 ta kumush va 30 ta bronza medaliga sazovor bo'lishdi. Ular orasida B.Lagutin (boks), A. Medved (kurash), N.Kuchinskaya va M.Varonin (gimnastika), V.Saneyev, Ya.Lusis, V.Golubinchiy (yengil atletika), B.Novikova, M.Rakip, G.Goroxova (nayzabozlik), V.Kurensov, L.Jabotinskiy (og'ir atletika) bor edi. Umuimy medallar soni bo'yicha AQSH birinchilikni egalladi.

**1972-yil Sapporo.** Qishki Olimpiya o'yinlari Yaponiyada (Sapporo) tashkil etildi. Sovet sportchilari 8 ta oltin, 5 ta kumush va 3 ta bronza medallarini egallahshdi. Bu ularni birinchi o'ringa chiqardi.

Myunxenda (Germaniya) o'tkazilgan XX Olimpiya o'yinlari yana sovet sportchilarining ustunligida o'tdi. Unda sovet sportchilari 500 kishi bo'lib, AQSHni ikkinchi o'rinda qoldirdi, ya'ni sovet sportchilari 17 ta sport turi bo'yicha va AQSH 7 ta sport turidan g'oliblikni qo'lga kirtdi.

Sovet sportchilaridan 103 kishi oltin medallar bilan taqdirlandi. 183 sportchi o'yinlarning shohsupasiga ko'tarildi. Sportchilardan V.Alekseyev (og'ir atletika), A.Medved (erkin kurash), V.Saneyev (yengil atletika), N.Avilov (o'nkurash),

O.Korbut (gimnastika), L.Bragina (yengil atletika), S.Belov (basketbol), F.Melnik, N.Gishova (yengil atletika) kabilar shon-shuhratga erishdilar.

**1976-yil Insbruk.** 1976-yil fevralida sovet sportchilari XII qishki Olimpiya o'yinlarida (Insbruk - Avstriya) ishtirok etib, unda 79 sportchi o'z mahoratini namoyish etdi. Ular 13 ta oltin, 6 ta kumush va 8 ta bronza medallari sohibi bo'lib, o'zlarining avvalgi birinchi o'rinalarini matonat bilan saqlab qolishga erishdilar.

**1976-yil yozida (Montreal - Kanada)** XXI yozgi Olimpiya o'yinlarida ham sovet sporti katta muvaffaqiyatlarga erishdi.

O'yinlarda 409 nafar sportchi qatnashdi. Ular uylariga 125 olimpiya medali (49 ta oltin, 41 ta kumush va 35 ta bronza) bilan qaytishdi. Olimpiya championlari tarkibida N.Andrianov, N.Kim, L.Turishcheva (gimnastika), V.Saneyev, Yu.Sedix, T.Kazankina (yengil atletika), L.Tediashvili, I.Yarigin (erkin kurash), N.Balboshin (klassik kurash), V.A.Lekseyev (og'ir atletika), V.Krovopuskov (qilichbozlik) bor edi.

**1980-yil Leyk-Plesid.** Yil boshida sovet sportchilari Olimpiya o'yinlarida ishtirok etish uchun Leyk-Plesid (AQSH) shahriga boradilar. U yerda muvaffaqiyatli chiqishlar qilib, 22 ta mukofatga (10 ta oltin, 6 ta kumush va bronza medallari) erishadilar. N.Zimlyatov 30, 50 km.ga chang'ida quvish sportida, A.Tixonov (biatlon-estafeta), I.Rodnina (konkida figurali uchish), V.Zozulya (chana sporti) kabilar shohsupaning eng yuqori pog'onasiga ko'tarilishdi. O'yinlarda AQSH sportchilari g'olib kelishdi.

XXII yozgi Olimpiya o'yinlari Rossiyaning markazi Moskvada 1980-yil 19-iyuldan 3-avgustga qadar o'tkazildi. Bu o'yinlar sotsialistik tizimdagи barcha mamlakatlar uchun joy va mavqe jihatdan birinchi bo'lib hisoblandi.

Olimpiya o'yinlarida 81 mamlakatdan kelgan sportchilar jami 203 ta medal uchun kurash olib bordi.

Sovet sportchilarining soni 500 dan ortiq edi. Ularning tarkibida Ittifoqchi Respublikalarning yetakchi sportchilari ishtirok etdi. O'yinlarda maydon egalari (mezbonlar) 80 ta

oltin, 69 ta kumush va 46 ta bronza medaliga sazovor bo'lishdi.

Ta'kidlash zarurki, o'sha vaqtdagi siyosiy qaramaqarshiliklarning kuchayishi, harbiy tahdid haqidagi turli xil uydirmalarning ortib borishi sovetlar va AQSH o'rtafigi munosabatlarni keskinlashtirgan edi. Bu, o'z navbatida, AQSH hukumatining Moskvadagi Olimpiya o'yinlarini boykot qilishiga olib keldi. Shu sababdan, AQSH sportchilari Moskvadagi o'yinlarda qatnashishdan mahrum bo'ldilar. Bu butun jahon ahlining diqqat-e'tiborini o'ziga jalb etdi, chunki ikki ulkan davlat o'rtafigi tinchlik, totuvlik muvozanatlari ochiqdan-ochiq buzilgan edi.

XIV (Sarayev, 1984) va XV (Kalgari, 1988) qishki Olimpiya o'yinlarida sovet sportchilarining ishtiropi va g'alabalari sport tarixida katta iz qoldirdi. Bu o'yinlarda yosh sportchilarining mahoratlari va kelajagi namoyish etildi.

1984-yil Los-Anjelisda (AQSH) o'tkazilgan XXIII Olimpiya o'yinlarida sovet sportchilari ishtirop etmadni, chunki yuqorida qayd etilgan siyosiy va harbiy tahidilar, ayniqsa, AQSH sportchilarining Moskvadagi Olimpiya o'yinlarida ishtirop etmaganligiga javob tariqasida shunday xulosalarga kelingan edi. Bu davrda qilingan xatolarning achchiq oqibatlari faqat keyinroq ma'lum bo'ldi va yuzaga chiqdi. Sovet mamlakati rahbarlari bundan tegishli xulosalar chiqardi va jahonda tinchlikning barqaror bo'lishi yo'lidagi aqliy harakatlarga qo'shildi. Ularning natijalari esa keyingi Olimpiada o'yinlarida o'z ifodasini topdi.

1988-yil Seul. Yozgi XXIV Olimpiya o'yinlari Seulda (Janubiy Koreya) tashkil etildi. Sovet va AQSH sportchilari jahondagi eng kuchli sportchilarining birlashtirilgani belashuvlari yana davom etdi. O'yinlarda 160 mamlakat sportchilari ishtirop etdi. Sovet sportchilari 55 ta oltin, 31 ta kumush va 46 ta bronza medallarni egallab, eng oldingi o'rinda karvonboshilik qildi.

32 yillik (1956 y.) tanaffusdan so'ng sovet sportchilari Olimpiya championi bo'ldi.

1992-yil Barselona (Ispaniya) shahrida XXV Olimpiya o‘yinlari o‘tkazildi. Bunda sobiq sovet sportchilar so‘nggi bor uyushgan terma jamoalarni tuzib, o‘yinlarda muvaffaqiyat bilan ishtirok etdi.

1996-yil (Atlanta), 2000-yil (Sidney) Olimpiya o‘yinlarida Rossiya va sobiq respublikalar mustaqil ravishda o‘yinlarda ishtirok etishdi.

Xulosa shuki, xalqaro olimpiya o‘yinlarida sovet sportchilarining ishtiroki jahon sportchilarini mahoratini oshirish va Olimpiya g‘oyalarini demokratlashtirish yo‘lida katta xizmat qildi.

Yana shuni ham e’tirof etish kerakki, Ikkinchchi jahon urushidagi sovetlarning g‘alabasi jahondagi turli xil sport tadbirlarida, sovet sportchilarining ishtirok etishiga katta yo‘l ochib berdi.

Yevropa va jahon championatlarida sovet sportchilarining g‘alabalari hech kimni e’tiborsiz qoldirmadi.

1960-yilda sovet futbolchilarini va voleybolchilarini Yevropa kubogi sohibi bo‘ldi, 1961-yilda SSSR yengil atletikachilarini navbatdagi an‘anaviy uchrashuvda SSSR g‘olib keldi. A.V.Brumel va D.Tomas (AQSH) balandlikka sakrashda AQSH championi unvonini olishdi. Sovet mamlakatlari sportchilarini 1980-yilda 100 dan ortiq (1958-yilda 63 mamlakat) mamlakatlar bilan aloqalar o‘rnatdi.

Shu davrlarda sovet sportchilarini 150 dan ortiq Xalqaro sport uyushmalariga (XSU-MSO) a’zo edi.

Gimnastika, yengil atletika, qishki sport turlari bo‘yicha sovet sport klublari jahonda eng kuchli hisoblanadigan bo‘ldi.

Rasmiy ma’lumotlarga qaraganda, Rossiya 1952-yilda atigi bitta (N.A.Panin) Olimpiya championiga ega bo‘lgan bo‘lsa, 1988-yilga kelib, ularning soni 549 taga yetdi.

Xulosa qilib aytganda, sobiq sovetlar mamlakatining sportchilarini Yevropa, jahon birinchiliklari, turli xil xalqaro sport turnirlarida g‘oliblikni ko‘p marotaba qo‘lga kiritishdi. Bu esa sovet sportchilarining xalqaro maydonlaridagi shonshuhratlari tantana qilishiga asosiy sabab bo‘ldi.

**Sovet Ittifoqining inqirozidan keyingi Rossiya Federatsiyasida jismoniy tarbiya va sport.** Sobiq sovetlar mamlakatining tugatilishiga asosiy sabablardan biri shundaki, Rossiya tepasiga kelgan yangi rahbarlar (B.N.Yelsin) hokimiyatni boshqarishning yangi yo'llarini qidirdi. Mavjud bo'lgan hokimiyat, ayniqsa, qayta qurish ijodkorlarining (M.S.Gorbachev) ish usullari ularga ma'qul bo'lmasdi. Shu asosda sobiq Ittifoq inqirozga uchradi. Rossiya hukumati o'z atrofida sobiq respublikalarning mustaqil davlat sifatida tarkib topishiga monelik ko'rsatmadi. Chunki garchi Mustaqillik kurtaklari allaqachon ochilgan va o'z samaralarini ko'rsata boshlagan bo'lsa-da, sobiq qardosh respublikalar Rossiyadan yiroqlashmaslikni ma'qul ko'radilar. Ayni vaqtida Rossiya ham yaqin kelajakda ularni yana birlashtirishni ko'zda tutdi. Shu sababdan, u 1991-yilda mustaqil davlatlar hamdo'stligi (SNG) ni tuzishga muvaffaq bo'ldi. Bu hamdo'stlik ba'zi bir mamlakatlarda mazmun va mohiyat jihatdan o'z faoliyatini davom ettirmoqda.

Rossiya barcha sohalar bo'yicha jahonda o'zining ustuvorligini ko'rsatish yo'lida bor kuch qudrati va imkoniyatini ishga solmoqda. Jumladan, sportda ham olg'a siljish, eski mavqelarni boy bermaslik yo'lida jiddiy harakatlar qilmoqda. Lekin ularning ko'pchiligi amalga oshmayotir. Rossiyada hozirda 23 ta Olimpiya sport turi federatsiyalari va 89 ta hududiy jismoniy tarbiya-sport tashkiloti, 19 ta federal-idoraviy tashkilot va 12 ta Olimpiya akademiyasi faoliyat ko'rsatib kelmoqda.

Rossiya Olimpiya qo'imitasi (ROQ) uzoq va yaqin xorijiy mamlakatlar bilan aloqadadir. 1994-yilda Milliy Olimpiya qo'imitalarining bosh Assambleyasini o'tkazishda Olimpiya hamdo'stligi assotsiatsiyasi (SNG doirasida) tashkil etildi. Uning raisi etib ROK Prezidenti V.G.Smirnov saylandi.

Rossiyada Olimpiya harakati va ta'limini o'rganish bo'yicha maxsus qarorlar chiqarildi. O'quvchi yoshlar uchun «Sening Olimpiya darsliging» nomli rangli kitob chop etildi. (1999 y.).

Xalqaro Olimpiya qo'mitasida Rossiyaning ikki vakili, ya'ni V.G.Smirnov va Sh.A.Torpishiyev a'zo hisoblanadi.

Rossiyada jismoniy madaniyat-sport jamoatchilik tashkilotlari ham yangi tuzilishda faoliyat yuritmoqda.

Kasaba uyushmalari sport tashkilotlarini saqlab qolish va ularni takomillashtirish yo'lida sport tashkilotlari xalqaro konfederatsiyasi (STXK-MKSO)- profsport va Rossiya sport tashkilotlari konfederatsiyasi (RETK-PSOR) tuzildi. Uning tarkibida 11 ta davlatning tarmoqli tashkilotlari va bir qator tarmoqli jismoniy madaniyat-sport uyushmalari birlashgan.

STXQ-MKSO Ustavida a'zolarining Xalqaro sport konfederatsiyasi (XMSK-KSIT) va Xalqaro universitetlar sporti federatsiyasi (XTSF-FISU) tarkibiga kirishlari ham ko'zda tutilgan edi.

Yuqorida ta'kidlangan jamoatchi sport tashkilotlarining Prezidenti etib avvaldan mashhur bo'lган kasaba uyushmalari sport rahbari B.N.Rogatin saylandi.

Bu tashkilotlar Rossiyada sport klublari faoliyatini yaxshilash, ommaviy sportni rivojlantirish, sport inshootlarini kengaytirish ishlari bilan shug'ullanmoqda.

Rossiyada bu tashkilotlar 77 ta respublika, o'lkalar, hududiy kengashlarni o'z ichiga oladi. Ularning ixtiyorida 11157 ta stadion, 856 ta suv havzasi, 8 ming sport zali, 31 ming turli xil maydonlar mavjud. Jismoniy madaniyat bo'yicha 42,5 ming shtatli xodim xizmat qiladi.

Rossiyada nogironlar sportiga e'tibor ancha katta hisoblanadi. Rossiya mudofaa-texnik tashkiloti (RMTT-Rosto) sobiq DOSAAFga o'xshash tashkilot bo'lib, yoshlarga harbiy-texnik bilim berish va mudofaa ishlariiga o'rgatish uchun xizmat qiladi. Rossiya mustaqil davlat sifatida ham bir qator o'zgarishlar yaratdi. Prezident B.N.Yelsinning farmoniga binoan 1991-yil 28-noyabrda Olimpiya harakatiga ko'maklashuvchi qo'mita tuzildi. Bu qo'mita sportchilarni qishki va yozgi Olimpiya o'yinlariga tayyorlashga harakat qildi, ya'ni Rossiya federatsiyasi sport qo'mitasi va ko'maklashish qo'mitasi birgalikda faoliyat yuritdi. Navbatdagi Olimpiya o'yinlariga tayyorgarlik ishlari tugagach,

Olimpiya harakatiga ko'maklashuvchi qo'mita ham o'z faoliyatini tugatdi. 1992-yil oxirida jismoniy madaniyat bo'yicha Rossiya federatsiyasi qo'mitasini tashkil etildi.

1993-yil «Jismoniy madaniyat va sport to'g'risi»da qonun qabul qilindi. 1994-yil 1-iyundagi Prezident farmoniga asosan jismoniy madaniyat va turizm bo'yicha qo'mita tashkil etildi. 1995-yil 27-aprelda bu qo'mitaning nizomi tasdiqlandi. Uning zimmasiga aholi orasida ommaviy sog'lomlashtirish ishlari, spartakiadalar uyushtirish, hududlarda yoshlar o'rtasida ko'rniklar, klublar orasida tanlovlardan, festivalarni tashkil etish yuklatildi.

Rossiya Olimpiya qo'mitasini va Davlat jismoniy madaniyat va turizm qo'mitasi sport maktablari tizimida (DYuSSh, SDYuSShOR, ShVEM, Olimpiya rezervlari bilimi yurtlari va h.k.) yoshlarni sport va turizmga tayyorlash, mutaxassis kadrlar tayyorlashni amalga oshirish, ularni ilmiy tekshirish institutlari nazoratiga o'tkazishni amalga oshirmoqda.

90-yillarda jismoniy taribiya ta'limi tizimida 13 ta oliy o'quv yurti faoliyat yuritdi. Ularning 7 tasi jismoniy madaniyat va sport bo'yicha davlat akademiyalaridir, ya'ni Rossiya Davlat jismoniy tarbiya akademiyasi, Volgograd, Kuban, Sibir, Sankt-Peterburg, Moskva jismoniy madaniyat akademiyalari hisoblanadi.

«Rossiya federatsiyasida jismoniy tarbiya va sport to'g'risida»gi qonun Davlat Dumasi va Federal Kengashda 1999-yilda qabul qilindi va 29-aprelda Prezident farmoni bilan tasdiqlandi. («Sovetskiy sport gazetasi», 1999-yil, 6-may soni»).

Rossiya Prezidenti V.Putin jismoniy madaniyat, sport va turizm bo'yicha Rossiya federatsiyasi davlat qo'mitasini ta'sis etdi (20-mart, 2000-yil).

1992-yil avgustdan boshlab Butunrossiya Olimpiya qo'mitasining (VOK) nomi Rossiya Olimpiya qo'mitasi (OKR) deb yuritila boshladi. Uning qaramog'ida qishki va yozgi Olimpiya o'yinlari sport turli bo'yicha 45 ta umumrossiya federatsiyalari birlashtirildi. Jismoniy tarbiya va sport nazariyasi fani oldida katta qiyinchiliklar vujudga keldi.

Mamlakatda umumiy daromadlar 2 %ga o'sgan bo'lsa-da, jismoniy tarbiya va sport ishlariga atigi 0,55% moliyaviy mablag' ajratiladi. 1993-yildan boshlab ilmiy xodimlar soni 16,9 %ga kamaygan. Davlat jismoniy tarbiya va turizm qo'mitasi tarkibidagi fan va sport tibbiyoti boshqarmasi 1997-yilda tugatilib, u sport fani va ilmining o'sishiga jiddiy salbiy ta'sir etdi. Shunga qaramasdan, taniqli olimlar o'z faoliyatlarini davom ettirmoqda. Ayniqsa, sport mashg'ulotlarini o'tkazish nazariyasi, mashg'ulotlar saviyasini va sifatini oshirish (L.P.Matveyev, V.I.Zasiorskiy, I.P.Ratov, N.N.Volkov, Yu.V.Verxoshanskiy, F.P.Suslov, V.P.Filin, V.K.Balsevich), sport mashg'ulotlarida turli harakatlar jarayonida yuklash masalalari (V.A.Rogazkin, R.R.Seyfulla, F.A.Iordanskaya, V.L.Karpman) bu sohalarga kirdi.

Rossiyada yosh sportchilarni tanlash, ularni tarbiyalash hamda ularning sport mahoratlarini oshirish yo'lida turli xil sport maktablarini ko'paytirish, ularning faoliyatini har tomonlama ta'minlash ishlariga alohida e'tibor beriladi.

Ishchi va mehnatkashlarning dam olishi, jismoniy mashq-lar va sport turlari bilan ularning sog'lig'ini mustahkamlash bo'yicha ham olib borilayotgan ishlar e'tiborga loyiqdir. Shu asosda sport klublar, sport inshootlarida sog'lomlashtiruvchi ommaviy sport musobaqalari doimiy ravishda tashkil etib boriladi.

Nogironlar sporti asosiy yo'nalishlardan biriga aylangan. Sportning qishki turlari va olimpiya o'yinlari dasturidagi turlar bo'yicha terma jamoalar mavjud bo'lib, u xalqaro miqyosda o'tkaziladigan nogironlar musobaqalarida yaxshi natijalarga erishmoqda.

Sportning ko'pgina turlari bo'yicha professionallik yo'liga o'tilgan. Chunki Xalqaro Olimpiya qo'mitasi (XOQ) futbol, xokkey, ot sporti, tennis, basketbol bo'yicha professional sportchilarning Olimpiya o'yinlarida ishtirok etishiga 1986-yilda rasmiy ravishda ruxsat bergan. Shuningdek, jahoning ko'pchilik mamlakatlari professional sport qadimidan mavjud bo'lib, ular tobora yoyilmoqda. Bunday holatlar kuchli raqobat talab etadi. Rossiya ham bu raqobat va taraqqiyot yo'lidan borishga jiddiy kirishmoqda.

Xulosa qilib aytganda, ikkinchi jahon urushidan keyingi tinch qurilish yillari va ijtimoiy-iqtisodiy taraqqiyotlar mobaynida Rossiyada (sobiq Ittifoqning asosi) jismoniy madaniyat va sport ishlari yaxshi yo'lga tushib ketdi. Buning bosh sababalari juda ko'p. Eng muhimi, mamlakatda jismoniy tarbiya va sportni boshqarish hamda uni rivojlantirish bilan bog'liq qator qarorlarning qabul qilinishi, sport tashkilotlarining tinimsiz faoliyatlari sobiq Ittifoqning Xalqaro Olimpiya qo'mitasi va Xalqaro sport uyushmalari tarkibiga kirishi muhim ahamiyatga ega bo'ldi.

Ittifoq va respublikalar miqyosida spartakiadalar, turli musobaqalarning tashkil etilishi, barcha turdag'i o'quv yurtlarida jismoniy tarbiya darslari, sport mashg'ulotlarining o'tkazilishi, bolalar va o'smirlar sport maktablarining tarmoqlari tobora kengayishi sportni ommalashtirish va yetuk sportchilarni tayyorlashga katta ulush qo'shdi.

Jismoniy tarbiya va sport sohasidagi ilmiy tadqiqotlar, ijidiy izlanishlar jismoniy tarbiya tizimining ilmiy asoslarini ancha mustahkamladi. Ularning natijalari asosida yangi darsliklar, o'quv-uslubiy qo'llanmalar, monografiyalar tayyorlandi. Bu, o'z navbatida, iste'dodli yosh ijodkor olimlarning safini yanada kengaytirdi hamda mustahkamladi.

1952-yildan boshlab sportchilarning Olimpiya o'yinlari va jahon birinchiliklarida faol ishtirok etishlari jismoniy tarbiya va sport taraqqiyotiga madad berdi.

Sobiq Ittifoqning inqirozga uchrashi (yemirilishi) ittifoq-chi respublikalarning mustaqil davlatlarga aylanishiga zamin tayyorladi. Bu esa mustaqil davlatlarning taraqqiyot yo'lida dadil borishi, xalqaro olimpiya va sport harakatida o'z o'rniiga ega bo'lishini ta'minladi. Shular qatorida Rossiya federatsiyasi ham Mustaqil Davlatlar Hamdo'stligi (SNG)da karvonboshi sifatida faoliyat ko'rsatmoqda, o'zining mavqeini jahondagi kuchli mamlakatlar orasida har tomonlama ko'rsatishga urinmoqda. Bunga asoslardan biri – mamlakatning kattaligi, sanoati taraqqiy qilgan ulkan davlat hisoblanishidir. Bu esa jismoniy tarbiya va sport taraqqiyotiga ham ijobiy ta'sir ko'rsatmoqda.

## O‘z-o‘zini tekshirish uchun savol va topshiriqlar

1. Sovet sportchilari xalqaro sport maydonlarida qachon-dan buyon ishtirok etgan?
2. SSSR Olimpiya qo‘mitasi qachon tuzildi?
3. Sovet sportchilarning Olimpiya o‘yinlari va jahon sport musobaqalari erishgan yutuqlaridan namunalar keltiring.
4. Rossiya sportchilarining sovetlar jismoniy tarbiyasi harakatiga qo‘sghan ulushlari nimadan iborat?
5. Sobiq Ittifoq yemirilgach, Rossiyada qanday muam-molar vujudga keldi?
6. Rossiyada sport tashkilotlarining qayta shakllantirilishi nimalardan iborat bo‘ldi?
7. Rossiyadagi spartakiadalar va boshqa shakllardagi sport musobaqalariga tavsif bering?
8. Rossiyaning xalqaro sport va Olimpiya harakatidagi faoliyatlari nimalardan iborat?

## Adabiyotlar

1. O‘zbekiston Respublikasining konstitutsiyasi – T.: 1992.
2. O‘zbekiston Respublikasining «Jismoniy tarbiya va sport to‘g‘risida»gi qonuni – T.: 2000 y.
3. O‘zbekiston Respublikasi Vazirlar Mahkamasining «O‘zbekistonda jismoniy tarbiya va sportni yanada rivojlanti-shish chora-tadbirlari to‘g‘risida»gi Qarori; 1999-yil 27-may.
4. I.A.Karimov O‘zbekiston kelajagi - buyuk davlat – T.: 1992 y.
5. I.A.Karimov – bizdan ozod va obod Vatan qolsin – T.: 1992 y.
6. I.A.Karimov – O‘zbekiston XXI asrga intilmoqda – T.: 2000 y.
7. Jismoniy tarbiya tarixi, darslik (tarjima) – T.: 1968 y.
8. V.V.Stolbov. Istorya fizicheskoy kulturi i sporta – M. 2002 g.

9. A.K.Akramov. O'zbekistonda jismoniy madaniyat va sport tarixi; o'quv qo'llanma, —T.: 1997-y.
10. R.Abdumalikov, J.E.Eshnazarov (ajdodlar jismoniy ma-daniyati tarixini o'rghanish masalalari) o'quv qo'llanma—T.: 1993 y.
11. A.Q.Hamraqulov, G.T.Yusupov va boshqalar. Olimpiya bilimlari asoslari, o'quv qo'llanma T.:2002 y.
12. B.X.Haydarov, R.Abdumalikov (talaba) sport klubi—T.: 2004 y.

## **IKKINCHI BO‘LIM. XALQARO SPORT VA OLIMPIYA HARAKATI TARIXI**

### **VII bob. XALQARO SPORT VA OLIMPIYA HARAKATI-NING VUJUDGA KELISHI HAMDA DASTLABKI RIVOJLANISHI**

#### **7.1. Xalqaro sport va olimpiya harakatining vujudga kelish sabablari**

Xalqaro sport va Olimpiya harakatining vujudga kelishi XIX asrning oxirgi yillariga to‘g‘ri keladi. Bu davrlarda tarix sahnasida nisbatan osoyishtalik hukm surayotgan bir payt edi. Xalqaro sport va Olimpiya harakatining vujudga kelish sabablari ko‘pgina rasmiy manbalarda izohlangan. Ularni quyidagicha sharhlash mumkin.

**Ijtimoiy-iqtisodiy sabablari.** Xalqaro sport aloqalarining vujudga kelish sabablaridan biri, jahondagi mamlakatlarda ijtimoiy-iqtisodiy va madaniy jarayonlarning rivojlanishida, deb bilish zarur bo‘ladi. XIX asrning oxirlarida Germaniya, Angliya, Fransiya, AQSH, Rossiya, Italiya kabi taraqqiy etgan davlatlar iqtisodiy va madaniy jihatdan ancha yuqori darajaga ko‘tarildi. Bu davrda ishlab chiqarish, fan, ta’lim tez rivojlandi. Bu jarayonlar ishlab chiqarish, xalqaro uyushmalar, trestlar, sindikatlami va bir qator boshqa yangi tarmoqlami tashkil etish bilan birgalikda davom etdi. Yevropa mamlakatlari va Amerikada ilmiy-texnik taraqqiyot jarayonining mahsuli sifatida aloqa va kommunikatsiya vositalari yuzaga keldi. Chegaralangan kichik doiradagi milliy jarayonlar jamoat taraqqiyotiga putur yetkaza boshladи. Bunday sharoitda turli sohalar bo‘yicha xalqaro munosabatlarni kuchaytirish, ya’ni iqtisodiy, ilmiy, madaniy va sportdagи aloqalarni bog‘lash qonuniyat darajasiga yetdi.

XIX asrning oxiri nisbatan tinchlik-osoyishtalik bilan o'tdi. Fransiya-Yaponiya urushidan (1870–1871) va Parij Kommunasidan (1871) boshlab, rus-yapon urushigacha (1904–1905) va Rossiyatagi birinchi inqilobgacha (1905–1907) jahonda hech qanday yirik urushlar bo'lmagan edi. Bunday holat mamlakatlارaro aloqalar va sportni rivojlantirishga qulaylik yaratdi.

Jamoat harakatlari yoshlар orasida jismoniy tarbiyani rivojlantirish bo'yicha jamoatchilik (ommaviy) harakatining yuzaga kelishi ham bunga katta sabab bo'ldi. XIX asrning so'nggi choragi jamoat arboblari, tibbiyotchilar, pedagoglarning yoshlarga ta'lim berish, jismoniy jihatdan rivojlantirishga qaratilgan umumiylar harakatlari, faoliyatları ancha ken-gaygan davr edi.

Bu jarayonlarda jismoniy tarbiya va sportning yangi shakllari, usullarini izlash boshlandi. Ba'zi mutafakkirlar milliy jismoniy tarbiya va sport bilan chegaralanib qolmasdan, balki xalqaro sport aloqalarini o'rgatishni tavsiya etib may-donga chiqdilar. Bu yo'lida Fransiya, Yunoniston, Angliya, Germaniya, Rossiya, AQSH, Shvetsiya va boshqa mamlakatlarning jamoatchiligi o'z faoliyatları bilan alohida ajralib turar edi. Yoshlarni jismoniy tarbiyalash maqsadida olimpiya o'yinlaridan foydalanish kabi fikrlar ham bildiriladi. Bu to'g'rida chex pedagogi Ya.A.Komenskiy, nemis gimnastika maktabining asoschilari I.X.Guts-muts va G.Fit, rus jismoniy ta'limi tizimining asoschisi P.F.Lesgaft va boshqalar bir necha bor ta'kidlashgan. Ular qadimgi yunon olimpiya o'yinlari kabi musobaqalarni tashkil etish – yoshlarni jismoniy va ma'naviy jihatdan tarbiyalash yo'lida ko'p xizmat qilishi mumkinligini e'tirof etganlar.

**Olimpiadalarga oid arxeologik qazishlar.** Yoshlarni jismoniy tarbiyalashning modeli (namuna) sifatida qadimgi Olimpiya o'yinlaridan foydalanish g'oyalari ommalashib bordi. Bunda qadimgi Olimpiya qishlog'ini arxeologik qazishlar natijasi muhim ahamiyatga ega bo'ldi. XVIII asrda arxeolog olimlarning diqqat-e'tiborini qum va loyqalar bosib yotgan qadimgi Olimpiada o'yinlarining o'mi o'ziga jalb et-

gan edi. Eng avvalo, qadimgi Olimpiya joyini Bernard de Monfakon (Fransiya), keyin nemis olimi Ioaxim Vinkelman, inglez arxeologi Richard Gandmer va boshqalar aniqladi. XIX asr boshida birinchi qazish ishlari o'tkazildi. Nemis arxeologi Ernest Kurside (1814–1896) boshchiligidagi o'tkazilgan qazish ishlari ancha muvaffaqiyatli o'tdi. Olti mafrota tashkil etilgan ekspeditsiya (1875–1881) natijasida Olimpiyada ko'p sonli arxitektura inshootlari va haykallarning qoldiqlari topildi. 1887-yilda arxeologik qazish ishlari ning natijalari matbuotda e'lon qilindi. Bu esa qadimgi olimpiya o'yinlariga bo'lgan qiziqish va havasni oshirib yubordi. Shu asosda jamoatchilik doirasida olimpiya harakatini tiklash g'oyalari tug'ildi.

**Sportning rivojlanishi va XSUni tuzish.** Xalqaro sport va Olimpiya harakatining vujudga kelish sabablaridan eng muhimi—sportni rivojlantirish va xalqaro sport uyushmalarini (XSU) tuzish harakati bo'ldi. Hozirgi davr sporti XVIII–XIX asrlardagi yirik ijtimoiy o'zgarishlar, ishlab chiqarish jarayonidagi inqiloblar, harbiy ishlar, fan, madaniyat va san'atdagi taraqqiyot mahsulidir.

XIX asrning ikkinchi yarmida juda ko'p hozirgi zamon sport turlari va o'yinlari vujudga keldi. Turli mamlakatlarda sport klublari tashkil etildi, musobaqalar o'tkaziladigan bo'ldi, sport inshootlari (tomosha joylari) qurildi. Angliyadagi Temza daryolarida va Rossiyaning Niva daryosida eshkak eshish hamda yelkan sportini rivojlantirish uchun boy tajribalar to'plangan edi. XIX asrning boshidan buyon maxsus sport turlari bo'yicha musobaqalar o'tkazib borilgan. 1829-yil Angliyada Kembridj va Oksford universitetlari o'rtasida eshkak eshish bo'yicha musobaqa uyushtirildi. 1838-yildan boshlab esa Xenleyen parus va eshkak eshish regatasi o'tkazila boshlaadi.

Rossiyada 1847-yilda Peterburgda yelkan sporti bo'yicha birinchi rasmiy musobaqa o'tkazildi. AQSHda 1852-yilda (Vinnipeg ko'li) eshkak eshish bo'yicha musobaqa tashkil etishdi. Vengriya, Yunoniston, Amerika, Avstraliya va boshqa bir qator mamlakatlarda suzish bo'yicha musobaqalar tashkil etila boshlanadi.

1845-yilda Itonda (Angliya), birinchi yengil atletika musobaqalari o'tkaziladi. 1860-yilda Angliyada 15 ta klub mavjud bo'lib, ular o'rtasida, ayniqsa, universitetlar orasida musobaqalar o'tkazish an'anaga aylandi. 1876-yilda Vengriyada va bir yildan keyin Nyu-Yorkda birinchi yengil atletika musobaqalari uyuştiriladi. Bu sport turi Germaniya, Fransiya va Yunonistonda ham rivoj topdi. Boshqa mamlakatlarda esa u o'z rivojini birmuncha qiyinroq boshlaydi.

Rossiya, Finlyandiya, Shvetsiya va Norvegiya xalqlari orasida chang'i va konkida uchish sporti keng tarqalgan edi. 1769-yilda Oslo shahri yaqinida jahonda birinchi marotaba chang'ida yugurish musobaqasi o'tkazilgan edi. XIX asming 60-yillarida bu sport turlari bo'yicha muntazam ravishda musobaqalar o'tkaziladi. Chang'ida sakrash uchun birinchi tramplinlar vujudga keldi.

Bu davrlarda ko'pgina sport o'yinlari ham rivojlanadi. Futbol texniķasi va taktikasi ancha takomillashtiriladi. Bunda puflab to'ldiriladigan rezinali kameraning yaratilishi (50-yillar) muhim ahamiyatga ega bo'ladi.

1863-yilda Angliyada futbol ligasi tashkil etiladi. Bu hozirgi davr futbolining yaratilish asosini tashkil etgan edi.

Kegli.o'yini, Laun-tennis va kriket ham rivoj topadi hamda ular uchun maxsus o'yin maydonlari quriladi. 1883-yil Regbi shahrida (Angliya) charm to'p o'yini boshlanadi. Bunda bir o'yinchisi to'pni qo'l bilan ushlab oladi va darvoza tomon yugurib borib, uni otadi. Futboldagi qoidani buzgan bu o'yinchining harakati asosida yangi o'yin turi paydo bo'ladi. Bu o'yin shu shahar nomi (Regbi) bilan atala boshlanadi. Keyinchalik bu o'yin boshqa mamlakatlarda ham tez rivojlanadi. AQSHda bu o'yin amerika futboliga aylanadi.

Bu davrlarda rivoj topgan sport turlaridan yana biri boks edi. Angliyada bu sport turi keng tarqalib, XIX asrda profesional turga aylanib ketadi.

Fransiya, Italiya, Germaniya, Vengriya, Rossiya, Angliya, Shvetsiya kabi mamlakatlarda shpaga va rapirada qilichbozlik xalq tarixiga chuqur singib ketgan tur hisoblanar edi. Taniqli kishilar orasida ot sporti, miltiq, to'pponcha va kamondan o'q

otish ham rivojlangan edi. Otchoparlar, otish tirlari qurila boshlanadi va poyga, o'q otish musobaqlari uyuşhtiriladi. XIX asming 60-yillarda ba'zi bir mamlakatlarda velosport bilan shug'ullanishi vujudga keldi. Rossiya, Germaniya Yunoniston, Vengriya kabi asosan kurash mashur edi.

XIX asr oxirlariga kelib jismoniy mashqlar, sport, gimnastika, o'yinlar va sayohatlarni (turizm) bir-biridan ajratish va turlariga bo'lish tizimiga asos solindi.

XIX asming birinchi va ikkinchi yarmida ayrim mamlakatlarda Olimpiya o'yinlarini amaliy jihatdan tiklashga harakat qilindi. 1834–1836-yillarda Shvetsiyaning Ramiyozi shahrida ikki marotaba Skandinaviya Olimpiya o'yinlari o'tkazilgan. Uning dasturidan qisqa va o'rta masofalarga yugurish, balandlikka va langar cho'p bilan (shest) sakrash, kurash kabi turlar joy olgan. Bu o'yinning tashabbuskori Lind universitetining professori Gustav Iogann Shartau bo'lgan. Uning taklifi bilan qadimgi olimpiadalar haqida ma'ruzalar o'qilgan.

Yunonlarning olimpiya o'yinlariga qiziqishi, albatta, ma'lumdir. XIX asrda Yunoniston tomonidan qadimgi olimpiya o'yinlarini qayta tiklash haqidagi takliflar ko'p takrorlangan. Mamlakat mustaqilligi tarafdoi bo'lgan Evangelis Sappas har to'rt yilda o'yinlarni o'tkazish va unda sport, sanoat va qishloq xo'jalik mahsulotlari ko'rgazmalarini tashkil etishni taklif qilgan edi. U olimpiya o'yinlari jarayonida ko'rgazmalar asosida savdo, iqtisod va madaniy aloqalarning o'zaro kuchayishini ko'ra bilgan. U o'z mablag'lari hisobiga ko'rgazma zallari va savdo shaxobchalarini quradi. Uning tashabbusi bilan 1859-yilda Afinada Panorek o'yinlari o'tkazilib, unda faqat yunonlargina ishtirok etgan. Moddiy ta'minotning talabga javob bermagani sababiga ko'ra, bu o'yinlar ahyon-ahyonda (1870, 1875, 1888-yil) o'tkazilgan. Bu o'yinlar musobaqa sifatida yuqori saviyada bo'lmasa-da, olimpiya harakatining qayta tiklanishiga muhim hissa qo'shgan edi.

Mamlakatlardagi sport klublari asta-sekin milliy uyushmalar va ligalarga birlasha boshladи. 1868-yilda Germaniyada barcha gimnastika uyushmalari Nemis gimnastika üyushmasiga birlashdi. 1888-yil AQSHda havaskor atletik uyushma, 1903-yil

Shvetsiyada — umumshved sport uyushmasi tashkil etildi. Umummilliy sport tashkilotlari boshqa mamlakatlarda ham yuzaga kela boshladi. Bu uyushmalarning boshida asosan yirik kapital egalari turar edi. Ular ko'pincha metsenat (homiy) sifatida klublar, ligalar, uyushmalarning faoliyatini taqdirlash bo'yicha ishtirok etishgan.

XIX asr oxirida mamlakatlardagi sport tashkilotlarining o'zaro tajriba almashish faoliyatlari yuzaga kelib, keyinchalik ular Xalqaro sport uyushmalariga asos solganlar.

1881-yilda jahonda birinchi marotaba Yevropa gimnastika uyushmasi tashkil etilgan. Shu yilning o'zida esa Xalqaro gimnastika federatsiyasi (DIJ) tashkil topgan. 1882-yilda Konkida uchish Xalqaro uyushmasi (ISU) va Xalqaro eshkak eshish federatsiyasi (FISA), 1900-yilda Xalqaro velosport uyushmasi (USI), 1904-yilda Xalqaro futbol federatsiya-assotsiatsiyasi (FIFA), 1908-yilda Xalqaro havaskorlik suzish federatsiyasi (FINA), va Xalqaro muz ustida xokkey ligasi, 1912-yilda Xalqaro yengil atletika havaskorlik federatsiyasi (IAAF), 1913-yilda Xalqaro nayzabozlik federatsiyasi (FIB) tashkil etilgan.

1885-yilda Xalqaro Xristian yonlar uyushmasi (UMSA) sport departamenti bilan birgalikda tashkil etildi. 1902-yilda esa «Makkabi» uyushmasi, ya'ni yahudiylar tashkiloti tuzildi.

Shu tariqa xalqaro sport uyushmalari va olimpiya qo'mitasini tashkil etishiga sharoitlar yaratiladi.

## 7.2. Birinchi xalqaro Kongress

Qadimigi olimpiya o'yinlarining o'tkazilishi to'xtatilganidan keyin (394 y.) roppa-rosa bir yarim ming yildan oshiq vaqt o'tdi. 1894-yilda Xalqaro Olimpiya qo'mitasining tashkil etilishi va 1896-yil I Olimpiya o'yinlarining o'tkazilishi bilan sport olamining yangi tarixiy davri boshlandi. Bu ikki katta sohaning tashkil etilishi fransuz jamoat arbobi, pedagog va ma'rifatchi baron Pyer de Kuberten (1863–1937) faoliyati bilan chambarchas bog'liqdir.

U zodagon (aristokrat) oilasida tug'ilib, tarbiya oladi. Uning dunyoqarashi demokratiyaga ishonch, sportdagi irq,

millatchilik va kamsitishlarga nafrat ruhida shakllangan. Bir qancha yillar fransuz sport uyushmasida kotib bo'lib xizmat qilgan. U jismoniy tarbiya va sport bo'yicha qator kitoblar ning muallifidir.

Pyer de Kuberten olimpiya o'yinlariga (1912) bag'ishlab o'tkazilgan san'at tanlovida «Sport madhiyasi» poemasi uchun oltin medal bilan taqdirlangan edi. Kubertenning xalqaro olimpiya harakati rivoji uchun qilgan xizmatlari hech bir narsaga almashtirib bo'lmas darajada bebahodir.

Birinchi xalqaro atletik kongress 23-iyun 1894-yilda Parijdagi Sorbonna univresitetida o'tkaziladi. Keyinchalik bu tadbir I Olimpiya Kongressi deb ataladi.

Kongressda 12 mamlakat vakillari ishtirot etadi. 21 mamlakat esa yozma ravishda o'z roziliginini bildiradi. Katta mamlakat hisoblangan Germaniya bundan bosh tortadi, chunki mamlakat tepasidagi harbiylar Olimpiya o'yinlari g'oyalariga qarshi edilar.

Kongressda asosan to'rtta masala muhokama etiladi, ya'ni:

1. Havaskorlik va professional sport haqida.
2. Olimpiya o'yinlarini qayta tiklash to'g'risida.
3. O'yinlarning dasturi va uni o'tkazish tartiblari haqida.
4. Xalqaro Olimpiya qo'mitasining tarkibi haqida.

Kongressda Xalqaro Olimpiya qo'mitasining tuzilganligi haqida qaror qabul qilindi. Uning tarkibiga Yunoniston, Fransiya, Rossiya, Angliya, AQSH, Shvetsiya, Vengriya, Chexiya, Belgiya, Argentina, Yangi Zelandiya vakillari kiritildi. Olimpiya qo'mitasining birinchi Prezidenti etib yunonistonlik Demetrius Vikelas (1894–1896) saylandi. Keyinchalik uning o'mini Pyer de Kuberten egalladi va to 1925-yilgacha XOQ Prezidenti sifatida faoliyat ko'rsatdi. So'nggi 12 yil davomida u XOQ Faxriy Prezidenti deb hisoblandi.

Kongressda Olimpiya xartiyasi (Ustav) tasdiqlandi. Unda XOQning maqsad va vazifalari, o'yin qoidalari va ular bilan bog'liq asosiy masalalar ifoda etilgan edi.

I Kongress Xalqaro Olimpiya harakatida muhim ahamiyatga ega bo'ldi. Uning mohiyati keyingi Olimpiya harakatini rivojlantirishda asosiy o'rinda turadi. Kongress kun

tartibidagi barcha masalalarni ko'rib chiqib, tegishli qarorlarni qabul qildi.

### 7.3 Olimpiya g'oyalarining amalga oshishi

Olimpiya Kongressida I Olimpiya o'yini Afinada o'tkazish haqida qaror qabul qilingan edi. Antik Olimpiya o'yinlari vatani yunoniston bo'lganligi va D.Vikelasning XOQ Prezidenti qilib saylanishi buning asosiy sababi edi.

1896-yil 6-aprelda Afinada I Olimpiya o'yini ochildi. O'yinlarga 14 mamlakatdan 245 nafar sportchi keldi. Ular Avstraliya, Avstriya, Bolgariya, Buyuk Britaniya, Vengriya, Germaniya, Yunoniston, Daniya, Italiya, AQSH, Fransiya, Chili, Shveysariya, Shvetsiya mamlakatlarining vakillari edi. O'yinlar dasturiga ko'ra 9 tur: yengil atletika, gimnastika, suzish, yuk (tosh) ko'tarish, kurash, o'q otish, qilichbozlik, velosiped poygasi va tennis bo'yicha kurashlar olib borildi. Yengil atletika turida AQSH sportchilari 9 ta (12 tadan) yuqori natijalarni qo'lga kiritdi. Uch hatlab sakrashda D.Konnoli birinchchi Olimpiya championi bo'ldi. Gimnastika turida Germaniya sportchilari g'olib bo'ldi. K.Shuman tayanib sakrashda eng yaxshi natijaga erishdi. Velopoygada fransuz P.Masson g'olib keldi.

Tennisda ingliz D.Boland, suzish venger A.Xayosh ustunlik qilishdi. Otish va qilichbozlik bo'yicha ochkolar to'plashda yunonlar yuqori ko'rsatkichlarga erishib, g'olib bo'lishdi. Yunonlar umumiy ochkolar bo'yicha birinchilikni egalladi. Amerikalik R.Garret disk uloqtirishda va yadro irg'itishda g'olib bo'ldi. Shuningdek, u uzunlikka sakrashda ikkinchi va balandlikka sakrashda uchinchi o'rinni egallab, barchaning e'tiborini qozonishga sazovor bo'ldi. Qiziqarli tomoni shundaki, Garret o'yinlarga tasodifan tushib qolgan. Chunki u Yunonistonda o'z ta'tilini o'tkazib yurganda, Olimpiya o'yinlari haqidagi xabami eshitadi va jamoa ro'yxatiga o'z ism-sharifini kiritadi. U umrida disk uloqtirmagan, faqat o'yindan 3 kun oldin mashq qilib o'rgangan. Uning tabiiy qobiliyati va sport-dagi faoliyatları Olimpiya championi bo'lishga sabab bo'lgan.

70 ming tomoshabin sig‘adigan stadiondagilaming e’tiborini yunon dehqoni Sandros Adis jalg etadi. U marafon yugurishida g‘olib kelgan (Marafon shahridan Afinagacha bo‘lgan masofa – 42 km. atrofida).

Afinadagi Olimpiya o‘yinlari maqsaddagidek bo‘lib o‘tdi. Kubertenning boshlagan harakati to‘la amalga oshdi. Bu XX asrning eng diqqatga sazovor tadbirlaridan biriga aylandi va Olimpiya o‘yinlarining har to‘rt yilda o‘tkazib borilishiga asos soldi.

Xulosa qilib aytganda, Xalqaro sport uyushmalarining tashkil etilishi va xalqaro sport musobaqalarining o‘tkazilishi qadimgi yunon olimpiya o‘yinlarini qayta tiklashga sabab bo‘ldi. Bu yo‘lda Yevropa mamlakatlarining hissasi g‘oyat kattadir.

Xalqaro Olimpiya o‘yinlarini tashkil qilishdagi harakatlarda fransuz jamoat arbobi Pyer de Kubertenning tinimsiz va mashaqqatli mehnatlari hamda yunon xalqining o‘z an‘analariga sodiqligi tarixda o‘chmas iz qoldirdi.

I Olimpiya o‘yinlari faqat ishtirok etgan davlatlarninggina emas, balki jahondagi juda ko‘p mamlakatlarning sportchilari, yoshlari va mutaxassislarini dadil qadamlar bilan Olimpiya harakatini rivojlantirishga rag‘batlantirdi.

### **O‘z-o‘zini nazorat qilish uchun savollar**

1. Hozirgi zamон xalqaro sport va olimpiya harakatining yuzaga kelishiga qanday sabablar bo‘ldi?
2. I Xalqaro atletik kongressi qachon va qayerda o‘tkazildi?
3. Pyer de Kubertenning Olimpiya o‘yinlarini tiklashdagi asosiy faoliyatlar ni madan iborat edi?
4. I Olimpiya o‘yinlari haqida bat afsil gapirib bering.
5. I Olimpiya o‘yinlari championi va marafon yugurishdagi championlar kimlar edi?
6. I Olimpiya o‘yinlarining kelgusi o‘yinlar uchun qanday ahamiyati bo‘ldi?
7. Qo‘srimcha ma‘lumotlarni (marafon haqidagi tushunchaga) izlab toping.

## VIII bob. XX ASRNING BIRINCHI YARMIDA XALQARO SPORT VA OLIMPIYA HARAKATI

### 8.1. Xalqaro sport harakatining kengayishi

XX asrning birinchi yarmida jismoniy madaniyat va sport ma'lum darajada rivoj topdi. Xalqaro sport federatsiyalari faoliyati yo'lga tushib, ancha takomillashdi. Yangidan xalqaro sport uyushmalari tuzila boshladi. XX asrning 20–30-yillarida tarkib topgan va rivojlangan sport turlari bo'yicha Xalqaro sport uyushmalari (XSU) tashkil topdi. Bunda xalqaro og'ir atletika sport federatsiyasi (IVF, 1920), ot sporti (FES, 1921), chang'i sporti (FIS, 1924), chimi xokkeyi (DIX, 1924), shaxmat (FIRE, 1924), stol tennisi (ITTF, 1926), kamondan o'q otish (FITA, 1931), alpinizm (UIIA, 1932), basketbol (FIBA, 1932), badminton (IBF, 1934), regbi (FIRA, 1934) kabilar o'z maqomiga ega bo'ldi. 1924-yilda Sport matbuoti xalqaro assotsiatsiyasi, 1928-yilda Sport tibbiyoti xalqaro assotsiatsiyasi tuzildi. 1920–1941-yillar mobaynida 43 ta xalqaro sport tashkilotlari tashkil etilgan edi. Ularning 32 tasi sport turlari bo'yicha edi. Xalqaro sport musobaqalarining kalender rejalarini ancha kengaydi. Olimpiya o'yinlari yana tiklanib, davom etdi. Jahon va Yevropa miqyosida ba'zi bir sport turlari bo'yicha championatlarni o'tkazish davom etdi.

Kalendorlarda 20–30-yillarda xalqaro ishchi olimpiadalari, spartakiadalar, slyotlar, hududiy musobaqalarni tashkil qilish boshlandi.

**Xalqaro talabalar sporti.** Sport olamida sifat jihatdan yangi yo'naliш, ya'ni talabalar sport harakati vujudga keldi. Bunda jahon talabalarining championati e'tiborga loyiqdir.

Talabalar sporti Angliya, AQSH, Fransiya, Germaniya, Shvetsiya va boshqa mamlakatlarda keng rivojlandi. Lekin

Birinchi jahon urushi bunga to'sqinlik qildi. Urushdan keyin bu harakat qayta tiklanadi. 1923-yilda fransuz jamoat arbobi Jon Potijonning tashabbusi bilan Parijda Xalqaro talabalar sport uyushmasi tashkil etildi. U qishki va yozgi Xalqaro championatlarni universitetlar orasida o'tkazishni o'z zimma-siga oladi. Shu tariqa 1924-yilda yozgi va 1928-yilda qishki sport turlari bo'yicha championatlarni o'tkazishga asos solindi.

Mintaqaviy regional o'yinlar XX asrning birinchi yarmidagi kalendarlarda sportni ommalashtirish maqsadida turli mintaqalarda musobaqalar o'tkazishni ko'zda tutdi. Bu, o'z navbatida, sportni baynalmilallashtirishga qaratilgan edi. Ularga ilk bor o'tkazilgan Uzoq Sharq o'yinlari misol bo'la oladi. 1913-yilda boshlangan o'yinlar 20–30-yillarda davom ettirildi. Shaxmat (1921), Osaka (1923), Manila (1925), Tokyo (1930) va boshqa shaharlarda o'yinlar o'tkazildi. Harbiy harakatlarning kuchayishi oqibatida bu o'yinlar to'xtab qoldi.

Markaziy Amerika va Karib dengizi o'yinlari ham o'tkazildi. 1926-yilda Meksikada, 1930-yilda Kubada, 1935-yilda Salvadorda, 1938-yil Panamada bunday o'yinlar tashkil etilgan edi.

Shuningdek, I Bolivar o'yinlarida Shimoliy va Janubiy Amerika sportchilari ishtirok etdi. 20–30-yillarda Bolqon o'yinlari ham tarkib topdi.

**Jahon va Yevropa championatlari.** XX asrning birinchi yarmida xalqaro sport musobaqlari kalendariga muvofiq sport turlari bo'yicha jahon va Yevropa championatlarining o'tkazilishi muhim voqealardan bo'ldi. Jahon championatlari kalendarida shaybali xokkey (1924-yildan boshlab), futbol (1930-yildan boshlab), kamondan o'q otish (1931), qilichbozlik (1937), baydarka va kanoeda eshkak eshish (1938) kabi sport turlari mavjud edi. Yevropa birinchiliklari esa boks, suzish, suvgaga sakrash, suv polosi, yengil atletika, basketbol, baydarka va kanoeda eshkak eshish va boshqa sport turlari bo'yicha o'tkazildi.

Xotin-qizlar o'rtaida musobaqalarni o'tkazish eng qiziqarli tadbirlardan biriga aylandi. Kamondan o'q otish

(1931), konkida uchish (1936), qilichbozlik (1937) kabi turlar bo'yicha jahon championatlari o'tkazildi. Yevropa birinchiliklari esa suzish (1927), qilichbozlik (1929), konkida uchish (1930), yengil atletika (1938) kabi turlar bo'yicha an'anaga aylandi.

**Ishchilar sport harakati.** Ishchilar sporti inqiloblaming ko'tarilishi tufayli bir qator mamlakatlarda oldingi safga qo'yila boshladi va ishchilar sport tashkilotini tuzish hamda Xalqaro sport harakatini muvosfiqlashtirish masalalari kuchaydi. Birinchi urinish 1913-yilning qiyin sharoitlarida boshlangan edi. 1920-yilda Lyusernda (Shveysariya) ishchilar sport tashkilotlarining Kongressi o'tkazildi. Unda Germaniya, Avstriya, Fransiya, Vengriya, Belgiya, Finlyandiya kabi mamlakatlarning vakillari ishtirok etdi. Bunda Xalqaro ishchilar sporti va jismoniy madaniyat uyushmasi ta'sis etildi. Uni kongress o'tkazilgan shahar (Lyusern) nomi bilan atashdi. Yangi tashkilot Lyusern sport internatsionali (LSI) deb yuritila boshladi. Rahbarlikni II Internatsional boshliqlari (Germaniya, Avstriya, Belgiya sotsial-demokratlari) olib borishdi.

O'z navbatida 1921-yilning iyulida Moskvada III Komunistik internatsionalning xalqaro ishchilar sport tashkiloti kongressi bo'lib o'tdi. Unda Rossiya, Chexoslavakiya, Germaniya, Fransiya, Vengriya, Finlyandiya, Italiya kabi mamlakatlarning vakillari qatnashdi. Kongressda ishchi-dehqon jismoniy tarbiya tashkilotlarining xalqaro uyushmasi ta'sis etildi va uning nomi Qizil sport internatsionali (QSI) deb yuritildi. Uning rahbari etib harbiy N.I.Podvoyskiy saylandi. Shu tariqa QSI Xalqaro ishchilar fronti mustahkamlanib bordi. Bu tashkilot sportni fashistlashtirish va militarizatsiya qilishga qarshi tashabbus bilan chiqdi. Bu, o'z navbatida, ikki tizimdagи xalqaro ishchilar sporti harakatining bir-biriga qarama-qarshi amaliyotini vujudga keltirdi, ya'ni LSK burjua sotsial-demokratik oqimda, QSI (KSI) esa kommunistik siyosiy harakatlar oqimida faoliyat ko'rsatishdi.

1924-yil boshlarida chet mamlakatlar sportchilari sovet sportchilari bilan aloqa o'matib, bir qator uchrashuvlar

o'tkazdilar. 1922–1923-yillarda fin sportchilari SSSRga tashrif buyurishdi. 1924-yilda sovet yengil atletikachilari Fransiya va Germaniyaga borishdi. Futbol bo'yicha xalqaro uchrashuvlar boshlandi.

1925-yilda LSI Frankfurt-na-Mayneda Xalqaro ishchi-sportchilarning olimpiadasini o'tkazdi. Bunga QSI (KSI) va killari qo'yilmadi.

1928-yilda Moskvada o'tkazilgan Umumittifoq I spartakiadada 14 mamlakatdan 612 sportchi ishtirok etdi.

1931-yilda KSI va LSI Sotsialistik ishchi sport internationali (SISI-SASI) nomiga aylantirildi.

1934-yil Parijda sportchilarning fashizmga qarshi Xalqaro anjumani o'tkazildi. Bunda sovetlarning vakili ishtirok etib, fashizmga qarshi kurashni kuchaytirishni ma'qulladi.

1937-yil Antverpenda (Belgiya) Xalqaro ishchi-sportchilar III olimpiadasi o'tkazildi. U jahon ishchi-sportchilarining birlik bayrami bo'ldi. Unda sovet sportchilarining katta bir guruhi ishtirok etdi.

Ikkinchi jahon urushi davrida Xalqaro ishchi-sportchilar uyushmalari o'z faoliyatlarini to'xtatishga majbur bo'ldilar. Urush davrida Xalqaro sportchilar uyushmalarining namoyandalari bo'l mish yetuk sportchilarning ko'pchiligi fashist-larga qarshi janglarda mardonavor kurashib g'olib bo'lishdi.

## 8.2. Yozgi va qishki Olimpiya o'yinlari

**Yozgi Olimpiya o'yinlari Afinadan Stokgolmgacha.** P.Kubertenning g'oyasi bo'yicha olimpiya o'yinlari turli shaharlarda o'tkazila boshladi, bu olimpiya harakati xalqaro tus oldi.

XX asr o'yini sifatida II Olimpiya o'yinlari 1900-yil Parijda tashkil etildi. O'yinlar 3 oy davom etdi. (Afinadagi I Olimpiya o'yinlari 10 kunda tugagan edi). O'yin dasturiga akademik eshkak eshish, 200 m.ga yugurish, bosqon uloqtirish, yelkan sporti, suv polosi, regbi, futbol, otda yurish, kamondan o'q otish, golf o'yini kabilar yangidan kiritildi. Ochkolar toplash bo'yicha Fransiya sportchilari

ustun kelib, birinchi bo‘lishdi.

III Olimpiya o‘yini Sent-Luisda (AQSH) 1904-yilda o‘tkazildi. Unda 13 mamlakatdan 687 sportchi ishtirok etdi. Tashkilotchilar qizil tanlilar uchun o‘yinlarga alohida kun ajratishdi va ularni «antropologik» deb atashdi. Bunga P.Kuberten qarshi chiqdi, ya’ni irqiy kamshitishlarga sportda yo‘l qo‘ylmasligini ta’kidladi.

Bu o‘yinda yangidan boks, minoradan suvgan sakrash, erkin kurash bo‘yicha ham musobaqalar tashkil etildi.

1906-yil Yunonistonda I Olimpiadaning 10 yilligini nishonlash uchun «Olimpiada oralig‘i» musobaqalari o‘tkazildi. U milliy doiradagina tashkil etildi va 20 davlatdan 2 ming kishi qatnashdi.

IV Olimpiada 1908-yilda Londonda tashkil etildi. Unda 22 davlatdan 2035 sportchi ishtirok etdi. Angliya sportdagi eski an'analar va ilg‘or tajribalarga ega bo‘lgan barcha tadbirlarni o‘yinlarda namoyish etdi.

Rus sportchilari birinchi marotaba (8 kishi) Olimpiya o‘yinlarida ishtirok etdilar.

V Olimpiada 1912-yil Stokgolmda tashkil etildi va unda 28 mamlakatdan 2437 sportchi qatnashdi. Masobaqalar das-turiga yangidan hozirgi zamon beshkurashi, 5-10 km.ga yugurish, yengil atletika estafetasi (4x100 va 4x400 m.) kiritildi. Xotin-qizlar suzish bo‘yicha birinchi marotaba ishtirok etishdi.

VI Olimpiya o‘yinlari 1916-yil Berlinda o‘tishi lozim edi lekin Birinchi jahon urushining davom etishi, uning sababchisi Germaniya ekanligi tufayli bu o‘yinlar o‘tkazilmadi. Lekin XOQning qarori bilan o‘yinlarning tartib soni (VI o‘yin) hisobda saqlanishi ko‘zda tutildi.

VII Olimpiada Antverpen (Belgiya) shahrida 1920-yilda o‘tkazildi. O‘yinlarga Germaniya sportchilari qo‘yilmadi, shuningdek, yosh sovetlar mamlakati ham o‘yinlarga taklif etilmadi. Chunki avvalgi Rossiya xalqaro miqyosda o‘z mavqeini yo‘qotgan edi.

O‘yinlarda 23 mamlakatdan 2607 nafar sportchi ishtirok etdi. Yengil atletika turlarida AQSH sportchilari ancha ustun

keldi, Finlandiya sportchilari ham muvaffaqiyatli qatnashdi. Norasmiy hisoblarga ko'ra, ko'p ochko to'plagan AQSH jamoasi bиринчи, Shvetsiya – иккинчи, Angliya – учинчи va Finlyandiya – то'ртинчи o'rinni egalladi.

VIII Olimpiada Parijda 1924-yilda o'tkazildi. O'yinlarda 44 mamlakatdan 3072 sportchi qatnashdi. Ko'pgina sport turlari bo'yicha AQSH sportchilari yaxshi natijalarga erishib, ustunlikka ega bo'lishdi.

IX Olimpiada Amsterdamda 1928-yilda tashkil etildi, unda 46 mamlakatdan 2884 sportchi ishtirok etdi.

X Olimpiada Los-Anjelesda (AQSH) 1932-yilda o'tkazildi. Bunda 38 mamlakatdan 1873 sportchi qatnashdi. Yengil atletika va boshqa sport turlarida juda ko'p rekordlar o'rnatildi. E.Tollan (AQSH) 100 m. masofaga yugurishda 10,3 soniya bilan rekord o'rnatdi. Bu natija XVII Olimpiada o'yinlarigacha (1960) o'zgarmadi. Suvda suzish bo'yicha yaponlar 5 ta oltin medalga sazovor bo'lib, AQSH sportchilaridan ustun keldi.

XI Olimpiada Berlinda 1936-yilda o'tkazildi. Lekin bunda XOQ va Xalqaro sport federatsiyalari qatnashmadi, chunki Germaniyada fashizm rivojlanib borayotgan edi. Bu millatchilik va bosqinchilikka qaratilgan edi. Shunday bo'lsada, 43 mamlakatdan 3936 sportchi o'yinlarda ishtirok etishdi. Amerikalik yengil atletikachi Jessi Ovens 4 ta oltin medal olishga erishdi, ya'ni u 100, 200 m.ga yugurish, uzunlikka sakrash va 4x100 m. estafetada g'olib chiqdi.

XII va XIII Olimpiya o'yinlari (1940, 1944-yillar) Ikkinchi jahon urushi tufayli o'tkazilmadi.

XIV Olimpiada Londonda 1948-yil tashkil etildi. Unda 53 mamlakatdan 4092 sportchi ishtirok etdi. Bu o'yinga XOQ Germaniya va Yaponiyani qo'ymadni, chunki ular Ikkinchi jahon urushining boshlanishi hamda rivojlanishining bosh sabachilaridan emas, balki jangovor rahbarlari edi. Bu o'yin urush yillarda kam talafot ko'rgan mamlakatlarga katta g'alabalar keltirdi. Medallar soni va ochkolar hisobi bo'yicha AQSH bиринчи, Shvetsiya – иккинчи, Fransiya – учинчи va Vengriya – то'ртинчи o'rinni egalladi.

Xullas, XX asrning birinchi yarmida o'tkazilgan II–XIV Olimpiya o'yinlari (1916, 1940, 1944-yillar mustasno) jahon sporti taraqqiyotining eng muhim bosqichlari bo'lib hisoblandi. Bu o'yinlar haqida qisqa ma'lumotlar berildi. Shu sababdan, Xalqaro Olimpiya harakati bilan qiziquvchi yoshlар va havaskorlar rus tilidagi o'quv-uslubiy qo'llanmalardan foydalanishlari mumkin (adabiyotlar ro'yxatiga qarang).

**Qishki Olimpiya o'yinlari.** Qishki sport turlari va ularning xususiyatlari mazmunan jismoniy barkamollikni tarbiyalash-dagi o'rni bebahodir. Lekin afsuski, bu turlar Markaziy Osiyo mamlakatlarida deyarli rivojlanmagan. Tog'li hududlardagi qorlarda chang'ida uchayotgan yoki chang'ida akrobatik sakrashlarni bajarayotgan kishilar uchrab turadi, albatta. Lekin ular ham o'ta qisqa vaqt mobaynidagina tog' bag'rida shug'ullanadigan havaskor yoki professional sportchilardir. Bu sport turlari aholi orasida keng ommalashmagan, qolaversa, ijtimoiy-madaniy turmush va milliy xususiyatlarga yaqin bo'lмаган turlardir. Shu sababdan ham, qishki Olimpiya o'yinlaridagi ulkan yutuqlar, tengi yo'q ilg'or tajribalar haqida batafsil to'xtalishga hojat yo'q. Lekin mutaxassislar, yosh ijodkorlar va talabalar mustaqil ravishda boshqa ma'lum adabiyotlardan (ayniqsa, Moskvada rus tilida nashr etilgan) unumli foydalanishlari maqsadga muvofiqdir.

**Shamoni.** Fransiyaning tog'li hududi bo'lgan Shamonda I qishki Olimpiya o'yinlari tashkil etildi. Musobaqa dasturida konkida uchish, chang'i poygasi, slalom, tramplindan chang'ida sakrash, shaybali xokkey, bobsley va konkida figurali raqlar (kartansh) mavjud edi. Ta'kidlash lozimki, Parij 1924-yilda yozgi VIII Olimpiya o'yinlarini o'tkazishga bag'ishlab Xalqaro sport haftaligini (I qishki Olimpiada) tashkil qilgan edi. Buni XOQ 1925-yilda (bir yildan keyin) haqiqiy Olimpiada deb tan oldi va tasdiqladi.

O'yinlarda finlardan K.Tunberga ikkita oltin medal oldi. 12 yoshlari norvegiyalik qiz S.Xeni ham ishtirot etadi. Keyinchalik u uch marotaba olimpiya championi bo'lgan. Finlar konkida uchishda birinchi o'rinni egalladi. Figurali uchishda Shvetsiya va chang'ida Norvegiya g'olib bo'lishdi. Xokkeyda

esa Kanada g'olib keldi.

1924-yil Shveysariyada II qishki Olimpiya o'yinini tashkil etildi. Norvegiyaning figurali uchuvchi qizi S.Xeni Olimpiya championi bo'ldi. Xokkey bo'yicha Kanada jamoasi g'olib chiqdi.

**Leyk-Plesid.** III qishki Olimpiya o'yini 1932-yil AQSHda bo'ldi. O'yinlarda umumiy hisobda AQSH g'olib deb topildi.

**Garmish-Partenkirxen** (Germaniya) – 1936-yil IV qishki o'yinlar Germaniyada tashkil etildi. Fashistlar Olimpiya o'yinlaridan o'z maqsadida foydalandilar.

Ikkinci jahon urushi va xalqaro siyosiy qaramaqarshiliklar tufayli keyingi yillarda qishki Olimpiya o'yinlari o'tkazilmadi. V qishki Olimpiya o'yinlari 1948-yil Shveysariyada o'tkazildi. Chang'i va konkida uchish turlari bo'yicha ustunlik an'anaviy ravishda shimoliy mamlakatlarga mansub bo'lganligi tufayli Olimpiya o'yinlarida ular g'olib kelishdi. Tog' chang'isi sportida – fransuzlar, shveysariyaliklar va avstraliyaliklar ustun chiqdi. Shaybali xokkeyda Kanada va Chexiya sportchilari finalga yetib kelishdi. Ba'zi bir ustunliklarga (hisoblar teng edi) asoslanilgan holda Kanada sportchilari g'olib deb topildi.

Yakka holda konkida figurali uchishda erkaklar va ayollar bahsida AQSH birinchi marotaba qatnashdi. Richard Batton (AQSH) va Barbara Enn Skott (Kanada) g'olib chiqishdi. Jamoalar hisobida teng ochkolarga (10:4-3-3) ega bo'lgan Shvetsiya va Norvegiya g'olib deb hisoblandi.

Xulosa. XX asrning birinchi yarmida o'tkazilgan yozgi va qishki Olimpiya o'yinlari jahon mamlakatlarida sportning to-bora taraqqiy etib borayotgani va sportchilarni tayyorlashda yangi-yangi usullarning kelib chiqayotganini namoyish etdi. Shu bilan birgalikda, Olimpiya g'oyalarining tinchlik va osoyishtalikni ta'minlovchi amaliy mohiyatlarini isbotladi. Lekin Yevropa mamlakatlaridagi siyosiy va iqtisodiy kurashlar, qarama-qarshiliklar fashizmni vujudga keltirib, jahon urushlariga sababchi bo'ldi. Bunday paytlarda Olimpiya harakati o'z kuchi va g'oyalarini o'tkaza olmadi. Buning sa-

bablaridan biri shundaki, xalqaro sport uyushmalari, Xalqaro Olimpiya qo'mitasi hamda Milliy Olimpiya qo'mitalari te-pasida burjuaziya, kapitalistik tuzum vakillari turar edi. Ular o'z manfaatlari uchun Olimpiya o'yinlaridan ko'ra urushlarni ma'qul ko'rishdi. Shunga qaramasdan, jahon sport hamjamiyati va sportchilarning sa'y-harakatlari bilan Ikkinchchi jahon urushi tugashi bilan Olimpiya o'yinlari an'analari yana davom etdi.

E'tirof etish kerakki, yozgi va qishki Olimpiya o'yinlari natijalari sportning taraqqiy etishi va ularning turlari bo'yicha olimpiya dasturlarining kengayishiga ham sabab bo'ldi. Bar-cha o'yinlarda g'oliblik uchun mamlakatlar o'rtasida keskin bahslar rivojlandi.

### **XX asrning birinchi yarmidagi Olimpiya o'yinlari haqida asosiy ma'lumotlar**

T.r	O'tkazilgan yillar	O'tkazilgan joylar	Qatnashgan mamlakatlar	Sportchilar soni	Birinchi o'rinni egal-lagan mamlakatlar
Yozgi					
I	1896	Afina (Gretsiya)	14	245	Yunoniston
II	1900	Parij (Fransiya)	19	1078	Fransiya
III	1904	Sent-Luis (AQSH)	13	678	AQSH
IV	1908	London (Angliya)	22	2035	Angliya
V	1912	Stokholm (Shvetsiya)	28	2037	Shvetsiya
VII	1920	Antverpen (Belgiya)	29	2067	AQSH
VIII	1924	Parij (Fransiya)	44	3072	AQSH
IX	1928	Amsterdam (Gollandiya)	46	2884	AQSH
X	1932	Los-Anjeles (AQSH)	37	1883	AQSH
XI	1936	Berlin (Germaniya)	49	3936	Germaniya
XIV	1948	London (Angliya)	59	4092	AQSH
Qishki					
I	1924	Shamoni (Fransiya)	16	258	Norvegiya
II	1928	Sankt-Moris	25	464	Norvegiya

		(Shveysariya)			
III	1932	Leyk-Plesid (AQSH)	17	252	AQSH
IV	1936	Garmish-Partenkirchen (Germaniya)	28	668	Norvegiya
V	1948	Sankt-Moris (Shveysariya)	28	669	Shvetsiya

**Eslatma:** Birinchi jahon urushi tufayli 1916-yil VI olimpiada, Ikkinci jahon urushi sababli XII–XIII yozgi va qishki (1940, 1944-yillar) olimpiada o'yinlari o'tkazilmagan.

### 8.3. Xalqaro Olimpiya qo'mitasl (XOQ) va uning prezidentlari Olimpiya Kongresslari

XX asrning birinchi yarmida Xalqaro siyosiy voqealar qanchalik murakkab bo'lmasin, Xalqaro Olimpiya qo'mitasi (XOQ) o'z faoliyatini yuksak darajada olib bordi. Bunda XOQ rahbarlarining xizmatlari juda katta bo'lganligini o'z davrining mutaxassislari e'tirof etishgan. Shu sababdan, bu davrdagi XOQ prezidentlari haqida ba'zi bir ma'lumotlarni keltirish maqsadga muvofiqdir.

Hozirgi zamon olimpiya o'yinlarining asoschisi Pyer de Kuberten olimpiya harakatiga 20 yil (1896–1925) rahbarlik qildi. Ta'kidlanganidek, u hozirgi zamon Olimpiya o'yinlarini o'tkazish yo'lda juda ko'p mehnat qildi, 1925-yilda o'z ixtiyori bilan prezidentlik vazifasidan ozod etildi. U o'z arizasida kelajak uchun vasiyat sifatida olimpiya g'oyalarini rivojlantirish, har qanday qiyinchiliklarga qaramasdan, sportning tinch va ozod mehnat qilish yo'lidagi mohiyatini kuchaytirish zarurligini uqtirdi. Kuberten 1937-yil vafot etdi. Uning qabri Lozanna shahrida, yuragi esa vasiyatiga ko'ra, Olimpiya shahrida saqlanib kelinmoqda.

1925-yilda XOQ Prezidenti etib graf Andri de Baye-Latur (1876–1942) saylandi. U Belgiya davlati va Xalqaro sport arbobi bo'lib, 1906-yil Belgiya milliy Olimpiya

qo‘mitasini tashkil etuvchilardan biri hisoblanadi.

Baye-Latur XOQni 17-yil boshqardi. U XI Olimpiya o‘yinlari arafasida Gitlerning Olimpiya o‘yinlari qatnashchilari va g‘oliblarini tabriklash uchun minbarga chiqishiga rozilik bermagan. Shunday bo‘lsa-da, u bolshevizmga chinakam qarshi edi. Shu sababdan, sovet sportchilari Olimpiya o‘yinlarida qatnashishdan mahrum etilgan.

1942–1946-yillarda olimpiya harakatining faollaridan shved Zigfrid Edstryom (1882–1964) XOQni vaqtincha boshqardi, 1946-yilda esa IV prezident qilib saylandi. U AQSH, Shveysariya va Shvetsiyada ta’lim olgan, ixtisosiga ko‘ra elektrik-muhandis edi. Talabalik yillarida qisqa masofalarga yugurish bo‘yicha Shvetsiya rekordchisi ham bo‘lgandi. U 1920-yil XOQga a’zo qilib saylandi. 1921-yildan ijroqo‘m a’zosi va 1931-yildan boshlab XOQ vitse-prezidenti bo‘lgan. U 1952-yilda 70 yoshida prezidentlikdan ozod etildi. 1964-yil 18-martda vafot etdi.

Olimpiya o‘yinlari davomida XOQning faoliyatları rivojlandi. XOQ rahbarlarining xizmati yana shundaki, o‘yinlarda xalq irodasi va sportchilarning faoliyatlarini turli ramzlar (simvollar) va atributlar bilan ifoda etishda yangiliklar yaratdilar. Quyidagi ana shu belgilar va ramzlar haqida qisqacha ma’lumotlar beriladi.

**Olimpiya ramzi** – bir-biriga ulangan besh halqa. Ular yashil, qora, qizil, sariq va ko‘k rangda tasvirianib, besh qit’ani bildiradi. Bu 1913-yilda Kuberten taklifi bilan tasdiqlangan.

**Olimpiya belgisi** (emblema) – besh halqa ramzi bilan birga qo‘sib, yil, shahar nomi va mamlakatning Olimpiya harakatidagi belgilari (nishon) ifodalanadi.

**Olimpiya mash’alasi** – Olimpiya shahrida quyosh nuriidan maxsus usulda mash’ala yoqiladi. U turli vositalar orqali Olimpiya o‘yinlari o’tkaziladigan joyga yetkazib beriladi. Bu an’ana 1936-yil XI Olimpiya o‘yinlaridan buyon davom etib keladi.

**Olimpiya shiori** (deviz): «Tezroq, balandroq, kuchliroq!» («Sitius, altius, fertius!») – Olimpiya harakatini bildiradi. Bu shior 1895-yil Kubertenning safdoshi va o‘rtog‘i Dominikan

ordeni sohibi, din xodimi Martin Xidon tomonidan taklif etilgan va 1913-yilda bu shior XOQ tomonidan tasdiqlangan. 1920-yilda VII Olimpiadada birinchi marotaba bu shior o'qiladi.

**Olimpiya qasamyodi.** Sportchilarning Olimpiya qasam-yodi Kuberten tomonidan ishlab chiqiladi va VII Olimpiya o'yinlarida (1920) amalga oshiriladi. Shu o'rinda aytish lozimki, Olimpiya o'yinlari hakamlari ham qasamyod qiladilar. Bu esa 1968-yildan buyon amalda qo'llanib kelinmoqda.

**Olimpiya gimni.** Gimn 1896-yilda yaratilgan. Kostas Palomov so'zi va Sipros Samar musiqasi bilan yaratilgan Olimpiya gimni rasmiy ravishda 1957-yilda XOQ tomonidan tasdiqlanadi.

**Olimpiya medallari va yorliqlari:** oltin medal – kumush-dan yasalib, uning usti 6 g. oltin bilan qoplangan. Kumush medal esa 925 probali kumushdan tarkib topgan. Bronza medali. Ular 1, 2, 3-o'rirlar uchun mo'ljallangan. Diplomlar (yorliq) 1-6-o'rirlarni egallagan sportchilar va jamoalarga taqdim etiladi.

**Olimpiya mukofotlari:** orden va kubok. Ordenlar oltin, kumush va bronzalardan iborat bo'lib, Olimpiya harakatiga qo'shgan ulkan hissalari uchun rahbar shaxslarga yuksak sport natijalariga ega bo'lgan sportchilarga beriladi. Bu 1975-yilda tasdiqlangan. Olimpiya kubogi 1906-yilda tasdiqlanib, Olimpiya sport turlarida katta yutuqlarga erishgan jamoalarga beriladi.

**Olimpiya nishonlari** (atributlar): nishonlar (znachok), tamg'alar (monet), ramzlar (talismor), piktogrammalar va h.k. hisoblanadi. Bu nishonlar Olimpiya o'yinlarini o'tkazuvchi shahar va tashkiliy qo'mita tomonidan tayyorlanadi.

Ma'lumki, Olimpiya Xartiyasi birinchi kongressda (1894 y.) qabul qilinib, ko'p sohalarda keyinchalik o'zgartirishlar kiritilgan. Shunday bo'lsa-da, uning asosi (Kuberten ishlab chiqqan mazmuni) hozirgi davrda ham o'z kuchini yo'qotgan emas.

Xartiya asosida XOQ Milliy Olimpiya qo'mitalari, Xalqaro sport federatsiyalari, xalqaro sport uyushmalari va boshqa aloqador tashkilotlar bilan hamkorlikda ish olib boradi.

**Olimpiya kongresslari.** Birinchi XOQ kongressi (1894) haqida o'tganligi boblarda bayon etildi. 1897-yil ikkichi kongress Gaagada o'tkaziladi. U sport pedagogikasi va gigiyenasiiga bag'ishlangan. Uchinchi kongress 1905-yilda Bryusselda o'tkaziladi. Unda mакtablar, universitetlar, shahar va qishloq jamoalari (obshina), armiya va xotin-qizlar orasida jismoniy tarbiya va sportni rivojlantirish masalalari muhokama qilinadi. Keyingi uchta kongress (1906-yil Parijda, 1913-yil Lozannada, 1914-yil Parijda) dasturlariga san'at, adabiyot va sport, sport psixologiyasi, olimpiya qoidalari kiritilgan edi.

Olimpiya o'yinlari va harakatining obro'-e'tiborini oshirishda keyingi o'tkazilgan kongresslar katta rol o'ynagan. VII kongress 1921-yil Lozannada, VIII kongress – 1925-yil Pragada, IX kongress – 1930-yil Berlinda o'tkazilgan. Ularda havaskorlik sporti, o'yinlarining muddatlari, dasturlari, xotin-qizlarning sportda qatnashishi, yoshlar sportini rivojlantirish va boshqa masalalar muhokama etilgan.

Kongresslardagi g'oyalar va muammolar omma orasida jismoniy tarbiya va sportni rivojlantirishga katta hissa qo'shgan.

Bu bobda qisqacha xulosa sifatida aytish mumkinki, XX asrning birinchi yarmi jahon sport jamoatchiligi hayotida juda katta burilish bo'ldi. Olimpiya o'yinlari Yevropa va Amerika mamlakatlarida keng quloch yozdi, taniqli va iqtidorli sportchilar soni ko'paydi.

Yozgi va qishki Olimpiya o'yinlaridagi natijalar, ko'tarilgan g'oyalar, shioriar va o'tkazilgan boshqa turli xil madaniy tadbirlar yoshlarning sportga bo'lgan qiziqishlari, intilishlarini tobora kuchaytirib yubordi.

Xalqaro Olimpiya harakatini rivojlantirishda Milliy Olimpiya qo'mitalari (MOQ) va XOQ prezidentlari, rahbar xodimlarining faoliyatini olqishlarga sazovor bo'ldi.

XOQning faoliyatini mustahkamlashda o'tkazilgan kongresslar muhim ahamiyat kasb etdi.

### **O‘z-o‘zini nazorat qilish uchun savollar**

1. XX asming birinchi yarmidagi xalqaro ahvol sport va olimpiya harakatiga qanday ta'sir o'tkazdi?
2. Xalqaro sport harakatida qanday yangiliklar yuz berdi?
3. Xalqaro ishchilar sporti harakatida qanday yangiliklar vujudga keldi?
4. Bu davrda o‘tgan Olimpiya o‘yinlarining asosiy xususiyatlari nimada?
5. Olimpiya o‘yinlarining eng yaxshi sportchilaridan kimlarni bilasiz?
6. XX asming birinchi yarmidagi XOQ prezidentlari kimlar edi?
7. Olimpiya ramzlari va belgilari nimalardan iborat?
8. Olimpiya kongresslari va ulardag‘i muhokama qilingan asosiy masalalar nimalardan iborat edi?
9. Olimpiya g‘oyalari qanday qilib kengaydi?

## **XI bob. XX ASRNING IKKINCHI YARMIDA XALQARO SPORT VA OLIMPIYA HARAKATI**

### **9.1. Ikki tuzum qarama-qarshiligi va birligi**

Ikkinchisi jahon urushidan keyin xalqaro ahvol ancha murakkablashdi. Chunki SSSR boshchiligidagi bir qator Yevropa mamlakatlari (Polsha, Ruminiya, Chexoslovakiya, Vengriya, Germaniya Demokratik Respublikasi va h.k.) hamda Osiyoda Xitoy, Shimoliy Koreya (KXDR), Vietnam, Mongoliya va keyinchalik Afrikada (Kongo, Nigeriya, Tanzaniya va b.q.) ham ba'zi davlatlar sotsialistik tizim yo'lidan borishdi. AQSH boshchiligidagi esa Angliya, Italiya, Fransiya, Germaniya Federativ Respublikasi, Yaponiya va juda ko'p boshqa davlatlar imperialistik tizim yo'lidan yura boshladi. Bu ikkala yirik tizim siyosiy jihatdan bir-biriga ashaddiy dushman sifatida kurashlar olib bordi. Bu esa Xalqaro sport va Olimpiya harakatiga ham o'zining tazyiqini o'tkazib bordi. Ya'ni XOQ va sport turlari bo'yicha Xalqaro sport federatsiyalarining ustav hamda nizomlarini ishlab chiqish, ularni tasdiqlash hamda amalga oshirishda imperiyalistik kuchlar ancha ustunlik qildi. Lekin shunga qaramasdan, SSSR va uning safdoshlari Xalqaro sport hamda Olimpiya harakatini demokratlashtirish yo'lida tinmay harakat qilishdi. Natijada, SSSR Milliy Olimpiya qo'mitasining tuzish (1951-y.), sportchilarining jahon birinchiliklari Olimpiya o'yinlarida ishtirot etishlariga (1952 y.) erishildi. Shuningdek, sotsialistik tizimdagagi davlatlar ham yuqorida eng nufuzli sport musobaqalarida ishtirot eta boshladi. Bu esa, o'z navbatida, sotsialistik tiziminining ustuvorligini ta'minlash hamda sportchilarining mahoratlarini oshirishga zamin tayyorladi. Davlatlarning ikki yirik tizim sportchilari orasidagi g'alaba uchun kurashlarini, ya'ni kim ustun ekanligini isbotlash yo'lida katta maktab bo'lib qoldi.

Chunki siyosiy qarama-qarshiliklar qancha kuchli bo'lmasin, sportchilar birgalashib musobaqalashdilar. Ular do'stona vaziyatda kuch sinashib, ilg'or tajribalarini o'rtoqlashdilar. Bu Xalqaro sport va Olimpiya harakatining yanada kengayishi hamda takomillashishiga yetaklaydi.

Xullas, bu bahslar va kurashlarda ba'zi bir haqqoniy masalalar hal etildi. Shular qatorida havaskor sportchilarning bir qator maqomlari (statusi) ijobjiy hal etildi.

**Xalqaro sport va Olimpiya harakatining kengayishi.** Urushdan keyingi yillarda Xalqaro sport (XS) harakati miqyosi ancha kengaydi. 1946-yilda gandbol va kanoe sporti bo'yicha Xalqaro federatsiyalar tashkil topdi. 1956-yilda Xalqaro dzyu-do federatsiyasi (FID), 1958-yilda – Xalqaro jismoniy tarbiya va sport Kengashi (SIYePS), 1969-yilda Yevropa yengil atletika assotsiatsiyasi (YeAA), 1970-yilda Yevropa havaskorlik boks assotsiatsiyasi (YeHBA) tashkil etildi.

Hozirgi davrda jahonda 200 dan ortiq Xalqaro sport uyushmalari mavjuddir. Ularga 5 qit'adan minglab milliy sport tashkilotlari va bir necha yuz millionlab sport ixlos-mandlari birlashgan. Urushdan keyingi dastlabki davrlarda jahon yoshlari va talabalarining do'stlik o'yinlari an'anaga aylandi. Bu o'yinlar jahon yoshlari festivallari dasturidan o'rin egalladi. Bu, ayniqsa, 1957-yil Moskvada o'tkazilgan III Jahon yoshlari festivalida yaqqol namoyon bo'ldi.

1959-yilda umumjahon talabalarining Universiadasi o'tkazildi. Universitetlar sporti Xalqaro fediratsiyasi (USXF - FISU) universiadalarini yozgi va qishki sport turlari bo'yicha o'tkazib kelmoqda.

Qit'alarda sport o'yinlarini o'tkazishga 1951-yilda asos solingan edi. Bu o'yinlar har 4 yilda bir marotaba tashkil etiladi.

Panamerika o'yinlari Shimoliy va Janubiy Amerika mintaqalari sportchilarining o'z kuch sinashuvidir. Shuningdek, Afrika, Britaniya, Osiyo, Bolqon, O'rta yer dengizi, Skandi-naviya o'yinlari ham doimiy ravishda o'tkazib borilmoqda.

Mintaqaviy o‘yinlar agar XOQ xartiyasiga xilof ravishda ish olib borilmasa, XOQ himoyasida o‘tkaziladi.

1958-yildan boshlab o‘tkaziladigan AQSH va SSSR yengil atletikachilarining xalqaro musobaqalari jahonda «Ulkanlar uchrashuvi» («Match gigantov») deb yuritiladi.

1975-yilda Xelsinkida Yevropa, AQSH va Kanada davlatlarining 35 vakili ishtirokida Yevropada xavfsizlik va hamdo‘slik masalalariga bag‘ishlangan yig‘ilish o‘tkazildi. Uning maqsadi va vazifalari mazmunida sportdagi o‘zaro aloqalar ham qayd etildi va yaxshi bitimilarga kelishildi.

Xalqaro jismoniy madaniyat va sportni rivojlantirishda Birlashgan Millatlar Tashkilotining Yunesko (ta’lim, fan va madaniyat bo‘yicha bo‘limii) tashkiloti faoliyati ham katta ahamiyatga ega. Yunesko tarkibida 1958-yildan boshlab Jismoniy tarbiya va sport xalqaro kengashi (JTSXK-SIYePS) mavjud bo‘lib, u xalqaro sport harakatida salmoqli o‘rinni egallab turibdi. 1978-yilda Yuneskoning Bosh konferensiyasida hukumatlararo jismoniy tarbiya va sport qo‘mitasi tashkil etilib, u Yuneskoning jismoniy tarbiya va sport xalqaro xartiyasini (nizomini) ma’qulladi. Xartiyada hukumatlararo tashkilotlarda jismoniy madaniyat va sport ishlarini yaxshilash, xalqaro sport harakatiga har tomonlama ko‘maklashish va boshqa zarur masalalar ifoda etilgan edi. Bu Yuneskoning jismoniy tarbiya va sportning rivojlanishi hamda xalqaro sport aloqalari tajribalarini almashtirish yo‘lidagi yangi turtki bo‘lib hisoblandi.

Xalqaro sport harakatini demokratik yo‘llarga burishda Yevropa sport konferensiyalari (1973—1987-yilgacha 2 yilda bir marta) muhim ahamiyat kasb etdi. Bu anjumanlar hozirgi zamон jamiyatida insoniyat uchun sportning ahamiyati muhim ekanligi va Yevropada xalqaro sport aloqalarini yanada rivojlantirishda katta ahamiyat kasb etishini ta’kidladi.

**Sport mahoratlarining oshishi.** Yozgi va qishki Olimpiya o‘yinlari, jahon va Yevropa championatlari, mintaqalardagi o‘yinlar va boshqa xalqaro sport musobaqalari XX asrning so‘nggi 10 yilda sportchilarning rekordlari, yuqori mahoratlarini namoyish qilish bilan birga inson omilidan yanada

maqsadliroq foydalanish yo'llarini ochib berdi. Yengil atletika, og'ir atletika, suvda suzish, konkida uchish kabi sport turlarida misli ko'rilmagan rekordlar o'matildi. Gimnastika, futbol, xokkey, basketbol, voleybol, kurash, boks va boshqa sport turlarida sportchilar eng yaxshi natijalarga erishdi. Bunday natijalarga erishishning omili iqtidorli sportchilar, iste'dodli murabbiylar, tibbiy xodimlar va mutaxassis olimlarining uzviy hamda o'zaro hamkorlikda mehnat qilishi bilan bog'liqdir.

Ilmiy-texnik taraqqiyot natijalari o'rgatish mashg'u-lotlarining usullarini takomillashtirishga imkoniyat yaratdi. Bu esa sportchilarning jismoniy, texnik, taktik va axloqiy-irodaviy tayyorgarliklarini yana yuqori pog'onalarga ko'tarishni talab etmoqda.

Sport natijalarining yuqori darajada bo'lishida yangi texnik vositalar, jihozlar, asbob-uskunalar ham muhim ahamiyat kasb etmoqda.

Urushdan keyingi davrlardagi xalqaro sport haraktining o'sishi insoniyat jamiyatiga taraqqiyotining qonuniyatlarini bilan bog'liqdir.

## 9.2. Olimpizm, XOQ va uning prezidentlari

Olimpizm tushunchasi ko'proq siyosatdonlar, xalqaro hamjamiyat tashkilotlari va boshqa sohalardagi arboblar, mutaxassislar, xodimlar hamda yosh ijodkorlar faoliyatida ko'proq qo'llanib kelinmoqda. Qisqa qilib aytganda, olimpiya tarafdarlari uning g'oyalarini ommalashtirish, ijtimoiy tur-mush madaniyatiga tobora chuqur singdirish maqsadidadir.

Jismoniy madaniyat tarixi, jismoniy tarbiya nazariyasi va sport harakati amaliyotida «olimpizm», «olimpiya harakati» va «olimpiya o'yinlari» tushunchalari xalqaro hayotda ijtimoiy harakat bo'lib xizmat qilmoqda.

Yuqorida ta'kidlanganidek, Olimpizm – bu hayot falsafasi, ya'ni inson tanasi, irodasi va tafakkurini (ongi) birlashtiruvchi qadriyatdir. Shuningdek, sport falsafiy, axloqiy-ma'naviy, pedagogik va tashkiliy tamoyillarning yig'indisi

bo'lib, umuminsoniy munosabatlar mahsulidir.

Olimpizm g'oyalari va maskululariga quyidagilar kirdi:

— sport va sport faoliyatlaridan tinchlik va tinchlikning barqarorligini ta'minlashda foydalanish;

— barcha mamlakatlar va mintaqalardagi sportchilarning do'stligi va ongli munosabatlarini ta'minlash;

— shaxsni har tomonlama barkamollikka yetishtirish;

— irqchilik, millatchilik, siyosiy qarashlar, ijtimoiy sharoitlar va yashash joylari bo'yicha insonlarni kamsitishga yo'l qo'ymaslik;

— sportda millatchilik, siyosatchilik va giyohvandlikka (doping) qarshi kurash;

— hozirgi davrda sport insonlarni o'zaro xayrixohlikka (gumanizm) intilishlarni doimiy ravishda mustahkamlash.

**Olimpiya harakati** — bu jamiyat taraqqiyoti bo'lib, u olimpiya g'oyalari va maskulasi tamoyillariga tayanadi, shu asosda insonlar va tashkilotlami ularning millati, irqi va yashash joylaridan qat'i nazar o'ziga birlashtiradi. Ularning sport, sport gimnastika va o'yinlarni o'zlarining asosiy faoliyati deb bilishlariga ko'maklashuvchi ijtimoiy faoliyatdir.

Olimpiya harakatining asosiy vazifalari quyidagicha:

— Olimpiya g'oyalaringin tamoyillarini jahonga yoyish;

— Olimpiya sport turlarini tashkil etish va rivojlantirishga ko'maklashish;

— Sportni targ'ibot qilish, imkoniyat doirasida ulardan jismoniy, ma'naviy va estetik tarbiyada foydalanishni ifodalash;

— «Olimpiya birdamligi» (solidarnost) dasturini tarqatish (singdirish) yo'lida sharoitlar yaratish;

— har to'it yilda bir marotaba Olimpiya o'yinlariga tay-yorgarlik va uni o'tkazish.

Olimpiya o'yinlari — bu sportchi-olimpiyachilarning majmuiy xalqaro musobaqasidir. Jahon yoshlarining buyuk (ulug') bayramidir. O'yinlar barcha mamlakatlarning kuchli sportchilarini birlashtiradi va musobaqalarda haloj va teng huquqlilik asosida qatnashishlarini ta'minlaydi.

Olimpiya o'yinlari barcha mamlakatlar va ularning sport-chilaridagi sport mahorati, axloqiy, estetik va insonparvarlik g'oyalarini namoyon etuvchi ko'zgu sifatida xizmat qilmoqda.

XOQ tarkibida 1950-yilda Milliy Olimpiya qo'mitalarining soni 68 ta bo'lsa, 1997-yilda 197 va 2000-yilga kelib esa ularning soni 200 dan oshib ketdi. Bu olimpiya harakatining baynalmilallik yo'lidagi ijobiy faoliyatlaridan biridir.

Olimpiya o'yinlari bu sport mahorati maktabidir. Olimpiya o'yinlari ta'lim-tarbiya tiziimidagi shaxsning barkamollikka erishuvi yo'lidagi barcha faoliyatlarini takomillashtirishga bevosita yordam beradi.

Olimpiya o'yinlari xalqaro olimpiya harakatining eng yuqori cho'qqisidir.

**XOQ va uning prezidentlari.** XX asrning ikkinchi yar-mida sovuq urush hukmoni bo'lgan paytlarda Xalqaro Olimpiya harakati va u bilan bog'liq bo'lgan faoliyatlar, rahbarlar ancha mashaqqatlarga duch keldilar. Ularni tinchlikosoyishtalik, hamdo'stlik yo'liga chaqirishda XOQ prezidentlari, uning doirasidagi mutasaddilar ko'p mehnat qilishdi. Ta'kidlash lozimki, bu davrda rahbarlik qilgan arboblar va xodimlar P.Kubertenning g'oyalari, vasiyatlariga sodiq bo'lib qoldilar. XX asrning ikkinchi yarmidagi XOQ prezidentlari quyidagilardan iboratdir:

Everi Brindej (AQSH) – 1952–1972,

Maykl Maris Killanin (Irlandiya) – 1972–1980,

Xuan Antonio Samaranch (Ispaniya) – 1980–2000.

Jak Rogg (Belgiya) – 2001-yildan boshlab.

E'tibor qilish lozimki, mazkur prezidentlar o'z davrining siyosiy-madaniy, ijtimoiy va sport doirasidagi eng yetuk arboblardan hisoblangan. Ular asosiy faoliyatlarini Olimpiya o'yinlarini eng yuqori saviyada o'tkazish, sportchilar, murabbiylar, hakamlar, Milliy Olimpiya qo'mitalarining (MOQ) vakillarini rag'batlantirish, olimpiya sport turlarini yanada rivojlantirish, ixtiloflarni adolatli hal qilishiga yo'naltirmoqdalar. Barcha prezidentlarning ijtimoiy faoliyat-

lari bilan to'la tanishishni istaganlar rus tilida Moskvada nashr etilgan (2000 y.) darslik, «Olimpiya bilimlari asoslari» (T., 2002) boshqa adabiyotlardan foydalanishlari mumkin.

XX asrning so'nggi choragida Olimpiya harakatida ixti-loflar kuchaydi. Ular haqida yuqorida bayon etildi. Ana shu ixti-loflarni tugatish va Xalqaro Olimpiya harakatidagi jipslikni mustahkamlashda xuddi P.Kuberten kabi Xuan Antonio Samaranchning ham xizmati g'oyat katta bo'ldi. Shu sabab-dan, bu haqda qisqa ma'lumotlar berish maqsadga mu-vofiqdir.

**Xuan Antonio Samaranch** – yettinchi prezident hisobla-nadi. U 1920-yilda Ispaniyada tavallud topgan. Uning Olim-piya harakati cho'qqilariga eltuvchi yo'ldagi dastlabki qadam-lari 40–50-yillarga to'g'ri keladi. U Barselona munisipalite-tida sport bo'yicha maslahatchi, keyin rolikli (g'ildirakli) konki bo'yicha milliy federatsiya prezidenti bo'lib xizmat qildi. 1956-yildan boshlab Ispaniya terma jamoalariga rahbar sifatida qishki va yozgi Olimpiya o'yinlarida ishtirok etadi. 1963-yilda (43 yosh) Ispaniya oliv sport kengashi raisi va 1967-yilda Milliy Olimpiya qo'mitasi Prezidenti lavozimida faoliyat ko'rsatgan. U 1966-yilda XOQ a'zosi etib saylandi. Shu davrdan XOQning protokol (qaror) bo'limi boshlig'i va matbuot ishlari komissiyasi raisi vazifalarini bajaradi. 1974–1978-yillarda XOQ vitseprezidenti bo'ladi. 1977–1980-yillarda Ispaniyaning SSSRdag'i elchisi sifatida ish olib bo-radi. U uzoq yillardan buyon filatelizm (marka, znachok va h.k. yig'ini) bilan mashg'uldir.

Samaranch XOQda faol ishladi. 1980-yil Moskvada o'tkazilgan 83-sessiyaning birinchi tur saylovida ko'p ovozga ega bo'ldi. U 2001-yilning boshlarigacha (20 yildan ortiq) XOQ prezidenti bo'ldi. Uni Olimpiya islohotchisi deyish mumkin. 1992-yil Angliyada Devid Millerning «Olimpiya in-qilobi» kitobi nashr etiladi. Unda Samaranchning to'la tarji-mai holi (biografiya) aks ettiriladi.

Samaranch islohotlari quyidagicha ifoda etilgan, ya'ni:

– Sharq va g'arbning o'zaro munosabatlardagi barqaror-lik:

- Janubiy Afrika Respublikasining (JAR) Olimpiya o‘yinlarida qatnashishini man etgan qarorni olib tashlash;
- yozgi va qishki Olimpiya o‘yinlarini turli yillarda (avvalgidek) o‘tkazish;
- qit’alardagi Milliy Olimpiya assotsiatsiyalari bilan mustahkam aloqani o‘rnatish;
- XOQ tarkibiga xotin-qizlarni jalg etish;
- XOQ tarkibidagi komissiyani Olimpiya championlari dan tarkib toptirish;
- Olimpiya xartiyasidagi 26 bobni to‘la o‘zgartirish, ya’ni professional sportchilarning Olimpiya o‘yinlarida foyda keltirishi;
- giyohvandlikka qarshi kurash;
- XOQning moddiy va moliyaviy manbaini ta’minlashda kommersiya va bozor munosabatlarini kengaytirish;
- MOQ va Xalqaro sport uyushmalari rahbarlari bilan shaxsan uchrashish faoliyatları;
- XOQ ma’muriy (administratsiya) tuzilishiga o‘zgartirishlar kiritish va Lozannada Olimpiya muzeyini yaratish, shuningdek, Toshkent hamda boshqa shaharlarda ham shu kabi muzeylarni tashkil etishda amaliy yordamlar va h.k.

### **9.3. Olimpiya o‘yinlari**

**Xelsinkidan to Afinagacha.** Urushdan keyingi yillarda jahon jamoatchiligi Xelsinkida bo‘ladigan Olimpiya o‘yinlarini sabrsizlik bilan kutar edi. Chunki unda ilk bor SSSR sportchilari ham qatnashishi aniq edi.

1952-yilda Xelsinkida (Finlyandiya) o‘tkazilgan XV Olimpiya o‘yinlarida Germaniya Federativ Respublikasi (GFR) hech qanday to‘sinqinliklarsiz ishtirok etdi. Lekin Germaniya Demokratik Respublikasi (GDR) o‘yinlarga qo‘yilmadi. Olimpiadada 11 ta jahon va 47 ta Olimpiya rekordlari o‘rnatildi. Sovet shtangachilar, gimnastikachilar, kurashchilar, o‘q otuvchi va eshkakchilar katta yutuqlarga erishdi. Olimpiada medallari uchun kurash asosan SSSR,

AQSH, Vengriya va Shvetsiya mamlakatlari o'ttasida keskin ravishda o'tdi. AQSH – 76 va SSSR – 71 medalni qo'lga kiritdi. Vengerlar 16 ta oltin, 10 ta kumush va 16 ta bronza medallariga sazovor bo'lishdi va uchinchi o'rinni egallahshdi. Chexiya sportchisi Emil Zatopek marafonda va 5, 10 km.ga yugurishda g'olib chiqdi.

**XVI Olimpiya o'yinlari (1956-yil Melburn Avstraliya).** O'yinlar o'tkazilishi xalqaro munosabatlarning keskinlashuvi davriga to'g'ri keldi. Shunday bo'lsa-da, o'yinlar keskin kuzashlar ostida olib borildi. Yengil atletika, suzish, og'ir atletika, o'q otish turlari bo'yicha 14 ta jahon va 65 ta olimpiada rekordlari o'rnatildi. V.Kus (SSSR) 5 km va 10 km. masofaga yugurishda g'olib chiqdi. Sovet sportchilari 98 ta oltin, kumush va bronza medallariga ega bo'lib, 624,5 ochko bilan Olimpiada championi bo'lishdi. Shu sababli Avstraliya matbuot: «SSSR Amerikaning Olimpiya o'yinlaridagi 60 yillik hukmronligini puchga chiqardi», - deb yozishgan edi.

Vengriya, Chexoslavakiya, Ruminiya, Polsha va GDR (GFR bilan qo'shilgan holda) muvaffaqiyatli ishtirok etishdi.

**XVII Olimpiya o'yinlari.** 1960-yil Rimda sovet sportchilari 103 ta oltin, kumish va bronza medallarini olishga erishdi. AQSH sportchilari esa 71 medalni qo'lga kiritdi.

Sovetlarning 11 yengil atletikachisi oltin medal sohibi bo'ldi. R.Shavlakadze va V.Brumel balandlikka sakrashda jahon rekordchisi D.Tomas (AQSH) ustidan g'olib kelishdi. Gimnastikachilar 5 ta oltin va og'ir atletikachilar 1 ta kumush medalga sazovor bo'lishdi. Yu.Vlasov uchkurashda 537,5 kg. (jahon va Olimpiadaning yangi rekordi) natija bilan eng yaxshi sportchi deb tan olindi. Shuningdek, qilichbozlar, velosipedchilar, yelkan va ot sportchilari ham oltin medal-larga muyassar bo'lishdi. Olimpiadada Ruminiya, Vengriya, Polsha, Chexoslavakiya, Bolgariya, GDR (qo'shma jamoa) yaxshi natijalarini qo'lga kiritishdi. Efiopiya, Marokka Gana kabi Afrika mamlakatlarining ba'zi sportchilari ham yaxshi natijalarga erishdi.

**XVIII Olimpiada o'yinlari, 1964-yil Tokio.** AQSH va boshqa bir qator mamlakatlar o'tgan Olimpiada o'yinlaridagi

mag'lubiyatlari tufayli bu o'yinlarga shiddatli ravishda tay-yorgarlik ko'rishgan edi. O'yinlarda 94 mamlakatdan 93 jamoa ishtirok etdi. (GDR va GFR bir jamoada qatnashdi). Tokioga Yevropadan 28, Afinadan 22, Osiyodan 20, Amerikadan 21 va Avstraliya hamda Okeaniyadan 2 ta jamoa kelishdi. SSSR 96 ta medal olib peshqadamlik qildi. AQSH ikkinchi va qo'shma Germaniya jamoasi — uchinchi o'rinni egalladi.

**XIX Olimpiada o'yinlari, 1968-yil Mexiko.** Bu shahar dengiz sathidan 2240 m. balandlikda joylashgan bo'lib, uning iqlim sharoiti sportchilarga ma'lum darajada salbiy ta'sir ko'rsatdi. Sovet sportchilari umumjamoa hisobida AQSHga yutqazdi. AQSH — 106 va SSSR — 91 ta medalga sazovor bo'lishdi. Olimpiada o'yinlarining natijalari Afrikada sportning rivoj topayotganligini namoyish etdi. Efiopiya, Keniya, Tunis va boshqa mamlakatlarning sportchilari yaxshi natijalar ko'rsatadi.

**XX Olimpiya o'yinlari, 1972-yil Myunxen (Germaniya).** O'yinlarda 11 ta mamlakat yangidan qatnasha boshladi. Shular safida Koreya Xalq Demokratik Respublikasi (KXDR) ham bor edi. O'yinlarda 46 ta jahon rekordi o'matildi. SSSR — 50 ta oltin, 27 ta kumush, 22 ta bronza, jami — 99 medalga, AQSH esa — 33 ta oltin, 30 ta kumush, 30 ta bronza, jami — 93 medalga sazovor bo'lishdi. GDR 66 ta medalga ega bo'lib, uchinchi o'ringa chiqdi. Sovet sportchilari L.Turisheva (gimnastika), V.Borzov (sprinter), Kubalik T.Stivenson (boks), AQSH suzuvchisi M.Spits kabilar alohida ajralib turdi. O'yinlar jarayonida politsiyachilar bilan terrorchilar orasidagi otishma natijasida 11 ta isoillik sportchilar halok bo'ldi. O'yinlar vaqtincha to'xtatildi.

**XXI Olimpiya o'yinlari, 1976 y. Montreal (Kanada).** O'yinlar ochilishida Afrika mamlakatlarining 28 jamoasi norozilik ifodasi sifatida chiqib ketdi. Chunki Yangi Zelandiya, Janubiy Afrika Respublikasi (JAR) bilan ular aloqador bo'lsa-da, o'yinga taklif etilgan edi. O'yinlarda 34 ta jahon va 82 ta Olimpiada rekordlari o'matildi. Medallar soni bo'yicha SSSR, AQSH, GDR yuqori o'rnlarni egalladi.

(SSSR – 125, AQSH – 94, GDR – 90 ta medal).

**XXII Olimpiada o'yinlari, 1980-yil, Moskva.** Bu o'yinlarga Vyetnam, Angola, Zimbabve, Mozambik kabi mamlakatlar birinchi marotaba tashrif buyurishdi. 25 ta sport turi bo'yicha 203 ta medallar shodasi (komplekt) uchun kurash olib borildi. O'yinlarga AQSH va boshqa bir qator kapitalistik mamlakatlardan sportchilar qatnashmadi. Bu haqda o'tgan boblarda bayon etildi.

Olimpiada dasturi o'tgan o'yinlarga nisbatan keng va boy edi. O'yinlarda 80 dan ortiq davlatlarning sportchilari ishtirok etdi. 36 ta jahon, 74 ta Olimpiada rekordlari o'rnatildi.

**XXIII Olimpiada o'yinlari, 1984-yil. Los-Anjeles (AQSH).** O'yinlarda SSSR va bir qator sotsialistik davlatlar (SSSR tarafdforlari) ishtirok etishmadi. Buning sababi AQSHga boykot javobi bo'lsa, ikkinchidan AQSH hukumati sportchilar xavfsizligini o'z bo'yniga olmadi. O'yinlarda AQSH sportchilari oldingi safda bordi.

**XXIV Olimpiada o'yinlari, 1988 y. Seul (Janubiy Koreya).** Avvalgi boblarda ta'kidlanganidek, XOQ Prezidenti Xuan Antonio Samaranch va xalqaro sport uyushmalarining rahbarlari tomonidan olib borilgan faol harakatlar tufayli SSSR va AQSH sportchilari yana sport maydonlarida kuch sinasha boshladilar. O'yinlarda 159 mamlakatdan 8473 sportchi ishtirok etdi. AQSh – 612, SSSR – 518, Janubiy Koreya – 467, GFR – 407, Kanada – 382, Buyuk Britaniya – 370, Xitoy – 293, GDR – 288 sportchi bilan qatnashdi. Olimpiadada SSSR 132 medal (oltin – 55, kumush – 31, bronza – 46 ta) bilan oldingi o'ringa chiqdi. GDR 102 ta (37–35–30) va AQSH 94 ta medal bilan (36–31–27) keyingi o'rinalmi egalladi.

**XXV Olimpiada o'yinlari, 1992-yil. Barselona (Ispaniya).** Bu o'yinlarda sobiq SSSR o'miga Rossiya bilan hamkorlikda sobiq ittifoqdosh Respublikalarining (MDH) sportchilari so'nggi marta birgalikda ishtirok etishdi. O'yinlarda mustaqil davlatlar hamdo'stligi (MDH, AQSH, Germaniya, Xitoy, Kuba, Vengriya mamlakatlarining sportchilari shiddatli kurashlar olib borishdi. MDH – 112 medal

(45 ta oltin, 38 ta kumush, 29 ta bronza) bilan birinchilikni egalladi. AQSH – 108 medal (37–34–37), Germaniya – 82 medal (33–21–28), Xitoy – 54 medal (16–22–6), Kuba – 31 medal (14–6–11) va Vengriya – 30 medal (11–12–7) olishga muvaffaq bo‘ldi.

**XXVI Olimpiada o‘yinlari, 1996-yil, Atlanta (AQSH).** Bu o‘yinlar 19-iyuldan 4-avgustgacha davom etdi. Ularda 197 milliy Olimpiya o‘yinlari qo‘mitalarining 10305 nafar sportchilari ishtirok etdi. Bu Olimpiada o‘yinlari tarixida eng yuqori natija edi. Musobaqalar 26 sport turi bo‘yicha o‘tdi. Kurashlarda AQSH 44 ta oltin, Rossiya – 26, Germaniya – 20, Xitoy – 16, Fransiya – 15, Italiya – 13, Avstraliya – 9, Kuba 9 ta oltin medallarni sovrindori bo‘lishdi.

Bu yerda ham ko‘ngilsiz hodisa yuz berdi. 27-iyul kechasi Istirohat bog‘ida bomba portladi. Natijada, 44 yoshli amerikalik ayol va 40 yoshli turk telekommentator vafot etdi. AQSH Prezidenti Bill Clinton chiqish qilib, mintaqaning barcha hududlaridagi qo‘poruvchilarni qoraladi. XOQ bir daqiqa motam sukutini o‘tkazib, o‘yinlarni davom ettirishga qaror qildi.

**XXVII Olimpiada o‘yinlari – 2000 y. Sidney (Avstraliya).** O‘yinlar noyabr oxiri va dekabr oyining boshida o‘tkazildi. Bu o‘yinga 200 dan ortiq milliy olimpiya qo‘mitalarining 11 ming sportchisi ishtirok etishdi. Medallar soni bo‘yicha AQSH (oltin – 39, kumush – 25, bronza 33) birinchi, Rossiya (32–28–28) – ikkinchi va Xitoy (28–16–15) uchinchi o‘rinni egalladi. To‘rtinchi o‘rinni Avstraliya (16–25–17) va beshinchi o‘rinni Germaniya (14–17–26) egallahsha muvaffaq bo‘ldi. Bu Olimpiada XX asrning oxirig‘i o‘yini sifatida tarixda qoldi.

**XXVIII, ya’ni Yangi, XXI asr Olimpiada o‘yinlari Afinada 2004-yilda o‘tkazildi.** Ta’kidlash lozimki, barcha Olimpiya o‘yinlari ochilishi marosimi katta tantana bilan boshlanadi. Afinada qadimgi greklarning milliy an‘analari va hozirgi zamon texnik vositalari faqat ishtirokchilarnigina emas, balki televideniya orqali tomosha qilgan millionlab kishilarni ham hayratga soldi.

## XX asrning ikkinchi yarmida va XXI asr boshida o'tkazilgan yozgi Olimpiya o'yinlari haqida ma'lumotlar

Olimpiya o'yinlari	Yillar	O'tkazilgan joylar	Mamlakatlar soni	Sportchilar soni	Birinchi o'rinalar
XV	1952	Xelsinki (Finlyandiya)	69	5429	AQSH
XVI	1956	Melburn (Avstraliya)	67	3178	SSSR
XVII	1960	Rim (Italiya)	83	5313	SSSR
XVIII	1964	Tokio (Yaponiya)	93	5133	SSSR
XIX	1968	Mexiko (Meksika)	112	5428	AQSH
XX	1972	Myunxen (GFR)	121	7121	SSSR
XXI	1976	Monreal (Kanada)	92	6043	SSSR
XXII	1980	Moskva (SSSR)	81	5283	SSSR
XXIII	1984	Los-Anjeles (AQSH)	140	6802	AQSH
XXIV	1988	Seul (Janubiy Koreya)	159	8473	SSSR
XXV	1992	Barcelona (Ispaniya)	169	9368	SNG
XXVI	1996	Atlanta (AQSH)	197	10305	AQSH
XXVII	2000	Sidney (Avstraliya)	200	11147	Rossiya
XXVIII	2004	Afina (Gretsiya)	203	11800	AQSH

### 9.4. Olimpiada an'analarining davom etishi

XX asrning ikkinchi yarmida o'tkazilgan Olimpiya o'yinlarining jahon sporti taraqqiyotini namoyish etish bilan birga turli qit'alar hamda mintaqalarda olimpiya o'yinlari, uning g'oyalariga mos keladigan yirik musobaqalarni ham vujudga kelishiga zamin yaratdi. Ularga dalil sifatida ko'rsatish uchun quyidagi sport musobaqalari haqida ba'zi bir ma'lumotlarni keltirish mumkin.

«Do'stlik-84». Jahon sportchilari Los-Anjelesda (1984, AQSH) bo'ladigan XXIII Olimpiya o'yinlariga astoydil tayyorlangan edi. Lekin undagi u yoki bu sabablar bilan ancha mamlakatlar qatnashishdan mahrum bo'ldi. Shu sababdan, SSSR taklifi bilan shu yili Olimpiada o'yinlari davom etayotgan bir paytda Moskvada «Do'stlik-84»

musobaqalari boshlandi. 50dan ortiq mamlakatlarning sportchilari 28 sport turi bo'yicha bellashdilar. Shunisi e'tiborliki, bu musobaqalar SSSR, Bolgariya, Vengriya, Shimoliy Koreya, Kuba Polsha, Mo'g'iliston va Chexoslovakiya kabi mamlakatlarda o'tkazildi.

Ma'lumotlarga qaraganda, XXIII Olimpiada o'yinlariga nisbatan «Do'stlik-84» musobaqalarida ko'proq rekordlar va yuqori natijalar qayd etilgan. Bu o'yinlar «sportdagi do'stlikdan -jahonda tinchlik uchun» shiori ostida tashkil etilgan edi. Shu shior ostida 1986-yil iyul oyida Moskvada «Yaxshi niyat o'yinlari» o'tkazildi.

«Yaxshi niyat o'yinlari»ni o'tkazishga 1985-yilning avgustida Amerikaning Teda Terner «Ti-Bi-Es» telekompaniyasining tashabbusi va SSSR Sport qo'mitasi hamda teleradiokompaniyasining roziligi bilan bir qarorga kelingan edi. Buning yana bir sababi shundaki, SSSR va AQSH sportchilarning ko'p sonli sport turlari majmui (kompleks) bo'yicha 10 yil davomida (XXI Montreal Olimpiadasidan keyin) o'zaro uchrashmagan, kuch sinashmagan edilar. Shu asosda Moskvaga 80 ta mamlakatdan 3 ming sportchi tashrif buyurdi. Bu ulkan sport tadbirining ochilishida sovet mamlakati rahbarlari o'zlarining xayrxohligi va sport orqali jahon xalqlarining do'stligini mustahkamlashga doim tayyor ekanliklarini izhor etishdi.

Buning yana bir razmiy ma'nosi shundaki, 1985-yilni Birlashgan Millatlar tashkiloti Xalqaro tinchlik yili deb e'lon qilgan edi.

Bu o'yinlarda mehmon sifatida XOQ Prezidenti Samaranch va ko'pgina milliy olimpiya qo'mitalarining prezidentlari ham ishtirok etishdi. O'yinlarni televideniya orqali to'g'ridan-to'g'ri olib ko'rsatishni AQSH, Yaponiya, Braziliya, Gretsiya, Fransiya, GDR va boshqa davlatlar amalga oshirdi.

Musobaqalarda 6 ta jahon rekordi o'rnatildi. 28 mamlakat sportchilari oltin, kumush va bronza medallari sohibi bo'lishdi. Eng yuqori natijalarni S.Bubka, V.Salnikov (SSSR), E.Mozes va D.Joyner (AQSH), aka-uka Castro (Portugaliya) va juda

ko'p boshqa taniqli sportchilar ko'rsatdilar.

Bu o'yinlar yaxshi an'anaga aylandi. Ular keyinchalik ham 1990-yilda SIETL (AQSH), 1994-yilda Sankt-Peterburg (Rossiya), 1998-yilda Nyu-York (AQSH), 2004-yilda AQSH shaharlarda zo'r tantanalar bilan o'tkaziladi.

**Mintaqaviy va boshqa o'yinlar.** Sport sohasida Xalqaro hamjamiyat so'nggi 10 yillikda yangi musobaqa turlari bilan boyidi.

1981-yildan boshlab Olimpiada sport turi bo'lmagan jahon o'yinlari davom etdi. 1997-yilda Laxti (Finlyandiya) shahrida V o'yin tashkil qilindi. VI o'yin esa 2001-yil Yaponiyada o'tkazildi. Shuningdek, har ikki yilda bir marotaba Arktika qishki o'yinlarni tashkil etish ham an'anaga aylandi. U ilk bor 1975-yilda o'tkazilgan edi.

1993-yildan boshlab Islom davlatlari xotin-qizlarining sport xayrxohligi o'yinlari o'tkazib borilmoqda. («Islom o'yinlari»).

1994-yilda Islom davlatlari talabalarining birinchi o'yini («Islom o'yinlari») o'tkazilgan. Unda yoshlar basketbol, voleybol, erkin kurash, futbol, stol tennisi bo'yicha bellashganlar.

1995-yilning sentabridan boshlab (Rim) Umumjahon harbiylar o'yinlari o'tkazilmoqda. Uning dasturida 100 ga yaqin davlatlar ishtirok etmoqda.

Mintaqalardagi o'yinlar yanada an'anaga aylanib borilmoqda. Ayniqsa, Janubi-Sharqiy Osiyo, Afrika-Osiyo o'yinlari, Hind okeani orollari o'yinlari, Boltiq o'yinlari, Yevropadagi kichik mamlakatlar o'yinlari, O'rta yer dengizi o'yinlari, Yevropa o'yinlari e'tiborga molikdir.

Butunjahon yoshlari o'yinida 132 mamlakatdan 7000 sportchi ishtirok etdi. Unda sportning 15 turi dasturlashtirildi, ya'ni basketbol, voleybol, erkin kurash, grek-rim kurashi, gandbol, sport gimnastikasi va badiiy gimnastika, dzyu-do, yengil atletika, og'ir atletika, suzish va suvdalar (sinxron suzish), tennis, stol tennisi, qilichbozlik, futbol bo'yicha musobaqalar o'tkazildi.

O'yinlar Moskvaning sport inshootlarida bo'lib o'tdi. 43 mamlakat sportchilari faxriy shohsupaga ko'tarildilar. Bir-

inchi o‘nlikda Rossiya (123 medal), Ukraina (151), Xitoy (132), Polsha (25), Belorussiya (24), Gruziya (17), Braziliya (16), JAR (15), Italiya (15), Janubiy Koreya (13) mamlakatlari eng yaxshi jamoalar deb topildi.

Jahon jamoatchiligi diqqatida bu o‘yinlар katta taassurotlar qoldirdi va XXI asrda ham bu an’analarning davom etishiga umid bildirdilar.

Shuni ham e’tiborga olish kerakki, har to‘rt yilda bir murotoba o‘tkaziladigan Osiyo o‘yinlari boshqa qit’alar, hatto Xalqaro sport uyushmalari (XSU) hamda Xalqaro Olimpiya qo‘mitasi (XOQ)ni diqqat-e’tiborini jalb etmoqda. Buning eng asosiy sabablaridan biri shundaki, Osiyo mintaqalaridagi deyarli barcha katta va kichik mamlakatlarda sport tez rivoj topmoqda. Shuningdek, mustaqil davlat sifatida O‘zbekiston, Qozog‘iston, Qirg‘iziston, Tojikiston va Turkmaniston 1994-yil Xirosimiada o‘tkazilgan XII, 1998-yil Bangkokda bo‘lgan XIII, 2002-yildagi XIV, 2004-yilda Janubiy Koreya (Pusan) Osiyo o‘yinlarida faol ishtirok etmoqda. Bu mamlakatlarning bokschilari, sharqona yakka kurash ustalari, yengil atletika va sport o‘yinlari bo‘yicha o‘tkazilayotgan Osiyo birinchiliklari, Xalqaro turnirlar, o‘zaro musobaqalashish va boshqa faoliyatlarda ularga raqobatchi, hatto ba’zi turlarda ulardan ustun ekanliklarini namoyish etmoqdalar.

O‘zbekiston tennis, kurash va boshqa turlar bo‘yicha o‘zida xalqaro turnirlar o‘tkazib, faqat Osiyo sportchilarinigina emas, hatto butun jahon sportchilarini ham taklif qilmoqda. Shu asosda o‘zbek milliy kurashi (buxorocha usuli) jahon sportiga aylandi. 1999-yildan buyon har yili shu sport turi bo‘yicha jahon birinchiligi (1999 y. Toshkent, 2000 y. Antaliya, 2001 y. Vengriya, 2002 y. Armaniston, 2005 y. Toshkent) o‘tkazilmoqda. Bunday jarayonlar umumjahon jismoniy madaniyat va sport tarixini boyitishga xizmat qilishi muqarrardir.

## **9.5. Olimpiada kongresslari va hozirgi davr muammolari**

Hozirgi davr olimpiada harakati va olimpiada o‘yinlari katta qarama-qarshiliklar zamonida rivoj topmoqda. Davr taqozosi bilan olimpizm mavjudligi haqida XOQ rahbarlari davlat arboblari, ba’zi sport uyushmalari xodimlari har xil nazariyalar, dasturlar (konsepsiya) Olimpiya harakati va olimpiya o‘yinlari, ulardagi tijorat ishlari, kelajakdagi o‘yinlarni o‘tkazadigan joylar haqida o‘zlariga katta baho berishmoqda, turli bashoratlar qilishmoqda.

Olimpiya kongresslari, 1973 y. Varnada (Bolgariya) o‘tkazilgan X Olimpiya kongressi olimpiya harakati muammolarini butunlay hal qilishga kirishdi. Uning kun tartibida: hozirgi davr olimpiya harakati va uning rivojlanish istiqbollari; XOQ, XSF va MOQning o‘zaro munosabatlari, keyingi olimpiya o‘yinlarining qiyofalari kabi masalalar muhokamaga qo‘yildi. Kun tartibidagi masalalarning barchasini hal etisha olmagan bo‘lsa-da, uch tomonlama (XOQ, MOQ va XSF) komissiya tuzildi. Shuningdek, kongress yakuni hujjatlari («Uch tomonlama komissiyaning xulosalari», «Jahonning barcha sportchilariga murojaat») olimpiya harakatining keyingi demokratlashishiga ancha turtki bo‘ldi, kongress dunyodagi barcha sportchilarga murojaat qabul etib, ularni xalqaro tinchlik va do‘slikni mustahkamlash hamda Olimpiya harakatining sofligi yo‘lida kurashishga chaqirdi.

Olimpiya harakatini yanada rivojlantirishda 1981-yilda Baden-Badenda (Germaniya) o‘tkazilgan XI kongress muhim ahamiyat kasb etdi. Bunda uchta masala muhokamaga qo‘yildi: keyingi olimpiya o‘yinlari; sportda xalqaro do‘slik aloqalari; olimpiya harakatining istiqbol yo‘llari. Muhokama jarayonida keyingi olimpiya o‘yinlarini o‘tkazish masalasi munozaralar, bahslarga sabab bo‘ldi, turli munosabatlар izhor etildi. Shuningdek, hozirgi davr olimpiya harakati xususida ham har xil fikrlar bildirildi.

Kongressda XOQning 82 a’zosi, XSFning 37 vakili va Milliy Olimpiya qo‘mitalarining (MOQ) 149 vakili ishtirok etdi. Kongressda ilk bor 34 nafar olimpiya championlari ham

qatnashdi.

Kongress tomonidan yakunlovchi qaror (deklaratсиya) qabul qilinib, unda quyidagi jihatlar bayon etilgan edi:

- Olimpiya o‘yinlarida «ochiq o‘yinlar» uchun joy yo‘q;
- Olimpiya o‘yinlariga sportchilarni qo‘yish tamoyillari («26-qoida» Olimpiya xartiyasi) saqlanib qolaveradi;
- Olimpiya (marosimlari) har doimgidek davom etadi;
- Olimpiya o‘yinlarini turli mamlakatlarda o‘tkazish amaliyoti davom ettiriladi;
- Olimpiya o‘yinlarini tashkil qiluvchi qo‘rnita va XOQ, XSF, MOQlarining o‘zaro munosabatlari yanada mustahkamlab boriladi;
- doping iste’mol qiluvchilarni yanada qättiqroq jazolash choralar ishlab chiqiladi;
- sportda kamsitish faoliyatlariga qarshi kurash davom ettiriladi;
- «Olimpiya birdamligi» dasturini bajarishda qatnashuv-chilar sonini ko‘paytirish, taraqqiy etayotgan mamlakatlarga ko‘maklashish tadbirlari rejalashtiriladi;
- matbuot, teleradio orqali sport harakatidagi ijobiylar jihatlarni ko‘proq yoritish, yoshlarning sportga qiziqishini tarbiyalashga e’tibor berish;
- mamlakatlarning hukumatlaridan olimpiya harakatini rivojlantirishda ko‘mak so‘rash;
- Xotin-qizlarning sport harakatiga rahbarlik qilishlariga keng yo‘l ochish;

XX asrda Olimpiya harakati rivojlanishi asosiy yakkunlarini 1994-yil 29-avgust – 3-sentabrda Parijda o‘tkaziladigan XII Olimpiya kongressi ko‘rib chiqdi. Bunda 3000 kishi ishtirot etdi, ya’ni XOQ (101), XSF (132), MOQ (407), shuningdek, murabbiylar, sportchilar, olimlar, om-maviy axborot vositalari, davlat va nodavlat tashkilotlarining vakillari qatnashdi.

Kongressga X.A.Samaranch raislik qildi. Bunda to‘rtta masala muhokama etilib, har biri bo‘yicha tavsiyalar qabul qilindi, ya’ni:

1. Hozirgi (davr) Olimpiya harakatining jismoniy tarbiya va sportni rivojlantirishga qo'shayotgan ulushlari (hissalari).
2. Jamiyatda sportchining o'mi va roli.
3. Sport ijtimoiy hayotda (sport va siyosat, sport va iqtisod, sport barcha uchun, taraqqiy etayotgan mamlakatlarda sport).

4. Sport va ommaviy axborot vositalari.

Kongressdagi mulohazalar, muzokaralarda XX asr davomida sportchilar mahoratini oshirish, yoshlarini tarbiyalashda olimpiya harakati, olimpiya o'yinlari g'oyat katta ahamiyatga ega bo'lganligi ta'kidlangan.

Katta sportda sportchilarni tayyorlashda ilmiy-texnik taraqqiyot natijalari, zamonaviy uskunalardan keng foydalanish zarurligi alohida qayd etildi.

Sportning ijtimoiy-tarbiyaviy va iqtisodiy salohiyati to-bora oshib borayotganligi tufayli davlat rahbarlariga uni to-bora rivojlantirishda yordam ko'rsatib turishlari, tavsiya etildi. Jismoniy tarbiya va sportning mohiyati, olimpiya g'oyalarining ahamiyati o'sib borayotganligini e'tiborga olgan holda, matbuot, teleradio faoliyatlarini maqsadli yo'naltirish ham taklif etildi.

Hozirgi zamon xalqaro sport va olimpiya harakatida XII Kongressdan keyin ham qator jiddiy muammolar saqlanib qolayotganligi ma'lum bo'ldi. Ulardan biri dopingdan foydalanish, 2-si Olimpiya o'yinlari va boshqa musobaqalarda hakamlikdagi odillik masalasi edi.

Hozirgi davrda sport natijalarining o'sishi tufayli sportchilarni tayyorlashda ma'lum qiyinchiliklar vujudga kelmoqda. Shu sababdan, ba'zi bir murabbiylar sportchilar faoliyatini sun'iy ravishda (doping asosida) kuchaytirmoqda. Olimpiya o'yinlarining yaxshi an'analarini saqlash yo'lida fidokorona mehnat qilayotganlar bu yo'lida qattiq kurashlar olib bormoqda.

Turli xil moddalarni qabul qilish sportchilar salomatligiga putur yetkazadi, o'zaro munosabat, do'stlik va hamkorlik-larga barham beradi. Shu sababdan, 1962-yil Moskvada bo'lib o'tgan XOQ sessiyasida maxsus rezolutsiya qabul qilin-

gan, unda dopinga qarshi kurashda faol ishlash zarurligi uqdirilgan edi. Shunga qaramasdan, bu nuqson kamayish o'rniga tobora kengaymoqda. 1970–2005-yillar orasida har xil sport turlarida o'nlab jiddiy, hatto fojaviy hodisalar hisobga olingan. IX Panamerika mintaqaviy o'yinlarda AQSH-nning 13 ta yengil atletikachisi doping ishlatganligi uchun o'yinlardan chetlashtirilgan.

XII Osiyo o'yinlarida (Xirosima, 1994) 11 ta xitoy sportchisi (qizlar ham) man etilgan gormonal preparatlarni ishlatganligi uchun musobaqalardan ozod qilingan. Shu sababdan, XOQ tomonidan so'nggi olimpiya o'yinlarida dopinga qarshi xizmat komissiyalari tuzildi. Xalqaro sportda doping ishlatish hollarining ko'payishi sababli XOQ 1999-yil 2–4-fevralda Xalqaro konferensiyada buni maxsus masala qilib ko'tarib chiqdi. Sportda bellashuvlarning halol, odilona bo'tishini ta'minlashda hakamlik omili ancha ustuvor turadi. XOQ xartiyasi va XSFlarning nizomlarida hakamlarning haqqoniy, adolatli bo'lishi alohida ta'kidlangan. Shunga qaramasdan, olimpiya o'yinlari xalqaro sport musobaqalari va ular bilan aloqador faoliyatlarda hakamlar, tashkilotchi rahbarlar orasida g'irromlik, vijdonsizlik, hatto sotqinlik holatlari ko'p uchramoqda. Ularni butunlay yo'q qilish yo'lida mutaxassislар, axborot vositalari izchil kurash olib bormoqda.

Konkida figurali uchish, badiiy va sport gimnastikasi, boks, kurash, sport o'yinlarida natijalar bir yoki bir necha hakamlarning subyektiv fikrlari bilangina baholanadi. Bunday holatlarda ko'pincha chalkashlik yuz beradi yoki ataylab tarafkashlik qilish kuzatiladi. Bu holatlar maxsus yig'ilishlarda ko'rib chiqiladi va nohaq hakamlar jazolanadi. Shu sababdan, hakamlik muammolari ilmiy-texnik jihatdan o'rganilib, eng zamonaviy texnik vositalardan foydalanishga o'tilmoqda. Ularning dalillari esa hakamlar hay'ati va nazorat qo'mitalarining ko'z oldida qayta namoyish etiladi. Bu o'rinda futbol o'yinidagi jiddiy harakatlarni video tasvirga olish va qayta ko'rsatishni misol tariqasida keltirishning o'zi kifoyadir.

Olimpiya harakatida o'yinlar dasturi masalasi qattiq kuraschlarga sabab bo'limoqda. Sportning u yoki bu turini kamaytirish yoki ko'paytirishga qaratilgan harakatlar o'yinlarning to'xtatilishi darajasigacha olib borishi mumkin. Shu sababdan, sport turlari hozirgi davrda jamiyat taraqqiyotiga mos kelishi lozim. O'yinlar ilmiy-tehnika taraqqiyoti, umumiy ijtimoiy taraqqiyot jarayonlarini hisobga olmog'i, sportning kurashchanlik, go'zallik, hamjamiyatlik, do'stona muhitini yaratish tamoyillariga tayanishi shartdir.

Hozirgi davr muammolaridan biri, XOQ, MOQ, XSF faoliyatlarini muvofiqlashtirib turishdan iborat. Keyingi olimpiya o'yinlarining talab darajasi tashkil qilinishi shunga bog'liq bo'lib qolmoqda.

MOQ hukumat tashkilotlari bilan, XOQ esa YuNESKO va BMT bilan uzviy aloqada ish olib bormog'i kerak.

XX asr oxirida jahonda yuzaga kelgan tub o'zgarishlar xalqaro sport va olimpiya harakatida yo'nalishlari, tamoyillari va me'yordarning qayta ko'rib chiqilishini taqozo etmoqda. Bu holatlar ijodkorlik g'oyalarini siyosiy va sport harakatida qo'llashni talab etadi.

Olimpiya xartiyasi, XSU va SIYEPS nizomlarida umuminsoniylik, axloq, oljanoblik tamoyillari va me'yoriari o'z ifodasini topmog'i kerak. Buning uchun hozirgi zamon olimpiya sporti modelini ishlab chiqish maqsadga muvofiq bo'ladi. Hozircha bu model kommersiya va u bilan bog'liq jarayonlarga asoslanmoqda. Bu esa ayrim sportchilarni g'alaba uchun kurashda hech qanday yo'ldan qaytmaslikka, hatto olimpiya o'yinlarining yuksak g'oyalariga zid harakat qilishga ham undayapti.

Xalqaro Olimpiya harakati sportga tijorat ishi sifatida ortiqcha qarash tufayli ko'p zarar ko'rmoqda. Olimpiya o'yinlari chog'ida ba'zi firmalar o'z mahsulotlarini namoyish qilish, sotishni (yarmarka) tashkil etayaptilar, bu yirik sport tadbiri ishbilarmon va tijoratchilarning foydasiga xizmat qilishi mumkinligi xavfi tug'ilmoqda.

Kommersiya faoliyati olimpiya o'yinlarining insonparvarlik va tarbiyaviy qiymatini yo'qotish va hatto Olimpiya hara-

katini buzishgacha olib borishi mumkin.

Bu jihatlar XOQning ba'zi a'zolari ichida ham mavjudligi tabiiydir. Ular korrupsiya (poraxo'rlik) bilan shug'ullanadilar. Navbatdagi olimpiya o'yini shahrini tanlash, turli mahsulotlarni namoyish qiluvchi firmalar, tashkilotlar bilan shartnomalar tuzish, o'yinlarda yuqori o'rirlarga chiqish va h.k. uchun xizmat qilishlari mumkin. Bu sohalarda millionlab dollarlar «oyoqqa» turadi.

1998-yil dekabrida 80 yoshli M.Xodler XOQ a'zosi, Qishki sport turlari xalqaro assotsiatsiyasining prezidenti, o'tmishda XOQ vitseprezidenti sifatida XOQning ba'zi a'zolarini poraxo'rlikda aybladi. Bunda 1998-yilda Solt-Leyk-Siti shahrining 2002-yil Olimpiya o'yinlari joyi qilib tanlanishi va shuningdek, o'tgan Olimpiya o'yinlari shaharlari Atlanta va Naganoni tanlashda ham qo'yilgan xatolar dalil qilib ko'rsatildi.

XOQning maxsus komissiyasi Prezident X.A.Samaranch taklifi bilan buni o'rganib chiqdi va dalillar tasdiqlandi.

1999-yil 17–18-martda Lozannada favqulodda 108-sessiya chaqirildi. Unda X.A.Samaranch taklifi bilan komissiya xulosalari muhokama etildi. Ba'zi a'zolar XOQ tarkibidan o'chirildi, ba'zilarga qattiq hayfsan e'lon qilindi.

Bu sessiyaning qarori keyingi olimpiya o'yinlarini o'tkazish, xalqaro olimpiya harakatini boshqarishda o'rnak bo'lishiga ishonch bildirildi.

2000-yil kuzida XOQ prezidenti X.A.Samaranchning lavozimdagи muddati tugadi. Lekin Sidneyda (Avstraliya) bo'ladigan XXVI Olimpiya o'yinlarini o'tkazish va uni yakunlashgacha u o'z lavozimida faoliyat ko'rsatdi. X.A.Samaranch yoshi 80 dan oshganligi tufayli iste'foga chiqishini ma'lum qildi. 20 yildan (1980–2000 y.) ortiq davr mobaynida u XOQ Prezidenti sifatida xalqaro sport va olimpiya harakatining rivojlanishi yo'lida katta mehnat qildi. Buni sport olamining yetakchi va rahbar xodimlari tan olishdi. 2001-yil 13-iyulda Moskvada XOQning 112-sessiyasi bo'lib o'tdi. Sessiyada asosan navbatdagи (2008 y.) o'tkaziladigan Olimpiya o'yinlari shahrini belgilash va yangi prezidentni

saylash kabi masalalar muhokama etildi.

Olimpiya o'yinlarini o'tkazishga nomzod bo'lgan shaharlar anchagini edi. Ovozga Osaka, Parij, Istambul, Pekin va Toronto shaharlari qo'yildi. Natijada, Pekin ko'pchilik ovoz olib, XXIX Olimpiya o'yinlarini qabul qiladigan bo'ldi.

Yangi prezident lavozimiga amerikalik huquqshunos ayol Anita Dafranta, koreyalik diplomat Kim Yong Un, kanadalik iqtisodchi Richard Padid, vengriyalik sobiq qilichboz Pal Shmit va belgiyalik shifokor Jak Rogg nomzodlik qilishgan edi. Ovoz berish ikki bosqichda o'tkazildi. Birinchi bosqichda Amerika vakili nomzodi tushib qoldi. Ikkinci bosqichda esa belgiyalik 59 yoshli shifokor Jak Rogg ko'p ovoz olib, barcha nomzodlar ustidan g'olib chiqdi. «Sport» gazetasining (№ 56–57-son 2001 y. 18-iyul, O'zbekiston) ma'lumotlariga qaraganda, Jak Rogg 1942-yil 2-may kuni Gent shahrida tug'ilgan. U tibbiyot fanlari doktori, jarroh; ingliz, fransuz, nemis, golland va ispan tillarida gaplasha oladi. Regbi va yelkanli kema sporti bilan shug'ullangan. Yelkanli kema sporti bo'yicha 6 marta Belgiya championi, uch bor olimpiada (1968, 1972, 1976-yillar) o'yinlari ishtirokchisi. U Yevropa Olimpiya qo'mitasi Prezidenti (1989 y.) Insbruk, Kalgarida o'tkazilgan qishki Olimpiya o'yinlari missiyasi rahbari, Moskva (1980), Los-Anjeles (1984) va Seul (1988) olimpiadalarini missiyasi rahbari bo'lgan. Dopingga qarshi Butunjahon Ittifoq agentligi (ADA) a'zosi, 1991-yildan XOQ a'zosi, olimpiada harakati, dasturi va komissiyasi a'zosi. XXVII va XXVIII Olimpiada o'yinlarini muvofiqlashtirish komissiyasining rahbari bo'lgan.

Xulosa shundan iboratki, XX asrning ikkinchi yarmida bo'lib o'tgan Olimpiya o'yinlari, kongresslari va turli sport tadbirlari Olimpiya harakatini rivojlantirishi hamda uni davr talablari asosida demokratlashtirish yo'llari ancha ijobjiy bo'ldi. Bunda XOQ prezidenti X.A.Samaranch, Xalqaro sport uyushmalari rahbarlari, eng muhim Olimpiya o'yinlarini o'tkazuvchi mamlakatlarning hamkorliklari ancha kuchaydi. Hozirgi davr sport muammolarini hal etishda jahon jamoatchiligi birdamligi yuzaga keldi.

## O‘z-o‘zini nazorat qilish uchun savollar

1. Ikkinchi jahon urushidan keyingi olimpiya va xalqaro sport harakatidagi o‘zgarishlar nimadan iborat?
2. «Olimpizm», «Olimpiya harakati», «Olimpiya o‘yinlari»ni izohlang.
3. Olimpiya o‘yinlaridagi kuchlarning o‘zgarish sabablari nimada?
4. XXII Olimpiya o‘yinlarning ahamiyati?
5. X–XII Olimpiya kongresslarining asosiy natijalari nima berdi?
6. «Do‘slik-84» va «Yaxshi niyat o‘yinlari (Igri dobroy voli)» musobaqalarining ahamiyati?
7. XOQ va uning prezidentlari Olimpiya harakati rivojiga qanday hissa qo‘shti?
8. Hozirgi davr olimpiya harakati muammolari nimadan iborat?
9. XOQning 8-Prezidenti kim va u qachon saylandi?
10. 2008–2012-yil.da Olimpiya o‘yinlari qayerda o‘tadi?

## Umumjahon jismoniy tarbiya va sport tarixi haqidagi eng muhim voqealar

Yangi eragacha bo‘lgan 40–25 minginchi yillar.	Mehnat jarayonidagi jismoniy mashqlar va o‘yinlarning inson faoliyatida mustaqil ravishda qo‘llanilishi.
Yangi eradan oldingi XII–VI ming yillik.	Kamon (yoy) va nayzaning (o‘q) ixtiro etilishi, kamondan o‘q otishning vujudga kelishi.
Yangi eradan oldingi IV–III ming yillik.	Shimoliy mintaqaga xalqlarida chang‘ida yurish (ov)ning boshlanishi.
Yangi eradan avvalgi II–I minginchi yillar.	Misr hududidagi Bani-Xassanda olib borilgan qazilma ishlari natijasida turli mashqlar va o‘yinlarning qo‘llanishi haqi-

Eradan oldingi XII—VIII asrlar.	dagi ma'lumotlar. Gomerning «Iliada» va «Odes-seya» asarlari ifoda etilgan mashqlar o'yinlar va musobaqalarning qo'llanilishi.
Eradan oldingi 1-ming yillik.	Kavkaz va boshqa hududlarda jismoni mashqlar, o'yinlarning mavjudligi haqidagi xabarlar.
Eradan avvalgi 776 y.	Qadimgi Gretsiyaning Olimpiya o'yinlari o'tkazilishi.
Eradan avvalgi VI—IV asrlar.	Olimpiya o'yinlarining ravnaq topishi.
Eradan oldingi 264 y.	Qadimgi Rimda gladiatorlar jangi.
394 y. (yangi era) 404 y.	Qadimgi yunon Olimpiya o'yinlarining to'xtatilishi.
VI—VIII asrlar.	Sharqiy slavyanlarda jismoni tarbiya elementlarining shakllanishi.
IX—XII asrlarda.	G'arbiy Yevropada qilichbozlik va o'q otish uyushmalarining vujudga kelishi.
XV—XVI asrlarda.	Gumanistlar va ilk sotsial-utopistlarning jismoni tarbiya haqidagi fikrlari.
XVIII—XIX asrlarda.	G'arb va Sharq mamlakatlarida jismoni tarbiya, o'yinlar, gimnastika va sport haqidagi ta'lim tizimlarining paydo bo'lishi.
1863 y.	Angliya futbol ligasining tashkil etilishi.
1863—1937-yillar.	Pyer de Kuberten, XOQ prezidenti (1896—1925).
1894	Xalqaro Olimpiya qo'mitasining (XOQ) tashkil etilishi.
1896	I Olimpiya o'yinlarining tash-

	kil etilishi, Afina. O'yinlar har 4-yilda bir marta o'tkaziladi. Urushlar tufayli 1920, 1940, 1944-yillar Olimpiya o'yinlari o'tkazilmagan
1904	Xalqaro futbol federatsiyasining (FIFA) tashkil etilishi.
1912	Kubertenning «Oda sporti» poemasining yaratilishi.
1931–1934	«Mehnat va mudofaaga tayyor» (GTO) majmuining joriy etilishi.
1951	Sobiq SSSR Milliy Olimpiya qo'mitasining tashkil Xelsinkida o'tkazilgan XV Olimpiya o'yinlari sobiq SSSRning biringchi marotaba qatnashishi. Sobiq SSSR xalqlarining I Spartakiadasi. Sobiq SSSR xalqlarining II Spartakiadasi. Sobiq SSSR xalqlarining III Spartakiadasi. Sobiq SSSR xalqlarining IV-yubiley spartakiadasi Sobiq SSSR xalqlarining V Spartakiadasi. Sobiq SSSR xalqlarining VI Spartakiadasi. Sobiq SSSR xalqlarining VII Spartakiadasi.
(1917–1967).	XXII Olimpiya o'yinlarining Moskvada o'tkazilishi. Sobiq SSSR xalqlarining VIII Spartakiadasi. Sobiq SSSR xalqlarining IX Spartakiadasi. Sobiq SSSR xalqlarining X, so'nggi Spartakiadasi.
1980	

1992	Barcelona (Ispaniya)da XXV Olimpiya o'yinlarining o'tkazilishi. Parijda XII Olimpiya Kongressining o'tishi.
1996	Atlanta (AQSH) XXVI Olimpiya o'yinlarining o'tkazilishi.
1998	Nyu-Yerkda IV-«Yaxshi niyat o'yinlari» o'tkazilishi.
2000	Moskvada jahon yoshlar o'yinining tashkil etilishi
2001	Sidneyda (Avstraliya) XXVII Olimpiya o'yinlarining tashkil qilinishi.
2002 31-may 30-iyun.	Jak Rogg (Belgiya) XOQning yangi 8-prezidenti etib saylanishi.
2004 y. iyul-avgust	Tokio (Yaponiya) va Seul (Janubiy Koreya)da futbol bo'yicha jahon chempionatining o'tkazilishi.
	Afinada (Gretsiya) Olimpiya o'yinlarning dastlabki (1896 ochilishi va 100 yil to'lishi bag'ishlab Xalqaro anjuman hamda XXVII Olimpiya o'yinlari o'tkazildi.

# **UCHINCHI BO'LIM. O'ZBEKISTONDA JISMONIY MADANIYAT VA SPORT TARAQQIYOTI TARIXI**

## **X bob. UZOQ VA YAQIN O'TMISHDAGI AJDOD HAMDA AVLODLARIMIZNING JISMONIY MADANIYATI TARIXIGA OID SHARHLAR**

### **10.1. Eng qadimgi ajdodlar jismoniy madaniyati haqidagi manbalar**

Hozirgi O'zbekistonning hududlari va unga yaqin bo'lган qо'shni mamlakatlarning (Qozog'iston, Qиргизистон, Tojikiston, Turkmaniston, Afg'oniston va h.k.) deyarli ko'п joylarida istiqomat qilgan qadimgi ajdodlarimizning ijtimoiy-madaniy turmushi, ayniqsa, turli marosimlar, an'analar, bayram-sayllarni o'tkazishda kurash, ot o'yinlari, dorboz, harakatli o'yinlardan keng foydalanganlar. Ular haqida «O'zbekiston xalqlari tarixi», «O'zbekiston xalqlari madaniyati tarixi» va boshqa ko'pgina darsliklar, monografiyalar, ilmiy tadqiqotlarning natijalarida batafsil bayon qilingan. Bu yilda sobiq Ittifoq davrida atoqli arxeolog olim Ya.G'ulomov, tarixchi-matematik akademik Qori-Niyoziy va boshqalarning ilmiy tadqiqotlari muhim ahamiyatga egadir.

E'tirof etish lozimki, ibridoiy jamoa tuzumi va keyingi davrlarda jismoniy tarbiyaning vujudga kelish jarayonlarini N.I.Ponomaryev, V.V.Stolbov (sobiq SSSR) kabi iqtidorli rus olimlari izchil o'rganishlari natijasida qator monografiyalar, o'quv qо'llanmalar va darsliklar yaratishdi. Ularning mazmunida oz bo'lsa-da, yurtimiz hududlarida yashagan qadimgi kishilarining jismoniy tarbiyasi tilga olinganligi ham e'tiborga loyiqdir.

Qadimgi ajdodlarimizning ijtimoiy-madaniy turmush sharoitida jismoniy tarbiya vositalarining (turli o'yinlar, otda

yurish, kurash, nayza uloqtirish va h.k.) qo'llanilishi haqida «Avesto», «Alpomish», «Go'ro'g'li», «Qirqqiz», shohnoma; «Manas», «To'maris afsonasi» kabi tarixiy manbalar hamda xalq og'zaki ijodi guvohlik beradi.

O'zbekistonda jismoniy tarbiya va sportning tarkib topishi va ijtimoiy tuzumlar asosida uning rivojlanishiga doir mukammal ishlangan o'quv qo'llanmalar darslik deyarli yo'q.

R.Ismoilov va Yu.Sholomitskiy ilk bor (1968 y.) «O'zbekistonda fizkultura tarixi» o'quv qo'llanmani yaratgan. Unda qadimgi ajdodlarimizning jismoniy tarbiyasi haqida jiddiy ma'lumotlar uchramaydi. X.A.Botirov (1993 y.) va A.K.Akramovlarning (1997 y.) «Jismoniy tarbiya va sport tarixi» ommabop va o'quv qo'llanmalarida ham ajdodlarimiz jismoniy madaniyati hamda tarbiyasi to'laqonlik bilan mazmun topmagan. R.Abdumalikov, J.E.Eshnazarovlarning «Ajdodlar jismoniy madaniyati tarixini o'rganish masalalari» (1993 y.) o'quv qo'llanmasida ham asosan xalq og'zaki ijodi durdonalari, tarixiy muzeylardagi ashyolar, Rossiya olimlarining tadqiqotlari natijalaridagi ba'zi ma'lumotlarga tayangan holda mazkur muammoga ozroq bo'lsa-da, oydinlik kiritilgan.

Hozirgi Markaziy Osiyo hududlarida yashagan eng qadimgi ajdod va avlodlarimizning ijtimoiy-madaniy turmushi haqida ma'lumotlarga oid doimiy ashyolar ko'p uchraydi. Ularning eng muhimlari Toshkent, Samarcand, Termiz va boshqa shaharlardagi tarix, arxeologiya va san'at muzeylarida saqlanib kelinmoqda.

Ajdodlarimizning ijtimoiy hayotida turli xil jismoniy mashqlar, o'yinlar ko'p qo'llanilgan. Ular asosan ijtimoiy mehnat va tarbiya jarayonida keng qo'llanilgan.

Rasmiy manbalarga qaraganda mamlakatimizda yashab, hayot kechirgan ilk ajdodlarimiz bundan 40 ming yillar avvalgi davrga to'g'ri keladi. Ular haqidagi ma'lumotlar Samarcand shahrining janubidagi tog'lar orasidagi Omonqo'ton g'ori (1940 y.y.da ochilgan). Surxondaryoning Dalvarzin tepa, Teshik tosh, Afrosiyob (Samarcand), Toshkent viloyatining Sirdaryo sohillari va boshqa joylarda

o'tkazilgan arxeologik topilmalar guvohlik beradi.

Qurama tizma tog'lari (Toshkent viloyati), Nurota, Turkiston, Hisor tizma tog'lari oraliqlaridagi yassi va silliq toshlarga chizilgan tasvirlarda (rasmlar) kishilarning ov qilishdagi shakl va harakatlari, ov qurollari, hayvonlar aks ettililib, ularning tarixi ham bir necha o'n ming yillik davrlarni o'z ichiga oladi. Lekin afsuski, ular jismoniy madaniyat mutaxassislari tomonidan ilmiy-nazariy va pedagogik va tarixiy jihatdan izchil o'rganilmagan. Professor Yu.S.Sholomitskiy rahbarligida o'tkazilgan ba'zi bir tadqiqotchilar (J.T.Toshpo'latov, Termiz, 1978, S.V.Faxriddinova, Toshkent, 1978, J.E.Eshnazarov, Samarqand, 1978) ajodolarimiz jismoniy madaniyatini haqida mulohazalar bildirishgan. H.A.Botirov (Buxoro, 1993), A.K.Akramov (Toshkent, 1997) va yana bir qator tadqiqotchilar, yosh ijodkorlar ham o'zlarining o'quv-uslubiy qo'llanmalarida qadimgi ajodolar jismoniy madaniyatini tilga olishgan. Ular ham umumiy tu-shunchalardan boshqa yangi ma'lumotlar berish, daliliy ashyolarni sharxlash bo'yicha jiddiy harakat qilishmagan.

Kelajakda yosh ijodkorlar bu muammolarga alohida e'tibor berishlari, ayniqsa, milliy kurashlarimiz, ko'pkari-ulq otda poyga va xalq milliy harakatlari o'yinlarining kelib chiqish sabablari, davrlari va ularning rivojlanish tarixini astoydil izlanishlar asosida o'rganishlari lozim bo'ladi. Zero, milliy o'yinlarimiz xuddi o'zbek kurashi kabi jahon yuzini ko'rsa, ularning ijtimoiy-tarbiyaviy mohiyatlari jahon xalqlari orasida keng tarqalsa ajab emas. Bu, o'z navbatida, barcha xalqlarning o'zaro madaniy aloqalari, hamdo'stligi, tinch-totuv yashashlarini ta'minlashi mumkin.

«Xalq so'zi», «O'zbekiston ovozi», «Turkiston», «Sport» va boshqa gazetalar hamda turli jurnallardagi ulug' sanalar, eng muhim an'analar haqidagi lavhalar, maqolalarni tahlil qilish, turli muammolarga bag'ishlab o'tkazilgan respublika xalqaro anjumanlarning materiallarini o'rganish asosida ajodolar jismoniy madaniyatidan ba'zi bir ma'lumotlar havola etildi.

Ayniqsa, taniqli olimlar U.Qoraboyev (falsafamadaniyat), M.Murodov (adabiyot-tarix), I.Abdurahmonov (san'at-madaniyat) va b.q.ning monografiyalari, o'quvuslubiy qo'llanmalari muhim ahamiyatga ega bo'ldi.

Ajdodlar jismoniy madaniyati milliy qadriyatlarimiz mezonidir. Bu uzoq davrlar davomida shakllanib va rivojlanib hozirgi kunda ular davr taqozosi bilan kengayib boyib bora-yotgan ijtimoiy-madaniy va pedagogik jarayonga aylanmoqda.

Jahonda buyuk tarixiy o'zgarishlar yuz bermoqda. Bu yo'lida O'zbekiston mustaqil davlat maqomini o'z qo'lliga kiritdi. Shu sababdan, mamlakatimiz jahondagi buyuk va eng taraqqiy etgan mamlakatlar (AQSH, Germaniya, Yaponiya, Fransiya, Janubiy Koreya, Xitoy, Turkiya va h.k.) bilan yelkama-yelka bo'lib faoliyat ko'sratmoqda. Shular qatorida Arab mamlakatlari, Hindiston, Yevropa va boshqa min-taqlardagi davlatlar bilan ham madaniy aloqalarni kuchaytirmoqda.

Ta'kidlash lozimki, dunyodagi juda ko'p mamlakatlar hozirgi O'zbekiston va uning tarixiy o'tmishini yaxshi bilishadi va yanada chuqurroq o'rganish maqsadida ularning rasmiy vakillari yurtimizga tez-tez tashrif buyurishmoqda. Bu jarayonlar O'zbekiston Respublikasi Prezidenti I.A.Karimov va boshqa rasmiy rahbarlar hamda mutaxassislarning 1991–2000-yillarda chet ellarga qilgan rasmiy safarlarida, ayniqsa, ko'proq namoyon bo'ldi.

Mamlakatimiz mustaqilligining dastlabki yillaridayoq I.A.Karimov hozirgi davrga yuqori baho bergen edi, ya'ni: «Hozir bizning jamiyatimiz tarixiy chorrahada turibdi. Respublikani milliy-davlat, ijtimoiy-iqtisodiy va ma'naviy kamol toptiruvchi o'z taraqqiyot yo'lini ishlab chiqishimiz zarur. «Hozir yashab turganlarning taqdirinigina emas, balki ularning farzandlari, neveralarining ham taqdiri, kelajak avlodlarning taqdiri ham shunga bog'liq bo'ladi».<sup>1</sup>

Aytish lozimki, milliy madaniyat taraqqiyotida O'zbekiston dunyo davlatlari, hatto butun Markaziy Osiyo

---

<sup>1</sup> Karimov I.A. «O'zbekiston o'z istiqlol va taraqqiyot yo'li», T., «O'zbekiston», 1992, 8-bet.

mamlakatlari orasida o'ziga xos xususiyatlarga egadir.

O'zbekiston o'zining geografik va tabiat qulayliklariga ko'ra qadimdan insoniyat tarixining ilg'or madaniy xo'jalik markazlaridan joy olib kelgan.

Tarixchilar va mutaxassis olimlarning ta'kidlashiga qara-ganda qadimgi yunon va sharq manbalarida, xususan, «Avesto», «Alpomish», «Shohnoma; Go'ro'g'li» va boshqa man-balarda madaniyat o'choqlari (markazlar) sifatida Sug'diyona o'lkasi, Xorazm, Choch va Parkana viloyatlari hamda Baqtriya podsholigining katta qismi aynan respublikamiz mintaqalariga to'g'ri keladi.

«Afrosiyob muzeyi»dagi (Samarqand) saqlanayotgan changda ishlangan rangli tasvirlar shohona saroylar, qadimigi buyuk ipak yo'li (VIII asr), Quva ibodatxonasi (VII asr); Bolaliktepa va Varaxshadan topilgan bebabho tasviriy san'at obidalari (o'ymakorlik, haykaltaroshlik va h.k. VI—VII asrlar) jahon madaniyati xazinasiga durdonha bo'lib kirdi. Bu esa o'zbek diyorini jahonning qadimiy madaniyat markazlaridan biri sifatida olamga tanitdi.<sup>1</sup>

O'zbekiston xalqlari madaniyati tarixi juda ko'p man-balarda o'z ifodasini topgan. Ularning mazmunida umumiy madaniyatning tarkibiy qismi sifatida jismoniy madaniyat bilan bog'liq ba'zi bir dalillar, ashyolar bayon etilganligi muhim ahamiyatga ega bo'lmoqda.

E'tirof etish kerakki, boshqa maqsad va niyatlar bilan Rossiyadan yurtimizga kelgan olimlar, generallarning tadqiqotlarida o'rganilishi lozim bo'lgan bir qator dalillar bayon etilgan. Ular o'tmish tariximizni o'rganish va hozirgi davr g'oyalari asosida tahlil qilishga muhim omil bo'la oladi.

Ilmiy ekspeditsiyalar, arxeologik qazishlar va boshqa faoliyatlarda rus olimlari V.V.Bartold, Ya.Yu.Yakubovskiy, V.E.Bertele, O.P.Tolstov, V.V.Grigoryev, I.M.Umnikov, Z.D.Kastelskaya, V.A.Vyatkin, A.Shishkin kabilar juda ko'p ilmiy meroslar qoldirgan. Keyinchalik ularni o'zbek olimlari Ya.G'.G'ulomov (arxeolog) I.Mo'minov (falsafa), Qori-

<sup>1</sup> Asqarov A., Izlanish davom etadi. «Sovet O'zbekistoni» gazetasi, 1979 y., 11-avgust soni.

Niyoziy (tarix, matematika), B.Axmedov (tarix) A.Asqarov, G.A.Hidoyatov (tarix) kabi ularning tadqiqotlarini rivojlan-tirdi. Ularning monografiyalari, ilmiy asarlari, o'quv qo'llanmalari, ilmiy maqolalarida qadimgi avlodlarimiz madaniyati keng yoritildi.

Ularning asoslab berishicha ajdodlar madaniyati va taraqqiyot jarayonlari ijtimoiy-iqtisodiy va siyosiy rivojlanish bilan chambarchas bog'lanib kelgan. Bu esa insonlarning madaniy turmush sharoiti, jismoniy madaniyati ham rivojlanib borganligini tasdiqlaydi. Shunga asosan ajdodlarimizning jismoniy madaniyatini va uning rivojlanish tarixini turli ijtimoiy tuzumlar davridagi madaniyat, ma'rifat, tarixiy voqealar, urf-odatlar, an'analardan alohida ajratib o'rganish qiyindir. Ajdodlar ijtimoiy-madaniy turmush sharoiti, ma'lum davrlardagi ijtimoiy-siyosiy, iqtisodiy, madaniy va b.q. faoliyatlar tarkibiga kirib ketgan jismoniy madaniyat jarayonlarini hozirgi davr talablari asosida o'tmishga bog'lab o'rganish, uni o'qitish hamda yoshlarga singdirish maqsadga muvofiqdir.

O'z o'mnida ta'kidlash lozimki, sobiq Ittifoq davrida Markazda (Moskva) tayyorlangan va uzoq vaqtlar amalda qo'llanilib kelingan darsliklar, o'quv va uslubiy qo'llanmalarda O'zbekistonning qadimgi xalqlari jismoniy madaniyat tarixi deyarlik tilga olinmagan. Faqat Abu Ali ibn Sinoni eslatar ekan, uni ham sharq mutafakkiri deb umumiyl ravishda bayon etilgan edi.

O'zbekistonning mustaqilligi tufayli, o'tmish tariximizni qayta o'rganish, unga haqiqiy baho berishga imkoniyatlar yaratilmoqda. Shu asosda o'tmish tariximizdagи jismoniy madaniyat va uning rivojlanishidagi bosh sabablardan ba'zi bir tomonlarini esga olish zarurdir. Buning uchun O'zbekiston xalqlari tarixi (eski nashrdagi tomlar), O'zbekistonning yangi tarixi (uch qism), ba'zi tadqiqot natijalari hamda muzeylardagi daliliy ashyolarga bevosita murojaat qilish kerak bo'ladi. Rasiniy manbalarga qaraganda bundan 150–140 ming yil (o'rta paleolit) Muz davrida muzlanish keng tarqalgan. Odamlar yashash uchun tabiat bilan kurashganlar. Toshlardan qurol yasashni

takomillashtirib, yirik hayvonlami va baliq ovlashga kirishgan. O't chiqarish vositalarini ixtiro qilib, yashash uchun g'or, yer to'la, chayla, kapa va boshqa boshpanalardan foydalanishgan. Bu jarayonlar esa tabiiyki, barchaning jismonan baquvvat, epchil, kuchli, chaqqon bo'lishini talab etgan.

Ilmiy tadqiqotlarning guvoh berishicha, Teshiktosh (Surxondaryo), Omonqo'ton, Afrosiyob (Samarqand), Alisher Navoiy nomidagi Milliy istirohat bog'i (Toshkent, sobiq Komsomol ko'li), Xo'jakent, Obirahmat (Toshkent viloyati), Farg'ona shahri atrofidagi qal'ada (So'x daryosi bo'yidagi makonlar) va boshqa joylarda topilgan va muz davriga mansub bo'lgan yodgorliklar, turli ashyoviy dalillar o'rganilgan.<sup>1</sup> Tadqiqotlaming natijalariga qaraganda yuqorida nomlari qayd qilingan hududlarda odamlar turli qurollardan hayvonlarni ov qilish uchun foydalanishgan. Jismoniy chiniqish va o'ljani qo'lga kiritish uchun turli murakkab harakatlarni (yugurish, olishish, uloqtirish, sakrash, himoya qilish va hokazo) bajarishga to'g'ri kelgan. O'z navbatida, bolalarni ham bunday faoliyatlarga tayyorlaganlar. Natijada, hozirgi zamon jismoniy tarbiyasining ayrim namunalari (sakrash, yugurish, kurashish, uloqtirish, suzish va h.k) yuzaga kela boshlagan.

Yuqori Paleolit davri miloddan oldingi 40 ming yillikdan keyingi 12 ming yillikka qadar davom etadi. Bu davrda Markaziy Osiyo va Qozog'istonda iqlim quruq, o'zgarib turuvchi bo'lgan. Sovuq iqlim sharoitida yashagan hayvonlar—serjun karkidonlar, yovvoyi otlar, kiyiklar va boshqalar paydo bo'lgan.

Poda-poda bo'lib yashaydigan hayvonlarni ovlashga ixtisoslashuv o'sha davr odamlarining yashash manbalariga aylangan. Amudaryo, Sirdaryo va Zarafshonning quyi oqimidagi qator ko'llarda baliq ovi bilan shug'ullanish, ularning o'troq holda yashashiga sabab bo'lgan.

Markaziy Osiyoning nihoyatda boy ovchi va baliqchi jamoalari yodgorliklari ichida Markaziy Farg'onaning neolit

<sup>1</sup> Омонқулов Т., «Мастерские памятники Ташкентского оазиса», автореферат дис. на соис. уч. степ. канд. истор. наук, Ленинград, 1984 год.

yodgorliklari (Zambar, Taynoq, Yangiqadam, Madiyor, Sariqsuv Ming buloq) kabilar ajralib turadi.<sup>1</sup>

Ibtidoiy podadan yuqori paleolitga o'tilishi bilan ishlab chiqaruvchi kuchlar, ijtimoiy munosabatlar va odam qiyofasida o'zgarishlar paydo bo'lgan. Bu davrga kelib, mehnat qurollari ancha takomillashgan, suyak va shoxdan yasalgan buyumlar; igna, bigiz, qarmoq, kamon o'qi va har xil bezaklar shakllangan. Tosh va suyaklarni parmalaganlar. Toshlarga, sopol idishlarga odamlar, hayvonlarni rasmini chizganlar. So'nggi poleolit davrining yutuqlaridan biri—nayzaning ixtiro qilinishi bo'ldi. Nayza tufayli ovchilik rivojlandi, tirik hayvonlarni birgalashib ovlash keng ahamiyat kasb etadi.<sup>2</sup>

Ma'lumki nayzani ushlash tartiblari, uni mo'ljalga olib, uzoqqa otish (uloqtirish) qulay hamda oson emas. Uning texnik qoidalari, uslublari bo'ladi. Shuningdek, yetarli darajada chaqqonlik va chidamlilikni talab etadi. O'z-o'zidan ma'lumki, bu natijalarga erishish uchun maxsus tayyorgarliklar, ularni o'rgatuvchilar, tarbiyachilar bo'lgan.

Hayvonlarni birgalashib tutish, ularni quvib yetish ham oson emas. Shu sababdan, oilalarda bolalarni maxsus tayyorgarlik ishlarini ko'rishgan va jismoniy jihatdan tarbiyalash ishlari olib borilgan.

Oilada bolalarni tarbiyalashda tabiiy harakatlar (yurish, yugurish, sakrash, uloqtirish, suvda suzish va h.k.) va turli harakatli o'yinlar eng asosiy vosita va amallardan biri bo'lib xizmat qilgan. Bolalarning yoshi, jismoniy rivojlanish holatlarini hisobga olgan holda, ularni guruhlarga ajratib o'ynatish o'sha davrlardayoq ma'lum maqsad yo'lida vujudga kelgan. Masalan: kichik yoshdagи bolalarga «Mushuk va sichqon», «Qushlar pир etib uchdi», «G'ozlar va o'rdaklar» kabi o'yinlarni o'rgatish boshlangan. O'rta yoshdagи bolalarga «Kalxat keldi», «Xo'rozlar jangi», «Kim chaqqon» kabi o'yinlar, estafetalar, to'siqli yugurishlar qo'llanilgan. Katta

<sup>1</sup> O'zbekiston xalqlari tarixi, 1 jild, T., «Fan» 1992 y., 13-bet.

<sup>2</sup> O'zbekiston tarixi va madaniyati, T., «O'qituvchi» 1992 y., 17-bet.

yoshdagi bolalarga esa tez yugurish, kuch sinashish (kurash, mushtlashish, tosh ko'tarish kabilar), daraxtlarga tirmashib chiqish, suvda tez suzish, hayvonlarga nayza sanchish (belgilangan doiralar, buyumlar va h.k.) kabi murakkab o'yinlar, mashqlar o'rgatilgan.

Markaziy Osiyo miloddan avvalgi 11–1 ming yilliklarda yirik quldarlik davlatlari Baqtriya, So'g'd, Xorazm paydo bo'ldi. Ular Rim va Gretsiyadagi quldarlik tuzumidan o'ziga xos ravishda anchagina farq qilgan.

Ya'ni Markaziy Osiyodagi davlatlarda ishlab chiqarish yuqori darajada bo'limganligi uchun asosan dehqonchilik, chorvachilik va mayda hunarmandchilik asosida qullar (yol-lanuvchilar) majburiy ishlatalgan.

Gerodotning «Tarix» kitobida massagetlar (hozirgi Markaziy Osiyo xalqlari) malikasi To'marisning Eron shohi Kir bilan olib borgan jang voqealari tasvirlangan. Jangda To'maris g'olib chiqib, Kirning boshini olib, qon bilan to'ldirilgan meshga soladi. «Sen umr bo'yi qonga to'ymading. O'z ontim bo'yicha seni qon bilan sug'ordim», deydi.<sup>1</sup> To'maris misolida o'sha davrlarda ayollardan sarkardalar chiqqanligini va janglarda har tomonlama kuch ko'rsatganligini guvohi bo'lamiz. O'z o'mida aytish lozimki, hozirgi davrdagi mahalliy millat qizlarini oilada, turmush va hayotda ma'naviy - jismoniy jihatdan yetuk bo'lishga otantirish, bu bilan ularning jamiyatga faol xizmat qilishlarini ta'minlash lozimi.

Shuni eslatish lozimki, VI asrda Eron Ahmoniyari, keyinchalik (329–327-yillarda) Aleksandr Makedonskiy (Iskandar Zulqarnayn) Markaziy Osiyoni bosib olib, o'zlarining madaniyati, dini va ijtimoiy-iqtisodiy boshqarish ish usullarini o'rmatganlar.

O'sha davrlarda Markaziy Osiyo hududida yashagan xalqlar bosqinchilarga qarshi qo'zg'olonlar ko'targan, jiddiy kurashlar olib borgan. Bunday hollarda askarlar va xalqning asosiy jangovorlik qurollari kamondan o'q otish, nayza bilan

---

<sup>1</sup> O'zbekiston tarixi va madaniyati, T., «O'qituvchi», 1992 y., 31-bet.

sanchish, qilichbozlik, turli xil vositalar (to'qmoq, kaltak, bolta, pichoq va h.k.) bo'lgan. Jangchilarning ma'lum qismi otda yurishgan. Bu holat jangchidan ot ustida turib barcha qurol vositalari bilan jang qilish, otni choptira bilish hamda boshqa imkoniyatlardan o'ta ustalik bilan foydalanishni talab etgan. Tarixiy manbalarning guvohlik berishicha, Aleksandr Makedonskiy 334-yilda (miloddan avval) 30000 piyoda va 5000 otliq askar bilan kichik Osiyoga, keyin Markaziy Osiyoga jangovor yurish qilgan. 327-yilda hozirgi Buxoro, Samarqand, (Marokand), Panjakent hamda Sirdaryo oqimi atrofidagi yerlarni bosib oladi. Bunda lashkarboshi Spitamen kelgindilarga katta qarshilik ko'rsatadi. Lekin uning xotini xoinlik qilib, Spitamennenning boshini kesib, Aleksandr Makedonskiyga topshiradi. Podshoh bu bevafo xotinni ham hamda 120 ming aholini ham qirib tashlaydi. Chunki uning ta'biri bo'yicha yeriga, eliga vafolik qilmagan ayol boshqalarga vafodor bo'lomaydi.

Markaziy Osiyo xalqlarining ijtimoiy tuzumi, madaniyati haqidagi ma'lumotlar Xitoy manbalarida ham uchraydi. Eradan avvalga 138-yilda Markaziy Osiyoga kelgan Xitoy elchisi—Chjansyan ajoyib ma'lumotlar qoldirgan. O'sha davrlarda Farg'onani Davon deb ataganlar. So'g'ddag'i Kattaqo'rg'on dastavval Kushon davlatining poytaxti bo'lgan.<sup>1</sup>

Kushonlar davri Markaziy Osiyo, Afg'oniston, Pokiston va Hindiston xalqlari tarixidagina emas, balki butun dunyo madaniyatining taraqqiyotida alohida o'rinni egallaydi.

Markaziy Osiyodan qadimgi ipak yo'li o'tganligi (Sharq mamlakatlar bilan g'arb davlatlari o'rtasidagi savdo va madaniy aloqalar) bu yerdagi xalqlarning madaniy hayotida katta burulishlar yasagan. Shu o'rinda eslatish zarurki, O'zbekiston mustaqillikka erishgach, «Buyuk ipak yo'li» xalqaro jamg'arma jamiyatini tuzdi. Bu dunyo xalqlari o'rtasida madaniy, savdo, siyosiy aloqalarni mustahkamlashga katta hissa qo'shamoqda.

---

<sup>1</sup> O'zbekiston tarixi va madaniyati, T., «O'qituvchi», 1992 y., 31-bet.

Sopol idishlar, amaliy san'at buyumlari, zebi-ziynatlar, mehnat va jang qurollarini yasash, mato to'qish ancha rivojlangan. Kamon, nayza, xanjar, tosh otish, qurollaridan keng foydalanilgan.

Termiz yaqinidagi Ayrитom, Xorazmdagi Tuproqqal'a va boshqa joylardan topilgan buyumlar, suyak, tosh, sopolga chizilgan rasmlarda qadimgi kurash, nayza uloqtirish, qilichbozlik, otda jang qilish kabi tadbirlar aks ettirilgan.

Xulosa qilib aytganda, O'zbekiston hududida qadimgi yashagan xalqlarning turmush sharoitlarida qurilish, turli bezakli buyumlarni yasash, savdo aloqalari hamda o'z vatanlarini himoya qilishda jismoni tarbiya vositalarida foydalanish kabi madaniy hamda jangavorlik faoliyatları alohida o'rin tutadi. Bu davrdagi yashagan yirik xalqlar o'rtasida jangavorlikni oshirish o'z hududlarida osoishtalikni ta'minlash hamda xalq farovonligini yuksaltirish uchun o'tkazgan diniy, madaniy marosimlar, to'ylar va turli an'analarida kamondan o'q otish, qilichbozlik va nayzabozlik qilish, kurash, ot o'yinlari hamda boshqa xalq milliy harakatlari o'yinlari bilan mashhur bo'lganlar.

VIII asr boshlarida arab bosqinchilarining asosiy diqqati Markaziy Osiyo yerlariga qaratildi. 704-yilda Qutayba ibn Muslim Xuroson noibi etib tayinlandi. U Mvaraunnahr yerlarini egallab, arab xalifaligiga qaratish istagi bilan yashadi. 705-yildan Markaziy Osiyo hududiga bostirib kirdi va Buxoro, Yettisuv, Samarcand, So'g'd, Farg'ona, Sirdaryo yerlarini egalladi.

Shuni eslatish lozimki, arablarga qarshi mahalliy xalqlar uzoq yillar davomida urush olib borganlar. Lekin kuchlar teng bo'ilmasligi oqibatida arablar bu yerlarni to'la istilo qilib, o'z dini va madaniyatini o'rnatishgan.

Rasul Muhammad alayhissalomga nozil qilingan «Qur'oni Karim»ning keng va chuqr tarqalishi Markaziy Osiyo xalqlarini Islom diniga bo'ysunishiga olib keldi. Bu esa, o'z navbatida, xalqning jipslashishi, odob-oqibatli bo'lishiga ijobiy ta'sir ko'rsatdi. Lekin ayollarning erkinligi, ochiq yuz bilan yurishi, avvalgidek erkaklar bilan birgalikda

teng mehnat qilishi, kurash, ot o'yinlarida bellashushi taqiqlandi.

Islom qadriyatlari xalq ma'naviy hayotining uzviy qismi sifatida uning turmush tarzidan, xatti-harakatida munosib o'rinn oldi.

Shuni ham e'tirof etish zarurki, musulmon ahlihing diniy e'tiqodlari, ijtimoiy-madaniy rivojlanishi kimgadir, nimagadir ishonishi, xalq o'rtasida jipslik, o'zaro hurmat, mehnatning qadriga yetish kabi hayotiy tushunchalar mazmuni mantiqiy tarkib topa boshladi.

Islom dunyosining kengayishi xalqlarini yagona xudoga sig'inish, har kim o'zini toza tutish, begonalar va og'a-ini-qarindoshlar orasida bu g'oyalarni tiklash mavqeyi kuchaydi. Musulmonlar jismni toza tutish, uslash, dam olish, ovqatlanish, bolalarmi yoshlikdan odobli bo'lishga o'rgatishga da'vat qilindi.

### **«Avesto», «Alpomish», «Go'ro'g'li» dostonlari va boshqa manbalarda jismoniy tarbiya haqidagi ma'lumotlar**

O'zbekiston mustaqilligi yillarda milliy qadriyatlар bilan bog'liq bo'lgan ilmiy meroslar, xalq og'zaki ijodiyotining durdonalari, badiiy, diniy manbalami chuqur o'rganish va ularning ijtimoiy-tarbiyaviy jarayonlarini ommaga, ayniqsa, o'quvchi yoshlarga singdirish masalalari oldinga surilmoqda.

Respublika Prezidenti I.A.Karimovning «Alpomish» dostonining yaratilishiga 1000 yil, «Avesto» kitobining 3000 yilligi va b.q. haqidagi munozaralari, mulohazalari va farmonlari bunga dalildir.

«Sharq» nashriyoti-matbaa aksiyadorlik kompaniyasi Bosh tahririyati tomonidan madaniyatimiz tarixida ilk bor «Avesto» kitobi mukammal suratda nashr etildi.

Umuman olganda, qadimgi ajdodlar ijtimoiy turmush madaniyati, ayniqsa, sihat-salomatlik, jismonan chiniqish, mehnat hamda uzoq umr ko'rib yashash uchun yaratgan ta'lim-tarbiya jarayonlari «Avesto»da chuqur ma'no va o'rinn egallagan.

Qadimgi ajdodlar jismoniy madaniyati xalq og'zaki ijodida, ayniqsa, ko'proq ifodalananadi. Bularni «Alpomish» dostoni misolida tan olishga to'g'ri keladi. «Alpomish» dostonida kurash, otda poyga, kamondan o'q otish va merganlik kabi jismoniy sifatlar, vatanparvar va xalq uchun, sevki yori uchun jonini ham fido qilish kabi eng ulug' insoniy fazilatlar madh etilgan.

«Alpomish» dostonining ijtimoiy-tarbiyaviy xususiyati shundaki, bundan bir necha ming yillar mavjud bo'lgan urf-odatlar, marosimlar, ayniqsa, yigit va qizlarining bir-biriga vafodorligi, jismoniy jihatdan o'ta barkamolligi, dushmanlarga shafqatsiz kurashlari odilona bayon etilgan.

«Go'ro'g'li» to'g'risida o'nlab katta dostonlar mavjud. Ular Markaziy Osiyo, Kavkaz va boshqa hududlarda ham mashhurdir. Dostonlarning tarbiyaviy jihatlari shundakī, yigit va qizning muhabbatlari orqali xalq irodasi, an'analar, urf-odatlar mazmunida otda chopish, jang qilish, qilichlashish, tog', daryo, chakalakzorlarda quvlanib o'tish, kurash, kamondan o'q otish kabi jismoniy faoliyatlar yuqori saviyada madh etilgan.

«Qirq qiz» dostonida hozirgi Qoraqalpog'iston hududi-dagi janglar o'z ifodasini topgan. Bunda o'z ota-onalari, qavm-qarindoshlari uchun o'ch olishda dushmanlar bilan mardonavor jang qilishgan qizlar timsoli tasvirlanadi: «Rustam», «Tohir va Zuhra» kabi xalq og'zaki dostonlarida ham xalq irodasi, yovuz kuchlar va yigit-qizlarining sevgi-muhabbat yo'lida qurbon bo'lganliklari bayon etilishi bilan birgalikda, jasur, botir, pahlavon, chavondoz kabi sifatlar ham o'z ifodasini topgan.

Qadimgi davrlar jismoniy tarbiyasi haqida yana fikr yuritilganda, Ibn Sino haqida mulohazalar bildirishga to'g'ri keladi.

Jahon tibbiyot olaming buyuk sultonlaridan biri, Abu Ali ibn Sinodir (980–1037). U falsafa, adabiyot, musiqa va boshqa ko'p sohalarni ham mukammal bilgan donishmanddir.

Ibn Sinoning ilmiy-pedagogik meroslari beqiyos ko'p. Ular ichida «Tib qonunlari» alohida ahamiyat kasb etadi. Bu asarni deyarlik barcha xalqlar o'z tillariga tarjima qilishgan. O'zbek tiliga ilk bor 1153-yilda, keyinchalik (1956, 1980, 1993) bir necha bor qayta nashr etildi.

Ibn Sinoning ijodiy faoliyati, «Tib qonunlari» va boshqa asarlarini ilmiy jihatdan o'rgangan, tahlil qilgan va ularning mohiyatini ochib bergan taniqli olimlar juda ko'p. Birgina O'zbekiston sharoitida ularning soni 100 dan oshib ketadi.

Buyuk allomaning ilmiy-pedagogik meroslarini chuqur o'rghanishda taniqli pedagog S.R.Rahimov (Samarqand DU), respublikada xizmat ko'rsatgan fan arbobi, professor O.A.Rixsiyeva (O'zDJTI 16) va boshqalarning xizmati kattadir.

Respublika hukumati va mas'ul davlat idoralari hamda jamoat tashkilotlarining tashabbusi bilan 1980-yilda Buxoroda Abu Ali ibn Sinoning tavalludiga 1000 yil to'lishi munosabati bilan katta ilmiy anjuman o'tkazildi. Bunda tibbiy xodimlar, jismoniy tarbiya va sport sohasidagi olimlar va boshqalarning Ibn Sinoning ilmiy-pedagogik meroslari haqida ma'ruza qildilar. Anjumanning materiallari respublikada jismoniy tarbiya ilmini takomillashtirishda salmoqli hissa qo'shdi, desa bo'ladi.

Ibn Sinoning ta'biri bilan aytganda «Sog'liqni saqlashning asosiy tadbiri – badan tarbiya»dir.

Mutafakkir adibning 30 dan ortiq tibbiy asarlari shu kungacha yetib kelganligi ma'lum. Ularning hammasida ham, muallifning jismoniy mashqlarga oid ilg'or fikrlari va amaliy mashqlar mazmuni uchraydi.

Shuni ta'kidlash lozimki, Ibn Sino jismoniy mashqlarning shakli va mazmuni hamda uning mohiyatlarini gigiyena, sog'liqni saqlash va kasalni davolashdagi majmuiy tadbirlarda berib boradi. Bu esa har bir insonning jismoniy mashqlar bilan qachon va qaysi tartibda shug'ullanishini belgilab beruvchi ta'limdir. Masalaga shunday yondashish maqsadga muvofiq bo'lar edi.

«Tib qonunlari» haqida mulohaza qilinadigan bo'lsa, kitobning birinchi qismi (toimi) deyarli inson salomatligini saqlash va uni rivojlantirishga bag'ishlangan. Eng muhim tomoni shundaki, kitobda inson tanasi va uning a'zolari, insonni shakllantirish hamda uning kamolotida yuz beradigan anatomik tuzilishlar, fiziologik va ruhiy jarayonlarning holati, kasalliklarning kelib chiqish sabablari ilmiy jihatdan bayon qilingan. Bu holatlarni bilish, shu asosda insonlar o'z-o'zini tarbiyalashdek muhim bo'lgan ijtimoiy-tarbiyaviy jarayonlarni hayotda qo'llash bugungi kunning eng dolzarb muammolari dan biridir.

Ibn Sinoning jismoniy mashg'ulot kishining yoshiga, jinsiga, sog'-salomatligiga va kasalligiga qarab, turlicha shakl va uslublarda o'tkazish kerakligi haqidagi g'oyalari juda o'rinnlidir. Shuningdek, bolalik, o'simirlilik, yigitlik va qarilik g'oyalarida kishi jismoniy mashg'ulotga turlicha munosabatda bo'lishi kerakligi masalalarini alohida uqtiradi. Bu ilmiy-pedagogik ta'lim merosi jahon xalqlari jismoniy madaniyati tarkibiga singib ketgan ijtimoiy turmush voqealigidir, desa bo'ladi. Bu holatlarni barcha oilalar, ayniqsa, mahalliy millat vakillari, shuningdek, barcha tarbiyaviy maskanlar, o'quv yurtlarida qayta-qayta o'rganishlari lozimdir.

Ibn Sino ta'limining eng yuksak va hayotiy jihatlardan biri shundaki, «Badantarbiya kishini chuqur va ketma-ket nafas olishga majbur qiluvchi ixtiyoriy harakat» mo'tadil ravishda va o'z vaqtida badantarbiya bilan shug'ullanuvchi odam buzilgan xiltlar tufayli kelgan kasalliklarning va mijoz hamda ilgari o'tgan kasalliklar tufayli keluvchi kasalliklarning davosiga muhtoj bo'lмаганligini bashorat qilib bergen.

Ibn Sinoning turli xil kasalliklarni oldini olish va uni davolashda badantarbiya mashqlaridan foydalanish tajribalarini respublikada xizmat ko'rsatgan fan arbobi tibbiyot fanlari doktori professor O.A.Rixsiyeva (16–12) ham ma'qullaydi.

Ibn Sinoning ta'kidlashicha, badantarbiya bilan mashg'ul bo'lmay qo'ygan kishi ingichka og'riq (a'zolarning torayishi) kasaliga uchraydi, chunki harakatsizlik natijasida uning

a'zolari zaiflashadi.

U badantarbiya turlarini asosan ikki guruhga bo'ladi:

1. Odamning ish jarayonlarida qiladigan harakatlari.

2. Maxsus badantarbiya harakatlari.

Buyuk olim badantarbiya deganda, asosan maxsus badantarbiya harakatlarini nazarda tutadi. Shu sababdan, badantarbiya turlari juda ko'p bo'lib, ular tez, nozik, yengil, kuchli va hokazo tarzlarda bajarilishini eslatadi. Bu, albatta, ilmiy nuqtai nazardan olganda har bir shug'ullanuvchi uchun asosiy ta'limdir.

Ibn Sino tortishish, mushtlashish, yoydan o'q otish, tez yurish, nayza otish, osilish, bir oyoqda sakrash, qilichbozlik, nayzabozlik va otda yurishlar badantarbiyaning tez bajariladigan turlariga kirishini aytadi.

Nozik va yengil turiga arg'imchoq uchish, belanchakda tik yoki yotib uchish, qayiq va kemalarda sayr qilish va boshqa harakatlardir, deydi u.

Badantarbiyaning kuchli turiga, kishining o'z soyasi bilan olishishi, katta va kichik koptoklar bilan chavgon o'ynash, kurash, tosh ko'tarish, chopayotgan otni jilovidan tortib to'xtatish kabilarni kiritadi.

Ibn Sinoning tavsiyasiga ko'ra badantarbiya vaqtida tez va shiddatli harakatlar, yengillari bilan doim almashtirib turish, shuningdek, ma'lum bir harakatni uzoq vaqt bajarmaslik uslublarini uqdiradi.

Tan olish kerakki, bundan ming yillar oldin amaliy tajribada sinalgan va ilmiy jihatdan asoslangan jismoniy (badan) tarbiya Xalqaro sport harakatining muhim mezonlariga aylanganligi barcha sport turlari bo'yicha murabbiylarni lol goldiradi.

Yana e'tiborli tomonlardan biri shundaki, turli kasalliklarni davolashda ruhiy ozuqa berish (xursandchilik) yo'llarini, ya'ni turli xil sayrlar, sayohatlar, kemalarda suzish, tabiat manzaralaridan bahramand bo'lish omillarini ishlatalishni tavsiya etgan.

Ibn Sino har bir a'zoning kasalini tuzatish uchun maxsus harakatlar — jismoniy mashqlar borligini eslatadi. Bunda

uqalash (massaj) mashqlarini ko‘zda tutadi va ularni quyidagi turlarga bo‘ladi:

1. Gavdani baquvvat qiluvchi – kuchli uqalash.
2. Gavdani yumshatuvchi kuchsiz uqalash.
3. Ozdiruvchi – davomli uqalash.
4. Gavdani o‘stiruvchi – mo‘tadil uqalash.

Olimning ta’kidlashicha, uqalash dag‘al yoki yengil bo‘ladi. Dag‘al uqalash dag‘al latta bilan amalga oshiriladi. Yengil uqalashni yengil (yupqa) latta bilan bajariladi. Uqalashlar asosan bo‘sashgan a‘zolarni zichlatish, yumshoqlarini qotirish, dag‘alini mayin qilish va qattiqlarini yumshatish maqsadida qilinishini bildiradi.

Bundan tashqari, badantarbiya bilan bog‘liq uqalashlar to‘g‘risida ham ta‘lim beradi:

1. Badantarbiyaga tayyorlovchi deb atalgan uqalash (sport trenirovkalari, musobaqalari oldidan hozirgi davrda qo‘llaniladi).

2. Badantarbiyadan keyin qilinadigan uqalash. Buni badanning o‘z holiga keltiruvchi uqalash yoki tinchlantiruvchi uqalash deyish mumkin. Bu hol ortiqcha toliqqan, o‘ta ko‘p og‘ir mashqlar (trenirovka, musobaqa) bajargandan keyin qo‘llaniladi. Ayniqsa, ko‘pkari (uloq), poyga, kurashdan keyin uqalash mashqlari hayotda ko‘p qo‘llaniladi.

Uqalash mashqlarining qon aylanish tizimini tezlatish (maromiga yetkazish), nafas olishni yaxshilash, hazm qilish a‘zolarining ish faoliyatlarini to‘g‘ri yo‘lga solishda muhim ahamiyat kasb etishi allomaning ilmiy-amaliy ta‘limida to‘la mazmun topganligining shohid bo‘lish mumkin.

Shuni ham eslatish zarurki, Ibn Sino salomatlikni saqlash va uni mustahkamlashda dam olish, uyqu va me‘yorida ovqatlanish hayotiy zaruriyatligini eng asosiy omillardan deb biladi.

Ibn Sinoning badantarbiya haqidagi ta‘limida eng asosiy o‘rinlardan birida kurash turlari turadi. Ya’ni «Kurashning turlari ham bir nechadir. Ulardan biri: ikki kurashuvchining har biri o‘z raqibining belbog‘idan ushlab tortadi, shu bilan birga kurashuvchi o‘z raqibidan qutilishning chorasini qiladi.

Ikkinchisi esa qo'yib yubormaslilikka harakat qiladi. Boshqa turi: ikki kurashuvchidan biri ikkala qo'li bilan ikkinchisini mahkam quchoqlab o'ziga tortadi va yonga ag'daradi, bu vaqtda bиринчи kurashuvchining o'ng qo'li ostidan o'tishi kerak, (kurashuvchilar) goh qadlarini tiklab, goh egiladilar (kurash) turlari yana ko'krak bilan zARBANI qaytarish, ikkinchi bir kishining bo'ynidan ushlab egish, bir-birovlarining oyoqlarini o'z oyoqlari bilan chalkashtirib, chalib yoki oyoqlari bilan ikkinchisining oyoqlarini yirib qilinadigan va polvonlar ishlatadigan harakatlar ham kiradi».

Ibn Sinoning inson salomatligini jismoniy tarbiya vositalari bilan yaxshilash va uni kamolotga yetkazishdagi mutafakkirligi yana shunda ayon bo'ladiki, u gavdaning har bir qismi uchun maxsus harakatlar borligini bashorat bilan aniq misollarda ko'rsatib bergen. Qo'l va oyoq harakatlari, ko'krak va nafas a'zolarining boringki, barcha a'zolarning tabiiy harakatlarini ishga soluvchi mashqlar majmuasini o'z asarlarida mujassamlashtirgan. Bunda tovush - og'iz bo'shlig'idagi barcha a'zolarni harakatlantirish (baland-past ovoz chiqarish, tilni chiqarish, tortish, burash, tuflash va h.k.) mashqlarini bergen. Ichki a'zolarni ishga tushirish mashqlariga belanchakda uchish, titratish, aravalarda yurish va b.q.ni tavsiya etadi.

Ibn Sinoning ilmiy-pedagogik meroslarida jismoniy tarbiyaning eng muhim vositalari sifatida hammomda cho'milish,sovuv suvda cho'milish, suv va ichimliklarni iste'mol qilish, ovqatlanish, uyqu va dam olish mazmunlari ham joy olgan. Keksalik davridagi jismoniy tarbiya va umuman safar (sayohat) vaqtlarida fasllarga qarab harakat qilish asoslarini ham ko'rsatadi.

Umuman olganda, Ibn Sinoning jismoniy tarbiya sohalaridagi ilmiy-pedagogik ta'limotini chuqur o'rganish, uni insonlarning yoshi, jinsi, ijtimioiy turmush sharoiti va e'tiqodlariga qarab qo'llash usullarini hozirgi davr talabi asosida keng yo'lga qo'ymoq zarur. Buning uchun esa, eng avvalo, jismoniy tarbiya ta'limini aholi o'rtasida keng targ'ib qilish, uning insonlar salomatligini yaxshilash hamda jis-

moniy kamolotga eltuvchi mohiyatlarini barcha kishilar ongiga singdirish lozim bo'ladi.

Sog'lom avlod tarbiyasi va kamolotini ta'min etuvchi o'quv-uslubiy qo'llanmalar, ilmiy-ommaviy risolalarni ko'paytirish, xalq milliy o'yinlari bo'yicha ommaviy sog'lomlashtiruvchi tadbirlarni tez-tez tashkil qilish, ularni ma'naviy boyligimizni oshirishga xizmat qildirish zarur bo'ladi.

### **Sohibqiron Amir Temurning jangovorlik faoliyatlarida harbiy-jismoniy mashqlar**

Yevropa va Osiyoda mo'g'ul tatarlarning, ayniqsa, Chingizxonning istilochilik urushlari, uning oqibatlari qariyb 300 yil davom etadi. Bunday qullikdan ozod etish, mustaqil davlatlar sifatida rivoj topish va madaniyatning taraqqiy etishida Sohibqiron Amir Temur va uning avlodlari tarixiy jihatdan muhim ahamiyatga egadir.

Ta'kidlash zarurki, sobiq Ittifoq davrida Amir Temurning ijobjiy xislatlari va amalga oshirgan tadbirlari tilga olinmadidi. Aksincha, u josus, bosqinchi, mustamlakachi deb qaraldi. Shunday bo'lsa-da, Buyuk Britaniya, Germaniya, Fransiya kabi yirik mamlakatlarda Amir Temur haqida tarixiy dalillar asosida romanlar yozildi, opera va dramalar namoyish etildi. Ular o'sha paytlarda xalqimizga yetib kelmadi.

O'zbekiston mustaqilligi tufayli Sohibqiron Amir Temurning haqiqiy faoliyati xalqimizga to'la ayon bo'ldi. 1996-yilda uning tavalludiga 660 yil to'lishi munosabati bilan o'tkazilgan xalqaro anjumanlar va yurtimizdag'i an'analar uning nomini ochiqcha ilk bor tarannum etishga muvaffaq bo'ldi. Toshkent, Samarcand va Shahrisabzda Amir Temurga bag'ishlab katta xiyobonlar qayta bezatildi va uning haykallari o'rnatildi. Bu milliy qadriyatlamni qay tarzda tiklash va milliy madaniyatimizni yuksak cho'qqilar kabi yanada baland ko'tarishning buyuk namunasi bo'lib qoldi.

O'zbekiston Respublikasi Prezidenti I.A.Karimov Sohibqiron Amir Temur haykalining ochilishiga bag'ishlangan tantanada shunday degan edi: «Bugun bunyod

etilgan bobokalonimiz haykalida teran ramz bor – go'yoki jahongir tulporining jilovini tortib turibdi, qilichsiz qo'lini oldinga cho'zib jahon xalqlariga omonliq sog'inmoqda, «Kuch - adolatdadir»<sup>1</sup> demoqda.

Jahonga dong'i ketgan buyuk sarkarda Amir Temurning yoshlarni harbiy, jismoniy va jangovorlikka tayyorlashdagi amaliy faoliyatlarini o'rganish va ularmi o'quv jarayonlarida qo'llash ishlab chiqildi.

Jahongir Amir Temur hayoti va faoliyatiga mansub adabiy manbalar juda ko'p. Ularning barchasi arab alifbosida hamda turk tilida chop etilgan. O'tgan asrning oxirlarida «Temur tuzuklari» (209) ilk bor rus tiliga tarjima qilinib, (1894, 1934) u Markaziy Osiyo xalqlariga ham yetib kelgan. U qayta nashr etilmaganligi uchun deyarlik sqbiq Ittifoq davrida (Akademik I.Mo'minovning «Amir Temurning O'rta Osiyo tarixida tutgan o'rni» risolasini – 1968 hisobga olmaganda) Amir Temur to'g'risida biron ta ijobiliy baho beruvchi kitobni yoshlar o'qimaganligi ma'lum.

Barchaga ma'lumki, Amir Temur o'z sultanatini idora qilganligi va jahon xalqlariga Islom dini ma'rifatini yoyish haqida amalga oshirgan faoliyatlarini «Temur tuzuklari» kitobida bayon qilib bergen. Biz bu haqda faqat O'zbekiston mustaqillikka erishgan davrdagina ogoh bo'ldik, xolos va hozirgi kunda u · haqda ancha chuqur ma'lumotlar berilmoqda. Bu o'rinda akademik B.Axmedovning «Amir Temur» tarixiy hujjatli roinani (1995) e'tiborga sazovordir.

«O'zbekiston tarixi va madaniyati» (1992), «O'zbekiston xalqlari tarixi» (1992, 1-qism) va boshqa manbalarning guvoh berishicha, Amir Temur yoshligidan harbiy mashqlarga nihoyatda qiziqqan bo'lib, o'zi ham faol urushlarda bir necha bor qatnashib tajriba orttirgan va mohir jangchi bo'lib yetishgan. Shuningdek, farzandlari Jahongir, Mironshoh, Umarshayx, Shohruh Mirzo hamda nabiralari Pirmuhammad, Xalil Sulton, Muhammad Sulton va Mirzo Ulug'beklarga ham jangovorlik sir-asrorlarini bevosita o'zi

---

<sup>1</sup> «Turkiston» gazetası, 1993-yil 1-sentabr.

janglarga tayyorgarlik paytlari hamda katta janglar jarayonida o'rgatgan.

«Temur tuzuklari»da (1991) piyoda va otda jang qilish, qilichbozlik va nayzabozlik (21, 22-betlar), jangchining harbiy va jismoniy jihatdan tayyorgarligi (101, 102-betlar), eng baland tog'li joylardan o'tish (20-bet), daryolardan o'tish (28-bet) va h.k. haqida batafsil bayon qilinganligining guvohi bo'lish mumkin. Amir Temurning Boysun, Hisor, Hindiquush, Turkiston, Chotqol, Kavkaz tog'lari, hozirgi Qozog'iston va Rossiya hududlaridagi cho'llar, vodiylar hamda Sirdaryo, Amudaryo, Dajla, Volga, Ganga va boshqa juda ko'p daryolardan kechib o'tishning o'zi bo'lmagandir. O'sha davrlardagi piyoda, otda yurish hamda jang qilish jarayonlarini ko'z oldingizga keltirib ko'ringda, mulohaza va xulosa qiling. Bir necha kunlab tinmay piyoda yurish, qilich, nayza, to'qmoq, xanjar va boshqa qurol-aslahalarni ishlatish, dushmanni yengishda oyoq-qo'l, gavda kuchlari, epchillik, tezlik, hushyorlikni talab etgan. Fursat kelganda raqibi bilan yelkama-yelka ushlashib, kurashib uni yiqitish, taslim qilish uchun qanchadan-qancha amaliy kuch, mahorat, ustomonlik, jasurlik kerak bo'lgan. Ha, bularni Amir Temur o'zining amirlari, favjlari, mingboshi, yuzboshi, o'nboshi va alp yigitlari, bahodirlariga o'zi o'rgatgan, shogirdlar tayyorlagan. Otda jang qilishda qilich, nayza, kamon-yoy, to'qmoq, kaltak, qamchi, arqon va hokazolardan foydalangan. Bu qurollar bilan jang qilish oson emas. Har bir jangchi kuchli, epchil, jasur, mergan bo'lgan. To'g'ri kelganda yakkama-yakka ot ustida olishuv, tortishuv, og'darish, savalashish kabi tabiiy harakatlardan ham mardonavor foydalanganlar. Bu faoliyatlarini ham Amir Temur va uning maxsus sarkardalari jangchilarga qunt bilan o'rgatgan, ta'lim bergen. Amir Temur dam olish vaqtlarini ov qilish, sahro va tog'larga sayr qilish bilan o'tkazgan. Bunday hollarda otda va piyoda tog'larga chiqish, arqon, tayoqlardan foydalanish usullarini o'ylab topgan. Jangchilarga dam olish bergen paytlarda ularni poyga, kurash, qilichlashish, ko'pkari kabi mashg'ulotlar bilan shug'ullanishga da'vat etgan.

Shaharlardagi qal'alarни egallashda narvon, arqondan osilib chiqish, tushish usullaridan keng foydalanganlar. «Amir Temur» tarixiy romanida tog'dagi yurish va janglar haqida shunday deyiladi. «Hammayoq yaxmalak edi. Shuning uchun ba'zilar arqon, narvon vositasida, arqoni yo'qlar sirpanib daraga tushdilar. Hazrat Sohibqiron maxsus o'zi uchun yasalgan bir yuz elliq gazlik cho'p narvon yordamida daraga tushdi... ertasi kuni quyosh tig' urmasdan, yana bir tog' cho'qqisiga ko'tarildilar. Yana ikki kun shu tariqa kechdi» (465–466-betlar). Tezkor va katta daryolardan kechib o'tish oson emas, albatta. Amir Temur bunday paytlarda meshlar, yog'ochlardan yasalgan sollar, arqon tortib undan ushlashib o'tish usullari va boshqalardan foydalanganlar. Jangovorlik faoliyatida tog', o'rmon, sahrolarda, ayniqsa, kechasi va tu-man kunlarida manzilga adashmay topib borish, chamalay bilish quyosh, oy, yulduz, soya, shəmol va boshqa ormillardan foydalanishni yaxshi bilgan. Xullas Amir Temur faoliyatida harbiy-jismoniy mashqlardan foydalanish eng ustuvor tadbirlardan biri bo'lgan.

Sohibqiron Amir Temur tavalludining 660-yilligi (1996) munosabati bilan «Temuriylar davri tarixi» muzeyining tashkil etilishi O'zbekiston tarixida olamshumul voqeа bo'ldi. Undagi eksponatlarda temuriylar davridagi jangovorlik faoliyatlarda qo'llanilgan qurol-aslohalar va jismoniy chiniqishda ishlatilgan vositalar, usullar o'rin egallagan. Shuningdek, Olimpiya shon-shuhrati muzeyining tashkil etilishi va undagi eksponatlar majmui nafaqat talabalar, balki aholining barcha tabaqalari uchun namunaviy ko'rgazmadir. Bularni jismoniy tarbiya tarixi darslarida doimiy ravishda ko'rsatish va kinofilmilar, videofilmlardan maqsadli foydalanish faoliyatları yo'lga qo'yildi.

### **Ulug' adiblarning tarixiy va badiiy asarlarida jismoniy tarbiya va xalq milliy o'yinlarining ifodalananishi**

O'rtalashtiruvchi O'rta asr davrida Zamaxshariy, A. Jurjoniy, Muhammad Solix, Ali Shoshiy, Imom Buxoriy, Abdurahmon Jomiy,

Sakkokiy, Vasifiy singari ilm-urfon hamda madaniy arboblarning yetishib chiqqanligini bilamiz. Bunday buyuk allomalar orasida ulug' bobomiz Alisher Navoiyning (1441–1501) o'rni alohida ahamiyatga egadir.

Alisher Navoiyning daholigi Sharq klassik adabiyotida an'ana tusini olgan yirik asar—xamsachilikda namoyon bo'ldi. U 1483-yilda «Xamsaning birinchi dostoni» «Hayratul-Abror» (yaxshi kishilarning hayratlanishi). 1484-yilda «Farhod va Shirin», «Layli va Majnun», «Sab'ai Sayyor», (Yetti Sayyora), 1485-yilda «Saddi Iskandari» (Iskandar Devori) dostonlarini yozdi. Bu dostonlarda qahramonlar siyemosida xalqning ezgu-niyatlarini namoyish qilish bilan birga, ularning botirligi, jangovorligi qo'rqmasligi, yuksak darajada tarannum etiladi. Birgina Farhod siyemosida yoshlarning bilim va hunar o'rganishi, mehnat orqali cho'llarga suv chiqarish, zabardast, kuchli qo'llari bilan toshlarni o'yish kabi jasoratlar madh etilgan.

Yuqorida qayd qilganimizdek, temuriylar orasida davlatni idora qilish, madaniy-marifiy jihatdan tarixda katta o'rinn egallagan Zahreddin Muhammad Boburdir. Boburiylar sulolasi Hindistonda 300-yildan ortiqroq hukm surgan.

Boburning otasi Umarshayx Mirzo Amir Temurning nabirasi, Farg'onan davlatining hokimi bo'lgan. Bobur yoshlidan ilm-fanga, she'riyatga qiziqqan, Dovyurakligi va jasurligi uchun u yoshlidan «Bobur» (Sher) taxallusini olgan. Otasining vafotidan keyin (1494 y.), 12 yoshida taxtga o'tirgan. Qisqa qilib aytganda, u taxt uchun bo'lgan kurashlarda mag'lubiyatga uchrab, o'z yaqinlari va askarlari bilan Asf'oniston, Hindistonga yurish qiladi va bir umr o'sha yerda qolib ketadi. U o'z hayoti, zamonasi va barcha voqealarni «Boburnoma» asarda yozib qoldirilgan. Unda Hindikush tog'laridan otda uzoq mamlakatlarga o'tgani, tog'u-toshlarda chiniqish uchun yalangoyoq yurgani, kuch-g'ayrat to'plab jang qilgani haqida hikoya qiladi.

Taniqli adib Pirimqul Qodirov «Yulduzli tunlar» (1980 y.), «Bobur», «Avlodlar davoni» (1989 y.), tarixiy romanlarida faqat tarixiy voqealar, Bobur hayotinigina emas, balki o'sha

davr madaniyati, urf-odatlari, mashaqqatlarga bardosh berishi, jismonan chidamli va kuchli bo'lishlik kabi ijtimoiy-tarbiyaviy tomonlarga katta e'tibor bergen. Bu esa hozirgi avlodlar, ayniqsa, yoshlarni vatan tuyg'usi, uni himoya qilish, jangovarlik ruhini mustahkamlashda xizmat qiladi.

Xulosa qilib aytganda, uzoq va yaqin o'tmishimizda xalqimizning jismoniy madaniyati mazmun jihatdan ijtimoiy-tarbiyaviy sohada o'ziga xos milliy xususiyatlar bilan boyib kelgan. Ularning tarixiy yo'naliishlari hamda ilmiy-nazariy jihatlarini o'quvchi yoshlarning jismoniy tarbiya darslarida mukammal o'r ganishlarini davr talabalari asosida ta'minlash bugunning dolzarb muammolaridan biridir.

## **10.2. Chor Rossiyasi va Sovetlar hukmronligi davrlarida (1865–1991) jismoniy tarbiya va sport**

### **Chor Rossiyasi davrida (1865–1917) O'zbekistonga zamonaviy sport turlarining kirib kelishi**

O'zbekiston mustaqilligi sharoitida sobiq Ittifoq davrida nashr etilgan o'quv qo'llanmalar va turli manbalarni o'r ganishda xolisona va tanqidiy yondashishni taqozo etmoq-da. Shu jihatdan olganda R.I.Ismoilov, Yu.S.Sholomitskiy (1964–1968), F.M.Isxakov (1974–1976), S.V.Faxriddinova (1978), R.Abdumalikov (1975), J.T.Toshpo'latov (1978), J.E.Eshnazarov (1978), T.X.Xoldorov (1991) va boshqa olim-larning ilmiy tadqiqotlari hamda o'quv-uslubiy qo'llanmalari, ilmiy ommabop risolalari O'zbekistonda jismoniy tarbiya va sportning rivojlanishi tarixini birmuncha yoritilganligi muhim ahamiyatga egadir. Shunga qaramasdan, milliy xususiyatlarimizni toptash (kamsitish), aholining jismoniy tarbiya va sport bilan shug'ullanishini ta'minlashda bir tomonlama yon-dashganlik tanqidiy ravishda ifoda etilmagan. Aksincha, bar-cha tadbirlar va muammolar faqat partiya va hukumat ar-boqlarining faoliyatlari bilangina amalga oshirilishi ko'rsatilgan. Shu sababdan, tarixiy jarayonlar va ularni hozirgi davr talablari asosida talqin qilish, ba'zi bir mulohazalarni

bildirishga to'g'ri keladi.

Sobiq ittifoq davrida Turkiston o'lkasidagi tarixiy voqeliklar ataylab buzib ko'rsatildi. Chunki Chor Rossiyasining bu o'lkaza turli bahonalar bilan kirib kelishining asosiy sabbabi bosqinchilik edi.

O'zbekistonning mustaqillikka erishgan dastlabki kunlari danoq (1991-yil 1-sentabr) mamlakat tarixini qayta yoritish va barcha voqeliklarni ochiq-oydin ko'rsatish vazifa qilib qo'yildi.

Respublika Prezidenti I.A.Karimov «Tarixga murojaat qilar ekanmiz, bu xalq xotirasi ekanligini nazarda tutishimiz kerak. Xotirasiz barkamol kishi bo'lмаганидек, о'з tarixini bilmagan xalqning kelajagi ham bo'lмайди» - degan so'zlari asosida «O'zbekistonning yangi tarixi» (3 ta kitob, 2000 y.) nashrdan chiqarildi. Tarixiy jarayonlar bu kitoblarda «Turkiston Chor Rossiyasi mustamlakachiligi davrida» (1-kitob), «O'zbekiston Soviet mustamlakachiligi davrida» (2-kitob), «Mustaqil O'zbekiston tarixi» (3-kitob) o'z nomi bilan asosli ravishda ifoda topdi.

Turkiston o'lkasida 1890–1900-yillarda maktablarda jismoniy tarbiya mashqlarini o'tkazish ancha jonlandi. Harbiy maktab va bilim yurtlarida gimnastika, qilichbozlik, otish va turli o'yin mashg'ulotlari tashkil qilinib, u asta-sekin mahalliy millat yoshlarining faoliyatiga o'ta boshladi. Bu paytlarda maxsus o'quv yurtlari, harbiy xizmat joylarida gimnastika, tennis va boshqa turlardan kichik musobaqalar o'tkaziladi.

Taniqli jamoat arbobi, Respublika sport qo'mitasining raisi, O'zbek Davlat jismoniy tarbiya institutining sobiq rektori R.I.Ismoilov va professor Yu.S.Sholomitskiylarning ma'lumotlariga<sup>1</sup> qaraganda, Turkiston o'lkasida 1910-yilda «Potesjniye polki» deb ataluvchi qismlar tashkil qilingan. U yarim sport va yarim harbiy yo'nalishdagi tashkilot bo'lib, maqsad — yoshlar kuch-g'ayratini harbiylashtirishga yo'llash, ularni «Din-podshoh va vatan uchun» xizmat qildirishga qaratilgan.

<sup>1</sup> R.Ismoilov, Yu.Sholomitskiy, «O'zbekistonda fizkultura tarixi» T., «O'qituvchi», 1969, 17–32-betlar.

1911-yilda Toshkentda «Okrug qilichbozlik-gimnastika mabki» ochilgan unda qilichbozlik, asboblar ustida gimnastika mashg'ulotlari o'tkazilgan. Mutaxassis xodimlarning tanqisligini hisobga olib, 1912-yilda jismoniy tarbiya o'qituvchilari tayyorlaydigan birinchi gimnastika va harbiy saf kursi ochilgan. Shunga qaramasdan o'quv yurtlari, ayniqsa, aholi o'rtaida jismoniy tarbiyanı rivojlantirishga kam e'tibor berilgan.

1914-yilda Turkiston o'lkasida 160 ta maktab bo'lib, ularda 17 ming bola ta'limi olgan.

Oktabr inqilobigacha Turkiston o'lkasidagi maktablarda jismoniy tarbiya muvaqqat bo'lib, hech qanday tizimga asos solinmagan, chunki jismoniy tarbiya va sport bo'yicha ishlab chiqilgan maxsus dasturlar bo'limagan.

1916-yil 1-oktabrda «Sport safarbarligi» degan tashkilot ish boshlaydi. Bunga erlar gimnaziysi, seminariyasi, real bilimi yurti, kommersiya (tijorat) va hunar bilim yurtlarining talabalari bir oy muddatga safarbar etilar edi. Harbiy qo'shinlar uchun mo'ljallangan jismoniy tarbiya dasturi bu kursda qo'llanilgan. Buning asosiy maqsadi yoshlarni harbiy-jismoniy tayyorlash va ko'rildan o'tkazish bo'lgan.

Bu davrlarda Toshkentda velospert, qilichbozlik, gimnastika, yengil atletika bo'yicha o'tkazilgan saralash musobaqalarida faqat harbiylar, rus amaldorlarigina ishtirok etishgan. Ularning asosiy maqsadi Stokgolmda o'tkaziladigan (1912), xalqaro olimpiya o'yinlarida qatnashishi uchun rus komandalarini to'ldirish kerak edi.

«Toshkent havaskor velosipedchilar jamiyatি» (1895), «Toshkent gimnastika va mashq havaskorlari jamiyatি» (1904 y.), «Sokol» (Lochin, 1906) yengil atletika guruhi tashkil etilishi va ularda bir to'dagina kishilar shug'ullanasa-da, buni Turkiston o'lkasida sport bilan shug'ullanishga ham e'tibor berildi, deb aytish mumkin.

1913-yilda tashkil etilgan «Toshkent sport havaskorlari jamiyatি» Turkiston o'lkasidagi eng yirik sport tashkiloti edi.

E'tiborli tomonlardan biri shuki, 1908-yildan boshlab Turkistonda professional polvonlar qatnashadigan

championatlar o'tkaziladi. Bularga jahonga taniqli Zaikin, Poddubniy, Baxturov, Shvalye, Bui kabi ko'pgina polvonlar qatnashgan.

1911-yilda o'tkazilgan bunday musobaqalarda mahalliy millat polvonlari ham ishtirok etganlar. Ulardan Ahmad polvon, Azimxo'ja polvon, Haydar Ali polvon, Abdurahmon polvon, Xayitov, A'loyev kabilar Toshkent sirkida bellashuvda qatnashganlar.<sup>1</sup>

Taniqli jurnalist, Respublika kurash federatsiyasining sobiq raisi, To'lqin Obidovning (marhum) «O'zbek polvonlari» (T., 1979-yil) kitobida kurashchilar haqida yaxshi dalillar keltirilgan. Ya'ni 1895-yil mashhur nermis polvoni Rippel Toshkentga kelib, sirkda o'z kuchi, mahoratini ko'rsatib, hamma tomoshabinlarni qoyil qoldirib yuradi. Uning og'irligi sakkiz yarim pud (133 kg.) bo'lib, sakkiz pudlik cho'yanni ikki qo'li bilan, 16 pudlik cho'yanni kifti bilan ko'tarib tomosha ko'rsatgan. O'sha paytlari Toshkentning Beshyog'och daha, Choqar mahallasida o'tgan Ahmad polvon Topilboy o'g'lining O'rta Osiyoda kurashib, yiqitmagan pahlavoni qolmagan edi. Mehmon Ahmad polvonning dovrug'ini eshitib, u bilan kurashish istagini izhor etgan. Kim yiqilsa, «yonidan 50 so'm beradi», deb garovlashibdi. Shu yil 23 iyunda odamlar sirkda yig'ilishibdi. 28 yoshli Ahmad polvon egnida oq yaxtak, belida belbog' bog'lab o'rtaga chiqadi. «Kim yiqilib, mayib bo'lsa, o'z gandaniga» deb shart ham qo'yiladi. Rippel belida tasma belbog' bilan chiqadi. Ikki polvon bel tutib, o'rtada aylanadi. Sirkda shunday sukunat hukm surardiki, pashsha uchsa ham bilinardi. Ahmad polvonning «Yo pirim» degan nidosi eshitiladi. Shu lahzada yer larzaga kelgandek tuyldi. Charxpalak bo'lib tushgan Rippel yerda uzala tushib yotardi.

1904-yilda quvalik Xo'ja polvon Toshkentga kelib, «manman» degan polvonlami bitta qo'ymay yiqitib yurgan. Bu paytlar Ahmad polvon belida yarasi bilan betobroq edi. Nomus kuchlilik qilib, Xo'janing shashtini qaytarmasdan

---

<sup>1</sup>A.R.Toymurodov «O'zbek milliy kurashi», T., Ibn Sino 1990, 12-bet.

kurashga tushadi. Ahmad polvon Xo'janing belbog'idan ushlab, bir silkitib ko'kragiga bosdida, muallaq ko'tarib, maydonni aylandi, so'ngra uni sekin yerga qo'yib: «Mehmonsiz, siyladim», degan. Ahmad polvonning oljanobligi tomoshabinlar olqishiga sazovor bo'ladi. Ahmad polvon 1911-yil fransuz qoidalari bo'yicha o'tkazilgan klassik kurashda Germaniya championi Giber ustidan g'alaba qozondi.

Bunga o'xshagan polvonlar O'zbekistonning deyarli barcha hududlarida juda ko'p bo'lgan. Bu haqdagi dalillarni yana «O'zbek kurashi» (mustaqil O'zbekiston bo'limi)da bayon etildi (qarang).

1906-yildan boshlab O'rta Osiyoda futbol rasmiy ravishda tarkib topa boshlaydi. 1911-yildan boshlab esa Farg'ona, Toshkent, Samarqand, Andijon, Qo'qon va boshqa shaharlarda turli xil musobaqalar, o'zaro futbol uchrashuvlari o'tkaziladi.

1911–1915-yillarda harbiy okrug qoshidagi bosmaxona kishilar o'zlarining gimnastika to'garaklarini tashkil qilishdi.

Turkiston general gubernatori mahalliy millat vakillari ning sport jamiyatini tuzishga qat'iy qarshilik qiladi.

Shunga qaramasdan, xalq o'zlarining milliy o'yinlarini tashkil qilishni davom ettirdi. Kurash, poyga, uloq, darbozlik, akrobatika, harakatli o'yinlar keng tarqaldi. «Navro'z», hosil bayrami va boshqa udumlarga bag'ishlangan xalq sayllari hamda katta to'ylarda polvonlarning bellashuvi, mohir chavandozlarning chaqqonligi, darboz o'yinlari, arqon tortishish, tosh ko'tarish kabi o'yin va namoyishlari hammani hayratga solar va juda qiziqarli bo'lgan. Ta'kidlash joizki, bu davrlardagi jismoniy tarbiya va sport ishlari mutaxassis olimilar H.A.Botirov, A.K.Akramov va boshqalarining o'quv qo'llanmalarida bat afsil ifodalangan.

Xulosa qilganda, hozirgi Markaziy Osiyo hududida yashagan ajdod va avlodlarimizdan meros qolgan juda ko'p boy manbalar mavjud. Ular o'tmishtdan asrab-avaylab, yanada boyitib bizgacha yetib kelishini ta'minlaganlar. Bunday tugamas boyliklar orasida jismoniy madaniyat

alohida ahamiyat kasb etadi. Jismoniy madaniyat insonlarni bolalikdan sog'lom qilib o'stirish, ularning jismoniy va madaniy kamolotini ravnaq toptirishi, sog'lom turmush kechirish, mehnat qobiliyatini oshirish, uzoq umr ko'rishga ko'maklashuvchi muayyan faoliyatdir. Bunda ajdodlarimizning ov qurollarini yasash, tog', daryo, cho'llarda vahshiy hayvonlarni tutish uchun kuch-quvvat, epchillik, mernanlikni o'rganganlar. Bunda otda turib kamondan o'q otish, nayza sanchish, kurashish, piyoda yugurish, to'siqlardan o'tish, an'anaviy urf-odatlar, ommaviy sayllarda harakatlari o'yinlarni tashkil qilish kabi murakkab mashqlarni bajarganlar. Turli janglarda bu quollardan mohirona foydalanganlar.

Buyuk sarkardalar Amir Temur, Zahiriddin Muhammad Bobur va undan keyingi davrdagi hokimiyatni boshqaruvchilar o'z jangchilarini faqat jang qilish san'atinigina emas, balki ulami jangovorlik ruhida tarbiyalashning asosiy mazmuni jismonan kuchli, epchil, chaqqon, chidamli bo'lishga ham o'rgatganlar. Bunga yuqorida qayd etilgan jismoniy tarbiya vositalarini maqsad yo'lida ishlatganlar.

Xalq o'z udumlari va an'analarida kurash, ot o'yinlari, qilichbozlik, darboz, poyga va turli harakatli o'yinlardan foydalanganlar. Bu tadbirlar yoshlarni kuchli bo'lishi, Vatanni sevish, kasbni egallash va uddaburonlikka chorlagan.

### **Sovet hokimiyati yillarda (1918–1991) O'zbekistonda jismoniy tarbiya va sportni rivojlantirish**

#### **Dastlabki sport klublari va jismoniy madaniyat harakatini boshlanishi (1918–1990)**

Turkistonda 1918-yildan sport to'garaklari ishlay boshladi. Toshkentda ochilgan «Bolalar mehnat klubida» sport to'garaklari tuzilib, har xil o'yinlar, gimnastika turlari bo'yicha mashg'ulotlar o'tkazilib turildi. Sportchi-ovchilar uyushmasi tuzildi.

Ma'lumki, Chor Rossiya davrida O'zbekistonning yirik shaharlari, ya'ni Temur yo'l orqali Rossiya bilan bog'lanish imkoniyati bo'lgan hududlarda ishlab chiqarish yaxshi yo'lga qo'yildi. Bu jarayonda asta-sekinlik bilan mahalliy millat yoshlari ham faoliyat ko'rsata boshladi. Aholining diqqat-e'tiborini ishlab chiqarish va turli madaniy tadbirdirlarga jalb qilishda ancha ishlar amalga oshirildi.

Xalq Universiteti huzurida jismoniy madaniyat to'garaklari tashkil etildi. Ularda suzish, yengil atletika, gimnastika bo'yicha mashg'ulotlar o'tkazildi hamda futbol jamoasi tuzildi. «Sokol», «Sever» kabi gimnastika ja'miyatlari mavjud edi.

O'sha davrdagi yoshlar ittifoqi va sport to'garaklari rahbarlarining tashabbusi bilan 1920-yilda O'rta Osiyo olimpiadasi o'tkazildi. Unda poyga, gimnastika, yengil atletika, og'ir atletika, futbol, o'q otish kabi turlar bo'yicha bahslar bo'ldi. Olimpiadada 174 sportchi ishtirok etadi va 50 ming kishi tomosha qiladi.

Turkiston umumta'lim boshqarmasi huzurida jismoniy madaniyat Markaziy Kengashi tuzildi. Uning maqsadi barcha jismoniy madaniyat tashkilotlarini birlashtirish va mehnatkashlarni jismoniy jihatdan tarbiyalash ishlariga yordamlashish edi.

1921-yilda II O'rta Osiyo olimpiadasi bo'ldi. Unda yengil atletika, og'ir atletika (boks, kurash, shtanga), basketbol, gimnastika, futbol va shaxmat bo'yicha sportchilar musobaqalashishdi.

1922-yilda Toshkentda maktablarga qarashli 2 ta sport maydonchasi bo'lib, ularda 2 ming kishi sport turlari bilan shug'ullanadi. Turkiston o'lkasi bo'yicha 4 ming 797 jismoniy madaniyatchi bo'lib, shundan 382 tasi xotin-qizlar edi. Mahalliy millat sportchi xotin-qizlari esa deyarli yo'q edi. O'lka jismoniy madaniyat Kengashi hisobida 2 ta gimnastika zali, 34 ta sport maydonchasi mavjud edi.

1924-yilga kelib, Turkistonda jismoniy madaniyatchilar soni ancha ko'paydi. Toshkent va Sirdaryo viloyatlariда 48 ta sport to'garagi bo'lib, ularda 3500 kishi shug'ullangan.

1924-yilda umumturkiston olimpiadasi tashkil etildi. Unda Sirdaryo, Farg'ona, Samarcand va boshqa viloyatlarining sportchilari ishtirok etdi. Sirdaryo viloyati g'oliblikka erishdi. Ta'kidlash lozimki, bu olimpiada Turkiston o'lkasining (Respublika) so'nggi yirik sport musobaqasi sifatida tarixda eslab o'tiladi. Chunki 1924-yilning oxiri va 1925-yil boshida Turkiston mustaqil respublikalarga (O'zbekiston, Qozog'iston, Qirg'iziston, Turkmaniston va keyinchalik – 1928-yilda Tojikiston) ajratildi.

1924-yil 27-oktabrda O'zbekiston Mustaqil Respublika deb e'lon qilingan edi. O'sha davrda O'zbekiston Turkiston muxtor Respublikasi tarkibida bo'lib, barcha ishlarga ittifoq miqyosidagi idoralar, tashkilotlar tomonidan ko'rsatma berilar edi. Shu sababli 1918–1924-yillarda asosan, Toshkent, Samarcand, Qo'qon, Buxoro shaharlaridagi temriyo'l ishchi xodimlari, zavod-fabrikalari, ba'zi bir rus maktab yoki gimnaziyalarda sport klublari tashkil etilgan edi. U joylarda futbol, boks, velosiped, yengil atletika kabi sport turlari bo'yicha to'garaklar tashkil etilib, musobaqalar uyuştirilar edi. Tarixiy manbalarning tasdiqlashicha, bu musobaqalarda mahalliy millat vakillari deyarli ishtirok etishmagan.

1923-yilda «Dinamo» sport jamiyatining tashkil qilinishi Samarcand va Toshkent shaharlarida turli o'yin maydonlari, ayniqsa, «Dinamo» o'yingohlarining qurilishiga (1925–27 y.) asos soldi. Shu sababdan, mahalliy millat vakillari ham rus xalqi olib kelgan futbol, voleybol, sakrash, yugurish, granata uloqtirish mashqlari bilan shug'ullanadi. Mahallalarda terma jamoalar tuzilib dam olish kunlari, bo'sh vaqtarda o'zaro musobaqalar uyuştirish odat bo'lib qoldi. 1927-yilda 1 Umumo'zbek spartakiadasi tashkil qilinib, futbol, yengil atletika, kurash, gimnastika kabi sport turlari bo'yicha terma jamoalar tayyorlandi. O'zbekiston sport vakillari 1928-yilda Moskvada 1 Butunittofq spartakiadasida qatnashdi. Bunda O'zbekistondan 193 sportchi ishtirok etib, bulardan 44 kishi mahalliy millat sportchilari edi. Dunayev O., Ovsyannikov I., Tikunova hamda Murashko, Rikovalar yaxshi natijalar ko'rsatdi. O'sha davrlarda respublikada, uning joylarida jis-

moniy madaniyat va sportni tashkil etish, uni aholi o'rtasida targ'ibot qilish ishlarida S.S.Asfandiyorov – O'lka fizkultura Kengashi raisi, Xidiraliyev – Turkiston Markaziy Ijroiya komitetining raisi, Testeles N.M. kabi boshliqlar katta faoliyat ko'rsatdilar.

1927-yil Toshkentda 1 Umumo'zbekiston spartakiadasi o'tkazilgan va respublika sportchilarining Moskvadagi 1 Umumittifoq spartakiadasida (1928) ishtirok etishi o'quvchi va ishchi yoshlari sportning rivojlanishiga ijobiy ta'sir o'tkazdi. Shuningdek, ittifoq va respublika partiya va hukumatining qator qarorlari (1925, 1929, 1930) jismoniy madaniyat harakatini rivojlantirish, unga rahbarlik qilish yo'llarini takomillashtirishga katta yo'l ochib berdi.

1929-yilda «Pravda Vostoka» va «Komsomoles Uzbekistana» gazetalari sovrini uchun birinchi marta yirik estafeta tashkil etildi. Unda turli tarmoqlarning sportchilari faol ishtirok etdi. «Dinamo», «Pechatnik», «Svyazist», «Jeleznodorozhnik», «Kafanova», «Metallist», «Stroitel» kabi sport jamoalaridan 500 kishi qatnashdi.

Shu yili Farg'ona «Krasniy sportintern» stadioni qurib, ishga tushirildi.

Diqqatga sazovor tomoni shundaki, milliy kurashga ham alohida e'tibor berildi. 1929-yil. Qo'qonda 1 jismoniy madaniyat milliy bayrami bo'lib o'tadi. Unda kurash bo'yicha polvonlar ko'rigi tashkil etiladi.

Xulosa qilib aytganda, sovet mustamlakachiligining dastlabki yillarida (1917–1924) Turkiston Respublikasida Yevropa jismoniy madaniyati va hozirgi zamon sport turlari shakllandi. Markaziy Osiyoda O'zbekiston Respublika sifatida (1924 y.) o'quv yurtlarini tashkil qilish, yoshlarni kasbga tayyorlash, ishchi yoshlarning salomatligini yaxshilash hamda ularni sportga jalb etishda ancha ilg'or tajribalar to'plandi.

Maorif, madaniyat va sport sog'liqni saqlash tizimlarida jismoniy tarbiyaga alohida e'tibor berildi.

Toshkent (1926), Samarqand (1927), Farg'ona (1929) va boshqa sanoat shaharlariда stadionlar qurildi, o'yin maydonlari va sport zallari yuzaga keldi. 1 Umumo'zbek spar-

takiadasi (1927) o'tkazildi, unda yurtning oqsoqoli Y.Oxunboboyev yoshlarga qarata murojaat qilib, jismoniy kamolot yo'lida muvaffaqiyatlar tiladi.

### **Jismoniy madaniyat harakatini ommalashtirishning dastlabki omillari (1931–1941)**

Respublikada besh yillik rejalarning ilk bor qo'llanilishi (1929–1933) natijasida xalq xo'jaligining barcha tarmoqlari kabi jismoniy madaniyat va sport sohasida ham jiddiy tadbirlar amalga oshirildi. Aslida barcha tadbirlarning yo'nalishi va ularning mazmunlari sovetlar mustamlakachiligining ta'siri asosida amalga oshirib kelingan. Mahalliy millat rahbarlari ijodiy va mustaqil mehnat qilishga jur'at etmagan. Shunday bo'lsa-da, xo'jaliklarni birlashtirish (kolxoz), fan, adabiyot va boshqa sohalarda rahbarlar, tashkilotchilar, ijodkor ziyolilar tahdid ostiga olinadi. Keyingi yillarda esa ular nohaq ravishda qatl qilinadi. (A.Ikramov, F.Xo'jayev, A.Qodiriy va juda ko'p taniqli kishilar).

Shunday og'ir va dahshatli yillarda kasaba uyushmalari, yoshlar ittifoqi, sport qo'mitalari o'z faoliyatlarini u yoki bu darajada yuritishga muvaffaq bo'ladi. Buning asosiy sababi shundaki, Sho'rolar hukumati tomonidan mo'ljallangan barcha tadbirlar joylarda amalga oshirilishi majburiy bo'lganligi tufayli, unga so'zsiz amal qilgan tashkilotlar va rahbarlar ma'lum darajada tahdidlardan birmuncha ozod bo'lganlar yoki shubhadan chetda qolganlar. Bu yilda sport tashkilotlari va deyarli barcha sportchilar sharoitlarga moslashishga majbur bo'lganlar.

Ma'lumki, 1931–1934-yilda «Mehnat va mudofaaga tayyor» (GTO) jismoniy madaniyat majmui Sovet mamlakati, bo'yicha joriy etilgan edi. U O'zbekistonda ham asosiy tadbir sifatida amalga oshirildi.

Respublika GTO nishondorlari 1931-yilda 2000, 1935-yilda 54.500 va 1940-yil oxiriga kelib esa 90.000 dan oshib ketadi.

1933-yilda Umumo'zbekiston spartakiadasi o'tkazildi. Unda Toshkent, Samarqand, Farg'ona, Buxoro, Andijon, Termiz, Qo'qon va Namangan shaharlardan 8 ta terma jamoa ishtirok etdi.

1934-yil 5-sentabrda 1-besh yillikning zafarli yakunlariga bag'ishlab, I O'rta Osiyo spartakiadasi katta namoyish bilan boshlandi. Unda Turkmaniston, O'zbekiston, Tojikiston, Qirg'iziston va Qozog'iston terma jamoalari qatnashadi. Toshkentda o'tkazilgan bunday katta musobaqa namoyishida 36 ming jismoniy madaniyatchilar qatnashdi.

1935-yilda Ijroqo'm raisi Y.Oxunboboyev ko'rsatmasi bilan Toshkentda jismoniy madaniyat texnikumi ochildi.

Respublika sport qo'mitasi raisi, mashhur polvon Asqar Otaboyev rahbarligida shaxmat ustalaridan biri Zokir Xo'jayev shaxmatchilar maktabini tashkil qildi.

Shu yillarda deyarli barcha viloyatlarning markazlarida sport qo'mitalari tashkil etildi.

Xalq maorifi komissarligi, sport qo'mita, kasaba uyushmalari va yoshlari ittifoqi tashkilotlarining hamkorligida mutaxassislar tayyorlash maqsadida bir yillik jismoniy tarbiya kursi tashkil etildi. 1940-yil oxirida bu kursni 300 dan ortiq kishi bitirib chiqdi. Kurslar va texnikumni yaxshi tamomlagan sportchilarning bir qismi Moskva va Leningrad jismoniy madaniyat institutlariga o'qishga yuborildi.

1940-yilga kelib, jismoniy madaniyat va sport bilan shug'ullanuvchilar soni 140 mingdan oshib ketadi va ular 30 ta sport jamiyatlariga birlashadi. Shu yillarda sportchilar orasida yetakchi va taniqli kishilar paydo bo'la boshladi. Ularдан A.A.Arzumanova, N.G.Sig, T.I.Prinsev, A.I.Fadeyev, S.A.Mkritumyan, S.N.Freyman, S.P. Yevlachkov kabilar mamlakat sport ustasi unvoniga sazovor bo'lishdi. A.Xo'jayev, T.Odilov, I.Rizayev, F.Xasanova kabilar ham mashhur bo'lishadi.

## Ikkinci jahon urushi yillari va keyingi qayta tiklash davrida jismoniy tarbiya va sport (1941–1950)

Sobiq Ittifoqning barcha mintaqalaridagi kabi, O‘zbekistonda ham o‘quvchi va ishchi yoshlar o‘rtasida harbiy-jismoniy tayyorgarlik ishlariga jiddiy e’tibor berildi. Chunki urush sharpalari eshik qoqmoqda edi. Bunday jarayonlarda asosan MMT (GTO) jismoniy madaniyat majmuining mazmuni va talabalari davr sharoitiga moslashtirildi. Oradan uncha ko‘p vaqt o‘tmasdanoq bu majmua deyarli to‘la harbiy tayyorgarlik mashqlari bilan to‘ldirildi.

Gitlerchi nemis bosqinchilarining 1941-yil 22-iyundagi to‘satdan jang qilishi O‘zbekiston aholisini ham larzaga soldi. Deyarli barcha jismonan sog‘lom yigit va katta yoshdagilar urush va mehnat frontiga safarbar etildi.

O‘quvchi yoshlarga jismoniy va harbiy mashqlar o‘rgatila boshlandi. Deyarlik barcha sport jamiyatlari harbiy xizmatga o‘rinbosarlar tayyorlashga kirishdi. «Spartak» sport jamiyatida 1941-yilda 198 ta pulemyotchi, juda ko‘p chavandozlar tayyorlandi. «Dinamo» sport jamiyatida 6412 granatamyotchi, 242 chavandoz, 102 avtomashina va mototsiklni haydovchilarni tayyorlab chiqardi.

1942-yil Farg‘ona viloyatida 44247 granatamyotchi, 21266 nayzaboz jangchi, 16500 pulemyotchi 2021 tank yondiruvchi, 35 avtomatchi va 65 mergan tayyorlandi. Bunday hollar Samarqand, Buxoro, Qarshi va boshqa shaharlarda ham amalga oshirildi.

Ikkinci jahon urushi yillarida yoshlar va katta yoshdagি kishilar orasida MMT (GTO) nishondorlarini tayyorlash eng muhim tadbirlardan biriga aylanadi. Ularning natijalari haqida quyidagi dalillar guvoh bo‘la oladi, ya’ni:

	BGTO	GTO-1	GTO-2
1942 yilda -	25334	53312	1313
1943 yilda -	29391	53854	1313
1944 yilda -	32339	52292	943
1945 yilda -	-	79741	2469

Ta'kidlash lozimki, bo'lajak jangchilar ming harbiy tayyor-garlik va MMT (GTO) nishoniga tayyorlashda vatanparvarlik, jasurlik va dushmanga ayovsiz zarba berish to'g'risida harbiy boshliqlar, davlat va jamoat tashkilotlari rahbarlari hamda ota-onalar doimiy ravishda murojaat qilishdi. Shu sababdan, mamlakatimiz jangchilari urush yillarda jonlarini fido qilib, qahramonliklar ko'rsatdi. Ular orasida N.Kochnyev, S.Salnikov, Yu.Yevdakimov, M.Maslakov, P.Klyaus, A.Barzenko, A.Sirojiev, X.Maksimov, H.G'ulomov, Sh.Qurbanov, J.Usmonov kabi jismoniy tarbiya o'qituvchilar va murabbiylari bor edi. Ularning ko'pchiligi urushdan omon qaytib, o'z faoliyatlarini yana muvaffaqiyatli davom ettirdilar.

1945-yil 12-avgustda Moskvada «Dinamo» stadionida Butunittifoq jismoniy madaniyatchilar namoyishi o'tkazildi. Unda yuzdan ortiq O'zbekiston sportchilari ham ishtirok etdi. Urushdan keyingi tinch, qayta qurish yillarda O'zbekistonda jismoniy tarbiya va sport ishlari asta-sekin izga tusha boshladи. 1946—1947-o'quv yilidan boshlab maktablar, bilim yurtlari, texnikumlar va Oliy o'quv yurtlarida jismoniy tarbiya darslari o'tkazila boshladи, lekin ularning mazmunida hali ham harbiy-jismoniy mashqlar asosiy o'rnida turar edi. Chunki yangi dastur ishlab chiqilmagan edi.

Sport jamiyatlarida ham ishlар ancha tiklanib musobaqalar tashkil qilish, ularga yoshlarni jaib etish qizg'in olib borildi. A.Kashayev (shtanga), S.Popov (to'siqli yugurish) va N.Shulga (motokross) kabi ittifoq championlari yetishib chiqdi.

Bu davrlarda respublika partiya va hukumati rahbarlari jismoniy tarbiya va sportga alohida e'tibor berdi. 1950-yil mart oyida respublika qishloq sportchilarining «Paxtakor» ko'ngilli sport jamiyatni ta'sis etildi. Unda 1969 ta boshlang'ich jamoa bo'lib, 100 mingdan ortiq qishloq yoshlarini o'ziga jaib etgan.

1949-yilda o'tkazilgan Butunittifoq jismoniy madaniyatchilar namoyishida Oliy o'quv yurtlari talabalari ham ishtirok etgan. Ular orasida Orif Ikromov (O'zGU-hozirgi SamDU) qatnashgan edi. Keyinchalik bu kishi Samarqand, QarshiDPI rektori, professor, filologiya fanlari doktori dara-

jasiga yetadi. U kishining eslashicha «Paradda qatnashish minglab kishilar orzusi edi, lekin tanlovlarda saralab olin-ganligi uchun juda oz kishi unga muyassar bo'lar edi» - deydi.

## **Sport jamiyatlarining tashkil etilishi va rahbarlik usullari (1951–1956)**

Urushdan keyingi yillarda tarmoqli jismoniy madaniyat va sport jamiyatları tiklanib, ular o'z faoliyatlarini sportning ommaviyigini amalga oshirishga harakat qildi. Oliy o'quv yurtlarida «Nauka» («Fan»), O'rta maxsus o'quv yurtlari va mayda ishlab chiqarish korxonalarida (fabrika, savdo shahobchalari va h.k.) «Iskra» («Alanga»), «Lokomotiv», «Dinamo», «Paxtakor» kabi respublika va viloyatlarning sport jamiyatları faol ish olib borishdi.

1951–1956-yillarda sport jamiyatlarining birinchiliklari, tarmoq spartakiadalarini va turli xil sport musobaqalarida sport jamiyatlarining tashkilotchilik ishlari sezila boshladи.

1951-yil Samarqand, Xo'jayli, Kosonsoy, Termiz va Angren shaharlarida jismoniy tarbiya pedagogika bilim yurtlari tashkil etildi. Ular boshlang'ich va yetti yillik (o'sha davrda) maktablar uchun jismoniy tarbiya o'qituvchilarini tayyorlashda yangidan ish boshladи.

1952-yil Toshkent DPI tarkibidagi (1949 y.) jismoniy tarbiya fakulteti mustaqil bo'ldi. 1954-yil Farg'ona, 1956-yil Nukus DPIda ham jismoniy tarbiya fakultetlari ochildi.

1955-yil sentabr-oktabr oylarida O'zbek Davlat jismoniy madaniyat instituti tashkil etilib, iqtidorli sportchilarini talabalikka ilk bor qabul qildi.

1956-yil O'zbekiston sport tarixida salmoqli o'rinni egallaydi. Ya'ni shu yili yozda «Paxtakor» sport majmui qurilib bitkazildi va unda O'zbekiston sportchilarining eng katta bayrami bo'lib o'tdi. Bu tantana 1956-yilga SSSR xalqlarining 1-spartakiadasiga ko'rik-sinov tajribasini o'tadi.

O'zbekistonda jismoniy tarbiya va sportni rivojlantirishda respublika va viloyatlardagi «Dinamo», «Spartak»,

«Paxtakor», «Fan», «Alanga» va boshqa sport jamiyatlari yangi usullar bilan faoliyat ko'rsatdi. Bunda yoshlarni sport unvonlari va darajalarini olishga bo'lgan qiziqishlari, yangi sport kiyimlari bilan ta'minlash, nishonlar (emblema) bilan sport maydonlariga chiqishga havas uyg'otish ustuvor edi.

Ta'kidlash lozimki, Butunittifoq jismoniy mada-niyyatchilar namoyishiga tayyorgarlikda davlat va sport jamiyatlarining katta mas'uliyati zarur edi. Shu sababdan, una maxsus tayyorgarlik ishlari 1–2 yil davom etar edi. Eng so'nggi (1954 y.) namoyishga tayyorlanish va unda qatnashish juda qiziqarli hamda muvaffaqiyatli bo'lgan edi. Namoyishga 300 dan ortiq yigit va qizlar ishtirok etdi. Ular orasida Samarqandlik M.Haqberdiyeva va jismoniy tarbiya pedagogika bilim yurtining talabalari A.Abduhakimov, D.Sharopov, N.Rahimovlar ham bor edi.

Sobiq Ittifoq davrida O'zbekistonda jismoniy madaniyat va sport sohasida ulkan yutuqlarga erishildi. Sport jamiyatlarining markazlashgan rahbarlik faoliyatları (1957, 1987) sportga rahbarlik qilishning davlat jamoatchilik (1959–1968) usullari birmuncha markazlashtirildi va takomil-lashtirildi. Sport bilan shug'ullanuvchilarining ko'payishi, mutaxassislar tayyorlashning yangi yo'lga qo'yilishi (1966 y. qaror asosida), sport inshootlarining qurilish ko'lami oshishi ancha ortdi (A.K.Akramov, 1997-yil).

O'zbekiston sportchilari ittifoq miqyosidagi yirik musobaqalarda yaxshi natijalarga erisha boshladi. Bir qator iste'dodli sportchilar Ittifoq terma jamoalar tarkibida jahon sport musobaqalari hamda Olimpiya o'yinlarida ishtirok etib, yuksak mukofotlarga sazovor bo'ldi.

Opa-singil Tamara va Irina Presslar (yengil atletika), V.Bandarenko (suzish), R.Sarkisovning gimnastika maktabi o'nlab iqtidorli sportchilarga (S.Diamidov, E.Saddi, T.Ibrohimov, E.G'iyssov va h.k.) oq yo'l berdi.

Turli davrlarda respublika sport shuhratini suzuvchi S.Babanina, kurashchi R.Qozoqov, sambochi S.Qurbanov, bokschi R.Risqiyev, velosipedchi A.Yudin, yengil atletikachi V.Ballod, basketbolchi R.Salimova, voleybolchi V.Duyunova,

chavandoz M.Ismoilov, qilichboz S.Ro'ziyev kabilalar munosib himoya qilishdi.

80-yillar boshida respublika va ittifoqqa tanilgan sportchilar viloyatlardagi jamoalarda ko'paydi.

Mamlakatda jismoniy tarbiya va sport ishlarini yanada ommalashtirishga qaratilgan (1972. 1981. 1985) GTO (MMT) majmuasini yangi pog'onaga ko'tarish, aholining barcha tabaqalarini ommaviy sportga jalb etish va ayniqsa, madaniy-sport majmuasi inshootlarini yangidan qurish, ularni yanada kengaytirishga qaratildi. Toshkentdagi «Traktor», «To'qimachi», «Temir yo'lchi», «Start», «O'z milliy banki» sport inshootlari va barcha viloyatlardagi sport inshootlari yangi talab asosida KSK (madaniyat sport majmuasi) deb ataldi.

Bu o'sha davning baland parvoz ishlari edi, xolos. Lekin stadion peshtoqida KSM deb yozilgani bilan uning atrofi va ichkarisida deyarli hech narsa yo'q edi.

Sovetlar mustamlakachiliga xos ravishda O'zbekistonda jismoniy tarbiya va sportni rivojlantirish bo'yicha turli komissiyalar tashkil etila boshladi. Bunda Respublika bosh rahbari Sh.R.Rashidov ancha tashabbus ko'rsatdi. O'sha davrdagi asosiy rahbarlar sportning u yoki bu turiga mas'ul etib tayinlandi. Bu faoliyatlar viloyatlar va tuman, shaharlarda ham aynan shu maqsadda tashkil etildi. Natijada, viloyatlar va cho'l hududlaridagi xo'jaliklarda o'nlab stadionlar, suv havzalari, yuzlab futbol maydonlarining qurilishini ta'minladi.

## **O'zbekiston sportchilarining Butunitifoq spartakiadalaridagi ishtiroklari (1956–1991)**

Eng avvalo e'tirof etish lozimki, o'sha davrlarning taniqli sportchilari va rahbar xodimlari O'zbekiston sportchilarining SSSR xalqlari spartakiadalaridagi ishtiroki haqida maxsus qo'llanmalar yaratishgan. Ular orasida Yu.S.Sholomitskiy, R.Ismoilov va K.P.Ten kabilarning ishlari e'tiborga loyiqdirdi. Ularning eng asosiy tomonlari yuqorida bayon etildi.

Oradan 28 yil (1928) o'tgach, 1956-yilning avgustida SSSR xalqlarining 1 spartakiadasi bo'lib o'tdi. Unga tayyorgarlik uchun O'zbekiston IX spartakiadasi tashkil etilib, saralab olingen sportchilardan terma jamoalar tuzildi.

Spartakiadada ba'zi sportchilar yuqori natijalarga erishdi. A.Beliskiy ot sportining ikki turida 1-o'rinni egalladi. V.Ballod balandlikka sakrash bo'yicha champion unvoniga sazovor bo'ldi. Respublika sportchilari dasturdagi barcha sport turlari bo'yicha ishtirok etib, umumjamoa hisobida 11-o'rinni egalladi. Basketbol-erkaklar-14, ayollar-15, boks-15, erkin kurash-12, klassik kurash-10, veloshosse-8, suv polosi-10, voleybol-erkaklar-14, ayollar-15, gimnastika-8, baydarka va kanoe haydash-16, suvgaga sakrash-8, menganlik-9, stendga otish-16, tennis-13, og'ir atletika-7, qilichbozlik-14, futbol-11, ot sporti-4, yengil atletika-9, suzish-9 o'rirlardan joy olgan edi.

II spartakiada 1959-yil o'tkazilgan, uning dasturlarida 22 sport turi bor edi. Birinchi o'rinni Moskva, ikkinchi o'rinni Rossiya, uchinchi o'rinni Leningrad jamoalari egalladi.

O'zbekiston esa 12-13-o'rinni egalladi. Spartakiada R.Aブloyev (67 kg) klassik kurashda birinchi, Yu.Zelenin (73 kg), ikkinchi o'nini egalladi. K.Vayshteyn (boks, 67 kg) ikkinchi, A.Tangiy (79 kg) to'rtinchi o'rinni egalladi. O.Ryaxovskiy (uch xatlab sakrash). 2-o'rin, V.Ballad (balandlikka sakrash) 3-o'rin, N.Chuvilin (langarda sakrash) 4-o'rinni, I.Abdullayev (erkin kurash, 52 kg) 3-o'rinni egalladi.

Sport turlarida: basketbol-erkaklar-15, ayollar-13, boks-8, erkin kurash-10, klassik kurash-8, velosport-6, suv polosi-8, voleybol-erkaklar-15, ayollar-11, gimnastika: erkaklar-7, ayollar-7, baydarka va kanoe haydash-13, ot sporti-12, yengil atletika-12, suzish-9, suvgaga sakrash-7-11 o'rirlar, zamonaviy besh kurash-13-17, manganlik-8, stendga otish-9, tennis-18, stol tennis-13, og'ir atletika-8, qilichbozlik-13, shaxmat-12 o'rinda edi.

Sportchilarimiz SSSR tashkil topganining 60 yilligiga bag'ishlangan yoshlarning Butunittifoq III sport o'yinlarida muvaffaqiyatli ishtirok etdilar. Bu musobaqalarda

O'zbekiston sport delegatsiyasi umumjamoa hisobida yettinchi o'rinni egallab, 37 ta oltin, kumush va bronza medallarini qo'lga kiritishdi.

O'zbekiston hukumati yoshlarning Butunittifoq III sport o'yinlarida respublikamiz sportchilari erishgan ko'satkichlarini yuqori baholadi. Namuna ko'satgan sportchi va trenerlar O'zbekiston SSR Oliy Soveti Prezidiumining Farmoniga ko'ra taqdirlanishdi: 13 kishi O'zbekiston SSR Faxriy unvoniga ega bo'ldi, 33 kishi O'zbekiston SSR Oliy soveti prezidiumining Faxriy yorliqlari bilan mukofotlanishdi.

Yoshlar Butunittifoq o'yinlarining yakunidan ma'lum kamchiliklar, mutaxassislarning xato va yanglishishlari oqibatida sportning ayrim turlari bo'yicha terma jamoalar yoshlar o'yinlarida o'z imkoniyatlaridan past darajada qatnashishdi. Basketbolchi, futbolchi, chavandozlarimiz va stol tennisi bo'yicha jamoamiz ko'satkichi past bo'ldi. Yelkanchi va kamonchilarimiz natijalari baholanmadи, ham.

Qiyosiy ma'lumotlardan ko'rilib turganidek, barcha hududiy sport tashkilotlari III yoshlar o'yinlarida avvalgisiga nisbatan umumjamoa jamg'armasiga ko'proq hissa qo'shdilar.

### **Yoshlarning I, II, III, Butunittifoq sport o'yinlarida respublikamiz terma komandalari ishtiroki**

*I-jadval*

T.r	Sport turi	Egallagan o'rinalar		
		1-o'yinlar	2-o'yinlar	3-o'yinlar
1	Basketbol (o'smirlar)	14	10	11
2	Basketbol (qizlar)	15	16	10
3	Klassik kurash	12	6	6
4	Erkin kurash	14	11	7
5	Dzyu-do kurashi	15-17	16	6
6	Sambo kurashi	o'tkazil-magan	3	4
7	Boks	7	5	6
8	Voleybol (o'smirlar)	6	14	6
9	Voleybol (qizlar)	4	7	6

10	Suv polosi	3	7	3
11	Shosseda velosiped poygasi	5	1	3
12	Trekda velosiped poygasi	6	9	7-8
13	Akademik eshkak eshish	10	9	12
14	Baydarka va kanoe-da eshkak eshish	10	10	4
15	Sport gimnastikasi	9	12	9
16	Ot sporti	14	6	12
17	Yengil atletika	8	8	8
18	Yelkanli sport	12	ochkosiz	ochkosiz
19	Suzish	7	7	6
20	Suvga sakrash	8	ochkosiz	9
21	Qo'l to'pi (o's-mirlar)	6	7	8
22	Qo'l to'pi (qizlar)	9	5	6
23	Zamonaviy besh kurash	12	ochkosiz	13
24	O'q otish	8	5	10
25	Stendga otish	10	ochkosiz	5
26	Kamondan otish	ochkosiz	ochkosiz	ochkosiz
27	Og'ir atletika	10	3	2
28	Qilichbozlik	10	8	11
29	Futbol	o'tkazilmagan	4	12
30	Shaxmat	6	8	6
31	Badiiy gimnastika	o'tkazilma-gan	o'tkazilma-gan	3
32	Xokkey (o'smirlar)	-	-	4
33	Stol tennisi	-	-	11
34	Xokkey (qizlar)	-	-	1
35	Sinxron suzish	-	-	7
36	Tennis	-	-	5

Toshkent shahri: 2-o'yinlarda 856,7 ochko, 3-o'yinlarda 1054 ochko, Toshkent viloyati: 198,2-421,3, Farg'ona viloyati: 51,9-277,3, Andijon viloyati: 126,7-159,9, Samarqand viloyati: 93-98,3, Navoiy viloyati:

qatnashmagan—61, Sirdaryo viloyati: 37—51,9, Surxandaryo viloyati: 19,6—29,3, Namangan viloyati: 1,7—27, Qoraqalpog'iston Respublikasi: 0,66—26,8 Jizzax viloyati: 0,66—22,5, Buxoro viloyati: 230,8—17,56, Qashqadaryo viloyati: 2—11,5 ochko. Xorazm viloyati esa birorta zachyot ochkosiga ega bo'lmadi.

Ko'ngilli sport jamiyatlari va idoraviy jismoniy madaniyat tashkilotlarining qiyosiy ma'lumotlari quyidagicha: «Mehnat»: 479,7—527, «Burevestnik»: 305,3—446, Qurolli Kuchlar: 192—368,6, «Spartak»: 131,7—271,6, «Mehnat rezervlari»: 118—259,6, «Dinamo»: 183,4—227,7, «Zenit»: 18,5—148,1, «Lokomotiv»: 71,6—138,3, «Paxtakor»: 142,3—92, «Yosh kuch»: 26,7—71,3.

III spartakiada 1963-yil bo'lib o'tdi. Bu musobaqalarga tayyorgarlik va sinov sifatida O'zbekiston XII spartakiadasi tashkil etildi.

Uning barcha bosqichlarida 3.200.000 kishi qatnashdi. 128 nafar kishi sport ustasi unvoniga sazovor bo'lishdi.

IV spartakiada 1967-yil avgustda tashkil etilib, u SSSRning 50 yillik yubileyiga bag'ishlandi. O'zbekiston 22 ta medallarni egallab 9-o'ringa chiqdi.

V spartakiada 1971-yil bo'lib o'tdi. O'zbekiston avvalgi musobaqalarga nisbatan past darajada qatnashib, 11-o'ringa erishdi.

VI spartakiada 1975-yil 17 ta shaharda o'tkazilib, 27 sport turi bo'yicha bahslar bo'lib o'tdi. Spartakiadaning asosiy shiori MMT (GTO) talabalarini ommaviy ravishda bajarishga chaqirish bilan tantanali ko'rgazmalar tashkil etildi.

O'zbekiston terma jamoalari 9-o'ringa chiqib olishdi.

1979-yil SSSR xalqlarining VII spartakiadasi Moskvada bo'ladigan XXII Olimpiya o'ynilariga tayyorgarlik va sinov edi. Shu sababdan, barcha ittifoqchi respublikalar qatori O'zbekiston o'zining VII spartakiadasini eng yuqori saviyada o'tkazdi. Uning tantanali ochilishi va yakunlariga bag'ishlab «Paxtakor» stadionida juda katta sport bayram-namoyishi o'tkazildi.

VII spartakiada 1979-yilda o'tkazilib, u Moskvada bo'ladigan (1980) XXII Olimpiya o'yinlariga tayyorgarlik taraddusи bilan olib borildi. A.Qiyomov spartakiadada bronza medaliga sazovor bo'ldi. Chim xokkey bahslarida «Andijon» jamoasi Moskva viloyatning «Spartak» jamoasi bilan final uchrashuvida g'olib chiqib, champion bo'lishdi. Jamoa tarkibida A.Kondratenko, R.Mustafayeva, G.Mamutova, X.Ismboyeva, M.Platonova, V.Zazdrovnik, Z.Chausi, M.Haydarova, N.Garbatkova, A.Xam, L.Axmerova, F.Qodirova, M.Lyashchenko, E.Orifjonova, S.Rissolova kabilar o'ynadi.

Umumjamoa birinchiligidagi O'zbekiston ilk bor 7-o'rinni (5307,4 ochko) egalladi. Sportning deyarli barcha turlarida O'zbekistonning sportchilar haqli ravishda faxrli o'rindardan joy olishdi.

VIII spartakiada 1983-yil sport turlari bo'yicha Moskva, Toshkent, Almati, Tallin, Dnepropetrovsk, Vilnyus, Lvov, Kaunas, Ryazan, Tula va Ivanova shaharlariда o'tkazildi.

Spartakiadaning dasturi asosida ilk bor uch guruhta bo'lib musobaqalar tashkil etildi. Birinchi guruhdagi: Rossiya, Moskva, Leningrad, Ukraina, Belarusiya jamoalari edi. Ikkinci guruhdagi: Qozog'iston, Gruziya, O'zbekiston, Litva, Latviya jamoalari bo'lib, ular orasida Qozog'iston g'olib chiqdi. Uchinchi guruhdagi: Armaniston, Ozarboyjon, Moldaviya, Estoniya, Qirg'iziston, Tojikiston, Turkmaniston jamoalari o'zaro musobaqalashdi va Armaniston g'olib chiqdi.

IX spartakiada 1987-yil 23 ta shaharda tashkil etilib, ularda sportning 37 turi bo'yicha kurash olib borildi. Rossiya sportning 17 turi (1-o'rinni), Ukraina-12 turi (II) va Moskva shahri esa 7 tur bo'yicha (III) g'oliblikni qo'lga kiritdi. Leningrad, O'zbekiston, Ozarboyjon, Tojikiston va Turkmaniston sportchilar juda sust qatnashdi.

X spartakiada (eng so'nggi) 1991-yil. 6-iyulda Lujnikidagi Bosh Olimpiya stadionida ochildi. Bu spartakiada avvalgilardan farqli o'laroq uch dasturdan iborat edi.

Birinchi dasturda voleybol, mini futbol, badminton, tennis, gorodki, tosh (gir) ko'tarish, yengil atletika, sportcha chamlash (Oriyentirovaniye), bilak kuchini sinash, shaxmat-shashka va bir qator boshqa turlar bo'yicha xohlagan kishi ishtirok etishi mumkin edi. Bu musobaqalar «O'zingni sina» («Ispitay sebya») shiori ostida o'tadi.

Ikkinci dasturida «Hordiq chiqaring» («Otdixayte»), «Mashg'ul bo'ling» («Razvlekatelno») shiori ostida musobaqalar bo'lib o'tdi. Bu asosan startga chiqish, namoyish, maslahatlar berish (konsultatsiya) va noan'anaviy mashg'ulotlarining 23 turidan (akrobatik rokn-roll, sheyping, kikboksing, taekvando, toshlarni (girlar) o'ynatish, atletik gimnastika, trial, lapta, motobol, aykido va h.k.) musobaqalar, ko'rsatuv-namoyishlar bo'lib o'tadi.

Uchinchi dasturda «Sevimli» («Lyubopitno»), «qiziqarli» («Interesno»), «chorlovchi» («uvlekatelno») shiori ostida taniqli sportchilar, sport jurnalistlari, sport tashkilotlarning rahbarlari bilan uchrashuvlar, muloqotlar o'tkazildi.

Bu tadbirlar 6–13-iyulda stadionda xalq festivali tarzida o'tdi. Iqtisodiy va siyosiy tushkunliklar ta'sirida spartakiada ko'ngildagidek o'tmadni. Eng kuchli sportchilar bu tadbirlarda ishtirok etmadni. O'zbekiston sportchilari ham bu tadbirlarda ishtiyoqsizlik bilan qatnashdi.

Xulosa qilib aytganda, O'zbekiston sportchilari har bir davrda o'zlarining spartakiadalarini o'tkazib, eng iqtidorli sportchilarni tanlab va tarbiyalab SSSR xalqlari spartakiadalariga (1959–1991) muntazam ravishda jiddiy tayyor-garliklar ko'rishgan. Bu yo'lda hukumat qarorlarini amalga oshirish bilan sport inshootlari kengaytirildi. Mutaxassislar soni va sifati oshirildi. Yetuk sportchilar respublika shuhratni uchun kurash olib bordi va o'z mahoratlarini namoyish etish-di. Minglab iste'dodli sportchilar va yetakchi murabbiylar tarbiyalandi. Ular keyingi davrlarda yoshlarga o'z tajribalarini singdirish bilan muvaffaqiyatli ravishda faoliyat ko'rsatmoqdalar.

Ta'kidlash lozimki, spartakiadalarning g'oliblari Olimpiya o'yinlarining ishtirokchisi yoki murabbiy sifatida keyingi

boblarda alohida tilga olinadi.

E'tirof etish lozimki, O'zbekiston sportchilarini SSSR xalqlari spartakiadaları, ayniqsa, Xalqaro sport musobaqalari, Olimpiya o'yinlariga tayyorlashda sobiq mahoratli sportchilar, ya'ni keyingi murabbiylarning xizmatlari g'oyat kattadir. O'zbekiston sport taraqqiyoti tarixida yorqin iz qoldirgan murabbiylardan biri, I.I.Chuvilin hisoblanadi. U 20 yil davomida respublika terma jamoasida ishtirok etib, langar cho'pda sakrash va o'n kurashda respublikaning rekordchisi, bir necha marta championi bo'lgan. 1968-yilda 18-marotaba champion bo'lgan. I-II va III SSSR xalqlari spartakiadasining sovrindori va SSSR championi bo'lgan. Umrining so'nggi davrida Toshkent miliitsiya Oliy maktabining katta o'qituvchisi va kafedra boshlig'i bo'lib ishlagan va podpolkovnik unvoniga ega bo'lgan.

Xulosa qilib aytganda, Rossiya va sobiq sovetlarning mustamlakachilik davrida O'zbekistonda jismoniy madaniyat harakatida salbiy va ijobiy ta'sirlar amalga oshirildi. Salbiy ta'sirlardan biri shundaki, mahalliy millat yosHLarini sportga jalb etish, ulardan mutaxassis tayyorlashga jiddiy e'tibor berilmadi. Ikkinchidan esa milliy o'yinlarni (ot o'yinlari, harakat o'yinlar) taqib ostiga olindi.

Ijobiy tomoni shundaki, o'quv yurtlari tashkil etilib, ularda jismoniy tarbiya darslari o'tkazildi. Sport turlari aholi o'rtasiga singib bordi. Musobaqalar tashkil etildi. Sport inshootlari qad ko'tardi. Ittifoq miqyosidagi sport musobaqalar va spartakiadalarga qatnashish imkoniyati yaratildi.

Majburiy bo'lsa-da, jismoniy tarbiya tizimi amalga oshirildi. Bu esa aholining jismoniy tarbiya va sport bilan shug'ullanishiga imkoniyatlар yaratdi.

Respublika partiya va hukumat rahbarlari jismoniy tarbiya va sportni rivojlantirishga alohida e'tibor berdi. Oliy va o'rta maxsus o'quv yurtlarida mutaxassis tayyorlash amalga oshirildi. Jismoniy tarbiya va sport sohasida yetakchi olimlar, murabbiylar soni ancha oshdi.

## O‘z-o‘zini nazorat qilish uchun savollar

1. Hozirgi O‘zbekiston hududlarida qadimgi davrda yashagan ajdodlarimizning jismoniy tarbiyasi qaysi manbalarda ko‘proq ifoda etilgan?
2. Chor Rossiyasi hukmronligi davrida Turkiston o‘lkasida jismoniy tarbiya va sport bo‘yicha qanday muhim tadbirlar o‘tkazildi?
3. Sobiq Ittifoqning dastlabki yillarida (1918–1924–1928) O‘zbekistonda sportning shakllanishi haqida nimalarни bilasiz?
4. 1928-yilda Moskvada qanday yirik sport musobaqasi o‘tkazildi, unda O‘zbekistonliklarning ishtiroki haqida so‘zlang?
5. Ikkinchи jahon urushigacha sport sohasida qanday muhim rivojlanishlar bo‘ldi? Mehnat va mudosaaga tayyor (GTO) majmui haqida nimalarни bilasiz?
6. Ikkinchи jahon urushi yillari (1941–1945) va keyingi tinch qurilish davrida (1946–1950) O‘zbekistonda jismoniy tarbiya va sportning holati qanday darajada edi?
7. O‘zbekiston spartakiadaları, «Paxtakor» sport jamiyatı faoliyati haqida qanday yangiliklar yuz berdi?
8. SSSR xalqlari spartakiadalarida O‘zbekiston sportchilari qanday ishtirok etdi?
9. Kadrlar tayyorlash, sport inshootlarini qurish, ommaviy sport musobaqalarini tashkil qilishda qanday muhim tadbirlar o‘tkazildi?

*XI bob. O'ZBEKISTON MUSTAQILLIGI DAVRIDA*  
*(1991–2005)*  
**JISMONIY TARBIYA VA SPORT TARAQQIYOTINING**  
**TARIXIY XUSUSIYATLARI**

**11.1. O'zbekiston Respublikasining «Jismoniy tarbiya va sport to'g'risida»gi qonuni hamda Respublika hukumatining qarorlari**

Ma'lumki, sobiq SSSRning inqirozga uchrashi XX asrning so'nggi 10 yilligi boshlaridayoq jahon miyosida namoyon bo'lgan edi. Markazdagi rahbarlar o'rtasida keskin ixtiloslar yuz berishi oqibatida 1991-yil avgustida davlatni to'ntarish tashkil etildi. Lekin uning natijasi kutilganidek bo'lmadi. Natijada esa sobiq Ittifoqchi respublikalar o'zlarini mustaqil davlatlar, deb e'lon qildilar. Ular qatorida birinchilardan bo'lib O'zbekiston ham respublika Prezidenti I.A.Karimovning 1991-yil 31-avgustdagি Farmoniga asosan mustaqil Respublika deb rasmiy ravishda e'lon qilindi. Shunga asosan 1991-yil 1-sentabrda umumxalq bayrami, ya'ni mustaqillik kuni deb shodiyona sifatida katta tadbir tashkil qilindi. Har yili 31-avgust va 1-sentabr kunlari butun O'zbek xalqi katta bayramni o'tkazib kelmoqda. Bunday ulug'vor kunni yurtimizdagi barcha millatlar ham o'zilarining eng quvонchli bayrami deb his qiladilar.

Mustaqillik, erkin fikr yuritish, adolat va teng huquqlig yurtdoshlarimizga yangi baxt-saodat keltirdi.

Bunda jismoniy madaniyat va sport harakati ham o'zining haqli ravishdagi milliy maqomiga ega bo'ldi.

Respublikaning iqtisodiy, siyosiy, madaniy va ijtimoiy salohiyatida jismoniy madaniyat va sport ham o'z o'mi hamda mavqeiga egadir. Bunda Prezident I.A.Karimov va hukumatimizning g'amxo'rliги olqishga sazovordir.

O‘zbekiston Respublikasining Prezidenti mustaqillikka erishish va uning istiqbolida aholi salomatligining o‘ta qimmatlilagini va unga ega bo‘lish yo‘llarini katta ko‘tarinkilik bilan izhor qilib bergan, ya’ni: «Bizning otabobolarimiz kishilar bilan uchrashganda yoki xayrashganda, avvalo, chin yurakdan salomatlik tilashgan... Zaminimiz polvonlar va botirlarini mehr bilan tarbiyalab kelmoqda. Bugungi kunda hamma joyda sportning milliy turlari qayta tiklanmoqda... o‘zining salomatligi haqida shaxsan g‘amxo‘rlik qilib borish madaniyatini yoshlikdan, maktab, mahalla, sog‘liqni saqlash tizimi, jismoniy tarbiya va sportning ko‘magida singdirish kerak»,<sup>1</sup> – deb haqli ravishda aytgan.

E’tirof etish kerakki, mustaqil O‘zbekistonning jismoniy madaniyat va sportini yanada rivojlantirishga asos bo‘luvchi eng muhimu tadbirlar ko‘rilmoxda. O‘zbekiston Respublikasining «Jismoniy tarbiya va sport to‘g‘risida»gi qonuni (1992-yil 14-yanvar) barcha aholining sog‘ligini mustahkamlash, ularning jismoniy tarbiya va sport bilan shug‘ullanishlariga shart-sharoitlar yaratib berishni kafillikka oladi. Bu qonun 2000-yilda yangi tahrirda qayta qabul qilindi.

Shu qonunga muvofiq «Maktabgacha bolalar tarbiya muassasalari va o‘quv yurtlari har yili kamida bir marta maktabgacha yoshdagи bolalarning hamda o‘quvchi yoshlarning jismoniy tayyorgarlik darajasini ko‘rikdan o‘tkazish belgilab qo‘yildi. Bundan tashqari, qonunda umumta’lim maktablarida, boshqa o‘quv yurtlarida jismoniy tarbiya bo‘yicha imtihonlar o‘tkaziladi».<sup>2</sup> – deb ko‘rsatilgan. Bu esa o‘quvchi yoshlarning salomatligini mustahkamlash, jismoniy kamolotini oshirish, ulami mehnat va mudofaa ishlariga layoqatli kishilar qilib tarbiyalashga qaratilgandir. Bu imkoniyat va talablarni har bir o‘quvchi yoshlar o‘z tafakkurlari bilan tushunishlari, mustaqil O‘zbekistonning

<sup>1</sup> I.A.Karimov «O‘zbekistonning o‘z istiqlol va taraqqiyot yo‘li», T., «O‘zbekiston», 1992 y. 69–70-betlar.

<sup>2</sup> «Xalq so‘zi» gazetasi 1992-yil 19-fevral.

istiqboliga hissa qo'shish uchun bor imkoniyatlarni ishga solish, o'z burchlarini ado etishlari kerak. Ma'lumki, Respublika Oliy Kengashining sessiyasida (1992-yil iyul, 1997-yil 29-avgust) «Ta'lim to'g'risidagi» qonun qabul qilinib, unga ta'lim oluvchilarining salomatligini muhofaza qilish va mustahkamlashni kafolatlovchi shart-sharoitlar yaratish, o'qish, mehnat qilish, dam olish uchun ta'lim muassasalari mas'uldir deyilgan.<sup>1</sup> Bu ikki qonunning mazmun va mohiyati o'zaro mujassamlashib, jismoniy tarbiya va sportni rivojlantirishga qaratilgandir.

O'quvchi yoshlarning ta'lim olishlari va ularni doimo sog'lom bo'lishlarini davlat qonunlari bilan muhofaza qilish, bo'lajak mutaxassislarining porloq kelajagini ta'minlash, deb talqin qilish lozim. Shu tufayli barcha o'quvchi yoshlar qayerda ta'lim olmasin, ularga berilgan imtiyozlardan foydalananish, jismoniy kamolotni ta'minlash, uning ijtimoiy mohiyatlarini yanada ko'tarish, uni imkoni boricha, inson hayotidagi yuksak omilkor ekanligini kelajakka meros qilib goldirish kerakdir.

Shu sababdan, respublika sportining istiqbolidagi asosiy manbalarning holati va uni rivojlantirish omillaridan xabardor bo'lish muhim vazifalardan biri bo'lib hisoblanadi.

Mustaqillikning dastlabki yillarda O'zbekiston jismoniy madaniyat va sport taraqqiyotining ba'zi bir ko'rsatkichlari quyidaglardan iborat.

---

<sup>1</sup> «Xalq so'zi», gazetasi, 1992-yil 23-iyul, 1997-yil 3-sentabr sonlari.

1-jadval

### Respublikada jismoniy tarbiya va sport bo'yicha umumiyo ko'rsatkichlar

	Maktablar soni			O'quvchilar soni			Jismoniy tarbiya bilan muntazam shug'ullanuvchilar soni			Maxsus tibbiy guruhd shug'ullanuvchilar soni			Sport seksiyalarida shug'ullanuvchilar soni		
	2000	2001	2002	2000	2001	2002	2000	2001	2002	2000	2001	2002	2000	2001	2002
Jami:	9661	9668	9662	5.734. 828	5.967. 046	6.041 085	5.624. 776	5.935. 028	5.929.3 38	14066 18564	18564 20210	14066 1.317. 094	1.463 344	1.463 613	1.573. 69
Tafo-vut	-	+7	+24	-	+232218	+74039	-	+3102 52	+2690	-	+4498 +1646	-	+146250 +1102	-	+1102 69

### Sport inshootlari

257

	Stadionlar			Sport zallari			Basketbol			Voleybol			Qo'l to'pi		
	2000	2001	2002	2000	2001	2002	2000	2001	2002	2000	2001	2002	2000	2001	2002
Jami:	19	30	29	4361	4872	4980	6259	6443	6501	9263	9430	9406	4530	4731	4899
Tafovut	-	+11	-1	-	+511	+108	-	+184	+58	-	+167	+24	-	+201	+168

### Sport inshootlari

	Tennis korti			Futbol maydoni			Mini-futbol maydoni			Yengil atletika			Suv havzasi		
	2000	2001	2002	2000	2001	2002	2000	2001	2002	2000	2001	2002	2000	2001	2002
Jami:	130	172	155	4676	4957	4932	3395	3314	3386	161	236	331	112	130	145
Tafovut	-	+42	-17	-	+281	-25	-	-81	+75	-	+75	+95	-	+18	+15

Respublikadagi 14577 ta jismoniy madaniyat jamoalarida 5 mln. 549 ming 908 kishi shug'ullanadi. Shu jumladan, 64 ta oliv o'quv yurtida 134977 kishi, 225 ta o'rta maxsus o'quv yurtlarida 147664 kishi, 449 ta hunar-texnika bilim yurtlarida 211061 kishi, 8302 ta maktablarda esa 4 mln. 510 ming 403 o'quvchi jismoniy tarbiya va sport bilan shug'ullanadilar. O'zbekistondagi ishlab chiqarish korxonalarining 5545 tasida boshlang'ich jismoniy madaniyat tashkilotlari va 60 dan ortiq sport klublari mavjud bo'lib, ularda 543946 kishi muntazam ravishda sport turlari, sog'lomlashtirish mashqlari bilan shug'ullanadilar. Sobiq Ittifoq davrida ishlab chiqilgan va tasdiqlangan. Mehnat va mudofaaga tayyor (MMT-GTO) majmuasi o'zining mazmunan zarurligi va mohiyatini ancha vaqtgacha o'z kuchini saqlab keldi. Keyingi paytlarda respublika muhiti va sharoitlariga qarab, uning shakli va normativ talablariga ba'zi bir o'zgarishlar kiritildi va konsepsiya (dastur) ishlab chiqildi. Shu asosda «Algomish» va «Barchinoy» maxsus testlari joriy etildi (2000 y.).

Ma'lumki, MMT majmuasini asosiy turlari va me'yoriy darajalari o'quvchi yoshlarni har tomonlama jismonan kamol toptirishda muhim ahamiyat kasb etdi. Shu sababdan, respublikada bu majmua yoshlami jismoniy tayyorlashda katta ishlarni amalga oshirishga poydevor yaratdi. Buning dalili sifatida quyidagi ko'rsatkichlarni keltirish mumkin. Respublika bo'yicha 1991-yilda 1 mln. 33 ming 815 kishi MMT nishondori bo'ldi. Shu jumladan, oliv o'quv yurtlari talabalaridan 12743 kishi o'rta maxsus o'quv yurtlarida 36867 kishi, hunar-texnika bilim yurtlarida 69650 kishi, umumta'lim maktablarida 832962 o'quvchi va ishlab chiqarish korxonalarida 81593 kishi bu majmuuning barcha talabalarini bajaradilar.

Respublikadagi jismoniy madaniyat jamoalari, sport klublari, sport jamiyatlari va turli vazirliklar, davlat idoralaridagi jismoniy tarbiya va sport ishlarini tashkil qilish, qiziqarli sport musobaqalarini uyuştirish, yuqori sport natijalariga erishishda alohida o'rinn tutadi.

Bu faoliyatlar sport turlari bo'yicha mahoratli sportchilarni tarbiyalash va ko'paytirishga katta hissa qo'shadi. Ular haqida quyidagi ma'lumotlar guvohlik berishi mumkin.

Erkin kurash bo'yicha 775 kishi yuqori darajadagi sport talablarini bajargan. Shuningdek, voleybol-383, boks-422, futbol-680, dzyu-do-339, basketbol-240, qo'l to'pi-185, shaxmat-120 va boshqa turlarda ham yuqori ko'rsatkichlarga erishildi.

Quyidagi ko'rsatkichlarga alohida e'tibor berish lozim. Sportning akrobatika turi bo'yicha 19 ta jamoada to'garak tashkil etildi. Ularda 1923 kishi shug'ullanib, ularning 1342 nafari sport mакtablarining o'quvchilaridir. Ularga atigi 43 ta trener biriktirilib, ularning 33 tasi oliv ma'lumotlidir. Shuningdek, ularning 21 tasi jamoatchi trenerlardir.

Eng ommaviy va sevimli sport turi bo'lgan futbol bo'yicha 7904 ta jamoa bo'lib, ularda 266767 nafar kishi shug'ullanadi. Ularning 4345 nafari sport mакtablarining o'quvchilari hisoblanadi. Ularni tarbiyalash va mahoratini orttirishida 682 trener qatnashib ularning 497 tasi maxsus ma'lumotga egadir. Shuningdek, 9048 kishi jamoatchilik asosida trenerlik qiladi.<sup>1</sup>

Voleybol sport turi bo'yicha 343, boks-313, erkin kurash-249, sambo kurashi-229, qo'l to'pi-229, dzyu-do-193, basketbol-162, klassik kurash-172, stol tennisi-131 va shu kabi sport turlarida anchagina trenerlar xizmat qiladi.

Respublikadagi sport taraqqiyotining ko'rsatkichlarini tahlil qilganda quyidagi mulohazalarni bayon qilishga to'g'ri keladi.

Futbol eng sevimli va shug'ullanish uchun qulay sport turlaridan biridir. Bu sohadagi ko'rsatkichlarni o'rtacha qilib olsak, quyidagi holatni ko'rish mumkin. Ya'ni har bir jamoada o'rtacha miqdorda 378 kishi (266-767; 7904=378) futbol bilan shug'ullanar ekan.

Har bir trenerga esa 390 dan ortiq futbolchi to'g'ri keladi.

---

<sup>1</sup> Respublika Davlat sport qo'mitasining 1991-yilgi hisobotidan olindi.

Shuningdek, erkin kurash bo'yicha 656 jamoada 31567 kishi shug'ullansa, ularga 259 trener rahbarlik qiladi. O'rtacha olganda har bir trenerga 120 nafar kurashchi to'g'ri keladi.

Bu holatlarni voleybol (269433 : 343 = 758 kishi) – 758, shaxmat (129264 : 96 = 1346) 1346, basketbol (141719 : 182 = 778) kabi turlarida ham ko'rish mumkin.

Bu ko'rsatkichlarga oddiy ko'z bilan qaraganda murakkab narsalar ko'rinxmaydiganga o'xshaydi. Lekin bitta trener futbolda 390, erkin kurashda 121, voleybolda 758, shaxmatda 1346, basketbolda 788 kishining to'g'ri kelishi ajablanarli holdir. Voleybol, shaxmat, basketbol kabi turlarda jamoatchi trenerlar ham rahbarlik qilishi mumkin. Biroq bu holatlar sportchilarning mahoratini yetarli darajada oshira oladi, deb xulosa qilish qiyin. Bunday ko'rsatkichlar keyingi davrda birmuncha ijobiy tomonga siljidi.

Xullas, bu ko'rsatkichlarning haqiqatan ancha uzoq ekanligi ayondir. Bundan shunday xulosaga kelish mumkinki, qaysi bir jamoalarda trenerlar va sportchilar mahsuldarlikka erishmoqda, ko'pchiligidagi esa umuman yaxshi natijalar yo'q hisobi. Bunga quyidagi misollarni keltirish mumkin.

Futbol bo'yicha 680, shaxmat 120, qo'l to'pi 125 kishi yuqori darajadagi (SUN, 1 darajada) sportchilar tayyorlangan. Ulami umumiyligi shug'ullanuvchilar soniga solishtirilsa, ish sifati yaxshi emasligini bilish qiyin emas.

E'tirof etish lozimki, O'zbekiston mustaqilligini o'n yili davomida (1991–2001) jismoniy tarbiya va sport ishlari ancha rivoj topdi. Ommaviylik asosida sport mahoratlarni oshirish ancha o'sdi.

Futbol, tennis, o'zbek kurashi, boks, sharqona yakka kurashlar (karate, dzyu-do, taekvando, ushu, qo'l to'pi va h.k.) yoshlar orasida tobora ommalashmoqda. Buning eng asosiy sabablari shundaki, «Jismoniy tarbiya va sport to'g'risida»gi qonun hamda qator qarorlami (1993, 1996, 1999, 2000, 2002, 2003 va h.k.) amalga oshirishda katta tadbirlar o'tkazildi. Ularning natijalari esa respublikada o'tkazilgan sport musobaqalari, xalqaro turnirlar va

sportchilarning Osiyo va jahon birinchiliklarida ishtirok etishi, erishilgan yutuqlar mazmunida namoyon bo'limoqda.

O'zbekistonda futbolni rivojlantirish (1993, 1996), tennis, boks va kurash bo'yicha xalqaro turnirlar o'tkazish (1993–2000) haqidagi hukumat qarorlari muhim ahamiyatga egadir. Ayniqsa, «O'zbekistonda jismoniy tarbiya va sportni yanada rivojlantirish chora-tadbirlari to'g'risida»gi O'zbekiston Vazirlar Mahkamasining 1999-yil 27-maydagi qarori barcha davlat idoralari hamda nodavlat va jamoat tashkilotlari oldiga katta mas'uliyatlarni yukladi. Shu asosida aholining barcha tabaqalari va ishlab chiqarish, savdo, tijorat, tarbiya, o'quv muassasalari sohalarida jismoniy tarbiya va sportni keng yo'iga qo'yish masalalari jiddiy vazifa bo'lib qolmoqda.

Jismoniy madaniyat va sport taraqqiyotining 10 yillik davridagi ko'rsatkichlarning natijalari bilan quyida tanishish mumkin bo'ladi.

Jismoniy madaniyat jamoalarining soni 1991-yilda 14.577 ta bo'lsa, 1995-yilda 14408 ta va 2000-yilda esa 15.863 taga yetadi, ba'zi yillarda jamoalar sonining kamayishiga sabab shundaki, ba'zi korxonalar va muassasalar birlashtirilgan yoki tugatilgan. Keyinchalik esa ularning soni osha boshlagan.

Jismoniy tarbiya va sport, sayohat hamda xalq o'yinlari bilan shug'ullanuvchilar soni 1991-yilda – 5.549966 nafar kishi bo'lsa, 1995-yilda – 5.640085 va 2000-yilda – 6.862790 nafar kishini tashkil etgan.

Bevosita sport turlari bilan shug'ullanuvchilar soni 1991-yilda – 1.491511, 1995-yilda – 1.256958 va 2000-yilda – 1.856181 kishiga yetadi.

Fubol bilan shug'ullanuvchilar soni – 439344, voleybol – 296801, yengil atletika – 172047, kurash – 93985, boks – 26551, tennis – 14504 kabilar tashkil etmoqda. Sport bilan shug'ullanuvchilar maktablarda 1992-yilda 737641, 1995-yil – 828072, 2000-yil – 1196091 kishini takshil qildi. Bunday ko'rsatkichlar kolledjlar va litseylarda: 1992-yil – 42027, 1995-yil – 47353 va 2000-yil – 81649 kishi, oliv o'quv yurtlarida esa bunday natijalar ancha yuqori edi.

Bolalar va o'smirlar sport maktablarida shug'ul-lanuvchilar soni 1992-yilda – 244483, 1995-yilda – 245347 va 2000-yilda esa 272262 nafar yosh sportchilarni tashkil qildi. Respublika BO'SM soni 1992-yilda – 472 ta, 1995-yilda – 522 va 2000-yilda esa 538 taga yetkazildi.

O'zbekiston Respublikasi Prezidenti va hukumatining mamalakatda jismoniy tarbiya va sportni rivojlantirish borasidagi g'amxo'rliklari tufayli o'quvchi yoshlarni sportga jalb etish, sportchilarning mahoratlarini oshirishga katta imkoniyatlar yaratib berdi.

Mustaqillikning 10 yilligi davrida respublikada sportning taraqqiyoti, iste'dodli sportchilarning xalqaro sport maydonlarida erishgan g'alabalarini aks ettiruvchi nufuzli tarixiy manbalar yaratildi. Ular orasida 10 yillik yubileyga hadya etilgan. «XXI asr. Istiqbolimiz timsollari» kitobi e'tiborni jalb etadi. Eng muhim shundaki, uning tarkibidagi dunyoga sport orqali mamlakatimizni tanitgan, yurtimiz bayrog'ini baland ko'tarib, madhiyamizni yangratishga hissa qo'shgan sportchilar munosib o'rinn olgan.

Kitobning «Xalqimizning qadri baland o'g'il-qizlari» bo'limida I.A.Karimovning «O'zbek millatining, o'zbek farzandlarining qobiliyat, zehn-zakovat, tirishqoqlik borasida boshqa hech bir imillat yoki xalqdan qolishadigan joyi yo'q», deb bergen bahosi bilan boshlanadi. Shu o'rinda jahon championi, XXVII Olimpiya o'yinlarining boks bo'yicha oltin medal sohibi M.Abdullayevning yurtimiz bayrog'ini baland ko'tarib, mag'rurona turishi yurtimiz yo'lboshchisining fikrlariga hamohang bo'lib turibdi. Ayniqsa, Prezidentning M.Abdullayevni tabriklashi va unga zarli to'n kiygizishi sportchilar mehnatini ulug'lashdagi eng yuksak qadriyat ekanligini namoyish etmoqda.

Bokschi Ruslan Chagayevning ham qisqa bo'lsa-da, mehnatlari bu kitobdan o'rinn olgan. U 1978-yil 19-oktabrda Andijon shahrida tug'ilgan. Ikki karra Osiyo va jahon championi. Osiyo o'yinlari g'olib «O'zbekistonda xizmat ko'rsatgan sportchi», «O'zbekiston iftixori» faxriy unvonlari, «O'zbekiston belgisi» ko'krak nishoni bilan taqdirlangan.

U 2002-yilda professional boks bo'yicha o'z vaznidá jahon championi unvoniga erishdi.

Rustam Saidov, 1978-yil 6-fevralda tug'ilgan. Boks bo'yicha Markaziy Osiyo o'yinlari g'olibi. Osiyo championi, Sidney Olimpiadasi bronza medalini qo'lga kiritgan.

Sergey Mixaylov, 1976-yil 5-martda tug'ilgan. Boks bo'yicha ikki marta Osiyo championi, Osiyo o'yinlari g'olibi, Sidney Olimpiadasining bronza medali sovrindori. «O'zbekiston Respublikasida xizmat ko'rsatgan sportchi» faxriy unvoniga ega.

O'tkirbek Haydarov, 1974-yil 25-yanvarda Andijonda tug'ilgan. Boks bo'yicha jahon championi. «O'zbekiston Respublikasida xizmat ko'rsatgan sportchi», «O'zbekiston iftixori» faxriy unvoniga sazovordir.

Dilshod Yorbekov, 1974-yil 5-yanvarda Samarcand shahrida tug'ilgan. Boks bo'yicha Osiyo championi, Osiyo o'yinlarining kumush va bronza medallari sovrindori. Jahon championati va kubogi hamda yaxshi niyat o'yinlari bronza medallari sovrindori. «O'zbekiston Respublikasida xizmat ko'rsatgan sport ustasi», «Do'stlik ordeni», «O'zbekiston belgisi» ko'krak nishoni bilan taqdirlangan.

Artur Grigoryan, 1967-yil 20-oktabrda Toshkentda tug'ilgan. Boks bo'yicha yaxshi niyat o'yinlari g'olibi, jahon championati kumush medali sovrindori. Professional bokschilar o'rtaida 16 marta (2002 y.) jahon championi. «Mehnat shuhrati» ordeni sohibi. «O'zbekiston Respublikasida xizmat ko'rsatgan sportchi», «O'zbekiston iftixori» faxriy unvonlari hamda «O'zbekiston belgisi» ko'krak nishoni bilan taqdirlangan.

Mirjalol Qosimov, 1970-yil 17-sentabrda Toshkentda tug'ilgan. Futbol bo'yicha o'smirlar o'rtaida jahon va Yevropa championi. XII Osiyo o'yinlari g'olibi.

Akobir Qurbonov, 1975-yil 29-iyulda Buxoroda tug'ilgan. Sambo bo'yicha to'it karra Osiyo championi. Jahon unversiadasi g'olibi, jahon kubogi sohibi, jahon championi, milliy kurash bo'yicha jahon championi. «O'zbekiston iftixori» faxriy unvoni hamda «O'zbekiston belgisi» ko'krak

nishoni bilan taqdirlangan.

Nurxon Nafasov, 1965-yil 5-yanvarda tug'ilgan. Milliy karate federatsiyasining rahbari. O'zbekistonda xizmat ko'rsatgan sport ustasi.

Qiziqarli tomoni shundaki, keyingi yillarda kichik yoshdagi bolalar o'rtasida sharqona yakka kurashlar bo'yicha musobaqalar uyushtirilmoxda. Shu sababdan, bunday turlarga qishloq va uzoq hududlardagi bolalar katta ixlos bilan kirib kelmoqda.

A'zam, Farrux va Parviz Abdulmanovlar Bekobod tumanidagi Zarif qishlog'ida tug'ilgan. Eng kattasi 13 yoshda (2000-yil ma'lumot), o'rtanchasi 12 va kichigi 9 yoshda. Bu aka-ukalar karate bo'yicha O'zbekiston, Osiyo va dunyo championatlari, qator xalqaro turnirlarda g'olib chiqishgan.

Rustam Qosimjonov, 1979-yil 5-dekabrda Toshkentda tug'ilgan. Shaxmat bo'yicha Osiyo championi, jahon championati mintaqaviy musobaqasi g'olibi, Butunjahon shahmat Olimpiadasida shaxsiy hisobda bronza medaliga sazovor bo'lgan. Xalqaro grossmester. 2004-yilda jahon championi unvoniga ega bo'ldi. «O'zbekiston iftixori» faxriy unvoni hamda «O'zbekiston belgisi» ko'krak nishoni bilan taqdirlangan.

Ibrohim Hamroqulov, 1982-yil 29-iyulda Samarqand shahrida tug'ilgan. Shaxmat bo'yicha o'smirlar o'rtasida jahon va Osiyo championi. «Universiada - 2000» musobaqasining g'olibi sisatida prezidentimiz sovg'asi «Tiko» avtomashinasi bilan taqdirlangan, xalqaro miqyosdagi sport ustasi.

Lina Cheryazeva 1968-yil 1-noyabrda Toshkentda tug'ilgan. Fristayl (chang'ida akrobatik sakrashlar) bo'yicha jahon championi, ikki karra jahon kubogi g'olibi, Lillexammer qishki Olimpiadasi championi. «O'zbekiston respublikasida xizmat ko'rsatgan sportchi», «O'zbekiston iftixori» faxriy unvonlariga ega.

Iroda To'laganova 1982-yil 17-yanvarda Toshkentda tug'ilgan. Tennis bo'yicha qizlar o'rtasida «Uimbildong» tumiri va AQSH ochiq championati g'olibi, Osiyo

championi. Butunjahon o'smirlar o'yinlarining bronza medali sovrindori. «O'zbekiston Respublikasida xizmat ko'rsatgan sportchi», «Shuhrat» medali sohibasi.

Sevara Qodirova 1983-yil 3-yanvarda Namanganda tug'ilgan. Xalqaro toifadagi sport ustasi. Stol tennisi bo'yicha xalqaro musobaqalar g'olib. Jahon o'yinlari (Shvetsiya, 1999-yil), «Universiada - 2000» musobaqalari g'olib. Kitobning «Millat g'ururi, mamalakat iftixori» bo'limida I.A.Karimovning «Yoshlarni sog'lom, matonatli, jasur qilib tarbiyalashda sport va jismoniy tarbiyaning ahamiyati beqiyos» - deb bergan bahosi olqishga sazovordir. Shu joyda yangidan qurilgan «Jar» sport majmuining ichki ko'rinishi, qator gilamlarda kurashchilarining olishuvlari, minglab tomoshabinlarning musobaqalarni kuzatishlari rangli tasvirda ifoda etilgan.

Sahifalarda Prezident I.A.Karimovning yetuk sportchilar davrasidagi tasviri, XXVI Olimpiya o'yinlarida boks bo'yicha bronza medali sovrindori Karim To'laganov, boks bo'yicha to'it karra respublika championi, Osiyo championatining kumush va bronza medallari sohibi, Osiyo o'yinlari bronza medali egasi, jahon kubogi g'olib jizzaxlik Lazizbek Zokirovning rangli suratlari berilgan. U xalqaro sport ustasi va «O'zbekiston iftixori» faxriy unvoniga egadir. Shular qatorida bokschi To'lqinboy Turg'unov 2 marta Osiyo championi, Osiyo o'yinlari, jahon kubogi va jahon championatining kumush medallari sovrindori; Tatyana Malinina (muzda nafis uchish) qishki Osiyo o'yinlarining oltin va kumush medallari sovrindori; Erkinboy Qutiboyev (kik boks) Yevropa championi, muay-tay bo'yicha uch karra jahon championi, Osiyo o'yinlari g'olib; Temur To'lakov (boks) qit'a championati va Osiyo o'yinlari kumush medallari sohibi, yaxshi niyat o'yinlari g'olib kabilar ham o'z o'rinni olishgan.

Kitobning keyingi sahifalarida Oksana Chusovitina, sport gimnastika bo'yicha XXV Olimpiya championi, Osiyo o'yinlari va «Jahon yulduzlari» xalqaro musobaqalari sovrindori; Armen Bagdasarov, dzyu-do bo'yicha Olimpiya

o'yinlari kumush medali sovrindori, to'qqiz marta O'zbekiston Respublikasi championi, Butunjahon universiadasining kumush medal sovrindori; Bahrom Avazov, milliy kurash bo'yicha Amir Temur va Pahlavon Mahmud xotirasiga bag'ishlangan xalqaro musobaqalaming mutloq g'olibi, jahon championi; Kamol Murodov, dzyu-do bo'yicha Osiyo o'yinlari bronza medali egasi, milliy kurash bo'yicha birinchi jahon championi, xalqaro miqyosidagi sport ustasi; Shuhrat Xo'jayev, sambo bo'yicha jahon va to'rt karra Osiyo championi, ikki marta jahon va qit'a kubogi sohibi, milliy kurash bo'yicha jahon championati bronza medali sohibi.

Toshtemir Muhammadiyev, Surxondaryolik (1968-yil tug'ilgan), kurash bo'yicha jahon championi. «El-yurt hurmati» ordeni sohibi.

Mahtumquli Mahmudov, kurash bo'yicha qator xalqaro turnirlar g'olibi, jahon championi. 1969-yil Surxondaryoda tug'ilgan. «O'zbekiston iftixori» faxriy unvoniga ega bo'lgan mashhur sportchilar o'rinni olgan. Umuman olganda, 10-yil davomida O'zbekiston, Markaziy Osiyo, Osiyo, jahon sport musobaqalari va Olimpiya o'yinlarining sovrindorlari hamda qatnashchilari e'tibordan chetda qolmagan. Ularning xizmatlari va faoliyatları O'zbekiston jismoniy madaniyat tarixidan munosib joy egallagan. Ular orasida iste'dod egasi va kelajakda katta umid kutish mumkin bo'lgan yoshlar juda ko'p. Ayniqsa, Yulduz Hamroqulova (1989-yil Jizzaxda tug'ilgan), shahmat bo'yicha qizlar o'rtasida uch marta O'zbekiston birinchiligi g'olibi, Osiyo birinchiliginining bronza medali sovrindori, jahon birinchiliginining qatnashchisi, barchaning diqqatiga sazovordir.

Abdulla Tangriev (1981-yil Surxondaryo) dzyu-do bo'yicha yoshlar o'rtasida Osiyo birinchiligi g'olibi, Sidney olimpiadasi qatnashchisi, xalqaro miqyosidagi sport ustasi. Kurash bo'yicha 2001–2005-yillarda o'tkazilgan xalqaro turnirlar va jahon birinchiliginining g'olibidir.

Manzura Inoyatova (1982-yil Navoiy viloyati), stol' tennisini bo'yicha Butunjahon o'smirlar o'yinining bronza

medali sovrindori, jahon o'yinlari va Yevropa ochiq kubogi g'olib. Xalqaro miqyosidagi sport ustasi.

Nodir Xo'jayev, 1989-yil 4-iyulda Qashqadaryo viloyatida tug'ilgan. Karate bo'yicha 1-dan sohibi. O'zbekistonning ikki marta championi, jahon kubogi g'olib.

Saida Iskandarova 1980-yil 12-martda Toshkentda tug'ilgan. Suzish bo'yicha ikki marta Markaziy Osiyo o'yinlari g'olib, Osiyo – Okeaniya championati oltin medal sohibi, Osiyo o'yinlarining kumush medali sovrindori, Sidney olimpiadasi qatnashchisi. Xalqaro toifadagi sport ustasi.

Saida Burxonxo'jayeva, 1984-yil 12-iyunda Toshkentda tug'ilgan. Stol tennisi bo'yicha xalqaro toifadagi sport ustasi. Butunjahon o'smirlar o'yinining bronza medali sohibasi, jahon o'yinlari g'olib, ikki marta O'zbekiston championi.

Xulosa qilib aytganda, bunday yutuqlar va iste'dodli sportchilar mamlakatda olib borilayotgan ulkan tadbirlarning dastlabki samaralaridir.

Respublika jismoniy madaniyat harakatining salmoqli tarmoqlari umumta'lim maktablari, Oliy va o'rta maxsus o'quv yurtlari (litsey, kollej va h.k.)dan iboratdir. Shu sababdan, sportchi o'quvchi yoshlar va talabalarning soni boshqa tarmoqlarga nisbatan ancha ustuvordir. Ular bilan olib borilayotgan jismoniy tarbiya darslari, sport mashg'ulotlari hamda turli xil sport musobaqalariga alohida e'tibor berilmoqda.

Bu jihatlar, ayniqsa, mustaqillikning keyingi yillarda (2001–2005) yaqqol ko'zga tashlanmoqda.

Umumta'lim maktablari va o'rta maxsus o'quv yurtlaridagi (litsey, kollej) jismoniy tarbiya va sport taraqqiyotini ta'minlovchi ba'zi bir rasmiy ma'lumotlami keltirish zarurdir. Bu haqda O'zbekiston Xalq ta'lim vazirligi, Oliy va o'rta maxsus ta'lim vazirligi, respublika Madaniyat va sport ishlari vazirligining joriy hisobotlari dalolat bo'la oladi. Ulami quyidagi jadvallarda ko'rish mumkin.

Ta'kidlash lozimki, O'zbekiston jismoniy tarbiya va sportning rivojlanishini kengaytirishda O'zbekiston Respublikasi Vazirlar Mahkamasining «O'zbekistonda

jismoniy tarbiya va sportni yanada rivojlantirish chora-tadbirlari to‘g‘risida»gi Qarori (1999-yil 27-may) katta voqeа bo‘ldi. Unga ilova qilingan davlat dasturida (konsepsiya) aholini ommaviy ravishda sportga jalb etish, ularga zarur shart-sharoitlar yaratib berish, ayniqsa, eng zamonaviy sport majmularini (kompleks) yangidan qurish bosh vazifa qilib qo‘yildi. Respublika sportchilarini xalqaro sport musobaqalariga tayyorlash, ularning g‘alabalarga erishishlari uchun barcha imkoniyatlarni ishga solish, bunda murabbiylar, mutasaddi sport tashkilotlari hamda davlat idoralari rahbarlarining mas’uliyatlarini oshirish alohida qayd etildi.

Buyuk kelajak yosh avlodlar taqdirida bo‘lishi tabiiydir. Sport olamida ham bunday g‘oya va talablar ancha ustuvor turadi. Respublikamiz sportining ravnaqini ta’minalash yo‘lida Respublika Prezidenti tomonidan «O‘zbekistonda bolalar sportini rivojlantirish» jamg‘armasini tuzish to‘g‘risida»gi Farmoni (2002-yil 24-oktabr) e’lon qilindi. Farmon bo‘yicha O‘zRVM maxsus qaror qabul qildi va respublika, viloyat va tuman-shahar tashkilotlari faoliyati ishga tushdi. Uning samaralari kun sayin tobora oshib bormoqda.

Ayniqsa, bolalar sport mashg‘ulotlarini o‘tkazish bilan bog‘liq bo‘lgan moddiy-texnik bazani kengaytirish, sport inshootlari va jihozlarini davr talablari asosida qurish hamda qayta ta’mirlash kabi muhim sohalarga davlat va nodavlat tashkilotlarining faoliyatini qaratish aniq belgilangan.

Respublika Bolalar sportini rivojlantirish jamg‘armasining quyi tarmoqlarini (viloyat, shahar-tuman) tashkil etish, ularning moliyaviy-xo‘jalik yuritish faoliyatlarini mustaqil ravishda olib borilishi jismoniy madaniyat tarixida muhim voqeа hisoblandi.

Iqtidorli bolalarni sportga jalb etishda oila, mакtab, mahalla va boshqa turli jamoat tashkilotlarining faol va amaliy harakatlarini qaratishga keng o‘rin berildi. Shu sababdan, «Bolalar va o‘sмirlar sport mакtablari»ning (BO‘SM) tarmog‘ini kengaytirish, xalqaro sport musobaqalari, ayniqsa, Olimpiya o‘yinlari dasturidagi sport

turlari bo'yicha tayyogarlik hamda tarbiyaviy ishlarni xalqaro andozalar talabi asosida olib borishga da'vat etilmoqda.

Mazkur qaror asosida qizlarimizni sportga qiziqtirish, ularni tarbiyalash va Xalqaro sport musobaqlari hamda Olimpiya o'yinlarida ishtirok etishga tayyorlash ishlari qizg'in olib borilmoqda. Shu bilan birlgilikda o'quvchi yoshlarning jismoniy tarbiya darslari va sport mashg'ulotlaridagi faol harakatlarni yanada sifatliroq o'tkazish, ularni xalq milliy o'yinlari bilan shug'ullanishlarini ta'minlash, bu yo'lida kadrlar tayyorlash milliy dasturi asosida mutaxassis xodimlarni va ularning malakalarini oshirishga jiddiy e'tibor berilmoqda. Umuman olganda, mazkur qaror o'quvchi yoshlarning sportga qiziqishini oshirishda muhim omil sifatida tarixiy jarayonga aylanmoqda.

O'zbekiston Respublikasi Xalq ta'limi vazirligi tizimidagi bolalar va o'smirlar sport maktabalarida 2001-yilda sportning 37 ta turi va 2002-yilga kelib sportning 40 ta turi bo'yicha seksiya va bo'linmalarda o'quvchilar shug'ullanib kelishmoqda.

O'zbekiston Respublikasi Xalq ta'limi vazirligi tizimidagi BO'SMlarda 2001-yilda sport turlari bo'limlar soni 1351 ta bo'lsa, 2002-yilga kelib, 1443 taga yetgan, o'quv guruuhlar soni 2001-yilda 7062 ta, 2002-yilda esa 7290 taga yetgan, o'quv-mashq qiluvchi guruuhlar soni 2001-yilda 7330 ta bo'lib 2002-yilda 8499 tani tashkil etgan, sport mahoratini oshirish guruhlari 2001-yilda 245 ta bo'lgan, 2002-yilda 20 taga kamaygan, ya'ni 224 tani tashkil etgan, oliy sport mahorati bo'limida esa 2001-yilda 26 ta bo'lib 2002-yilda 30 taga yetkazilgan.

Seksiya va bo'limlarda shug'ullanuvchilar soni guruuhlarning ko'payishi yoki kamayishiga nisbatan ma'lum miqdorida o'zgargan:

1. Boshlang'ich tayyorlov guruhi 2001-yil -105973, 2002-yil-110125.
2. O'quv-mashq qiluvchi guruh 2001-yil-83605, 2002-yil-99751.
3. Sport mahoratini oshirish guruhi 2001-yil-1950, 2002-yil-1827.

#### 4. Oliy sport mahorati guruhi 2001-yil-116, 2002-yil-143.

Bo'linmalarda shug'ullanuvchilar sonining ko'payishiga sabab, boshlang'ich tayyorlov guruhlari va o'quv mashq guruhlarida murabbiylarning ko'payishi hamda shug'ullanuvchilarning ortishi bilan bog'liq bo'lsa, sport mahoratlarini oshirish guruhi va oliy sport mahorati guruhlarni sonining oshishiga esa sportchilarning mahoratlari oshishi yoki boshqa jamiyatlardan qo'shilgan sportchilar sababkor bo'ladilar.

Umuman bolalar o'smirlar sport mакtablariga qisqacha ma'lumot beradigan bo'lsak, quyidagilarni aniqlaymiz:

1. Bolalar va o'smirlar sport mакtabi 2001-yilda 309 ta bo'lgan 2002-yilga kelib, 336 tani tashkil etgan.

2. Ixtisoslashgan bolalar va o'smirlar olimpiya zaxiralari sport mакtablari soni 2001-yilda 32 ta bo'lgan bo'lsa, 2002-yilga kelib, 34 taga yetgan.

Sport mакtablariagi shtatlri ma'muriy xodimlarga kelsak 2001-yilda 901 ta bo'lgan bo'lsa, 2002-yilga kelib, 1006 taga ko'paygan. Shulardan oliy ma'lumotilari 2001-yilda 689 ta bo'lgan bo'lsa, 2002-yilda 774 taga yetgan. Ulardan ayollami aniqlaganimizda 2001-yilda 152 ta, 2002-yilda esa 158 taga yetgan.

Bolalar va o'smirlar sport mакtabining sport bazalari 2001-yilda 1709 tani tashkil etgan, 2002-yilga kelib, 1405 taga kamaygan. Shulardan 2001-yilda 243 tasi xususiy bo'lib, 1466 tasi ijaraga olingan, 2002-yilda esa 196 tasi xususiy bo'lib 19009 tasi ijaraga olingan.

Sport bazalarining kamayishi ijaraga sport inshootlarini olish qimmatligi, mablag'ning yetishmasligi sabablidir.

Bolalar va o'smirlar sport mакtablarida 2001-yilda tayyorlangan razryadli sportchilar quyidagicha ifodalananadi: ommaviy razryadlar – 60970 ta, birinchi razryadlilar – 2028 ta, sport ustaligiga nomzod – 969 ta, sport ustasi – 108 ta, xalqaro toifadagi sport ustasi 6 ta. Shuningdek, 2002-yilda tayyorlangan razryadli sportchilar: ommaviy razryadlilar – 60851 ta, birinchi razryadlilar – 1997 ta, sport ustaligiga nomzod – 855 ta, sport ustasi – 84 ta, xalqaro toifadagi sport ustasi 12 ta tayyorlangan.

**O‘zbekiston Respublikasi Xalq ta’limi vazirligi tasarrufidagi  
sport maktablari bo‘yicha 2002-yil 31-dekabrgacha bo‘lgan  
MA’LUMOT**

T/r	Viloyatlar	BO‘SM lari soni	Ixtisos- lashgan IBYO OZM	Shu jumladan, qishloq joylarda	
			IBYO OZM	BO‘SM lar soni	Ixtisoslash- gan IBYO OZM
1	Qoraqalpog‘iston	25	1	21	-
2	Andijon	47	1	32	-
3	Buxoro	21	5	14	2
4	Jizzax	17	-	9	-
5	Qashqadaryo	21	-	19	-
6	Namangan	30	3	17	-
7	Navoiy	12	-	9	-
8	Samargand	38	3	27	-
9	Surxondaryo	16	-	14	-
10	Sirdaryo	15	-	9	-
11	Farg‘ona	36	1	26	-
12	Xorazm	17	-	14	-
13	Toshkent viloyati	32	2	15	-
14	Toshkent shahri	9	18	-	-
Jami		336	34	226	2

### **11.2. Ko‘p bosqichli ommaviy sport tadbirlarining sog‘lomlashtiruvchi va tarixiy ahamiyati**

O‘zbekiston Respublikasi Prezidentining Farmoni bilan 1993-yil martda «Sog‘lom avlod uchun» ordeni ta’sis etildi. Uning nizomida ifodalananishicha ta’lim-tarbiya hamda tibbiyot maskanlarida a’lo darajada xizmat qilgan xodimlar, rahbarlar va bu sohaga ulkan hissa qo‘shtigan shaxslarga I–III darajali ordenlar berilmoqda. Respublikaning deyarli barcha viloyatlardagi jismoniy tarbiya o‘qituvchilari, BO‘SMning murabbiy va rahbarlari, sport tashkilotlarining mas’ul xodimlari bu orden bilan mukafotlanmoqda.

O'zbekiston Respublikasi Prezidenti I.A.Karimovning «Ta'lif-tarbiya va kadrlar tayyorlash tizimini tubdan isloh qilish, barkamol avlodni voyaga yetkazish to'g'risida»gi Farmoni (1997-yil 10-oktabr), O'zbekiston Respublikasi Vazirlar Mahkamasining 1999-yil 27-maydagi qarori va boshqa rasmiy hujjatlar asosida «Sog'lom avlod» davlat dasturi ishlab chiqildi va amalga oshirilmoqda. Dasturning asosiy yo'nalishi tibbiyot, ta'lif, mahalla va boshqa sohalarda aholining salomatligini muhofaza qilish, sog'liqni yaxshilash bo'yicha ta'lif-tarbiya jarayonlarini yanada yaxshilash, bunda oila, mahalla va mehnat jamoalarda ijtimoiy turmush sharoitni yaxshilashga qaratilgan tadbirlarni maqsadli o'tkazish ko'zda tutildi. Eng avvalo, «Sog'lom ona va sog'lom bola» shiori ustuvor bo'lishi ta'kidlangan.

Bunday umum madaniy va tarbiyaviy jarayonlarning salmoqli mazmuni jismoniy tarbiya bilan bog'langanligi muhim ahamiyatga egadir. Shu sababdan ham bolalar bog'chalari, umumta'lif maktablari, kasb-hunar kollejlari, litseylar va oliy o'quv yurtlarida jismoniy tarbiya dasrlari, sport mashg'ulotlari hamda ommaviy sport musobaqalarni tashkil etishga katta e'tibor berilmoqda.

Yana e'tiborli tomoni shundaki, maxsus maktablar (nogiron va jismonan ojiz) va nogironlar sport klublarida jismoniy tarbiya va sportga alohida e'tibor berilib, ularning salomatligini saqlash, yaxshilash va rivojlantirish yo'lida o'ziga xos tadbirlar, mashg'ulotlar va hatto sport musobaqlari ham tashkil etilmoqda.

O'zbekiston Respublikasi Xalq ta'lifi vazirligi tizimidagi umumiy o'rtalim maktab o'quvchilar o'tasida «Umid nihollari - 2003» sport musobaqalarining 1-bosqich natijalari samarali bo'ldi.

Respublika bo'yicha umumiy o'rtalim maktablar soni 96900 ta bo'lib, jami o'quvchilar soni 6.258.796 tani tashkil etadi. Barcha viloyatlar, tuman (shahar)lardagi maktablarda o'tkazilgan «Umid nihollari - 2003» sport musobaqalarining 1-bosqichida 9690 ta mакtabda 6.116.930 nafar o'quvchi ishtirok etgan. Viloyatlar bo'yicha ishtirok etuvchilar quyidagi ko'rsatkichlarda namoyon bo'ladi.

*2-jadval*

T.r	Viloyatlar	Mak-tablar soni	O'quvchi-lar soni	1-bosqich ishtirokchilari			Jami
				1-4	5-7	8-11	
1	Qoraqalpo-g'iston	763	377271	122681	121529	121349	365559
2	Andijon	741	565323	209765	156650	161809	528224
3	Buxoro	531	347108	119084	105909	96345	321338
4	Jizzax	537	268315	99070	71460	60170	230700
5	Qashqadar-yo	1083	623578	244302	184145	173456	601903
6	Namangan	672	512999	211791	155122	146208	513121
7	Navoiy	375	205966	70678	84201	88730	243609
8	Xorazm	534	349834	107271	99448	102597	309316
9	Farg'ona	906	691769	285780	206712	193040	685532
10	Samarcand	1195	744237	282501	247893	145529	675923
11	Toshkent viloyati	896	529280	180243	155540	130960	466743
12	Surxon-daryo	822	515579	196094	147608	104824	448526
13	Sirdaryo	308	159613	51830	42337	2654	96821
14	Toshkent shah.	327	367224	189311	223442	216862	629615
	Jami	9690	6258796	2568569	2001996	174533	6.166.930

1. «Umid nihollari» sport musobaqalarining 1-maktab bosqichida umumta'lim makkablarida 12 sport turining barcha turlarini o'tkazish imkoniyati yo'qligi ishlarning to'g'ri yo'lga qo'yilmaganligidir. Muammolarni bartaraf qilish uchun tumanlardagi BO'SMlarning sport turlari bo'yicha murabbiylarini umumta'lim makkablariga biriktirish hamda makkablarda o'qiyotgan ma'lum sport turlari yo'nalishi bo'yicha yuqori sport ko'rsatkichlariga ega bo'lgan o'quvchilarni hakamlikka jalb etish, mahallalarda yashayotgan sport fidoyilaridan maqsadli foydalanish zarurdir.

Avval an'ana bo'lgan maktab o'quvchilari, mehnatkashlarning spartakiadalari, talabalarning «Haftalik» musobaqalari va umum respublika spartakiadalari o'rniga mustaqillik jarayonida kashf etilgan ko'p bochqichli sport musobaqalari o'tkazib borilmoqda.

1. 2001-yilda 6742 ta maktabgacha ta'lif muassasalarida 608500 nafar bolalar, 65862 pedagog va boshqa xodimlar bor. Ularda «Quvnoq bolalar», «Polvonchalar» kabi turli toifadagi (tuman-shahar va jamoalar) musobaqalar o'tkazilmoqda. Bunda, eng avvalo, bolalarni sog'lom qilib tarbiyalash, sport elementlarini bajarishga o'rgatish hamda qiziqtirish, o'zining harakat faoliyatlarini kuzatish, nazorat qilish kabi muhim tarbiyalash jarayonlari mujassamlashtirilgan.

2. Umumta'lif o'rta maktablar, maxsus maktablarda nogiron va jismonan ojiz bolalar 5.992.364 o'quvchi, 440762 o'quvchi mavjud, sport turlari bo'yicha ommaviy sport musobaqalarini o'tkazish. Bunday musobaqalar 2000-yildan boshlab o'tkazilayogan «Umid nihollari» O'zbekiston maktab o'quvchilarining eng yuqori bosqich dasturlari negizida tashkil etilmoqda. 2002-yildan musobaqalarda 5,5 mln. o'quvchi qatnashdi.

3. 200 ta kasb-hunar kollejlari 46 ta akademik litseylar va o'rta maxsus o'quv yurtlarining 69346 o'quvchilari orasida «Barkamol avlod» sport musobaqalari 1999-yildan boshlab (Jizzax shahri), (2001-yilda Farg'ona) jamoalar, tuman-shahar, viloyatlar miqyosida o'tkazilib, yuqori bosqichi — respublika fimali bilan yakunlanmoqda. Bo'limlarda 2001-yilda 500 ming o'quvchi ishtirok etdi.

4. 64 ta oliy o'quv yurtlarida 5055 nafar magistrlar va 178435 bakalavrilar bo'lib talabalarning (2000-yil Namangan, 2002-yil Buxoro, 2004-yil Samarcand) ham avvalo har bir oliy o'quv yurtlarida, keyinchalik shahar-tuman (viloyat) miqyosida oliy o'quv yurtaliraro musobaqalar shaklida o'tkazilmoqda. Ularning yakunlovchi qismi — finali respublika miqyosida tashkil etilmoqda.

E'tirof etish kerakki, bu bosqichlardagi respublika musobaqalarini boshlash va yakunlash qismlari bayram tusini

olmoqda. Taniqli san'atkorlar, yozuvchi-shoirlar, fan va madaniyat arboblari ishtirok etib, tantanalarga fayz kiritmoqda. Bu, albatta, mustaqillik in'om etgan ulkan madaniy tadbirlarning biridir. Buxoroda o'tkazilgan ikkinchi universiada qatnashchilarini O'zbekiston Prezidenti I.A.Karimov shunday tabrikladи.

## «Universiada – 2002» sport o'yinlari ishtirokchilariga<sup>1</sup>

Aziz o'g'il-qizlarim!

Sizlarning barchangizni qadimiy Buxoro shahrida bunyod etilgan mana shu zamonaviy va muhtasham sport majmuida O'zbekiston talaba yoshlarining «Universiada – 2002» musobaqalarining tantanali ochilishi munosabati bilan chin qalbimdan tabriklash menga alohida mammuniyat baxsh etadi.

Mamlakatimizda ikkinchi bor o'tkazilayotgan ushbu universiada nainki uning qatnashchilari, balki butun xalqimiz, avvalambor, yoshlarimiz hayotida yorqin iz qoldiradigan muhim bir voqeadir.

Bugungi kunda Vatan taraqqiyoti, yurt tinchligi, farovon hayotga erishish, xalqaro maydonda munosib o'rin egallashdek ezgu maqsadlarga yetish yo'lida biz tayanchimiz va suyanchimiz bo'lmish yoshlarimizga beqiyos orzu-umidlar bilan qaraymiz.

Biz uchun davlat siyosati darajasiga ko'tarilgan ustuvor vazifa – nafaqat ma'naviy yetuk, zukko va bilimdon, shu bilan birga sport va kurash maydonlarida toblangan, qiyinchiliklarni yengishga qodir, iroda va e'tiqodi baquvvat, bellashuvlarda chiniqqan mard farzandlarni tarbiyalash – bu bir-birini to'ldiradigan, bir-biridan ajralmas yagona maqsad bo'lishi darkor.

Jismoni tarbiya va sport yurtimizning har qaysi shahar va qishlog'iga, har bir xonadonga kirib borishiga erishish, shu asosda hayotimizda sog'lom turmush tarzini qaror toptirish

---

<sup>1</sup> «Xalq so'zi» gazetasi 28-may 2002-yil.

bizning olijanob orzu-intilishlarimizning uzviy bir qismiga aylanishi zarur.

Shu ma'noda, «Umid nihollari», «Barkamol avlod» va «Universiada» sport o'yinlarini o'z ichiga olgan uch bosqichdan iborat yaxlit tizimning amalga oshirilishi ana shu yo'lida qilayotgan salmoqli ishlarimizning yaqqol namoyoni, desak, hech qanday xato bo'lmaydi.

Bu tizimning yuqori bosqichi bo'lgan universiada, ta'bir joiz bo'lsa, O'zbekiston yoshlarining o'ziga xos sport olimpiadasidir.

Mana shu unutilmas daqiqalarda siz — butun borlig'idan kuch-g'ayrat yog'ilib turgan sog'lom va navqiron yoshlarimizning ochiq chehrangizga boqib, ushbu muazzam, zamонавиy stadionda sizlarning ming-minglab tengdoshlaringizni, sizlarga katta havas va umid bilan qaratayotgan barcha o'g'il-qizlarimizni ko'rgandek bo'laman va bunda ko'pchilik qatori mening yuragim quvonch va g'ururga to'lishini izhor etmoqchiman.

Ertangi umidimiz, iftixorimiz bo'lgan siz kabi yoshlarni voyaga yetkazgan ota-onalaringizga, hayotga yo'llanma berayotgan ustoz-murabbiylaringizga samimiyl minnatdorlik bildiraman va sizlarga qarata yana shuni aytmoqchimanki, bugun hayotga qadam qo'yar ekansiz belni qattiq bog'lab, kurash maydoniga chiqayotgan ekansiz, oldingizga qo'ygan marralaringiz doimo baland va yuksak bo'lsin, irodangiz baquvvat, ishonchingiz mustahkam bo'lsin.

Shuni unutmangki, sizlarning ortingizda har qarich tuprog'i mo'tabar Vataningiz, bag'rikeng, matonat va qudrat sohibi bo'l mish xalqingiz bor.

Aziz farzandlarim!

Yoshlik, go'zallik va sport bayrami — universiada musobaqalari yuksak safarbarlik, sog'lom raqobat, halol kurashchanlik ruhida o'tadi, deb ishonaman.

Umid qilamanki, bu musobaqalar kelajakda o'zbek sportchilarining jahon olimpiadasi shohsupalariga ko'tarilishi uchun bamisoli zinapoya bo'lib xizmat qiladi.

Siz, universiada qatnashchilariga baland ruh, azmu shijoat, qat'iyatlik, shu bilan birga bag'rikenglik va mardlik, haqiqiy sportchilarga xos xususiyat va fazilatlar doimo yor bo'lishini istab qolaman.

Sizlarga sihat-salomatlik, hayotdan kutayotgan barcha ezgu orzu-niyatlariningiz ro'yobga chiqishini tilayman.

Islom Karimov, O'zbekiston Respublikasi Prezidenti.

Universiada yakunlari haqida quyidagi ma'lumotlar keltirildi. Umumjamoalar bo'yicha egallangan o'rinnlar quyidagicha:

1. Toshkent shahri – 248 ochko
2. Buxoro viloyati – 203,5
3. Namangan viloyati – 172
4. Farg'ona viloyati – 161
5. Toshkent shahri – 2 – 155
6. Samarqand viloyati – 148
7. Andijon viloyati – 144
8. Xorazm viloyati – 130
9. Toshkent shahri – 1- 105
10. Toshkent viloyati – 101,5
11. Qoraqalpog'iston – 98
12. Qashqadaryo viloyati – 91
13. Surxondaryo viloyati – 91
14. Namangan viloyati – 88
15. Jizzax viloyati – 88
16. Sirdaryo viloyati – 27

Eslatma: Toshkent shahar – 1-jamoasi futbolda 2-o'rinni egallab, qolgan barcha turlarda 1-o'rinni egalladi.

Buxoro futbolchilari universidadada championi bo'lishdi. Andijonlik qizlar voleybol jamoasi ham universiada g'olib bo'lishdi.

2004-yilda Samarqandda talabalarning uchinchi universiadasi ham zo'r tantana bilan o'tdi. Bu musobaqalar avvalgi universiadalaridagi kamchilik va xatolarga barham berishining namunasi bo'ldi.

E'tirof etish lozimki, talabalarning universiadalariga tayyorgarlik jarayonlarida asosiy faoliyatni «Talaba» sport

klubi kengashi a'zolari va rahbarlari hamda ularda bevosita murabbiylik vazifasini bajaruvchilar, jismoniy tarbiya kafedralarining o'qituvchilari katta xizmat qilishmoqda. Shuni ham ta'kidlash lozimki, mehnatkashlar, qishloq yoshlari, aholi istiqomat qilayotgan joylarida ham zamonaviy sport turlari va xalq milliy o'yinlari bo'yicha turli-tuman sport musobaqalari tashkil etilmoqda. «Navro'z», «Mustaqillik kuni», «Hosil bayrami» va turli ulug' sanalarga bag'ishlab o'tkazilayotgan an'anaviy bayramlar, madaniy tadbirdorda kurash, boks, qo'l kuchini sinash, tosh (gir) ko'tarish, sharqona yakka kurashlar va boshqa xalq milliy o'yinlari, ayniqsa, ko'pkari — uloq, poyga, darboz kabi tomoshabop o'yinlar ham namoyish etilmoqda. Ularning asosiy maqsadi jismoniy tarbiya va sportni targ'ibot qilish yo'li bilan aholining salomatligini yaxshilash, o'quvchi yoshlarning ma'naviy va jismoniy barkamolligini oshirishga qaratilgandir. Bu esa sog'lom avlod dasturining bosh mezonidir.

Ta'kidlash lozimki, aholi o'rtasida jismoniy tarbiya va sportni keng yoyish, o'quvchi yoshlarning jismoniy jihatdan barkamol bo'lib o'sishi, iqtidorli va iste'dodli sportchilarning mahoratlarini oshirish yo'lida Xalq ta'limi va Oliy ta'lim vazirliklari, respublika Madaniyat sport ishlari vazirligi, «Dinamo», «Yoshlik», «Talaba» kasaba uyushmalari sport jamiyati («O'zbekiston»), «Vatanparvar» sport uyushmalari hamda «Kamolot» yoshlar ijtimoiy harakati, «Ekosan», «Mahalla», «Navro'z», «Sog'lom avlod uchun» kabi o'nlab jamg'arma uyushmalari, horniylar katta xizmat qilmoqda.

Tadbirlami uyuştirish va maqsadli o'tkazishda sport turlari bo'yicha respublika hamda viloyatlardagi sport federatsiyalari, hakamlar kengashlari, sport klublar, jismoniy madaniyat jamoalari kengashlari, ulardagи mutaxassis va jamoatchi kadrlaming xizmatlari g'oyat kattadir.

### **11.3. Kadrlar tayyorlash milliy dasturlari yo‘nalishida jismoniy tarbiya va sport**

Respublika mustaqilligining istiqbolli barcha sohalar kabi jismoniy madaniyat harakatining ko‘pgina tarmoqlari va tizimlarida jismoniy tarbiya va sport sohasidagi mutaxassis kadrlar tayyorlash, ularning ish malakalarini davr talablari asosida olib borishni talab etmoqda.

O‘zbekistonda Kadrlar tayyorlash milliy dasturi (1997) va uning tarmoqlar hamda sohalar bo‘yicha kadrlar tayyorlash ishlarida jismoniy tarbiya va sport sohasining ham o‘ziga xos xususiyatlari va mohiyatlari mavjud.

O‘zbekiston Davlat jismoniy tarbiya instituti (O‘zDJTI), viloyatlardagi Oliy o‘quv yurtlarining 16 ta jismoniy tarbiya fakultetlari, pedagogika kasb-hunar kollejlari dagi jismoniy tarbiya bo‘limlari, har bir viloyat markazida yangidan (1999–2001 y.y.) tashkil etilgan olimpiya zaxiralari tayyorlash kasb-hunar kollejlari oliy va o‘rtal ma’lumotli jismoniy tarbiya mutaxassislarini tayyorlamoqda. Shuningdek, A.Avloniy nomidagi Respublika o‘qituvchilar malakasini oshirish Markaziy institutining jismoniy tarbiya kafedrasи, viloyatlardagi Xalq ta’limi boshqarmalari tarkibidagi malaka oshirish institutlarining jismoniy tarbiya kafedralari, O‘zDJTI qoshidagi malaka oshirish fakulteti, Madaniyat va sport ishlari vazirligi hamda respublika kasaba uyushmalari ko‘ngilli sport jamiyatlari Markaziy Kengashi qoshidagi malaka oshirish va qayta tayyorlash kurs-seminarlari va boshqalar jismoniy madaniyat hakarati tizimidagi barcha mutaxassislarining malakalarini oshirishda katta faoliyat ko‘rsatmoqda.

Kadrlar tayyorlash milliy dasturining jismoniy tarbiya va sport sohasidagi yo‘nalishlarida quyidagi sohalar bo‘yicha mutaxassislar faoliyat ko‘rsatmoqda, ya’ni:

1. Umumta’lim maktablari, kasb-hunar kollejlari, litseylar va oliy o‘quv yurtlaridagi jismoniy tarbiya o‘qituvchilari.

2. Barcha turlagi va bosqichdagi sport maktablari, sport turlari bo'yicha terma jamoalarda shahar-tuman, viloyat va respublika miqyosidagi murabbiylar.

3. Sport qo'mitalari va sport jamiyatlaridagi (tuman-shahar, viloyat va respublika bo'yicha) rahbar hamda mas'ul xodimlar.

4. Ishlab chiqarish korxonalari, aholi istiqomat joylari, xo'jaliklar va o'quv yurtlaridagi sport klublarning rahbarlari, murabbiy-yo'riqchilari va h.k.

Sog'lom avlod dasturi, Kadrlar tayyorlash milliy dasturi, onalik va bolalikni muhofaza qilishdagi rasmiy ko'rsatmalar, qarorlar asosida tarbiya va tibbiy muassasalarda jismoniy tarbiya bo'yicha yo'riqchi (metodist), mahallalarda jismoniy tarbiya va xalq milliy o'yinlarini uyuştiruvchi tashkilotchilar, xotin-qizlar bilan bevosita shug'ullanuvchi jismoniy tarbiya mutaxassislariga ehtiyoj kuchaymoqda. Ya'ni bu sohalar bo'yicha viloyatlardagi jismoniy tarbiya fakultetlari, bo'limlari, olimpiya o'rinosarlari, kasb-hunar kollejlarida maxsus kadrlar tayyorlashni yo'lga qo'yish lozimdir. Shu bilan birga, bo'lajak jismoniy tarbiya o'qituvchilari va sport turlari bo'yicha murabbiylar ham ommaviy sog'lomlashtiruvchi jismoniy tarbiya va sport, xalq milliy o'yinlari va sayohatlar bo'yicha zarur nazariy bilim hamda amaliy malakalar hosil qilishni yanada chuqurlashtirishlari lozim bo'ladi.

Ma'lumki, mutaxassis kadrlar hisobidan va sport ixlosmandlaridan sport turlari bo'yicha hakamlar, jamoatchi murabbiy-yo'riqchilar ham tayyorlashni davr taqozo etadi. Shu sababdan, shahar-tuman sport tashkilotlari quyi jamoalarda jamoatchi faollarni ko'paytirishlari, ularning amaliy faoliyatlariga yaqindan yordam berishlari, mehnatlariga yarasha o'z vaqtida rag'batlantirish, taqdirlash ishlarini yaxshi yo'lga qo'yishlari zarurdir.

O'mi kelganda aytish zarurki, mutaxassis kadrlar tayyorlashda O'zDJTI (rektorlar: A.Q.Hamroqulov 1985 – 2001; R.Q.Qudratov 2001-yildan boshlab) katta faoliyat olib bormoqda. 20 dan ortiq kafedralarda 10 dan ortiq fan doktorlari, professorlar, 100 ga yaqin fan nomzodlari va

dotsentlar, o'nlab xizmat ko'rsatgan sport murabbiylarning nomlari mamlakatimizda mashhurdir. Ulardan R.S.Salomov, T.T.Yunusov, R.D.Xolmuhammedov (boks), A.Rasulova, G.G.Arzumonov (yengil atletika), G.B.Abdurasulova (qilichbozlik), O.O.Po'latov (voleybol), Z.H.G'affurova (pedagogika va psixologiya), Sh.Istroilov (jismoniy tarbiya nazariyasi), O.R.Toymurodov (sport kurashi), U.R.Niyozbekov (gimnastika) va boshqalarni ko'rsatish mumkin.

O'zDJTI 1955-yilda tashkil topgan. O'tgan davrda 20 mingga yaqin oliy ma'lumotli kadrlarni tayyorladi. Ular orasida Osiyo, Yevropa va jahon championlari, olimpiya o'yinlari g'oliblari, iste'dodli olimlar, sport tashkilotlarining rahbarlari yetishib chiqdi. 2005-yil 17–20-noyabrda institutning 50 yillik yubileyi va xalqaro ilmiy anjuman katta tantana bilan o'tkazildi.

Viloyatlardagi jismoniy tarbiya fakultetlarida uzoq vaqtlardan buyon mehnat qilayotgan ijodkor olimlar J.E.Eshnazarov, H.T.Rafiyev (Samarqand DU), H.A.Botirov, A.Q.Atayev (Buxoro DU) Sh.H.Xonkeldiyev, A.A.Abdullayev (Farg'onan DU), J.T.Toshpo'latov, O'.Ibrohimov, (Termiz DU) T.X.Xoldorov, H.A.Meliyev, B.Bo'riboyev (Jizzax DPI), K.M.Mahkamjonov, N.N.Malinina (Nizomiy nomidagi Toshkent DPU), yosh olim B.Boyboboyev (Namangan DU) va boshqalarni tilga olish zarur bo'ladi.

Mutaxassis kadrlar tayyorlashda Samarqand davlat universiteti jismoniy tarbiya fakultetining ham hissasi g'oyat kattadir. Unda taniqli murabbiylar, tajribali o'qituvchilar mehnat qilishgan. Samarqand DU talabalarining sog'lomlashtirish sport oromgohi Omonqo'ton tog'li-o'rmon xo'jaligida joylashgan. Har yili oromgoh spartakiadasi bo'lib o'tadi.

Respublika Madaniyat va sport ishlari vazirligining 2001-yil boshidagi hisobotida ko'rsatilishicha, 1991-yilda 29134 nafar jismoniy madaniyat va sport sohasida kadrlar mavjud bo'lsa, 10 yillik oxirida u 34952 nafarga yetdi. Bulardan 21557 tasi maktablarning jismoniy tarbiya o'qituvchilari,

1023 tasi kasb-hunar kollejlari, 932 tasi o'rtalik maxsus o'quv yurtlarining jismoniy tarbiya o'qituvchilaridir. Oliy o'quv yurtlarida 877 nafar jismoniy tarbiya o'qituvchilari faoliyat ko'rsatgan. Barcha sohalardagi murabbiylarning soni 6353, sport tashkilotlarining rahbarlari, mas'ul xodimlari va boshqa sohalardagi kadrlar esa 4210 nafar kishini tashkil etgan. Umumta'lim maktablarda 11983 ta oliy ma'lumotli o'qituvchilar ta'lim bermoqda. Kasb-hunar kollejlari – 1624, oliy o'quv yurtlari – 874, murabbiylar – 3413 boshqa sohalarda esa oliy ma'lumotli mutaxassislar soni 2300 dan oshadi.

Ta'kidlash joizki, xalq xo'jaligining barcha tarmoqlari uchun malakali kadrlar tayyorlashda jismoniy tarbiya va sportning o'ziga xos xususiyatlari mavjud. Ular asosan jismoniy tarbiya darslari, sport turlari bo'yicha o'tkazilayogan mashg'ulotlar, turli-tuman sport musobaqalarining mazmunida o'z ifodasini topmoqda.

O'zbekiston Respublikasi Prezidenti I.A.Karimovning sport sohasidagi farmonlari hamda O'zbekiston Respublika Vazirlar Mahkamasining shu yo'nalishdagi qator qarorlari, xalq ta'limi va oliy ta'lim tizimida jismoniy tarbiya va sportni yanada takomillashtirishga da'vat etmoqda. Shu sababdan, Oliy va o'rtalik maxsus ta'limi vazirligi tizimida jismoniy tarbiya va sportni rivojlantirishning 1999–2005-yilga mo'ljallangan dasturi (Konsepsiya) ishlab chiqilib, u amalda o'z samaralarini bermoqda.

#### **11.4. Davlat ta'lim standartlari mazmunida jismoniy tarbiya va sport**

O'zbekiston Respublikasining «Ta'lim to'g'risida»gi qonuni (1997), «Kadrlar tayyorlash milliy dasturi», «Sog'lom avlod» davlat dasturi asosida «Umumta'lim davlat ta'limi standartlari» (andozalari, 1999 y.) amalga oshirilmoqda. Bunda uzluksiz ta'limi jarayonini ta'minlash va o'qitish, ta'lim-tarbiya berish, kasb-hunarga o'rnatishni va oliy ta'lim tizimi bilan bog'lash belgilab berildi. Uning mazmunida

barcha fanlar kabi «Jismoniy tarbiya» fani ham mavjuddir. Davlat ta’lim standartlari asosida umumta’lim maktablari, kasb-hunar kollejlari, litseylar va oliy o’quv yurtlarida jismoniy tarbiyaga alohida o’quv soatlari ajratilib, bunda o’quvchi yoshlar va talabalarning jismoniy rivojlanishi, har tomonma barkamollikka erishishlari uchun davlat yo’li bilan darslar o’tkazishni ko’zda tutgan.

1999-yil pedagogika fanlari doktori professor T.S.Usmonxo’jayev rahbarligida umumta’lim maktablari uchun «Jismoniy tarbiya» dasturi ishlab chiqildi va u amalda qo’llanilmoqda. Dasturning mazmunida sinflar, o’quv-chilaming yoshi, jinsi va jismoniy jihatdan tayyorgarliklarini hisobga olgan holda gimnastika, yengil atletika, sport va harakatli o‘yinlar, suzish, kurash, milliy raqslar va boshqa mashqlar o’z ifodasini topgan. Lekin bu mashqlar va ulami tashkil qilish yo’llari respublikaning barcha hududlarida birdek amalga oshirilishi mumkin emas. Chunki sport inshootlari, jihozlari va buyumlari hamma joyda ham yetarlik darajada, deb bo’lmaydi. Dasturda milliy o‘yinlar va ba’zi turlarga e’tibor qaratilgan bo’lsa-da, ular o’quvchi yoshlarning, ayniqsa, qishlodlarda ehtiyoj va qiziqishlarni to’la qondira olmaydi.

Dasturni qayta tayyorlash va unda «Alpomish» va «Barchinoy» maxsus talablaridagi turlar, me’yorlarni hisobga olish lozim bo’ladi. Chunki unda o’q otish, sayohat va suzish turlari alohida o’ringa ega bo’lib, yoshlarni mehnat, kasb-hunar va mudofaa ishlariga tayyorlash vazifalari mavjuddir.

Ta’kidlash lozimki, «Jismoniy tarbiya» fani bo’yicha ko’plab darsliklar tayyorlangan. Darsliklarni yanada takomillashtirish talab etiladi. Bu esa o’quvchilarning o’zlashtirishi, mustaqil tayyorlanishiga katta yordam beradi.

Ma’lumki, 2000-yildan buyon barcha hunar-texnika bilim yurtlari, o’rtta maxsus o’quv yurtlari, kasb-hunar kollejlari aylantirildi. Ko’p sohalar bo’yicha yangidan litseylar tashkil etilmoqda. Bu ham, o’z navbatida, barcha fanlar kabi jismoniy tarbiyada o’qitish-o’rgatish va jismoniy rivojlanishini oshirishda yangicha usullardan keng

foydalinishni taqozo etmoqda. Ular uchun markazlashgan holda yangi dasturlar to'la ishlab chiqilmagan, Ilg'or tajribaga ega bo'lgan va ijobiy ishlashga o'rgangan o'qituvchilargina o'z dasturlariga yangiliklar kiritib, darslarni o'tkazmoqda. Ularning ish faoliyatida futbol, o'zbek kurashi va sharqona yakka kurashlardan maqsadli foydalinish yaxshi yo'iga qo'yilmoqda.

Ilg'or tajribalarga tayanilgan holda ko'pchilik universitetlar va institatlarda jismoniy tarbiya darslari talabalar xohishi, qiziqishiga qarab futbol, voleybol, basketbol, kurash, yengil atletika kabi turlardan ko'proq foydalanimoqda. Asbob-uskunalarining yetishmasligi, mutaxassislarining kamliji va boshqa sabablarga ko'ra, gimnastika, akrobatika, badiiy gimnastika, suzish, milliy o'yinlarning ancha orqada qolib kelayotganligi va bugungi kunga kelib, bu sohalarga e'tibor berilayotganligini alohida ta'kidlash kerak.

Oliy ta'lif vazirligi qoshidagi «Ta'lif markazi»da jismoniy tarbiya mashg'ulotlari, ulami darslik va o'quv qo'llanmalari bilan ta'minlash ishlarini yaxshilash talab etiladi.

### **«Alpomish» va «Barchinoy» maxsus testlari**

O'tgan boblarda sobiq Ittifoq davrida «Mehnat va mudofaaga tayyor» (MMT-GTO) jismoniy madaniyat majmuasi va uning tarbiyaviy ahamiyati haqida ma'lumotlar berildi. Ta'kidlanganidek, majmuaning (kompleks) turlari, talab me'yordi takomillashtirib qo'llanilib kelinmoqda.

Mustaqillik g'oyasi va milliy xususiyatlarimiz yoshlarni mehnat, kasb-hunar va Vatan mudofaasiga tayyorlanishining izchil tizimga ega bo'lgan omillar, usullarni ishlab chiqish, ulami amalda sinab ko'rish hamda eng ilg'or va yaxshi tajribalarni hayotga singdirishni talab etdi. Bu asosan O'zbekiston Respublikasi Vazirlar Mahkamasining «O'zbekistonda, jismoniy tarbiya va sportni yanada rivojlantirish chora-tadbirlari to'g'risida»gi qaror, sog'lom avlod davlat dasturi va boshqa bir qator rasmiy hujjatlarda

aks ettirilgan.

O'zbekistonning buyuk kelajagini yaxshi tasavvur qilgan, aholining barcha tabaqalarida salomatlikni yaxshilash, o'quvchi yoshlarning jismoniy barkamolligini ta'minlovchi jismoniy mashqlarning afzalliklarini ilmiy-nazariy va amaliy jihatdan to'la tasavvur etgan bir qator mutaxassis olimlar, o'qituvchilar va yo'riqchilar «Alpomish», «Barchinoy» maxsus testlari majmuuni ishlab chiqishdi (1999) va 2000-yil 1-martdan boshlab uni amalga oshirishga mutasaddi davlat va jamoat idoralari maxsus qaror qabul qildi.

Maxsus testlarning turlari va talab me'yordagi bugungi kun talablariga javob beradi. Faqat bunda 6 yoshdan 60 yoshgacha bo'lganlar yoshi, jinsi va jismoniy jihatdan o'sish tamoyillariga (anatomiya, fiziologiya) qarab juda ko'p guruhlarga bo'lib yuborilgan. Bu bir jihatdan mantiqiy to'g'ri · deb hisoblansa, ikkinchi tomonidan esa ularni amalga oshirish, rasmiylashtirish ishlarida ortiqcha mehnat, vaqt talab etadi. Maxsus testlar asosan uchta bosqichga, ya'ni: I bosqich – 6–17 yosh, II bosqich – 18–34 yosh va III bosqich – 35–60 yoshga mo'ljallangan. Ularning turlari va talab me'yordagi maxsus qo'llanmalarda ifoda etilganligi uchun bu yerda ularga bat afsil izoh berishni hojati yo'q. Lekin ba'zi bir tomonlarni hisobga olish, keyingi qayta ishlov va nashr ishlarida ularni e'tiborga olishga to'g'ri keladi. Ya'ni:

1. «Alpomish» va «Barchinoy» ramziy nom bo'lsa-da, «Alpomish» dostonida tavsif etilgan kurash, otta poyga xalq orasida keng qo'llanilib kelinmoqda. Deyarlik barcha kishilar bunday turlar bilan shug'ullanish, belgilangan talablar va me'yordagi qiziqib bajarishlarga shubha yo'q. Qishloq sharoitlarida otta poyga boshqa ot o'yinlarini bajarish imkoniyatlari yomon emas. Kurash esa barcha joyda birdek tashkil qilinmoqda. Ana shu jihatlarni e'tiborga olgan holda, maxsus testlar tarkibiga bu ikki turni kiritish maqsadga muvofiq bo'ladi.

2. Kalibrli yoki pnevmatik miltiqlardan o'q otishni «Kamondan o'q otish» deb qaraladigan bo'lsa («Alpomish» bir

o'yini»), unga yarasha sharoitlar yaratish lozim bo'ladi. Lekin iqtisidiy, moddiy jihatlar hisobga olinsa, o'q otish turlari va qurollari juda qimmatga tushadi. Uning o'rniga oddiy tol va boshqa daraxtlarning novda shoxlaridan (daraxtlarni yanada ko'paytirish evaziga, bu katta muammo emas) oddiy yoy (kamon) yasab, xavfsizlikni ta'minlab, musobaqalar tashkil etish qulay va arzonga tushadi.

3. Sayohatlar va sayrlar juda o'rinli kiritilgan. Buning xususiyati shundaki, o'quvchi yoshlarni tabiat qo'yniga olib chiqish bilan ularni chiniqtirish (piyoda yurish bilan) va o'lkani o'rganish, topografik bilimlarni kengaytirish amalga oshiriladi. Bu, o'z navbatida, harbiy chaqiriq yoshidagilar va umuman har bir kishi uchun zarur tadbirdir.

O'zbekistonning chegaralari asosan tog'li va dasht-sahro bilan o'ralganligi sababli harbiy xizmatdagilarni shu sohada tarbiyalashni ko'zda tutadi. Bunda sayohatlar orqali olinadigan nazariy bilimlar va amaliy ko'nikmalarni tarbiyalash imkoniyati mavjuddir.

Sayohatlarni qishloq joylarida uyushtirish muammolari unchalik murakkab emas. Shahar sharoitlarida sayohatlarni xiyobonlar, istirohat bog'lari, ochiq-yalanglik joylar va hatto stadionlar, futbol maydonlarida ham o'tkazish mumkin. Faqat bunda musobaqalarini aniq belgilash va imkoniyat darajasida kichik g'ildirakli aravachalardan (rolik) maqsadli foydalanish mumkin.

4. Suvda suzish musobaqalarini o'tkazish muammosi ham mavjud. Faqat yoz oylarida o'quvchi va mehnatkashlar uchun maxsus musobaqalar («Chiniqish» salomatlik va uzoq umr omili) orqali vazifalarni bajartirish lozim.

### **11.5. Xalq milliy o'yinlari – qadriyatlar timsoli**

Xalq milliy o'yinlari milliy qadriyatlar tarkibidagi xalqning eng sevimli ommaviy ma'naviy tadbirlaridan biridir. «Navro'z», hayit, to'ylar va turli xil an'anaviy marosimlar, udumlar qadimdan kurashsiz, ko'pkarisiz (uloq), poygasiz va boshqa ko'p milliy o'yinlarisiz o'tmagan. Bunday

tadbirlar xalq og'zaki ijodining barcha turlarida, dostonlarda ifoda etilgan. Ular ulug' allomalar Abu Ali ibn Sino, Alisher Navoiy, Mirzo Bobur va undan keyingi o'tgan adiblar, shoirlarning asarlarida qiziqarli hamda to'la bayon etilgan.

Yaqin o'tmishda va ayniqsa, mustaqillik yillari davrida xalq milliy o'yinlarini o'rganish va ularni qayta tiklash bilan o'quvchi yoshlarning ma'naviy hamda jismoniy kamolotlarini tarbiyalashda ulardan maqsadli foydalanish amalga oshirildi. Bu yo'lida madaniyat va san'at arboblari, taniqli olimlar M.Murodov, U.Qoraboyev, T.S.Usmonxo'jayev, J.Toshpo'latov, R.Abdumalikov, F.N.Nasriddinov kabilarning xizmatlari g'oyat katta bo'ldi.

Xalq milliy o'yinlari bir necha yo'nalishlarga ega bo'lib, ularning tarkibida raqslar, laparlar, aytishuvlar, askiyalar va juda ko'p janrlardagi san'at ancha ustun turadi. Shuningdek, ular qatorida ajoddlardan meros bo'lib kelayotgan qator harakatli o'yinlar va sportga xos o'yinlar ham juda ko'p. ularni quyidagi asosiy guruhlarga ajratish mumkin, ya'ni:

1. Kurashchilar (Buxoroga, Farg'onaga, Xorazmga va h.k.).
2. Ot o'yinlari (ko'pkari-ulоq, poyga (yayov), qiz quvmoq, otdan ag'darish, chovg'on va h.k.).
3. Dorboz (dor ustidagi mashqlar, hazil va aytishuvlar).
4. Tosh (gir) ko'tarish.
5. Arqon tortishish.
6. Bilak kuchini sinash.
7. Harakatli o'yinlar (qulоq cho'zma, eshak mindi, yelkada kurash, xo'rozlar jangi, chillik, poda to'p va h.k.).

Bunday o'yinlarning deyarli barchasi hozirgi davrdagi ommaviy bayramlar, musobaqalar va to'ylarda keng qo'llanmoqda. ularning mazmunlari xalqqa ma'lum. Shuningdek, ular ko'plab o'quv-uslubiy qo'llanmalar, monografiyalar ilmiy ommabop risololalarga ham kiritilgan.

Ba'zi bir tarbiyaviy ahamiyatga ega bo'lgan harakatli o'yinlar umumta'lim maktablarning «Jismoniy tarbiya» dasturiga ham kiritilib, ular o'quvchi yoshlar orasida ommalashmoqda. Qolaversa, T.S.Usmonxo'jayev, F.Xo'jayev

va boshqa bir qator mualliflar tomonidan «Harakatli o'yinlar» (1963–1981), «1001 o'yin» (1991) kabi to'plamlar yaratilgan.

Samarqand, Buxoro, Qashqadaryo, Surxondaryo, Jizzax, Namangan, Sirdaryo, Toshkent va boshqa viloyatlarning tog'li hududlari va yangi o'zlashtirilgan joylarida bo'layotgan katta to'ylarda kurash, ko'pkari-ulоq, poyga va turli xil harakatli o'yinlar doimiy ravishda qo'llanilmoqda. Bu o'yinlar to'ylarga fayz, baraka kiritish bilan birgalikda tomoshabinlar olqishiga sazovor bo'lmoqda, ayniqsa, o'quvchi yoshlarning milliy o'yinlar, zamonaviy sport turiga qiziqishini tobora oshirmoqda.

Boshida ta'kidlanganidek, xalq milliy o'yinlarini o'rganish va amalda qo'llash borasida katta tadbirlar amalga oshirildi. U.Qoraboyev tashabbusi bilan 1991-yil 25-aprelda Forish tumanida (Jizzax viloyati) ilk bor xalq milliy o'yinlari respublika musobaqasi tashkil etildi. Bunda Respublika Davlat sport qo'mitasi, Jizzax viloyati hokimligi, Jizzax DPI jamoasi katta faoliyat ko'rsatib, moddiy, moliyaviy va tashkiliy tadbirlarni amalga oshirdi. Bunday o'yinlar har yili aprel, may oylarida yana Forishda takrorlandi. 1994–1996-yillarda o'tkazilgan bu o'yinlar «Xalq milliy o'yinlari respublika olimpiadasi» nomi bilan yuritildi.

1996-yil may oyida. Forish tumani markazi Yangiqishloq yaqinidagi Qizilqir sayilgohida Sohibqiron Amir Temur tavalludining 660 yilligiga bag'ishlangan II respublika xalq o'yinlari olimpiadasi katta muvaffaqiyat bilan o'tkazildi. Unda 11 jamoa 9 tur hamda umumiy hisobda g'oliblikni qo'lga kiritish uchun maydonga tushdi. Musobaqani minglab jizzaxliklar qatori mamlakatimizning boshqa viloyatlaridan kelgan, shuningdek, AQSH, Norvegiya, Qozog'istondan tashrif buyurgan mehmonlar ham kuzatishdi. Olimpiadaning tantanali ochilish marosimida qatnashchilarni O'zbekiston Davlat jismoniy tarbiya va sport qo'mitasi raisining birinchi o'rinnbosari Shavkat To'laganov, Jizzax viloyat hokimi o'rinnbosari Shirin Chilg'ashyev, Forish tumani hokimi Bostanqul Saidqulov tabrikladi. So'ngra Vatanimiz madhiyasi

yangrab musobaqa bayrog'i ko'tarildi.

Tantanali ochilish marosimida jamoalar maydonda saf-saf bo'lib o'tadi.

O'yin dasturida 1991–1994-yildagi turlar o'z o'rmini egalladi.

Respublika olimpiadasida peshqadam jamoalar oxirgi tur oldidan quyidagicha ochko to'plashgan: Jizzax-157, Surxondaryo-103, Qashqadaryo-87, Samarqand-80, Farg'ona-68 ochko. Ko'rinish turibdiki, sovrindor jamoalar muddatidan ilgari ma'lum edi.

Jizzax sharafini himoya qilgan Forish jamoasi viloyat birinchiligidagi chavandoz turida 9-o'rindan joy olgan edi. Respublika olimpiadasida esa hech bir qiyinchiliksiz g'olib bo'ldi. Forishliklar bir tayoq o'yinida viloyatda 5-o'rin bilan kifoyalanishgan edi. Respublika olimpiadasida ular barcha raqiblarini yirik hisobda mag'lub etdi. Final uchrashuvida ular samarqandliklarni eng yirik hisobda (7:0) mag'lubiyatga uchratishdi.

Musobaqa davomida turlar bo'yicha 1–3-o'rirlarni egallagan jamoalarga O'zbekiston Davlat jismoniy tarbiya va sport qo'mitasi diplomlari va chiroqli ishlangan oltin, kumush, bronza medallari tantanali suratda topshirib borildi. Olimpiada so'ngida sovrindor jamoalarning har bir a'zosiga qo'mitamizning qimmatbaho sovg'alari topshirildi.

Respublika hukumatining roziligidagi va sport tashkilotlarining taklifi bilan alpomish o'yinlari olimpiadasini har ikki yilda o'tkazishga kelishildi.

«Alpomish» dostonining yaratilishiga 1000 yil to'lishini nishonlashga bag'ishlab Termizda («Alpomish vatani») xalq milliy o'yinlari, «Alpomish o'yinlari respublika festivali» o'tkazildi. 2000-yildagi o'yinlar Farg'ona shahrida tashkil etildi. Uchinchi festival esa Guliston shahrida 2002-yil iyul oyida o'tkazildi.

Xalq milliy o'yinlari respublika musobaqlari (1991–1996) va «Alpomish» o'yinlari respublika festivallari (1998) dasturlarida kurash, otda poyga, ko'pkari (uloq), «Bo'ron», Arqon tortishish, bilak kuchini sinash, «Mindi», qirq tosh

(qizlar o'yini) va boshqa harakatli o'yinlar bor edi. O'yinlar va festivallarning ochilishi va yakunlarida mahalliy havaskor san'atkorlar, respublikaning taniqli san'atkorlari, shoirlar, madaniyat arboblari, turli sohadagi adiblar ishtirok etib, u katta bayram tariqasida o'tkazildi. Bu tadbirlar teleradio kompaniyasi va «O'zbektelefilm» ijodkorlari tomonidan maxsus video va kinofilmlar qilib yaratildi. 1998-yil (Termiz) va 2000-yil (Farg'ona)da o'tkazilgan festivallar televideniya orqali olib ko'rsatildi. Video tasvirga yozib olib, bir necha bor takror namoyish etildi. Bunday umumuxalq milliy bayramlar va o'yinlar milliy qadriyatiimizning naqadar boy, mazmunli va tarbiyaviy jihatdan yuksak darajadagi mohiyatini namoyish etish bilan manzur bo'lib qoldi.

Milliy qadriyatlamni qayta tiklash yo'lida O'zbekiston Prezidentining «Ma'naviyat va ma'rifiyat» jamoatchilik markazini tuzishga qaratilgan farmoni (1993-yil) va Respublika hukumatini bu sohadagi maxsus qarorlari (1993–1995) asosida «Ayollar yili» (1999-yil), «Sog'lom avlod yili» (2000-yil), «Onalar va bolalar yili», «Qariyalarni qadrlash yili» (2002-yil) kabi muhim tadbirlar amalga oshirilmoqda.

Ma'lumki, ijtimoiy turmush va madaniy hayotimizda ayollarning o'mi beqiyos katta ahamiyat kasb etmoqda. Qadimgi ajdodlar madaniyatini eslash, o'tgan ulug' ajdodlar ruhini shod etish maqsadida 1999-yil Jizzaxda Ayollar yiliga bag'ishlab «To'maris o'yinlari respublika festivali» tashkil etildi. Bu tadbir ham o'ta ko'tarinkilik ruhida o'tkazilib, bayramona tus oldi. Respublikaning barcha viloyatlaridan xotin-qizlar jamoalari yig'ilib, gimnastika, yengil atletika, sport o'yinlari, suzish va boshqa sport turlari bo'yicha masobaqlar o'tkazishdi. Bunday festival yana 2001-yil Shahrisabzda (Qashqadaryo viloyati) tashkil etildi.

Ta'kidlash lozimki, xalq milliy o'yinlari (Jizzax, Termiz, 1992-yil), «Alpomish o'yinlari» respublika festivallari (1998, 2000, 2002), «To'maris o'yinlari respublika festivallari» (1999, 2001, 2003)ga bag'ishlanib, respublika ilmiy-amaliy anjumanlari ham o'tkazildi. Ularda xalq milliy o'yinlarining mazmunlari yoritildi. Shuningdek, milliy qadriyatlар

mazmunida xalq milliy o'yinlarining o'rni, ularning tarbiyaviy ahamiyatlariga qaratilgan juda ko'p ma'ruzalar jamlandi. Ularning qisqacha mazmunlari anjumanning ilmiy to'plamlariga kiritildi.

Shunga qaramasdan, ko'pkari-uloq, otda poyga va boshqa o'yinlarni yoshlarga o'rgatish masalalari ancha orqada qolmoqda. Qishloq yoshlari o'rtasida ot sporti klublari tashkil etilib, kichik yoshdan boshlab ot o'yinlariga o'rgatish yo'lga qo'yilsa, chaqiriq yoshidagi yigitlarga esa otda bajariladigan harbiy-jismoniy mashqlar o'rgatilsa, maqsadga muvosif bo'lar edi. E'tirof etish kerakki, 2000-yilda ishlab chiqilgan ikki qismli «Alpomish» kinofilm (rejissyor Usmon Azimov) milliy qadriyatlar mazmunini to'la ifodalab bergen. «Alpomish» va «Barchinoy»ning kurash, otda poyga, merganlikdagi amaliy faoliyatlarini yaxshi tasvirlagan. Bundan yoshlар yaxshi xulosa qilishlari lozim.

Turli xil sakrashlar, yugurishlar va bajarish qiyin bo'lgan gimnastika mashqlari o'miga qizlarga milliy harakatli o'yinlarni darslarda o'rgatib borilsa, ularning jismoniy kamolotini o'stirishda muhim tadbirdardan biri bo'lish mumkin.

Shuningdek, oila va bolalar bog'chalarida sevimli harakatli o'yinlar va mashg'ulotlar tarkibida milliy harakatli o'yinlardan foydalanishni yo'lga qo'yilsa, yaxshi bo'ladi.

Xulosa shundaki, xalq milliy o'yinlari inson kamoloti va yoshlari tarbiyasida muhim omil bo'lib xizmat qiladi. Shu sababdan, o'quvchi yoshlarga xalq milliy o'yinlarining ijtimoiy-tarbiyaviy jihatlarini chuqurroq singdirish zarurdir.

## **11.6. Sport turlari haqida qisqacha bayonlar**

Madaniyat va sport ishlari vazirligining yillik yig'ma – (statistik) hisobot varag'ida 50 dan ortiq sport turlari mavjuddir.

Aholi o'rtasida futbol, voleybol, kurash, yengil atletika, boks, tennis kabi o'nlab sport turlari keng rivojlangan. Ko'pgina sport turlari o'quv yurtlarining «Jismoniy tarbiya»

dasturiga kiritilgan. Harbiy va ichki xizmat hamda turli sohalardagi maxsus xizmatlarda (qutqarish, o't o'chirish, parashyut, avtomotosport va h.k.) juda ko'p amaliy va texnik sport turlari mavjud.

Eng muhimni shundaki, barcha mamlakatlardagi kabi O'zbekistonda ham Osiyo va jahon birinchiliklari, Olimpiya o'yinlari sport turlari bo'yicha sport jamoalarini tayyorlash eng muhim vazifa bo'lib qolmoqda. Shu asosda sportchilarini tarbiyalash, ularning texnik va taktik tayyorgarligini mustahkamlashga katta e'tibor berilmoqda.

Futbol kattayu-kichikning tomoshabop, sevimli o'yinidir. Futbol o'ynamagan kishining topilishi qiyin. Hozirgi yoshlarning aksariyat ko'pchiligi bo'sh vaqt topganda, albatta, futbol o'ynashadi. Bironta sport turi yo'qki, mashg'ulotlar boshlanishi yoki uning so'nggida futbol o'yinlaridan foydalanimas.

O'zbekistonda futbolni rivojlantirish maqsadida Respublika hukumati qator qarorlar (1993–1996) qabul qildi. Shu asosda viloyatlarning markazlarida futbol maktab-internatlari tashkil etildi. Tuman shahar sport jamiyatları, xalq ta'limi tizimlaridagi bolalar va o'smirlar sport mакtablarida (BO'SM) futbol bo'limlari mavjud. Ishlab chiqarish jamoaları, turli muassasalar, o'quv yurtlarida futbol jamoaları (to'garak-seksiya-komanda) tashkil etilgan. Tuman, shahar va sport klublarning terma futbol jamoaları har yili viloyatlar va respublika championatlari, kubok uchun musobaqalari va turli xil turnirlarida ishtirok etib kelmoqda.

Tuman, shahar va viloyatlardagi futbol jamoaları respublikadagi II–I va oliv ligalarda qatnashmoqda. Farg'onaning «Neftchi», Namanganning «Navbahor», Toshkent viloyatining «Do'stlik» jamoaları ancha mashhur bo'lib keldi. XXI asr boshida esa «Nasaf» (Qashqadaryo), «Traktor» (Toshkent traktor zavodi - TTZ), «Paxtakor» va boshqa jamoalar peshqadamlikka da'vogar sifatida faoliyat ko'rsatmoqda.

Respublika terma jamoasi 1994-yil Xirosiniada (Yaponiya), o'tkazilgan XII Osiyo o'yinlarining championi bo'ldi. 2002-yilda o'tkazilgan futbol bo'yicha jahon

championatiga saralash o'yinlarida Osiyo mintaqalari jamoalari o'rtasidagi o'tkazilgan o'yinlarda yaxshi natijalarga erisha boshladi. Lekin yarim final o'yinlariga yaqinlashganda futbolchilarimizning omadi yurishmadi. Bu holat 2006-yilda o'tkaziladigan jahon championatiga saralash holatlari (2005-yil) yana takrorlandi.

Respublika hukumati va sport tashkilotlarining g'amxo'rлиgi va amaliy faoliyatları yosh futbolchilarni tarbiyalashga katta yordam bermoqda.

Respublikada futbol bilan shug'ullanuvchilar soni 2001-yil boshida 439344 kishini tashkil etdi. Bu raqam 1991-yilda 266767 ni tashkil etgan edi.

Bundan 15–20 yil avval, respublika futbolida Birodar Abduraimov eng mashhur futbolchi hisoblangan bo'lsa, mustaqililik yillarida Mirjalol Qosimov jahon futbol o'lamiga tanildi. Yaqin o'timishda taniqli futbolchilar ancha bor edi. Hozir ham iste'dodli futbolchilar yetishib chiqmoqda. Umuman futbol tarixi va respublika futboli haqida qiziquvchilar R.A.Akramov (1996–1998), R.E.Nurimov (1999–2001) kabilarning monografiya, o'quv qo'llanmalariga murojaat qilishlari mumkin.

O'zbekiston futbolida iqtidorli sportchilar va iste'dodli murabbiylar soni tobora oshib bormoqda. Shunday bo'lsa-da, milliy futbolimiz xalqaro tajribalarga to'la erishaolganlari yo'q. Buning uchun esa katta mehnat va moddiy-texnik asoslarni yaratish lozimdir.

Tennis ham o'z navbatida juda qiziqarli va yuksak mahorat talab etuvchi sport turidir.

O'zbekiston tennisini shakllanishida va mahoratlari tennischilarni tayyorlash 50-yillarda faoliyat ko'rsatgan. A.Ye.Plotnikov, A.V.Kaplan, Ye.Ye.Kozlov, M.F.Yachmyeneva kabi murabbiylar alohida o'rin egallaydi. Ayni paytda G.Sh.Dashevskiy, V.A.Pushkarev, I.G.Limakina, N.I.Prokofeva, A.G.Yelxinlar yuqori malakali tennischilarni yetishtirishda sezilarli xizmat ko'rsatib kelmoqdalar.

O'zbekiston Davlat jismoniy tarbiya institutida tennis bo'yicha mutaxassislar tayyorlash 1959-yildan boshlangan.

Hozirgi kungacha institut 200 ga yaqin mutaxassislar tayyorladi.

Ko'pgina tennischilarimiz sobiq Ittifoq davrida va hozirgi kunda ham yuqori natijalarga erishganlar. Jumladan, Ye.Larina, A.Kolyaskin, A.Podolskiy, V.Kaplan, V.Bezverxov, N.Prokofyeva, I.Limakina, G.Sorokotyaga, V.Ovchinnikov, R.Almakayeva, S.Yurchenko, V.Bogatirev, O.Ogorodov, N.Stepanova, F.G'ulomov, T.G'aniyev, D.Tomashevich va boshqalar O'zbekiston tennisini yuqori cho'qqilarga chiqishga munosib ulush qo'shganlar.

So'nggi yillarda, ayniqsa, Vatanimiz istiqlolga erishgandan keyin O'zbekiston tennisini taraqqiyoti keng tus ola boshladi.

O'g'il bolalar o'rtasida T.Xonxo'jayev, T.G'aniyev, A.Kakurin, A.Nenashev, A.Volkov, D.Shvedenko, A.Gerasimov va boshqa iste'dodli tennischilar yetishib chiqqan bo'lsa, qizlardan O.Yarikova, P.Kraves, L.Biktyakova va boshqa qator sportchilarimiz tennis kelajagini ta'minlashga munosib hissa qo'shib kelmoqda.

Mazkur tennischilarimiz respublikamizning yetakchi va tajribali ustalari bilan birlikda «Satellit», «Chelenjer», Prezident kubogi va boshqa qator xalqaro musobaqalarda o'z mahoratlarini ko'rsatib, faxrli o'rirlarni egallahga muyassar bo'lmoqdalar.

Yurtimizning yetakchi tennischilari bo'l mish O.Ogorodov va D.Tomashevich 1996-yilda AQSHning Atlanta shahrida o'tkazilgan Olimpiada o'yinlarida O'zbekiston tarixida ilk bor ishtirok etishdi.

2002-yil '16-iyunda Avstriyaning Vena shahrida tennis bo'yicha ayollar o'rtasida to'rtinchi toifaga kiruvchi, mukofoti 170 ming AQSH dollaridan iborat xalqaro turnir niyoyasiga yetdi. Xabaringiz bor o'tgan yili aynan ushbu musobaqada hamyurtimiz Iroda To'laganova barcha raqiblarni mag'lubiyatga uchrashib, bosh sovrinni qo'liga kiritgan edi. Ammo finalda Iroda, isroillik Anna Smashnova bilan uchrashib, ikki setda bir xil 4:6 hisobidagi natija bilan raqibiga imkoniyatni boy berdi. Hamyurtimiz Vena

turniridagi ishtiroki tufayli poytaxtimiz Toshkentda bo‘lib o‘tgan turnirda qatnasha olmadi. Tennischimiz Venadagi turnirda finalga chiqqanligi bois o‘z ochkolarini 63 ochkoga ko‘paytirib, jami 1349 ga yetkazdi va ilk bor kuchli 16 nafar tennischilar qatoridan joy oldi. Anna Smashnova esa bu yilgi maysumda uchinchi marta VTA tasnidagi musobaqalarda g‘olib keldi. I.To‘laganova jahon tennischilari safidan salmoqli o‘rin oldi.

Respublikada tennis bilan shug‘ullanuvchilar 1991-yilda – 3301 kishi 1995-yilda – 2766 va 2000-yilda esa 14504 kishini tashkil etdi. Stol tennisi bo‘yicha ham o‘z navbatida shug‘ullanuvchilar soni muvofiq ravishda 86276, 59400, 84627 ni tashkil etdi.

Madaniyat va sport ishlari vazirligining 2000-yil hisobotiga ko‘ra tennis kortlari 659 tani tashkil etdi. Ular Qorag‘alpog‘istononda – 15, Andijonda – 61, Buxoroda – 31, Jizzaxda – 34, Qashqadaryoda – 41, Navoyida – 18, Namanganda – 39, Samarqandda – 43, Surxondaryoda – 49, Sirdaryoda – 19, Toshkentda – 18, Farg‘onada – 63, Xo‘razmda – 78, Toshkent shahrida – 150 dan iborat.

**Yengil atletika.** O‘quvchi yoshlari va mehnatkashlar ommasi orasida yengil atletika eng ommaviy sport turlaridan biridir. Shu sababdan, bu turlar bilan 172047 kishi shug‘ullanishi 2000-yildagi hisobotlarda qayd etilgan. Maktab o‘quvchilarining «Umid nihollari», kasb-hunar kollejlari, litsseylar va o‘rta maxsus o‘quv yurtlari o‘quvchilarining «Barkamol avlod» va talabalarning «Universiada»lari dasturlarida eng ko‘p sonli qatnashuvchilar yengil atletikaga to‘g‘ri keladi. Bahorgi, yozgi va kuzgi krosslar, turli xil musobaqalar va respublika birinchiligiga tayyorgarlik musobaqalarida qatnashuvchilar soni ham boshqa sport turlariga nisbatan ancha ustun turadi.

Tuman-shahar markazlarida yengil atletika bo‘yicha BO‘SM tarkibida va viloyat markazlaridagi yengil atletika sport maktablarida shug‘ullanuvchilar ham boshqa sport turlariga nisbatan ancha ko‘pdir.

O'zbekiston Respublikasi yengil atletika Federatsiyasining ijroiya qo'mitasi komissiyasi, murabbiylar kengashi hamda hakamlar hay'ati taqdim etgan hujjatlar asosida 2001-yil natijalariga ko'ra 5 yo'nalishda tanlov g'oliblarini aniqladi. Quyi-da har bir yo'nalish bo'yicha kuchli o'nlikni diqqatingizga havola qilamiz.

### **Eng yaxshi yengil atletikachilar**

1. Zamira Amirova – Toshkent, KU, sport ustasi – 330 ochko.
2. Rustam Husniddinov – Toshkent, «Dinamo», sport ustasi – 300 ochko.
3. Leonid Andreyev – Toshvil. «Yoshlik» (R.O.Z.K.) – 275 ochko.
4. Svetlana Klimina – Toshkent, KU, sport ustasi – 270 ochko.
5. Olga Shukina – Toshkent, MXSK, sport ustasi – 240 ochko.
6. Go'zal Xubbiyeva – Toshkent «Yoshlik» x.m. sport ustasi – 230 ochko.
7. Lyudmila Dmitriadi – Sirdaryo, MXSK, x.u. sport ustasi – 230 ochko.
8. Andrey Kornichenko, Toshkent MXSK, sport ustasi – 230 ochko.
9. Dmitriy Kiprishin, Toshkent, MXSK, sport ustasi – 208 ochko.
10. Ilnur Sibagatullin – Toshkent, MXSK, sport ustasi – 200 ochko.

### **Eng yaxshi murabbiylar**

1. German Kutyanin – Toshkent, R.O.M.S.M., XKU – 789 ochko.
2. Vladimir Andreyev – Toshkent, ROMSM, XKU – 670 ochko.
3. Gennadiy Arzumanov – Toshkent, O'zDJTI, XKU – 518 ochko.

4. Svetlana Karvaseskaya – Toshkent, ROMSS, XKU – 423 ochko.
5. Yuriy Totchin – Toshkent, KU – 330 ochko.
6. Natalya Yegorova – Toshkent, ROZK – 294 ochko.
7. Sergey Arkashin – Toshkent «Dinamo» – 290 ochko.
8. Galina Kazakova – Toshkent, ROMSM – 287 ochko.
9. Andrey Larin – Toshkent, 1-BO‘OO‘MSM – 265 ochko.
10. Lyudmila Lisovskaya – Toshkent ROZK, sport ustasi – 240 ochko.

### **Eng yaxshi o‘smir yengil atletikachilar**

1. Andrey Podurov – Toshvil, «Yoshlik», 1-BO‘OUMSM, XTB, s.u. – 239 ochko.
2. Doniyor Sinagatullin – Quvasoy, Farg‘ona viloyati, KUROO‘MBO‘SM, s.u.n. – 190,8 ochko.
3. Anna Urazayeva – Chirchiq, «Yoshlik», 1-BO‘OO‘MSM, Toshvil, XTB, s.u.n. – 190 ochko.
4. Olga Xogolyeva – Chirchiq, «Yoshlik», 1-BO‘OO‘MSM Toshvil, XTB, 1r. – 162 ochko.
5. Anna Sidorova – Toshkent, KUROO‘MBO‘SM s.u.n. – 161 ochko.
6. Zarina Islomova Samarqand, KU, ROZK, s.u.n. – 160 ochko.
7. Dmitriy Shuman – Chirchiq «Yoshlik», 1-BO‘OO‘MSM Toshvil, XTB, 1r. – 145 ochko.
8. Yekaterina Strelsova – Samarqand «Yoshlik» ROZK s.u.n. – 141 ochko.
9. Gayana Beglaryan – Samarqand «Yoshlik», ROZK – 109 ochko.
10. Svetlana Radzivil – Toshkent, KU, ROO‘MBO‘SM – 90 ochko.

## O'rinnbosarlar bilan ishlash borasidagi eng yaxshi murabbiyalar

1. Vladimir Burmatov — Toshkent K.U. ROO'MBO'SM, XKU — 401 ochko.
2. Svetlana Arzumanova — Toshkent, ROZK, s.u. — 284 ochko.
3. Svetlana Tyapugin — Toshkent, ROZK, s.u. — 284 ochko.
4. Nadejda Manko — Toshkent, ROO'MBO'SM, KU — 280 ochko.
5. German Kutyinan — Toshkent, ROMSM, X.K.U. — 268,5 ochko.
6. Irina Mixaylyans — Samarqand viloyati. XTB — 183 ochko.
7. Natalya Yegorova — Toshkent, ROZK — 181,5 ochko.
8. Sergey Xogolyev — Chirchiq, 1-BO'OO'MSM Toshkent viloyati. XTB, s.u. — 152 ochko.
9. Igor Kirsanov — Toshkent, 1-BO'OO'MSM Yunusobod tumani — 151 ochko.
10. Valentina Beglaryan — Samarqand, BO'OO'MSM, XTB — 139 ochko.

### «Eng yaxshi sport mktabi» konkurs natijalari

#### 1-guruh

1. O'zbekiston kasaba uyushmalari Federatsiyasi jismoniy tarbiya va sport jamiyatni qoshidagi Respublika Olimpiya o'rinnbosarlar maxsus bolalar va o'smirlar sport mktabi — 1586 ochko.
2. Toshkent viloyati 1-sonli Bolalar va o'smirlar Olimpiya o'rinnbosarları sport mktabi — 1313 ochko.
3. Toshkent shahri Yunusobod tumani 1-BO'OO'MSM — 853 ochko.
4. Samarqand viloyati RO'OMSM XTB — 574 ochko.
5. Respublika o'smirlar oliy sport mahorati mktabi — 225 ochko.

Andijon viloyati BO'OO'MSM – 154 ochko.

## 2-guruh

1. Toshkent shahar kasaba uyushmalari qoshidagi BO'OO'MSM – 116 ochko.
2. Sirdaryo shahri BO'SM – 113 ochko.
3. Yaypan shahri BO'SM – 67 ochko.
4. Jizzax shahri BO'SM – 41 ochko.

## Eng yaxshi hakamlar

1. Gennadiy Arzumanov – Toshkent, O'zDJTI, milliy toifadagi hakam, (M.T.) sport bo'yicha faxiriyl hakam.
2. Lyubov Cheprunova – Toshkent, «Yoshlik», XTB, RO'OMSM, M.T.
3. Natalya Krimskaya – Toshkent viloyati «Yoshlik» 1-BO'OO'MSM, XTB, M.T.
4. Klara Shokirjonova – Toshkent, KU, ROO'MBO'SM, M.T.
5. Alisher Tolipov – Jizzax, KU, RT.
6. Nikolay Svetkov – Toshkent, KU, ROO'MBO'SM, M.T.
7. Nikolay Arzumanov – Toshkent, KU, M.T.
8. Vera Ivanova – Tyurina – Toshkent, KU, ROO'MBO'SM, M.T.
9. Gennadiy Suxachyev – Namangan, KU, BO'SM, M.T.
10. Naira Andreyeva – Toshkent viloyati, «Yoshlik» 1-BO'OO'MSM, XTB, R.T.

O'zbekiston terma jamoalar tarkibida iqtidorli yosh sportchilar ko'payib bormoqda. Ularning natijalari bundan 10–15 yil avvalgi natijalarga nisbatan ancha yaxshi.

**Boks.** Respublikada boks sportning eng sevimli turlardan biri sifatida yoshlar orasida tobora rivoj topmoqda. Respublikamizda 26500 dan ortiq bokschi bor. Viloyatlardagi boks sport mакtablarining faoliyati yuqori darajada olib borilishi iste'dodli bokschilar yetishib chiqishini

ta'minlamoqda» Olimpiya sport turlari bo'yicha jahon championlari orasida bokschi Muhammadqodir Abdullayev, O'tkirbek Haydarov, Ruslan Chagayev, To'lqinboy Turg'unov, Hikmatulla Ahmedov, Dilshod Yorbekov turli xil musobaqalar sovrindori Nariman Otayev L.Zokirov Olimpiya o'yinlari sovrindorlari Muhammadqodir Abdullayev (XXVII Olimpiya o'yini, oltin medali), Karim To'laganov (XXVI Olimpiya o'yini, bronza medali), Rustam Saidov, Sergey Mixaylov (XXVII Olimpiya o'yini, bronza medali), O'tkirbek Haydarov (XXVIII Olimpiya o'yini, kumush medali) kabilar respublika sharafi uchun kurashib kelmoqda.

2002-yilda Artur Grigoryan professional boks bo'yicha 16 marta jahon championi bo'ldi.

O'zbekiston boksi Osiyo va jahon sport jamoatchiligidagi o'ziga xos xususiyatlari bilan tanilmoqda.

Sport o'yinlari (basketbol, voleybol, qo'l to'pi va h.k.) o'quvchi yoshlar va mehnatkashlarning doimiy ravishda o'tkazib borilayotgan qiziqarli mashg'ulotlaridir. Qaysi tur va darajada bo'lmasin, yirik musobaqalar tarkibida sport o'yinlari doimo qo'llanib kelinmoqda.

Ayniqsa, «Umid nihollari», «Barkamol avlod», «Universiada» va respublika birinchiliklari voleybol, qo'l to'pi, basketbol, stol tennisi kabi o'yinlar yuqori ko'tarinkilik ruhida o'tkazib borilmoqda.

Shaxmat va shashka o'yinlari ham aholi o'rtasida mazmun va mohiyat jihatdan o'z mavqyeini rivojlantirmoqda. Viloyatlarda yosh shaxmatchilar soni ko'paymoqda. Yu.Hamroqulova (Jizzax) jahon birinchiliklari qatnashchisi, R.Qosimjonov Xalqaro grosmeyster, jahon championi (2004-yil) unvoniga egadir.

Sharqona yakka kurashlar (dyuz-do, karate, ushu, kikboksing va h.k.) respublikada tobora keng rivojlanmoqda. Deyarlik barcha viloyatlarda bu kurashlar bo'yicha sport maktablari mavjud: Yosh sportchilar Xalqaro turnirlar, Osiyo va jahon birinchiliklari muvaffaqiyatli qatnashib, medallar shodasi bilan qaytib kelmoqdalar. Ularni tarbiyalashda yosh va iste'dodli murabbiylar N.Nafasov (karate) kabilar katta

faoliyat ko'rsatmoqdalar.

O'zbek karatechilarining muvaffaqiyatlari tufayli so'nggi besh yil davomida xorijiy ellarda Vatanimiz madhiyasi oz emas, ko'p emas, 100 marta yangradi. Bu shuncha oltin medal degani. Kumush va bronza medallarini ham qo'shib hisoblaydigan bo'lsak, ularning soni 250 dan oshadi.

Sharqona yakkakurash turlaridan biri bo'lgan karate sporti Yaponiyaning Okinava orolida XVII asrda paydo bo'lgan. Va yetmishinchı yillarning o'talarida O'zbekistonga kirib kelgan. Alisher Turg'unov, Tal'at Nigmatulin, Vladimir Mironov, Valmir Ligay, Rustam Ilhomov, Rashid Xalidov, Arslon Ilov va boshqalar birinchilar qatori karate bilan shug'ullanib, uning mamlakatimizdagı rivojiga poydevor qo'ygan kishilar hisoblanadi.

Olimpiya shon-shuhrati muzeyida har yili bo'lib o'tgadigan Respublika Karate milliy federatsiyasining hisobot-saylov konferensiyasida erishilgan yutuqlar va kelajakdagı rejalar oshkor aytildi.

O'zbekiston Karate milliy federatsiyasi 155 ta mamlakatning turdosh sport tashkilotlari tomonidan tan olingan. Ular bilan Internet axborot tarmog'i orqali yaqin aloqani yo'lga qo'ygan federatsiya (Butunjahon karate federatsiyasi) va (Osiyo karate federatsiyasi)ning to'laqonli a'zosidir.

Federatsiya ommaviy axborot vositalari bilan ham uzviy hamkorlikda ishlaydi. Mustaqilligimiz tengdoshlari bo'lgan 10 yoshli sportchilar o'tasida «Xalq so'zi» va «Narodnoye slovo» gazetalari sovrini uchun o'tkazilgan turnir ham ana shu hamkorlikning mevasidir. Yuksak saviyada o'tkazilgan mazkur musobaqada 200 dan ortiq yoshlar ishtirok etishdi. G'oliblarga qimmatbaho sovg'alar taqdim etildi.

**O'zbek kurashi.** Kurashimiz tarixi uch ming yildan ham avvalgi davrlarga to'g'ri keladi. Bu haqda «Avesto»da ham ba'zi ma'lumotlar aks ettirilgan. Ayniqsa, «Alpomish», «To'maris», «Qirqqiz» va boshqa dostonlarda keng ifoda etilgan.

O'zbek kurashi va kurashchilar XX asr boshlarida ham jahonga dong'i ketgan.

Jurnalist T.Obidovning (1979-yil) ta'rificha Ahmad polvon Topilboy o'g'li XX asrning birinchi choragida kurashga tushib, yelkasi yerga tegmagan va O'rta Osiyoda dong'i ketgan polvonlardan biri edi. U o'ziga juda ko'p yosh polvonlarni ergashtirib to'ylar, tomoshalar, sirk o'yinlarida ishtirot etadi. Keyin ular o'z ustozining izidan borib, O'rta Osiyoda nomi ketgan polvonlarga aylanadi.

1890-yilda Toshkentda (Shayxontohur mahalla) bir kambag'al oilada o'g'il tug'ildi uning ishtahasi juda katta bo'lib, shu sababdan, uni otasi mardikorlik va boshqa yumushlarga birga olib borib qornini to'ydirgan. Shuningdek, ota-bola turli xil to'y-tomosha, sirklarni ko'radi. Keyin uyida ko'rganlarini takrorlab, tinimsiz mashqlar qiladi. 12–13 yoshida o'z tengdoshlari orasida kuchli bo'ladi. U polvon deb nom oladi. 15–16 yoshida 25–26 yoshga to'lgan polvonlarni ham yiqitadi. 1906-yilda Toshkentda o'spirin yoshlар ustidan mutloq g'olib kelib, Toji polvon nomini oladi. 1919-yilda o'tkazilgan klassik kurash bo'yicha musobaqada qatnashib g'olib chiqadi. Bu o'zbek kurashchilari uchun yangilik bo'lib, keyin u an'anaga aylandi.

U yoshlidan sirk tomoshalariga juda qiziqqan va yana u yerda tez-tez bo'lib, o'yinlarda qatnashib boradi.

1912-yilda tashkil etilgan milliy sirkka ishga kirib, o'z mahoratlarini oshiradi va tomoshabinlar olqishiga sazovor bo'ladi. Ikki pudlik toshlar (gir), ikki boshli zo'ldir (sharshtanga) va boshqa og'ir buyumlarni ko'tarib tomosha ko'rsatgan.

Kurash bo'yicha respublika federatsiyasining sobiq raisi, nashriyotchi To'lqin Obidov «O'zbek polvonlari» nomli ocherklar (lavhalar) to'plamida (1979-yil, 29-bet) shunday hikoya qiladi, ya'ni: O'zbekiston, Tojikiston, Qirg'iziston tog'li joylarida xalq orasida bitta ajoyib odat bor. Tog' qishlog'i tomon borayotgan yo'lovchining ko'zi yo'l yonida qator tizilib yotgan toshlarga tushadi. Bularni tog'lardan

sirg‘alib tushgan yoki soyning suvlarida oqib kelgan deb o‘ylab qolasiz. Ammo diqqat bilan nazar tashlansa, bunga inson aralashganligi, toshlar tartib bilan tizilib turganligi ko‘rinib qoladi. Qishloq yigitlari va mehmonlar bu toshlarni ko‘tarib, o‘z kuchlarini sinab, xuddi o‘zlarini bir musobaqada qatnashayotgandek his etadilar. Toshlarning og‘irligi 80 dan tortib 160 kg.gacha bo‘lgan. Eng katta tosh polvon tosh deb atalgan. Odatda, birinchi toshni ko‘tarsa, ikkinchisiga o‘tiladi, uni ko‘targandan keyin uchinchisiga. Birinchi marotaba tosh unga og‘irlik qilsa, boshqa safar o‘tib ketayotgan vaqtida uni ko‘tarishga urinib ko‘radi. Shu yo‘sinda yosligidan to ulg‘aygunicha o‘z bilagini, butun tanasini chiniqtirib boradi. Yozilmagan qoidalarga ko‘ra, toshni faqat yerdan olishgina emas, balki ko‘kragigacha, hatto bosh ustiga ko‘tarish lozim. Bo‘lmasa, hisob emas. Ammo polvon toshni faqat chiniqqan, epchil va haqiqiy polvongina ko‘tara oladi. Polvon toshni quchog‘iga olib bir necha metrga (qadam) eltidib qo‘yan bahodirning nomi tezda barcha qishloqlarga tarqaladi, u hurmat bilan tilga olinadi.

Ehtimol, ota-bobolarimizdan qolgan va yigitlarning jismoniy tarbiyasiga ta’sir etgan bu odad borib-borib polvonlarning tosh ko‘tarish tomoshalarining bunyodga kelishiga, zamonaviy sportning kashf etilishiga sabab bo‘lgandir. Shunga o‘xhash turli xil tomosha o‘yinlari yurtimizning ko‘pchilik hududlarida mavjud bo‘lgan. Masalan, Jizzax shahri atroflarida yaqin yillargacha yangidan tug‘ilgan erkak buzoqlar va tuyalarning bo’taloqlarini hovlidan boshqa maydonga, uzoqroq o‘tloq joylarga ko‘tarib olib borib boqish va yana ko‘tarib uyiga keltirishni ancha yillar mashq qilishgan. Natijada, katta ho‘kiz va tuyalarni ko‘tarish, sayl bayramlarda namoyish qilish odati bo‘lgan.

Ikkinci jahon urushi arafasida va urushdan keyingi yillarda Samarqandda Jumapolvon Usmonov, Shohimardon Qurbonov degan polvonlar o‘tgan. Ular kurash, tosh ko‘tarish, yelka, oyoq va qo’llarda 10–15 kishini ko‘tarib (piramida shaklida) teatr va istirohat bog‘larida tomoshalar ko‘rsatgan. Juma polvon esa yerga shishalar sinig‘ini to‘shab,

uning ustida yotgan holda toshlarni ko'tarib o'ynatgan. 5–10 kishi uning ustiga chiqib turgan. Qalin taxtani ko'krak, qorin va oyoqlari ustida yotgan holda qo'yib, uning ustida yuk mashinani o'tkazish tomoshalarini namoyish etgan. Ular faqat o'sha davrdagi kishilar, yoshlар xotirasidagina saqlanib qolgan. Ilmiy tadqiqotlar ular haqida qimmatli ma'lumotlarni bersa-da, sport tashkilotlari ularga e'tiborsizlik bilan qarab kelmoqda.

Hozirgi kurash sport maktablari, mahallalar nomini Ahmad polvon, Toji polvon nomlari bilan atashsa, yaxshi bo'lar edi.

O'zbek milliy kurashlari (Buxoro va Farg'ona qoidalar) haqida taniqli olimlar A.Q.Atoev, F.A.Kerimov, iste'dodli murabbiylar O.R.To'ymurodov, J.M.Nurshin, O.O.Utenov kabilarning darsliklari, o'quv-uslubiy qo'llanmalari e'tiborga loyiqidir. B.Abdiyev (Angren), M.Rahimov (Urganch) va boshqalaming kurashlar bo'yicha o'tkazgan ilmiy tadqiqotlari ham tarixiy ahamiyatga egadir.

To'ylar, bayramlar, an'anaviy bayramlarda kurashning keng va maqsadli qo'llanishi, uning aholi o'rtaida ommalashuviga olib kelmoqda.

Kurash milliy qadriyatlar mazmunining eng ardoqli omillaridan biri sifatida Respublika Prezidenti va hukumatining diqqatini o'ziga qaratdi.

Milly kurashlarimiz jahon sportiga aylanmoqda. Respublika Prezidenti tashabbusi bilan Amir Temur xotirasi (1996-yil), Hakim Termiziy (1992-yil), Jaloliddin Manguberdi (1999) va boshqa ulug' allomalar xotirasiga bag'ishlab kurash bo'yicha Xalqaro turnirlar, Prezident sovrini uchun yirik musobaqalar tashkil etilmoqda.

Mustaqillik kuni, Navro'z va hosil bayramlarda kurash asosiy mazmunga aylanmoqda. Shu asosda 1999–2004-yillarda jahoning 40 dan ortiq mamlakatlari, Yerevan kabi shaharlarda va Amerika, Yevropa hamda Avstraliya qit'alarining ba'zi shaharlarda o'zbek kurashi bo'yicha Xalqaro uchrashuvlar o'tkazildi. Bularning natijalari esa kurash bo'yicha Xalqaro Assotsiatsiya (2000-yil) tuzilishiga

zamin tayyorladi. Deyarlik barcha qit'alarda kurash federatsiyalari tashkil etildi, ularning soni 70 dan oshib ketdi. Bunday faoliyatlar kurash bo'yicha jahon championatlarini o'tkazishga sababchi bo'ldi. Birinchi jahon championati 1999-yil Toshkentda, 2000-yil Antaliya (Turkiya), 2001-yil Vengriya va 2002-yil Yerevanda bo'lib o'tdi.

Kurash bo'yicha jahon championatlarining 2003–2004-yilda (1999–Toshkent, 2000–Turkiya, 2001–Vengriya, 2002–Armaniston, 2005–Toshkent) o'tkazilishi, eng avvalo O'zbekistonning istiqlolli barqarorligi va milliy qadriyatlarning mustahkam va juda boyligini jahonga namoyish etdi. Kamol Murodov, Akobir Qurbonov, Toshtemir Muhammadiyevlar birinchi champion bo'lishdi. Keyingi yillarda Abdulla Tangriyev kabi jahon championlari kashf etildi. 2005-yil noyabrda Toshkentda kurash bo'yicha V jahon championati o'tkazildi.

«Belbog'li kurash» ham respublika championatlari va xalqaro turnirlarning markaziga aylanib, jahon maydonlari sari qadam tashlamoqda.

Sayohat sporti eng ommaviy sog'lomlashtiruvchi omillardan biridir. Bu to'g'rida olim T.X.Xoldorov o'z mulohazalarini bildiradi.

Jahon xalqlarining ijtimoiy-madaniy turmushida sayohat (turizm) juda katta tarbiyaviy ahamiyatga ega. Tabiatning go'zal go'shalariga sayr qilish, tog'larga sayohat, xushmanzara joylarda miriqib hordiq chiqarish, tarixiy va madaniy obidalar sirlarini o'rganish insonga zavq-shavq baxsh etibgina qolmay, salomatligini yaxshilash, jismoniy kamolotini rivojlantirish, ma'naviy olamini boyitish, dunyoqarashini kengaytirishga va amaliy harakatlar nafas olish, qon aylanish hamda ovqatni hazm qilish a'zolarining ish faoliyatlarini yaxshilaydi. Bizning respublikamizda ham ana shunday ko'ngilochar, hayratomuz, havosi tanga rohat beruvchi sayohatbop joylar ko'p. Ayniqsa, tarixiy obidalar, sehrli g'orlar, buloqlar, shifobaxsh giyohlarga boy mintaqalar tarixi o'quvchi yoshlarning jismoniy kamoloti, o'lkamiz tarixini o'rganishlarida boy manba hisoblanadi. Lekin bu .

jarayonlar ilmiy-pedagogik jihatdan hali mukammal tadqiq qilingan emas. O'quvchi-yoshlarning darsdan tashqari mashg'ulotlar va bo'sh vaqtlarida ommaviy sayohatlarni tashkil qilish shu asosda ularning jismoniy va ma'nnaviy kamolotlarini sinov-tajriba tarzida o'rganish hozirgi kunning muhim va dolzarb muammolaridan hisoblanadi.

Shohimardon, Arslonbobo, Chotqol, Chimyon, Zomin, Baxmal, Nurota, Omonqo'ton, Bobotog', Hisor va boshqa juda ko'p tog'li hududlarda o'quvchi-yoshlarning dam olish va hordiq chiqarish oromgohlari joylashgan. Ularda har yili bir necha o'n minglab məktəb o'quvchilari, talabalar, sog'lig'i zaif kishilar va mahoratli sportchilar dam olishib, sog'liqlarini yaxshilash, jismoniy chiniqish bilan mashg'ul bo'ladilar. Tabiiyki, bunday oromgohlarda ommaviy sayohatlar asosiy mashg'ulot va tadbirlarning mazmunini tashkil etdi.

Farg'ona, Samarqand, Toshkent, Jizzax va boshqa shaharlardagi oliy o'quv yurtlarining ommaviy sayohatlarni tashkil qilishdagi tajribalari e'tiborga loyiqdır.

Farg'ona Davlat universitetining Shohimardonda, Samarqand Davlat universitetining Omonqo'ton va Ohalikda, Jizzax Davlat pedagogika institutining Forish tumanidagi Uchma qishlog'ida talabalarning sport sog'lomlashtirish maskanlari (lager) joylashgan. Bu maskanlarda har yili iyuniy-iyul-avgust oyalarida avvalo jismoniy tarbiya fakulteti talabalarini (iyun-iyul) keyingi sog'lig'i qisman zaif, dam olishga ehtiyoji bor talabalar bilan mashg'ulotlar o'tkaziladi. Ko'p yillik tajribalar asosida bu maskanlarda talabalarning sog'lig'ini saqlash, jismoniy kamolotini oshirish va sport mahoratlarini yanada rivojlantirish maqsadida quyidagi tadbirlarni kundalik tartibga kiritganlar:

1. Erta tongda tog'ning sof havosida badantarbiya qilish, bunda past-balandoj yoylarda yugurish, turli to'siqlardan o'tish, umumrivojlantiruvchi va maxsus mashqlarni bajarish, kuch yig'ish mashqlarini təkrorlash (tosh ko'tarish, osilish va h.k.) va nihoyat muzday buloq suvlarida cho'milish yoki o'z holatlariga qarab yuvinish shart.

2. Haftaning kamida uch kunida atrof-muhitni o'rganish va jismoniy chiniqish maqsadida sayohatlarga chiqishni uyushtirish. Bunda har safar 8–10 km. tog'li so'qmoqlardan yurish, jar, qir va turli to'siqlardan tirmashib o'tish kabi murakkab mashqlar bajariladi. O'z navbatida, tabiatning xushmanzara joylarida hordiq chiqarish va o'simlik, hayvonot dunyosini kuzatish, joylarning nomlarini o'rganish va maxsus chizmalar tayyorlash bilan shug'ullaniladi.

3. Deyarli har kuni 1–2 marta maxsus tartib (jadval) asosida o'zлari sevgan sport turlari bilan musobaqa tariqasida shug'ullanadilar, boshqa sport turlari bo'yicha o'tkaziladigan musobaqalarni tashkil qilishda bevosita ishtirok etib, hordiq chiqaradilar.

4. Oromgohda ta'lim-tarbiya va ommaviy tadbirlar dasturida yana turli ommaviy o'yinlar, harakatli o'yinlar, mustaqil ravishda mashg'ulotlar ham o'tkaziladi. Bular ham dam oluvchilarinng jismoniy va ma'naviy kamolotlarini takomillashtirishda muhim omil sifatida xizmat qiladi.

5. Dam olish va jismoniy chiniqish muddatlari tugash arafasida har doim katta gulxan uyushtiriladi. Gulxan atrofida oromgoh rahbarlari o'tkazilgan barcha tadbirlarga yakun yasaydi va talabalarning kelajakda ommaviy sog'lomlashtiruvchi jismoniy tarbiya, sport va sayohat bilan muntaзам shug'ullanib borishlarini tavsija etib, ularga maslahatlar berishadi.

O'zbekistonagi tarixiy obidalar, madaniy yodgorliklar va aholining ijtimoiy-milliy xususiyatlari jahondagi ko'pgina mutaxassislar, sayohatchilarining nigohiga tushmoqda. Samarqand, Buxoro, Xiva shaharlaridagi tarixiy-arxeologik yodgorliklar, Toshkent, Navoiy, Termiz shaharlari va Farg'ona vodiysidagi ziyoratgohlar xorijlik sayyoohlар e'tiboriga tushib, qadimgi ipak yo'lida joylashgan tarixiy shaharlarimiz bilan qiziqayotganlar soni yildan-yilga ko'paymoqda. O'z navbatida, respublikamiz fuqarolari ham sharq va g'arb mamlakatlariga turistik sayohatlarga intilmoqdalar.

O'zbekiston Respublikasi Vazirligi Mahkamasi shuni nazarda tutib «O'zbekturizm» milliy kompaniyasini tuzish to'g'risida maxsus qaror qabul qildi. Shu asosda Samarqandda sayohat kolleji ochildi. Barcha viloyatlar va yirik shaharlarda sayohat ishlarini tashkil qilish bilan bog'liq maxsus bo'limlar, jamoat tashkilotlari, sayohat klublari, faoliyat ko'satmoqda. Qisqa qilib aytganda, mamlakatimizda xalqaro sayohatga (turizm) keng yo'l ochildi. Bu faoliyatlarini rivojlantrishga «Ipak yo'li» jamg'arma uyushmasi va u bilan bog'liq juda ko'p davlat idoralari, jamoat tashkilotlari, hatto xalqaro uyushmalar ham o'z hissalarini qo'shamoqda. Bu albatta, aholi o'rtaida, ayniqsa, o'quvchi yoshlarning ommaviy sog'lomlashtiruvchi sayohatlarini muntazam ravishda va qiziqarli shaklda tashkil qilishga da'vat etadi.

### **11.7. Sport inshootlari**

O'zbekistonda sport inshootlarining qurilishi va rivojlanishi yaqin o'tmisht bilan bog'liqdir. Eng yirik sport inshooti sifatida «Paxtakor» sport majmui 1956-yilda qurilib, keyinchalik uning atrofida «Yoshlik» yengil atletika yopiq binosi, qilichbozlik va kamondan o'q otish yirik zallari qurildi. Markaziy harbiy sport majmui (sobiq «Mehnat rezervlari»), Miftrafanov nomidagi suv sport saroyi va boshqalar qayta ta'mirlanib, xalqaro andozalarga moslash-tirildi. Mustaqillik yillari viloyatlarning markazlaridagi stadionlar va boshqa sport qurilmalari ham yangidan ta'mirlanib, ular ancha kengaytirildi.

Respublika Prezidenti sovrini uchun tennis bo'yicha xalqaro turnirlarning boshlanishi (1994) va davom etishi Toshkentda «Yunusobod», «Jar», «O'zbekiston» va boshqa sport majmualarining qurib bitirilishiga sababchi bo'ldi. Ularda faqat respublika musobaqalari va tennis bo'yicha xalqaro turnirlargina emas, hatto boks, kurash, sharqona yakka kurashlar va boshqa turlar bo'yicha Osiyo va jahon birinchiliklari ham o'tkazilmoqda. Tennis kortlari va yirik sog'lomlashtirish sport markazlari barcha viloyatlarning

markazlariда qurib bitkazildi. Ularning tarkibida yirik sport zallari, suv havzalari, futbol va boshqa sport o'yinlari maydonlari mujassamlashgan.

«Yunusobod» sport majmuasi. Xalqaro musobaqalarni o'tkazish bo'yicha jahon andozalariga mos keladigan kompleksda tomoshabinlar madaniy hordiq chiqarib dam olishi, sportchilar esa o'z kuchlarini sinab ko'rishlari uchun qulay imkoniyatlar yaratilgan.

Aholi o'rtasida o'yin maydonlari, sport zallari va yugurish, dam olish yo'laklarini qurish davom etmoqda.

E'tiborli tomoni shundaki, kasb-hunar kollejlari, litseylar uchun yangidan qurilayotgan o'quv binolari tarkibida katta sport zallari, suv havzalari mavjuddir.

Deyarli barcha oliy o'quv yurtlari yirik sport majmulariga ega bo'lmoqda.

Ishlab chiqarish korxonalari, turli muassasalarda (soliq tizimi, qurilish, aloqa va h.k.) yangidan majmularini qurish an'anaviy tus olmoqda.

Respublikada mavjud bo'lgan sport inshootlarining soni haqida quyidagi ma'lumotlarni keltirish mumkin (2001-yil boshidagi yig'ma hisobotlar asosida keltirildi.)

*3-Jadval*

T.r	Viloyatlar	Umumiy sport inshootlari	Stadi-onlar	Sport zallar	Suv havzasini
1	Qoraqalpog'sttonda	3483	13	405	2
2	Andijon viloyatida	4184	25	533	24
3	Buxoro viloyatida	2538	22	382	6
4	Jizzax viloyatida	2234	5	187	3
5	Qashqadaryo viloyatida	4455	19	473	7
6	Navoiy viloyatida	1495	12	143	13
7	Namangan viloyatida	4414	28	473	21
8	Samarcand viloyatida	4844	41	457	12
9	Surxondaryo viloyatida	3514	23	310	6
10	Sirdaryo viloyatida	1615	14	227	11

11	Toshkent viloyatida	3765	38	551	15
12	Farg'ona viloyatida	4920	36	605	121
13	Toshkent shahrida	2173	16	556	32
14	Xorazm viloyatida	2847	1	419	3
	Respublika bo'yicha	46487	305	5721	276

Mustaqillik yillarda futbol maydonlari yanada ko'paydi. 1991-yilda O'zbekiston respublika bo'yicha 5664 ta, 1995-yilda 4841 ta va 2000-yil oxirida esa ularning soni 6804 taga yetdi. Shuningdek, tennis kortlarining soni ham ancha oshdi. 1991-yilda 184 ta, 1996-yilda 285 ta va 2001-yil boshida esa 659 taga yetkazildi.

Yuqorida ko'rsatilgan ma'lumotlar va dalillar respublika-dagi iqtisodiy, ijtimoiy-madaniy rivojlanish va aholining salomatligini yaxshilash yo'lida qilinayotgan sa'y-harakatlar nishonasiidir.

Xulosa qilib aytganda, sport tashkilotlari, xodimlari, aholining ijtimoiy-madaniy va salomatligini saqlash bilan shug'ullanuvchi tashkilotlar, mas'ul xodimlar, ayniqsa, sport inshootlaridan unumli, maqsadli foydalanishlari lozim bo'ladi.

### 11.8. Xotin-qizlar jismoniy tarbiyasи va sporti

Jahon xalqlari orasida onalarga e'tibor, mehr-muhabbat eng yuqori o'rinda turadi. O'zbek xalqi onalar, xotin-qizlarini e'zozlash, ularga, xizmat qilishda o'ziga xos alohida xususiyatlarga egadir.

Oilada barcha kishilar, ayniqsa, farzandlar onaning hurmatini hamma narsadan ustun qo'yadi. Xotin-qizlarga mehr-oqibat g'oyat kuchlidir. Ayniqsa, qizlarning turmushga chiqishi, oila qurishi va doimo sog'lom oqibatli, oila a'zolariga sadoqatli bo'lishga o'rgatiladi. Aksariyat xotin-qizlar bunday e'tibor va hurmatga yaxshi munosabatda bo'ladi, asosiy ishonchlamni sabr-qanoat bilan oqlashadi.

Mustaqillik yillarda milliy qadriyatlarni qayta tiklash, aholining ma'naviy va ma'rifiy jihatdan boyitish yo'lida juda katta tadbirlar amalga oshirilmoqda. Faqat katta yoshdag-

largina emas, balki kichik yoshdag'i qizlar va o'quvchi qizlar orasida milliy iftixor va g'urumi egallashda siljishlar bo'lmoqda. Islom dini olamidagi eng ibratli va foydalii jihatlar xotin-qizlar orasida singib bormoqda. Bulaming negizida sog'lom oila yaratish, farzandlarni jismonan va ma'naviy jihatdan barkamol qilib o'stirish tadbiriari tobora kengaymoqda.

Mustaqillikning sharofati tufayli sportchi xotin-qizlarimiz chet ellarga tez-tez borib kelmoqda. Bunday jarayonlar milliy madaniyatimizni boyitishga xizmat qilmoqda. I.To'laganova (tennis), S.Burxonxo'jayeva (tennis), Yu.Hamroqulova (shaxmat) jahon sporti yulduzlariga aylanmoqda.

Respublika Prezidentining farmonlari (1993, 1996, 1999, 2002) hamda O'zbekiston Respublika Vazirlar Mahkamasining ko'pgina qarorlari asosida ayollarning salomatligini, ijtimoiy-moddiy jihatdan ta'minlanishi va ularga doimiy ravishda tibbiy xizmatlarni yaxshi yo'lga qo'yish kabi masalalarga olib borilayotgan turli-tuman tadbirlar katta ahamiyatga egadir.

E'tirof etish kerakki, jismonan zaif yoki kasalmand xotin-qizlarga tibbiy yordamlar doimiy ravishda berib borilmoqda.

Jismonan ojiz va kasalmandlikning sabablari tug'ma yoki oziq-ovqatlarni yetarli darajada iste'mol qilmaslik bilan ko'proq bog'liqdir. Shuningdek, og'ir vaznli (ortiqcha semiz) xotin-qizlar ham oz emas. Bu ikki holatda barcha doridarmonlarga nisbatan jismoniy mashqlar, turli o'yin (raqs) bilan shug'ullanish natijasida sog'lom bo'lish holatlari ilmiy-amaliy jihatdan tajribada isbotlangan. Shu sababdan, markaziy shahariarda turli kasalliklarni davolash yo'lida jismoniy mashqlar vositasidan foydalanish usullari, sog'lomlashtirish maskanlari kun sayin ko'paymoqda.

Yaqin o'tmishimizda sport kiyimlari bilan shug'ullanuvchi xotin-qizlar ancha ko'paygan edi. Bu jihatlar jismoniy tarbiya dasrlarining majburiyligi va sport musobaqalarining qoidalarida qat'iy chegaralangan edi, lekin keyingi yillarda milliy xususiyatlar, urf-odatlar natijasida odmiroq (mos) kiyimlardan foydalanish amalda

qo'llanilmoqda. Bu jihatlar milliy xususiyatlarni rad etmagan holda yanada takomillashmoqda.

Ta'kidlash lozimki, teleko'rsatuvarlari, matbuot xabarlar, ayniqsa, chet ellarga sayohat qilish, tijorat va boshqa zaruriyatlar bilan borib-kelish, tajriba almashish natijalari kiyinish, bezaklar berish, muomila sohalarida yoshlari o'tasida yangi yo'nalishlar ta'siriga tushib qolish kuchaymoqda. Bunday jihatlar sportda, ayniqsa, yaqqol namoyon bo'lmoqda. Sport maktablari va turli jamoalarda (komanda) mahalliy millat qizlarining qiziqib va faollik bilan shug'ullanishlari kengaymoqda. Kurash, sharqona yakka kurashlar, kikboksing, futbol, hatto og'ir atletika bilan kuchini sinash kabi erkaklar sporti bilan shug'ullanish rivojlanmoqda. Bunday jihatlar oila, qolaversa, Vatan shonshuhratini oshirishga xizmat qilmoqda. Bu boisdan ham otonalar qizlarining gimnastika, suzish, yengil atletika, voleybol, qo'l to'pi, tennis kabi sport turlari bilan shug'ullanishlariga monelik qilmayotir.

Jismoniy mashqlar, ayniqsa, sport turlari xotin-qizlarning jismonan barkamol bo'lishi, sog'lom, tetik bo'lib, sog'lom farzandni tarbiyalab, voyaga yetkazishlarda eng muhim omillardan biridir. Bu jihatlar barcha oilalarga, ayniqsa, yosh oilalarga tobora tez singib bormoqda.

Bunga qaramasdan ko'pchilik keksa avlodlar, shuningdek, zamonaviy yosh oilalarda ham xotin-qizlarning jismoniy tarbiyasiga e'tiborsizlik hamoni kuchliroq.

Buning eng asosiy sabablari shundaki, urf-odatlarini ro'kach qilib (bahona) xotin-qizlarga ertalab yoki bo'sh vaqtarda gimnastika, o'yinlar bilan shug'ullanishni erkaklar ep ko'rmayotir. Qolaversa, erkaklar va ayollarning ko'pchiligi jismoniy mashqlarni ishlatish yo'llari, ularning salomatlikni yaxshilashdagi tarbiyaviy jihatlarini yaxshi bilmaydi.

Shu sababdan ham, eng avvalo, oila, mahallalarda xotin-qizlarning jismoniy mashqlar bilan shug'ullanishiga tegishli shart-sharoitlar yaratilishi lozim. Milliy xususiyatlarni hisobga olgan holda xotin-qizlar uchun maxsus mashqlar majmuasi, osonlashtirilgan texnik qoidalar bo'yicha sport turlarini ishlab

chiqib, ámalda joriy etish lozim. Bu yo'lda teleradio va ommaviy axborot vositalari orqali mutaxassis olimlar, shifokorlar, ayniqsa, xotin-qizlarning ma'ruzalar bilan chiqishini tashkil etish lozim. Shuningdek, xotin-qizlar qo'mitalari sport tashkilotlari bilan hamkorlikda xotin-qizlar jismoniy tarbiyasi va sportini rivojlantirish chora-tadbirlarini ishlab chiqishlari lozim. Umuman aytganda, xotin-qizlar orasidan gimnastika va harakatli o'yinlar bo'yicha o'rtá maxsus ma'lumotli xodimlarni tayyorlashni yo'lga qo'yish davr talabidir.

Pirovardida ta'kidlash lozimki, xotin-qizlar o'rtasida jismoniy madaniyat va sportni rivojlantirish, ayniqsa, yuqori malakali mutaxassislarni tayyorlashda mahalliy millat xotin-qizlaridan R.A.Qoziyeva (jismoniy tarbiya tarixi), O.Sobirova (suvda suzish, marhum), K.T.Rahimjonova (Shokirjonova – yengil atletika), G.B.Abdurasulova (qilichbozlik, O'zDJTI), R.A.Qosimova (qo'l to'pi, Samarqand DU) kabi olimlarning hissasi kattadir. Bu kabi iste'dodli olimlami ko'paytirish kelajakda juda ham zarurdir. Shu o'rinda xotin-qizlarning kundalik turmush sharoitida shug'ullanishga doir amaliy taklif sifatida «To'maris o'yinlari» Respublika festivallari (1999-yil – Jizzax, 2001-yil – Shahrisabz, 2003-yil – Namangan) dasturidagi ba'zi turlarning qisqacha mazmunini havola etish joizdir.

1. **«Tortishmachoq»:** Uzun arqon maydonda chizilgan joyga qo'yiladi. Arqonning o'rtasiga rangli (oq yoki qizil) latta bog'lanadi. Bu chegaralarda o'tganligini bildiradi. Ikki tomonda 5–10 kishi arqonni ko'tarib «ruxsat» berilgach, o'z tomonlariga tortishadi. Belgilangan chiziqdan arqon belgisi o'tib ketsa o'yin to'xtatiladi.

2. **«Qo'l kuchini sinash»:** bu tur jahon sport turlari qatoriga kirgan va «armrestling» deb ataladi. O'yinchilar yuzma-yuz stolga tirsaklarni qo'yib, kaftlamli qisib stulda o'tirishadi. «Ruxsat» berilgach, har bir kishi raqibining bilagini qayirishga harakat qiladi. Kimning kuchi ko'p bo'lsa, raqibining bilagini qayrib, stolga tekkazadi.

3. «**Arg‘imchoq»:** «Arg‘imchoq» (skakalka–sakragich) o‘yinning turlari juda ko‘p. Ya’ni: yakka holda turli xil sakrashlar, juft bo‘lib sakrashlar. Eng qizig‘i shundaki, uzunroq arqonning. ikki uchidan ushlab aylantirilgan holda kim ko‘p sakrashi (xato qilmasdan) musobaqa tarzida o‘tkaziladi. Sakrashda ikki va uch kishi bo‘lib birdaniga sakrash mumkin. Arqonni esa 4–6 kishi bo‘lib aylantirish zarur bo‘ladi.

4. «**Otib qochar»:** to‘pni otish chizig‘ida «Uy» belgilandi. 30m. qarama-qarshi tomonda chegara chizig‘i bo‘ladi. O‘yinchilar yuza chizig‘ida turishadi. «Uy»dan uzoqqa to‘p otiladi va urgan kishi qarshi chiziqqa yetib olishi kerak. Agar to‘pni tutib olib, uni ursa o‘yinchilardan boshqasi yana boshlaydi. Xullas, tez yugurish, epchillik bilan yana o‘z joyiga qaytib kelish o‘yinchidan talab etiladi. Bu o‘yinni qizlar va yosh juvonlar ko‘proq o‘ynashlari lozim bo‘ladi.

5. «**Qirq tosh»:** start chizig‘idan boshlab, uzunasiga har bir o‘yinchini hisobga olib 5m.dan parallel ravishda chiziq tortiladi va uning har 5m.dan so‘ng doiraga belgilanadi. Ruxsat berilgach, o‘yinchilar to‘pni doirachalarga qo‘yib qaytadi. Bunda eng oldindagisi so‘nggi doiraga (uzoqdag‘i) qo‘yib keladi. Qolganlari ham shu tarzda o‘z doiralariga to‘pni qo‘yib, orqaga yugurishadi. Bu o‘yin vaqtga qarab g‘olibni belgilaydi.

6. «**Otishma»:** o‘yinchilar (6–8 kishi) ikki jamoa bo‘linib, keng doira chiziladi. Qur‘a tashlashdan keyin boshlovchilar aniqlanadi. Boshlovchilar doira tashqarisida va raqiblar doira ichida bo‘lishadi. Doira ichidagilarni to‘p bilan urib, o‘yindan chiqarish kerak. 5–6 daqiqa ichida qaysi jamoa ko‘proq yutuqqa erishsa, o‘sha g‘olib, deb topiladi.

7. «**Barchinoy** test-sinovlari: qatnashchilar yoshiga qarab yugurishlar (60m., 100m.), 50m.ga suzish, miltiqdan o‘q otish, uzunlikka sakrash, tennis koptogini uloqtirish (12–15 yosh), 16 yoshdan yuqori bo‘lganlarga 100m., 1000m. yugurish, 50m.ga suzish, miltiqdan o‘q otish, uzunlikka sakrash, granata uloqtirish turlari qo‘llaniladi.

Yuqorida keltirilgan o'yinlarni qizlar va ayollar yaxshi bilishlari, imkoniyat doirasida ular bilan doimiy ravishda shug'ullanishlari zarur bo'ladi. Yoshlar jismoniy barkamollikka yetishish va o'z jamoalari, tuman-shahar, viloyat va respublika musobaqalarida faol ishtirok etishni maqsad qilib qo'yishlari, «Barchinoy» maxsus test-sinovlarini bajarishga tayyor bo'lishlari lozimdir.

Katta yoshdag'i ayollar turli xil mashqlar, o'yinlar orqali o'z salomatligini yaxshilash va oilada kichik bolalarni o'yinlar bilan shug'ullanishga o'rgatishlari hayotiy zaruriyatdir.

## 11.9. Nogironlar sporti

Jahonning turli mamlakatlarida nogironlikning turiga qarab shifokorlar tomonidan jismoniy mashqlar vositalari orqali ularni davolash usullari keng qo'llanilmoqda. Ayniqsa, qo'li yoki oyoqlari yo'q nogironlar trenajyorlarda turli mashqlarni bajarib, sportning u yoki bu turi bilan (hatto avtomotosport bilan) shug'ullanishga kirishdilar. Futbol bo'yicha musobaqalar tashkil qilish qiziqarli va e'tiborli bo'lib o'tmoqda.

Yevropa mamlakatlarida futbol, yengil atletika, qo'l bilan bajariladigan xilma-xil mashqlar (tosh, gir ko'tarish, osilish, bilak kuchini sinash va hokazo) bo'yicha birinchilik musobaqalari tashkil etilmoqda. Musobaqalarning mazmun va qoidalari birmuncha ixchamlashtirilmoqda.

Bunday tadbirlar O'zbekistonda ham ancha vaqtlardan buyon rivoj topib kelmoqda. O'zbekiston Respublikasining «Jismoniy tarbiya to'g'risida»gi qonun va boshqa bir qator qarorlar, nizomlar asosida nogironlar sporti bo'yicha federatsiyalar ham tuzilgan.

1997–2001-yillarda O'zbekistonning «Matonat» futbol jamoasi bir necha bor xalqaro turnirlar, o'rtoqlik uchrashuvlari va MDH (SNG) birinchiliklarida sovrinli o'rinalami egallab olmoqda.

Bu sohada ham ma'lum darajada muammolar paydo bo'lmoqda. Ayniqsa, kichik va o'rta yoshdag'i nogiron bolalarni

jismoniy tarbiya va sportga jalg etish, ular shug'ullanish mumkin bo'lgan sport turlari bo'yicha mashg'ulotlarni tashkil etish, shart-sharoitlar yaratish, murabbiylar bilan ta'minlashda mavjud bo'lgan sportklublar katta qiyinchiliklarga duch kelmoqda. Kasalliklar va nogironlikning turlariga qarab jismoniy mashqlar mazmun va sport turlarining mazmuni hamda qoidalari to'la ishlab chiqilmagan.

Nogironlarni jismoniy jihatdan tarbiyalash va ularni ma'naviy jihatdan ruhlantirishda sport klublarining sohaviy turlarini ko'paytirish, homiylik ishlarini kuchaytirish lozim bo'ladi.

«Sport» gazetasining 1991-yil yanvar sonida<sup>1</sup> e'lon qilingan maqola ana shu jihatlarni ifodalaganligi bilan tarixiy ahamiyatga egadir. Unda mamlakatimizda nogironlar futboliga bo'lgan munosabat haqida gap boradi. Jumladan, sportning bu turini mamlakatimizda rivojlantirishga munosib hissa qo'shayotgan toshkentlik tashabbuskorlar haqida iliq so'zlar aytildi. Toshkentning «Matonat» komandasini tashkil etilgan Mehr-shafqat kubogi o'yinlaridan keyingi o'yinlar bayon qilingan.

Kubok o'yinlari o'tayotgan paytda «Nogironlar uchun futbol» xalqaro dasturining direktori amerikalik Bill Berri Sietlda o'tkazilgan «Jahon kubogi-90» musobaqalarining tashkiliy qo'mitasi a'zolari bilan birga yurtimizga tashrif buyurishgandi. Ular shu yil oktabr oyida jahon championatini Toshkentda o'tkazish imkoniyatlarini o'rGANIB chiqdilar. Bundan tashqari, ular toshkentlik ishbilarmon kishilar bilan hamkorlikda mahalliy «Jasur» shirkatida Amerika texnologiyasi bo'yicha nogiron futbolchilar uchun maxsus qo'ltiqtayoqlar ishlab chiqarishni yo'lga qo'ydilar.

---

<sup>1</sup> «Sport», 1991-y., 8-yanvar.

## **11.10. Ommaviy sportni targ‘ibot qilishning hozirgi davr talablar**

Targ‘ibot, tashviqot ishlari muayyan voqealarni keng yoyish va ommaga chuqur singdirish quroli ekanligi sir emas. Boshqa sohalar kabi jismoniy madaniyat harakatida targ‘ibot ishlari muhim ahamiyatga egadir. Mustaqillikning muhim talablaridan biri sifatida sportni keng ommaga yoyishda teleko‘rsatuvlar, radio eshittirishlar, ommaviy axborot vositalari, nashriyotlar hamda bevosita muloqotlar mazmun va shakl jihatdan tobora kengaymoqda. Ularning mazmuni aholining qiziqishlari va talablariga to‘la mos ekanligini inkor qilish mumkin emas.

Ma’lumki, ko‘pchilik sport ishqibozlari, ashaddiy muxlislar respublika sport maydonlaridagi musobaqalarini bevosita borib tomosha qilishadi. Bundan orom oladi, ruhiy va jismoniy oziqlanadi.

Teleko‘rsatuvlardagi turli xil sport musobaqalarini, ayniqsa, futbol, kurash, boks, suzish, badiiy gimnastika kabi sport turlarini miriqib tomosha qiluvchilar kun sayin ko‘paymoqda. Bunga qaramasdan, yirik sport inshootlari (stadion, sport komplekslari, o‘yin maydonlari va hokazo) nufuzli sport musobaqalarida joylar bo‘m-bo‘sh bo‘lib turadi, ya’ni tomoshabinlar soni juda oz bo‘ladi. Buning u yoki bu sabablari bor, albatta.

Mustaqillik tufayli aholining ijtimoiy-madaniy turmush darajasini ko‘tarish, sog‘lom avlod tarbiyasini yaxshilash, sog‘lom turmush tarzini shakllantirish va ularni boyitishda sport turlarining o‘ziga xos o‘rnini borligini inkor qilib bo‘lmaydi. Lekin bu muammolarni hal etishda jiddiy kamchiliklar ham oz emas.

Jismoniy tarbiya va sportning mohiyatini keng ommaga singdirish, kundalik turmush sharoitimizda ulardan oqilonan foydalanish maqsadlarini amalga oshirish yo‘lida respublika hukumati hamda davlat idoralari va sport tashkilotlarining olib borayotgan ishlari, amaliy ish faoliyatlari diqqatga sazovordir. Bunda O‘zbekiston Respublikasi Vazirlar Mahkama-

sining «Ommaviy sport targ'ibotini yanada kuchaytirish chora-tadbirlari to'g'risida»gi Qarori (2003-yil 4-noyabr) muhim ahamiyatga egadir. Bunda, eng avvalo, respublika ommaviy axborot vositalari, O'zteleradio kompaniyasi, davlat idoralari va nodavlat tashkilotlarning vazifalari aniq belgilab berildi. Eng muhimi shundaki, mazkur qaror asosida O'zbekiston telekompaniyasida maxsus «Sport» telekanali 2004-yil 1-yanvardan ish boshladi.

Sport mavzusi nufuzli gazetalar, jurnallar, telekanallar, radiolarda oldingi sahifalardan o'rIN egallamoqda. Bunday ijtimoiy-madaniy voqealar davlat siyosatining mahsuli ekanligidan dalolat beradi. Kuzatishlar, mulohazalar, tahlil-larning natijalari asosida aytish mumkinki, ommaviy sport targ'ibot ishlari asosan markazda va viloyat markazlaridagina sezilmoqda. Kichik shaharlar, qo'rg'onlar, qishloqlarda mazkur qaror asosida ishlarni jonlantirish talab darajasida emas. Ya'ni amaliy targ'ibot ishlari ancha sust, ularning ta'sir kuchlari ommaga to'la singib bormayotir. Ularning ba'zilarini quyidagicha ifoda etish mumkin, ya'ni:

1. Stadionlardagi futbol o'yinlari, o'yin maydonlaridagi voleybol, basketbol, qo'l to'pi, yengil atletika, sport zallari-dagi kurash, boks, qilichbozlik va boshqa sport turlari bo'yicha tomoshabinlar juda kam.

2. «Umid nihollari», «Barkamol avlod» va Universiadalarning birinchi va ikkinchi bosqichlarida qatnashuvchi o'quvchilar, talaba yoshlar 10-15% dan oshmaydi.

3. «Alpomish o'yinlari», «To'maris o'yinlari» respublika festivallari, «Mahalla polvonlari», «Sog'lom oila sport musobaqalari» va boshqa ommaviy tadbirlarda ishtirok etuvchilar o'ta chegaralangan, ya'ni musobaqalar nizomi ommaviylik-dan chetda qolmoqda.

4. Tashkil etilayotgan ommaviy va nufuzli sport musobaqalari jarayonlarida afishalar, targ'ibot manbaalari ko'pchilikni qiziqtirmaydi. Har bir kishining diqqatini jalb etuvchi e'lolar, rag'batlantirish, tadbirlar, lotolar musobaqalarda tashkil etilmaydi.

5. O'quv yurtlari, turli muassasalar, ishlab chiqarish mehnat jamoalari, ayniqsa, mahalla va qishloq sharoitlarida ommaviy sportni targ'ibot qilish, tomoshabinlarni ko'paytirish chora-tadbirlariga kam e'tibor berilmog'nda.

6. Xalq milliy o'yinlarini ommalashtirishda moddiy- texnik bazalar, asbob-uskunalar bilan ta'minlash, mutaxassis kadrlar tayyorlash va ular bilan bog'liq faoliyatlarga yetarli darajada e'tibor berilmayotir.

### **11.11. Jismoniy tarbiya ta'limi va sport taraqqiyotining ilmiy-amaliy asoslari.**

#### **Jismoniy tarbiya va sport taraqqiyotining ilmiy asoslari**

Ilmiy asoslar deganda, tadqiqot-tajribalar o'tkazish yo'li bilan olingen yangi natijalar, mehnat mahsullari tushuniladi. Jismoniy tarbiya va sport sohasida ham o'ziga xos tajriba sinovlar (eksperiment), ilmiy jihatdan izlanish-tahlillar mavjud.

Ma'lumki, sobiq Ittifoq davrida Jismoniy tarbiya sport amaliyoti nazariyasi va uslubiyati bilan bog'liq bo'lgan fiziologik, biologik, biomexanika, pedagogika va boshqa sohalardagi ilmiy tadqiqot ishlari asosan Moskva, Leningrad, Kiyev, Omsk kabi markaziy shaharlarda olib borilgan. O'zbekistonlik yosh ijodkorlar, tadqiqotchilar, aspirantlarning aksariyat ko'pchiligi o'sha maktablarda tadqiqot ishlarini olib borishgan.

O'zbekistonda ilmiy-pedagogik kadrlar tayyorlash rejalarida jismoniy tarbiya va sport muammolari deyarli uchramagan. Faqat Nizomiy nomidagi Davlat pedagogika institutida hozirgi universitet tarkibida jismoniy tarbiya va sport bo'yicha aspirantura tashkil etilgach (1960-yil ikkinchi yarmi va 1975-yil boshlari) respublikada ilmiy-pedagogik kadrlar tayyorlash jarayoni amalga oshirildi. Lekin ularning ko'pchiligi pedagogika nazariyasi va pedagogika tarixi (13.00.01) bilan cheklangan edi. Jismoniy tarbiya nazariyasi va sport mashg'ulotlari (13.00.04) yo'nalishi bilan bog'liq tadqiqot natijalari (dissertatsiyalar) faqat Moskvada

muhokama qilinar edi. Bu sinovlardan muvaffaqiyatli o'tgan ba'zi bir e'tiborli tadqiqotlarning mualliflarini tarixiy jihatdan tilga olish maqsadga muvofiqdir. Ya'ni: N.P.Rudchenko (kurash, 1964, Samarqand), Yu.S.Sholomitskiy (jismoniy tarbiya va sport tarixi, 1964, Toshkent DPI), M.U.Tojiyev (akrobatika, 1968), Sh.N.Zokirov (boks, 1968, O'zDJTI) kabilardir.

Jismoniy tarbiya va sportning fiziologik yo'nalishida A.N.Liviskiy, Sh.H.Xonkeldiyev, Yu.M.Yunusova va boshqa o'nlab yoshlар biologiya fanlari nomzodi ilmiy darajalariga sazovor bo'lishdi. Bunda O'zDJTI professori A.N.Yaroskiyning amaliy yordami e'tiborga loyiqdir.

Nizomiy nomidagi Toshkent DPI (hozirgi universitet) ixtisoslashtirilgan ilmiy Kengashida jismoniy tarbiya va sport muammolari bilan bevosita bog'liq bo'lgan dissertatsiyalarini muhokama qilish imkoniyati yaratildi. Shu sababdan H.T.Rafiyev (1972), R.Abdumalikov (1975), J.Toshpo'latov (1978), J.Eshnazarov (1978), S.V.Faxritdinova (1978) kabilar pedagogika fanlari nomzodi (13.00.01) ilmiy darajalarini olishga muvaffaq bo'lishdi.

Keyinchalik Qori Niyoziy nomidagi O'zbekiston pedagogika fanlari ilmiy tekshirish instituti qoshida ham jismoniy tarbiya va sport sohasida (13.00.04) aspirantura tashkil etildi. Uni tamomlagan yoshlarning aksariyati bar-chasi Moskva, Leningrad, Omsk kabi shaharlardagi ilmiy Kengashlarda dissertatsiyalarini yoqlagan.

Sobiq ittifoq hokimiyati davrida jismoniy tarbiya nazariyasi va sport mashg'ulotlari (13.00.04) bo'yicha yagona fan doktori A.Q.Atoyev (Buxoro) edi. Sport tibbiyoti bo'yicha esa O.A.Rixsiyeva fan doktori ilmiy darajasiga ega edi, xolos.

O'zbekiston mustaqilligi yillarida ilmiy-pedagogik kadrlar tayyorlashga keng yo'l ochildi. Shu tufayli Sh.X.Xonkeldiyev (Farg'onan DU), L.R.Ayrapetyans (O'zDJTI), F.A.Kerimov (O'zDJTI), D.J.Sharipov (Toshkent DPU), T.S.U'smonxo'jayev (Respublika Olimpiya zaxiralari kolleji), H.Q.Yo'ldoshev (Xalq ta'limi vazirligi), R.S.Salomov (O'zDJTI),

A.Seytxalilov (Pedagogika fanlari ilmiy tekshirish instituti) kabilar fan doktori ilmiy darajasini olishga erishdilar.

O'zDJTI qoshida ixtisoslashgan ilmiy Kengashining ochilishi aspirantura va doktoranturaning tashkil etilishi (1996) hamda magistrlar qabul qilishning (1997) boshlanishi ilmiy-pedagogik kadrlarni ko'paytirish va olimlarning ilmiy-ijodiy faoliyatlarini takomillashtirishga ko'mak bermoqda. Bu yo'lda O'zDJTI olimlari A.Q.Hamroqulov, R.D.Xolmuhamedov, R.S.Salomov, F.A.Kerimov, L.R. Ayrapetyans, farg'onalik Sh.H.Xonkeldiyev, buxorolik A.Q.Atoyev yosh tadqiqotchilarni tanlash, ularga amaliy yordam berishda katta faoliyat ko'rsatmoqda.

Ta'kidlash lozimki, yoqlangan dissertatsiyalarning natijalari o'quv-uslubiy qo'llanma sifatida ~~nashr etilib~~, ular kadrlar tayyorlash milliy dasturini amalga oshirishda yaqindan yordam bermoqda. Futbol, kurash, yengil atletika, sport o'yinlari va boshqa sport turlari bo'yicha o'quv-mashq tadbirlarini rejalashtirish hamda tashkil etish bilan bog'liq tadqiqot natijalari yurtimizda terma jamoalarning ish faoliyatları hamda bolalarni sport bilan shug'ullantirishda ijobjiy samaralarni bermoqda.

### **Jismoniy tarbiya ta'limi va sport taraqqiyotining amaliy asoslari**

Jismoniy tarbiya ta'limi va sport taraqqiyotining amaliy asoslari deganda, faqat sport mashg'ulotlari (trenirovka), musobaqalarnigina tushunish kerak emas. Balki ularni ilmiy tadqiqotlarning natijalari (dissertatsiya, ilmiy ommabop risolalar, ilmiy-uslubiy maqolalar) asosida tashkil qilishni ham bilish joizdir.

Jismoniy tarbiya ta'limining amaliy asoslariga quyidagilarni kiritish mumkin, ya'ni:

1. Barcha o'quv yurtlarida o'qitiladigan «Jismoniy tarbiya» darslarining dasturlari (o'quv programmalar).
2. O'quv yurtlari uchun nashrdan chiqarilgan «Jismoniy tarbiya» darsliklari, o'quv-uslubiy qo'llanmalar.

3. Ma'ruzalar, seminarlar uchun tayyorlangan ma'ruzalarning matnlari.
4. Xalqaro, respublika va viloyatlar miqyosida o'tkazilgan ilmiy-amaliy anjumanlarning ilmiy to'plamlari (materiallari).
5. «Alpomish» va «Barchinoy» maxsus testlarining sinov-tajriba (normativ) talablari.
6. Barcha toifadagi sport musobaqalarining kalendar rejalari va nizomlari.
7. Sport turlari bo'yicha musobaqa qoidalari.
8. Musobaqalarning qaydnomalari.

Ta'kidlash lozimki, jismoniy tarbiya ta'limi va sport taraqqiyotining ilmiy-amaliy asoslarda ilmiy anjumanlarning materiallari (to'plamlar) muhim ahamiyatga egadir. Chunki ularda ko'p qirrali sport turlari va ular bilan bog'liq bo'lgan ilmiy tadqiqotlarning natijalari aniq beriladi. Shuningdek, dolzarb muammolarning yechimlari, amaliy taklif, tavsiyalar ko'proq bayon etiladi. Shu sababdan, mustaqillik yillarda o'tkazilgan ilmiy anjumanlarning eng muhim va e'tiborllilari ro'yxati havola etildi.

### **Respublika ilmiy-amaliy anjumanlarining to'plamlari**

1. O'zbekiston Respublikasi Oliy va o'rta maxsus o'quv yurtlarida jismoniy tarbiya va sportni rivojlantirish masalalari, 14–15-may 1993, 96-bet.
2. Sog'lom avlod tarbiyasi – buyuk davlat qurish zamindir, 1–3-qism, 1994.
3. Jismoniy tarbiya, sport va ma'naviyat, T., 1995, 200-bet.
4. Sog'lom avlod yili va 2000-yil Sidneyda bo'lib o'tadigan XXVII Olimpiada o'yinlariga tayyorgarlik masalalariiga bag'ishlangan V respublika ilmiy-amaliy anjumani, T., 2000, 408-bet.
5. O'zbekiston Respublikasi jismoniy tarbiya va sportning dolzarb muammolari, xalqaro konf., Termiz, 14–15-dekabr 2001, 90-bet.

6. Jismoniy tarbiya va sport nazariyasi hamda amaliyotining muammolari, xalqaro ilmiy-amaliy anjuman, T., 2001, 148-bet.

7. Bolalar sportini rivojlantirishga bag'ishlangan respublika ilmiy-amaliy anjumanini mat., Farg'ona, 2003, 186-bet.

8. Jismoniy madaniyat ta'lim-tarbiyasi jarayonida milliy va umuminsoniy qadriyatlardan foydalanishni takomillashtirish muammolari, respublika ilmiy-amaliy konf.mat., Samarqand, 30–31-may 2003, 156-bet.

9. Akademik, litsey va kasb-hunar kollejlarida jismoniy tarbiyani takomillashtirish muammolari, Andijon, 2003, 134-bet.

10. O'zDJTIning 50 yilligiga bag'ishlangan xalqaro ilmiy anjuman, T., 17–20-noyabr 2005-yil.

**Eslatma:** «Alpomish o'yinlari», «To'maris o'yinlari» respublika festivallari hamda «Barkamol avlod», universiadalarga bag'ishlangan ilmiy-amaliy anjumanlarning to'plamlari ham muhim ahamiyatga ega. Ular quyidagilardir:

1. 1991-yil Jizzax, 1992-yil Termiz, 2001-yil Shaxrisabz, 2002-yil Namangan shaharlarida bo'lib o'tgan, respublika anjumanlarini ham kiritish mumkin.

2. O'zDJTI (2003-yil noyabr), Buxoro DU (2002-yil), Termiz DU (2003-yil 20-noyabr) va SamDUda (2004-yil iyul) bo'lib o'tgan respublika ilmiy-amaliy anjumanlari to'plamlarini kiritish lozim.

Xulosa qilib aytganda, respublikada ilmiy-pedagogik kadrlar tayyorlashda jismoniy tarbiya ta'limining ilmiy asoslari yangi yo'nalishda dadil qadam tashlamoqda. Olimlar, yosh ijodkorlarning ilmiy-nazariy jihatdan salohiyatlari sezilarli darajada takomillashmoqda.

Sport taraqqiyotini ta'minlashda tashkiliy faoliyatlarni maqsadli ravishda olib borilayotgan sa'y-harakatlar davr talablariga mos kelmoqda. Ayniqsa, turli tadbirlar va sanalarga bag'ishlab o'tkazilayotgan ilmiy-amaliy anjumanlar hatto qiziqish hamda bahslarga sabab bo'lmoqda. Shu sababdan, yosh mutaxassislar va o'quvchi yoshlari jismoniy

tarbiya hamda sport tarixi bilan bog'liq manbalarni qunt bilan o'rganishlari lozimdir.

Ta'kidlash lozimki, mustaqillik davrining barcha bosqichlarida jismoniy tarbiya va sportga e'tibor nisbatan ancha kuchaydi. «Jismoniy tarbiya va sport to'g'risida»gi qonun (1992, 2000) va qator qarorlar (1993, 1996, 1999, 2000) qabul qilindi.

Sog'lom avlod davlat dasturi, kadrlar tayyorlash milliy dasturi, «Alpomish» va «Barchinoy» maxsus testlari asosida bosqichli sport musobaqalari («Umid nihollari», «Barkamol avlod», «Universiada» va hokazo) tashkil etilmoqda.

O'zbek kurashi bo'yicha jahon championatlari (1999–2005) o'tkazib kelinmoqda. Xalq milliy o'yinlariga bag'ishlab «Alpomish o'yinlari» va «To'maris o'yinlari» nomi bilan respublika festivallari o'tkazilmoqda. Futbol va boshqa sport o'yinlari, sharqona yakka kurashlar keng rivoj topmoqda.

Respublikada yangidan qurilgan «Yunusobod», «Jar», «O'zbekiston» va viloyatlarda yirik sport inshootlari qad ko'tardi. Xotin-qizlar va nogironlar sportiga qiziqish hamda e'tiborlar kuchaymoqda.

Aholi o'rtaida ommaviy sportni targ'ibot qilish yo'li bilan barcha kishilarni jismoniy tarbiya va sport bilan shug'ullanishga da'vat etilmoqda. Buning negizida sog'lom avlodni tarbiyalash, xalqaro andozalarga mos keluvchi kasb-hunar egalarini tarbiyalash va nihoyat fuqarolarning jismoniy va ma'naviy jihatdan barkamol bo'lishlarini ta'minlashdek, davlat siyosati mujassamlashganligi e'tiborga loyiqdir. Jismoniy tarbiya ta'limi va sportning rivojlanishini ilmiy-amaliy jihatdan asoslash yo'llari davr talablari hamda xalqaro andozalarga mos ravishda amalga oshirilmoqda.

### **O'z-o'zini nazorat qilish uchun savollar**

1. Mustaqillikning dastlabki yillarda jismoniy tarbiya va sport sohasida qanday tadbirlar amalga oshirildi?
2. Sog'lom avlod davlat dasturida jismoniy tarbiya va sportning qanday o'mi bor?

3. Kadrlar tayyorlash va umumta'lim davlat standartlari haqida hikoya qiling.
4. «Alpomish» va «Barchinoy» maxsus testlari qachon tayyorlandi va uning qanday bosqichlari bor?
5. Xalq milliy o'yinlarining tarixiy kelib chiqishini tasvirlab bering.
6. Mamlakatda qaysi sport turlari keng rivojlangan?
7. Sport inshootlarini tavsiflang?
8. Xotin-qizlar sporti qanday bo'lishi kerak?
9. Nogironlar sporti haqida nimalarni bilasiz?
10. Ommaviy sportni targ'ib qilishda qanday tadbirlar amalga oshirildi?
11. Jismoniy tarbiya ta'limi va sportning rivojlanishini ilmiy asoslash deganda, nimalarni tushunasiz?

## **XII bob. O'ZBEKISTONNING XALQARO SPORT ALOQALARI**

### **12.1. Sobiq Ittifoq davrida sportchilarning xalqaro sport musobaqalarida ishtirok etishi**

O'zbekistonda jismoniy madaniyat harakatini rivojlantirishda sport tashkilotlarining xalqaro aloqalari muhim ahamiyat kasb etish bilan birgalikda, ular tarixiy jarayon sifatida tilga olinmoqda.

Sportchilarning bu sohadagi asosiy faoliyati haqida professor A.Yaroskiy va O'zbekiston Respublikasi Davlat sport qo'mitasining mas'ul xodimi A.Poddubniy (1980-yil), keyinchalik esa O'zbekiston Respublika olimpiya qo'mitasining Prezidenti S.Ro'ziyev, professor E.Shaternikov va MOQning bosh direktori I.Barabanlar (2001-yil) tomonidan yaratilgan ommabop va uslubiy qo'llanmalarda bayon etilgan.

O'zbekistonning xalqaro sport uchrashuvlariga 1931-yil 4-oktabrda futbolchilar, yengil atletikachilar, suzuvchilardan iborat jamoalarning Norvegiya ishchi-sport delegatsiyasi bilan uchrashuvi natijasida asos solingan edi. Keyinchalik esa boshqa mamlakatlarining sportchilari bilan aloqalar bog'langan edi. Lekin ikkinchi jahon urushi arafasidagi xalqaro vaziyatlamning keskin o'zgarishi va urushlar tufayli bunday faoliyatlar uzilib qoladi.

1948-yilda respublika hukumati tomonidan «O'zbekistonda jismoniy tarbiya va sport ishlarni yaxshilash choralari to'g'risida» qaror qabul qilinadi. Bunda respublika sportchilarining xalqaro aloqalarini qayta tiklash masalalari ham qayd etiladi. Shunga asosan sport aloqalari yana boshlanadi. Ulardan ba'zi bir e'tiborga loyiq daliillarni eslash mumkin. Ya'ni 1955-yilda «Paxtakor» futbol jamoasining Efiopiya jamoasi bilan o'rtoqlik uchrashuvi bo'ldi. 1958-yilda «Paxta-

korchilar Xitoy Xalq Respublikasi, 1960-yilda Yaponiya futbolchilari bilan uchrashuvlar o'tkazdi. Shu yillari Yaponiya, Finlyandiya, Koreya Xalq Demokratik Respublikasi, Vietnam Demokratik Respublikasi va boshqa mamlakatlarning sportchilari yurtimizga tashrif buyurishgan edi.

O'zbekistondan sobiq Ittifoq terma jamoalari tarkibiga sportchilar jalb etila boshlandi. 1947-yil A.Kashayev Yevropa va Finlyandiya birinchiligidagi qatnashib, ilk bor mamlakatimizga bronza medalini hadya etdi. 1950-yilda G.Gamarnik kurash bo'yicha jahon championi unvoniga sazovor bo'ldi. 1952-yil G.Shamray XV Olimpiya o'yinlarida ishtirok etib, sovrinli (jamoada) o'rinni egalladi. V.Ballod balandlikka sakrash bo'yicha XVI—XVII Olimpiya o'yinlarining qatnashchisidir.

1966—1970-yillarda O'zbekiston sportchilaridan 283 kishi chet mamlakatlardagi sport musobaqalarida ishtirok etadi. O'z navbatida chet ellik sportchilarning 360 dan ortiq vakili O'zbekistonda bo'ladi.

Tokioda o'tkazilgan XVIII olimpiya o'yinlarida 4 kishi, Monrealda (XXI Olimpiya o'yini) 11 kishi qatnashadi. Boks bo'yicha jahon championi R.Risqiyev olimpiadaning kumush medali, futbolchi V.Fedorov bronza medalini qo'lga kiritadi.

Keyingi yillarda O'zbekiston sportchilari Yevropa va jahon championlari ro'yxatiga kiradi. Ulardan A.Alimov ya (stendga otish), S.Qurbanov (sambo), R.Prokopenko, Salimova, (basketbol), O.Rudenko (kamondan otish), K.Fatxulin (klassik kurash), M.Ismoilov (ot sporti), A.Abduramonov (klassik kurash) kabilarni ko'rsatish mumkin.

Shuningdek, S.Diomidov (gimnastika), M.Kolyushev (velotrek), A.Prokopenko (basketbol), R.Kazakov (klassik kurash), S.Xodiiev (sambo kurashi), S.Ro'ziyev (qilichbozlik), S.Qurbanov (sambo) va boshqalar jahon championi unvoniga sazovor bo'lishdi.

1965-yildan boshlab respublika sportchilari Hindiston, Pokiston, Bangladesh, Birma, KXDR, Suriya, Keniya, Efiopiya, Marokash, Nigeriya, Senegal va boshqa mamlakatlarga borishdi.

1971-yil O'zbekiston yengil atletikachilar Tunisda bo'lib, yaxshi natijalarni namoyish etadi.

1976-yil voleybol bo'yicha respublika jamoasi Afg'onistonda o'rtoqlik uchrashuvini o'tkazadi va sport mahoratlarini namoyish qiladi. Shuningdek, basketbolchilar ham Birmada bo'lib (1975-yil) o'zlarining tajribalarini yuqori saviyada ko'rsatgan. Bokschilar, erkin kurashchilar Nigeriya va Qobulda uchrashuvlar o'zkazib kelgan. Har bir safardan keyin chet mamlakatlarining rahbarlari yurtimizga maktub yo'llab, yaxshi taassurotlar olganliklarini qayd qilish bilan birlgilikda yana uchrashuvlar o'tkazishni taklif qilishgan.

Turkiya, Birma, Suriya Arab Respublikasi va boshqa mamlakatlarning hukumat doiralar O'zbekiston bilan (SSSR ruxsati orqali) turli shartnomalar tuzishadi. Shu asosda iqtidorli mutaxassislar Sh.N.Zokirov (boks) bilan A.Koshhev Suriya Arab Respublikasida, A.Granatkin (boks) bilan M.Muhiddinov (shohmot) Afg'onistonda bo'lib, ularga murabbiylik va boshqa sohalar bo'yicha tajribalar o'rgatib qaytadilar. Bu an'analar keyinchalik yana davom etadi. Z.G.G'afforov (qilichbozlik, sport psixologiyasi) 1989—1991-yilda Aljirda, R.A.Akramov (futbol, olim) 1991—1992-yil Aljirda bo'lishdi.

### **1966—1976-yillarda xalqaro sport aloqalarining ba'zi ko'rsatkichlari**

T.r	Yillar	Mamlakatlar soni	Sport turlari soni	Safarga chiqqanlar	O'zR jamoalari tarkibida	SSSR termajamoalarida
1	1966—1970	34	11	823	145	129
2	1971—1976	75	25	836	439	343
	Jami:	109	36	1659	584	472

Shuni ham ta'kidlash lozimki, 1966—1980-yillarda Yevropa, Amerika va boshqa mintaqalarning alpinistlari Pomir, Hindikush cho'qqilariga chiqish oldidan avval

Toshkent, Samarqand, Buxoro, Farg'ona shaharlarda mehmon bo'lishgan. Ular O'zbekiston alpinistlariga o'z tajribalarini o'rgatganlar. Ularga V.Rasekning bir qator risolalari bag'ishlangan. Xalqaro sport aloqalarining xususiyatlari va istiqbollari haqida qator ilmiy tadqiqotlar olib borildi. Xalqaro ilmiy anjumanlarning to'plamlarida bu muammolar yoritildi. Issiq mintaqali joylarda oliy toifali sportchilarni tayyorlash (I.A.Yaroskiy), falsafa, tarix, sotsiologiya sohalarida M.F.Is'hoqov, E.K.Shaternikov, Yu.S.Sholomitskiy, K.P.Ten, R.Yakubov kabilar katta faoliyat ko'rsatdi. Pedagogika-psixologiya sohasida T.S.Usmonxo'jayev, A.R.Imomxo'jayev, issiq iqlimda xotin-qizlamning mashq qilish qobiliyatiga bag'ishlab M.B.Frank, A.A.Turikov, yoshlarning mashq bajarishida yurakning holati muammolari bo'yicha O.A.Risqiyeva kabilar ham o'z taqdiqotlarini xalqaro sport aloqalari bilan bog'ladi. Bu olimlaming bir qismi chet ellarda bo'lib tajriba orttirdi va sportchilarni olimpiya o'yinlariga tayyorlashda tajriba-sinovlarni o'tkazib, ularning yuqori natiyalarga erishishlariga zamin tayyorlaydi.

E'tiborli tomonlardan yana biri shundaki, O'zbekiston sportchilarining xalqaro aloqalari va sportchilarning erishgan yutuqlari haqida bir qator ommabop kitoblar nashrdan chiqarildi. Ularga A.Sunnikning «Na stadionax 4 x kontinent» («Yosh gvardiya», 1966), S.Ostonovning «Sovrindorlar» («Yosh gvardiya», 1976), M.O'zbekov va E.Dolkartlarning (Olimpiiskiye zvyozdzi) («Yosh gvardiya», 1983) kitoblarini misol keltirish mumkin. Ularning mazmunida o'zbekistonlik olimpiada o'yinlari va jahon championatlarining qatnashchilari haqida ma'lumotlar berilgan.

### **O'zbekiston sportchilari olimpiada o'yinlarida**

1952. Xelsinki

Galina Shamray (sport gimnastikasi) – jamoada champion. Jamoa musobaqalarida kumush medal.

Sergey Popov (yengil atletika) – qatnashchilar orasida 4-o'rin.

1956. Melburn

Sergey Popov (yengil atletika) — qatnashchi.

Valentina Ballod (balandlikka sakrash) — qatnashchi.

1960. Rim

Valentina Ballod (yengil atletika, balandlikka sakrash) — qatnashchi.

1964. Tokio

Sergey Diomidov (sport gimnastikasi) — jamoada 2-o'rin.

Svetlana Babanina (suzish) — bronza medali.

Natalya Ustinova (suzish) — bronza medali.

1968. Mexiko

Vera Duyunova (Galushka) — voleybol 1-o'rin.

Svetlana Babanina (suzish).

Sergey Konov (suzish).

Natalya Ustinova (suzish).

Mixail Kolyushyev (velosport).

1972. Myunxen

Vera Duyunova (voleybol) 1-o'rin.

Rustam Kazakov (klassik kurash) — yarim yengil vaznda champion.

Elvira Saadi (sport gimnastikasi) — jamoada 1-o'rin.

Nikolay Ansimov (boks) — 4-o'rin.

Aleksandr Yudin (velosport).

Mamajon Ismoilov (otda uchkurash).

1976. Montreal

Rufat Risqiyev (boks) — 75 kilogrammgacha bo'lgan vaznda «kumush» medal.

Vladimir Fedorov (futbol) — 3-o'rin.

Sobir Ro'ziyev (qilichbozlik, rapira).

Valeriy Dvoryanikov (otda uchkurash).

1980. Moskva

Erkin Shagayev (suv polosi) — 1-o'rin.

Larisa Pavlova (voleybol).

Yuriy Kovshov (ot sporti) — jamoada 1-o'rin, shaxsiy hisobda ikkinchi.

Olga Zubaryeva (qo'l to'pi) — 1-o'rin.

Rustam Yambulatov (harakatlanayotgan nishonga otish)

— 2-o‘rin.

Aleksandr Panfilov (velosport) — 2-o‘rin.

Sobir Ro‘ziyev (qilichbozlik, rapira) — jamoa 2-o‘rin.

Natalya Butuzova (yoy) — 2-o‘rin.

Leyla Axmerova, Valentin Zazdravnix, Nelli Gorbatkova, Alina Xam (chim xokkey) — bronza medallari.

Tatyana Biryulina (yengil atletika, nayza otish).

Aleksandr Xarlov (yengil atletika).

Anatoliy Dimov (yengil atletika).

1988. Seul

Arsen Fadzayev (erkin kurash) — 68 kilogrammgacha bo‘lgan vaznda g‘olib.

Maxarbek Xadarsyev (erkin kurash) — 90 kilogramm-gacha bo‘lgan vaznda g‘olib.

Radion Gataullin (yengil atletika, balandlikka sakrash) — kumush medal.

Noil Muhammadyorov (og‘ir atletika) — kumush medal.

Sergey Zabolotnikov (suzish) — bronza medal.

Jamoliddin Abdujabborov (velosport).

Anatoliy Tankov (ot sporti).

Igor Davidov, Nikolay Sankoves (chim xokkey).

1992. Barselona

Oksana Chusovitina (sport gimnastikasi) — jamoada champion.

Rozaliya Galiyeva (sport gimnastikasi) — jamoada champion.

Marina Shmonina (yengil atletika) — jamoada g‘olib.

Anatoliy Asraboyev (imtiqdan o‘q otish) — kumush medal.

Sergey Sirsov (og‘ir atletika) — kumush medal.

Valeriy Zaxarevich (qilichbozlik) — jamoada 3-o‘rin.

Ramil Ganiyev (yengil atletika ko‘p kurash).

Yelena Svetensova (nayza uloqtirish).

Sergey Usov (yengil atletika, 110m.ga to‘sıqlararo yugurish).

Artur Grigoryan (boks).

Aleksandr Krasnoyarsyev (chim ustida xokkey).

Igor Mullajonov (chim ustida xokkey).

Aleksandr Domasheyev (chim ustida xokkey).

Aleksandr Tyurin (eshkak eshish).

Igor Kireyev (eshkak eshish).

Valeriy Zaysyev (yengil atletika).

Dmitriy Polyunin (yengil atletika).

Ma'lumki sport turlari ichida erkaklar va ayollar sport gimnastikasi o'z mazmuni va murakkabligi hamda bajarilish shakllari bilan barchani o'ziga jalb etadi. Bunda o'ta yuqori darajadagi texnik tayyorgarlik talab etiladi. Shu sababdan, sportning bu turi bilan shug'ullanishga har kim ham jur'at qilavermaydi.

O'zbekistonlik gimnastikachi Sergey Dioimidovning nomi faqat O'zbekistondagina emas, hatto olimpiya o'yinlari tarixidan ham joy olgan.

U 1942-yil To'rtko'lida (Qoraqalpog'iston) tug'ilgan. 1956-yilda u Toshkentga keladi va R.T.Sarkisov qo'lida gimnastika bo'yicha shug'ullanadi. 1960-yil «Dinamo» Markaziy sport jamiyatni musobaqalarida yoshlari o'rtaida sport ustasi unvoni talablarini bajardi 1962-yil SSSR terma jamoasi tarkibiga kiritildi. 1964-yil brusda mashq bajarish bo'yicha SSSR championi bo'ladi. 1966-yilda Brusyada jahon championi bo'ladi. Uning bajargan «Bir qo'lida burilish» (vertushka) elementi jahon gimnastika mashqlari tarkibiga «Diomidov vertushkasi» nomi bilan kiritildi. U Tokio va Mexiko olimpiya o'yinlari qatnashchisidir. 1964-yilda xalqaro klassikdagi sport ustasi va 1965-yilda xizmat ko'rsatgan sport ustasi unvonlariga ega bo'ldi. Keyinchalik u Markaziy harbiy sport klubida murabbiylik qildi.

Elvira Saadi 1952-yil Toshkentda tug'ilgan. Yoshligidan gimnastika bilan shug'ullanib, respublika sport-internatida (hozirgi olimpiya o'rinososarlari kasb-hunar kolleji) ta'lim oladi.

U O'zbekiston va SSSR terma jamoalari tarkibida juda ko'p xalqaro sport musobaqalarida ishtirok etib, doim g'oliblikka erishib kelgan.

XX Olimpiya o'yinlarida qatnashib jamoa tarkibida olimpiada champion unvoniga erishadi. Katta iste'dod egasi bo'lganligi uchun u Moskvada murabbiylik lavozimida ishlab qoladi.

## **12.2. O'zbekiston Respublikasi Milliy Olimpiya qo'mitasining tashkil qilinishi va uning xalqaro sport aloqalar**

XX asrning so'nggi 15–20 yili mobaynida xalqaro sport harakatida tub o'zgarishlar yuz berdi. Xalqaro Olimpiya qo'mitasi (XOQ) a'zoligiga kirgan mamlakatlar soni oshib bordi. Ayniqsa, sobiq SSSRning inqirozi tufayli sotsialistik hamjamiyatdagi davlatlar, shuningdek, ittifoqchi respublikalar mustaqil davlat sifatida XOQ tarkibidan joy olishdi. Bu jarayonlar jahon sport hamjamiyatlari, ayniqsa, XOQning demokratik tamoyillari asosida amalga oshirilishi siyosiy va tarixiy jihatdan muhim ahamiyat kasb etdi.

O'zbekiston Respublikasi mustaqil davlat sifatida xalqaro sport harakatida munosib o'rin egallashga bor imkoniyatlarini ishga soldi. O'zbekiston Respublikasi Prezidenti «O'zbekiston kelajagi buyuk davlat» shiorini faqat yurtimizdagina emas, balki taraqqiy qilgan mamlakatlar orasida ham chuqur va keng tarqalishiga erishdi. Bunda xalq xo'jaligining barcha tarmoqlari kabi jismoniy tarbiya va sport harakatiga ham alohida e'tibor berildi.

O'zbekiston sobiq Ittifoq davrida jahon sport hamjamiyatlari a'zo bo'lgan emas. Sharq va g'arb mamlakatlari bilan sport aloqalar u yoki bu darajada olib borilgan bo'lsa-da, u ham faqat sho'rolar hukumati ruxsati va nazorati ostida o'tkazilgan.

Xalqaro sport va Olimpiya harakatining keng rivojlanishi, qit'alarda turli xil sport musobaqalari, qit'a o'yinlarining o'tkazilishi, jahon championatlari va Olimpiya o'yinlarining an'anaviy tashkil etilishi har bir mamlakatda sport turlarini rivojlantirishni qadimdan taqozo etib kelgan.

O'zbekiston mustaqil davlat sifatida xalqaro sport hamjamiyatlari a'zo bo'lib kirish maqsadida, eng avvalo, Milliy Olimpiya qo'mitasini tashkil etdi. Bu 1992-yil 21-yanvardagi birinchi ta'sis majlisida amalga oshirildi. XOQ xartiyasi asosida, va jahon sport harakatining ilg'or tajribalariga tayanilgan holda MOQ nizomi (ustavi) ishlab chiqildi va qabul qilindi. O'zbekiston Respublikasi MOQ prezidenti etib O.Nozirov

saylandi. U bir vaqtida respublika Davlat sport qo'mitasining raisi ham edi. Bu XOQ xartiyasi va O'zbekiston Respublikasi MOQ nizomiga to'g'ri kelmas edi. Shunday bo'lsa-da, respublika sharoiti va moddiy-texnik hamda moliyaviy ta'minlashning ba'zi bir sabablariga ko'ra rahbarlik ishlari davom etdi. Avval MOQ vitseprezidenti bo'lgan S.Ro'ziyev keyinchalik (1994) MOQ Prezidenti etib saylandi. Bu esa xartiya va nizom talablariga to'la asoslandi. Nizomga ko'ra MOQ faoliyatini yurituvchi ijroqo'm, a'zolari, Olimpiya akademiyasi va boshqa tuzilmalar tashkil etildi.

Respublika MOQ o'zining Kongresslari va boshqa rasmiy yig'ilishlarida eng muhim masalalarni muhokama qilmoqda. Bunda rejalarmi tasdiqlash, ijrolar natijalarini eshitish, xalqaro Olimpiya harakatida ishtirok etish, olimpiya g'oyalarini keng yoyish eng muhimi sportchilarni Osiyo, jahon championatlari, xalqaro turnirlar va olimpiya o'yinlariga tayyorlash bilan bog'liq masalalarni doimiy ravishda muhokama qilib bormoqda. O'zbekiston Respublikasi MOQning ichki tuzilishi va asosiy maqsad hamda vazifalari. Olimpiya bilimlari asoslari (Hamroqulov A.Q., Yunusov T.T. va boshqa, T., 2002-yil) o'quv qo'llanmasida to'la ifodalangan shu sababli bu soha batafsil bayon etilmadi.

Respublikaning xalqaro sport tashkilotlari bilan olib borayotgan o'zaro munosabatlari va aloqalarida Prezident I.A.Karimovning hissasi g'oyat kattadir. Xalqaro Olimpiya qo'mitasining bosh shtabida Prezidentimizning Olimpiada oltin ordeni bilan mukofotlanishi, XOQ Prezidenti X.A.Samaranchning ikki marotaba yurtimizga tashrifi, (1994–1995), Arab mamlakatlari, Osiyo o'yinlari Kengashining Prezidenti va Yunesko kabi xalqaro nufuzdagi tashkilotlarning rahbarlari, mas'ul xodimlari O'zbekistonga kelishlari muhim voqealar bo'ldi. Shular natijasida 1996-yil avgustda Toshkentda «Olimpiya shon-shuhrat» muzeyi ochildi. Unda mamlakatimiz sport tarixi, olimpiya harakati, sportchilarning erishgan yutuqlari o'z ifodasini topdi. O'tgan davrlarda muzeyni tomosha qilish uchun Fransiya, Italiya, Germaniya, Angliya, Shvetsiya, Rossiya, Bolgariya va juda ko'p Yevropa,

Osiyo Afrika, Amerika, Avstraliya qit'alaridagi mamlakatlar-ning rasmiy kishilar, sayohatchilar va sportchilari kelib ketishdi. Mazkur muzey respublika sportini targ'ibot qilishning markaziy maskanlardidan biriga aylanmoqda.

Respublika Milliy Olimpiya qo'mitasi (MOQ) xodimlari, sport federatsiyalarning rahbarlari, olimlar va boshqa rasmiy kishilar XOQ joylashgan Lozzana va juda ko'p mamlakat-larning MOQ huzurida bo'lib, Kongresslar, sessiyalar va ilmiy anjumanlarda ishtirok etmoqda.

Ayniqsa, O'zbek kurashini o'rganish va o'rgatish borasida respublika murabbiylari Hindiston, Janubiy Afrika Respublikasi, Avstraliya, Afrika, Amerika va Yevropa qit'alariga borib kelishmoqda. O'z navbatida barcha qit'alarining rasmiy vakillari O'zbekistonda bo'lib, kurash va boshqa sport turlari bo'yicha tajribalar almashishmoqda. Bu esa sportchilarning xalqaro turnirlar, o'rtoqlik uchrashuvlar va boshqa musobaqalarni tashkil qilishga zamin tayyorlamoqda.

Xuslosa qilib aytganda, O'zbekiston Respublikasi MOQning tashkil etilishi xalqaro sport aloqalarni yanada kengaytirish, olimpiya g'oyalarini aholi o'rtasida singdirish va eng muhimmi, sportchilarni xalqaro sport musobaqalariga tay-yorlashda muhim voqeа bo'ldi.

### **12.3. Respublika sportchilarining Markaziy Osiyo, Osiyo o'yinlari va jahon musobaqalaridagi ishtiroki**

Mustaqillik tufayli respublika sportchilari dastlabki yillardan boshlaboq xalqaro miqyosdagi rasmiy hamda nufuzli sport musobaqalarida faol ishtirok etish, yuksak g'alabalarni qo'lga kiritishga musharraf bo'lishdi.

1994-yil 11–19-aprelda Toshkentda Markaziy Osiyo respublikalari futbol jamoalarining birinchi turniri bo'lib o'tdi. Unda O'zbekiston 4 ochko bilan oldingi o'rinni egalladi. Turkmaniston va Qozog'iston futbolchilari esa 2 tadan ochkoga ega bo'lib, keyingi 2–3-o'rnlarni egalladi.

1995-yil 3–8-sentabrda Toshkentda Markaziy Osiyo respublikalarining birinchi o'yini bo'ldi. Bunda XOQ prezidenti

X.A.Samaranch tabrik so'zi bilan qatnashdi. O'yinlar das-turida tennis, og'ir atletika, boks, qilichbozlik, suzish, yengil atletika va boshqa turlar bor edi. Tennis, boks, og'ir atletika, basketbol va boshqa turlarda O'zbekiston yaxshi natijalarga erishdi. Umumjamoalar o'rtasida Qozog'iston 42 ta oltin, 37 ta kumush va 17 ta bronza, jami 96 ta medalni egallab birinchi bo'lishdi. O'zbekiston: 37, 35 va 25, jami – 97 ta medalga ega bo'lib ikkinchi va Qирг'изистон esa 11, 10, 27 – jami 48 ta medal olib, uchinchi o'rinni egalladi. Tojikiston (1 ta oltin, 1 ta kumush, 8 ta bronza) 10 ta va Turkmaniston 23 ta (8 ta kumush, 15 ta bronza) medallar bilan keyingi o'rinalarni egalladi.

Futbol, yengil atletika, kurash, boks, tennis, basketbol, ot sporti va boshqa sport turlari bo'yicha Markaziy Osiyo respublikalari sportchilarining xalqaro turnirlari, o'zaro o'rtoqlik uchrashuvlari qizg'in bo'lib o'tmoqda. Ayniqsa, Osiyo o'yinlariga tayyorgarlik va saralash rasmiy musobaqalarida O'zbekiston va Qozog'iston bilan teppa-teng bo'lib kelmoqda.

1999-yil oktabrda Bishkekda Markaziy Osiyo respublikalarining uchinchi o'yini bo'lib o'tdi. Unda sportning 9 turi bo'yicha 96 kishi qatnashdi. Umumiylis hisobda O'zbekiston uchinchi o'rinni egalladi.

Shu yili kuzda Toshkentda boks bo'yicha Osiyo championati bo'lib o'tdi. Unda D.Yo'ldoshev, A.Raximov, T.Turg'unov, S.Mixaylov, R.Chagayev, R.Saidovlar o'z vaznlarida oltin medalga sazovor bo'lishdi.

1994-yil 2–15-oktabrda Yaponiyaning Xirosima shahrida XII Osiyo o'yinlari bo'lib o'tdi. Unda ilk bor O'zbekiston sportchilari ham ishtirok etdi. Futbol bo'yicha respublikamiz terma jamoasi (bosh murabbiy R.Akramov) xitoyliklar bilan so'nggi uchrashuvda g'olib kelib, ularning shuhratni Osiyoda keng tarqaldi. Respublikamiz barcha bellashuvlarda 40 ta medalni (10 ta oltin, 11 ta kumush va 19 ta bronza) qo'lga kiritdi.

Sportchilar orasida A.Avazboyev (baydarka), O.Maskayev (boks), Sh.Ahmedov, N.Ripichev, E.Osmonov (o'q otish), O.Yarigina (nayza uloqtirish), R.Ganiyev (o'n kurash) va boshqalar championlik unvoniga sazovor bo'lishdi.

1994–2005-yilda Respublika Prezidenti kubogi uchun tennis bo'yicha xalqaro turnirlar, boks bo'yicha Osiyo championati (sentabr – 1996) va kurash, boks, sharqona yakka kurashlar, sport o'yinlari bo'yicha juda ko'p rasmiy musobaqalar, turnirlar Toshkentda o'tkazildi.

1991–2005-yillar davomida at-Termiziy, Amir Temur, Mirzo Bobur, Jaloliddin Manguberdi kabi ulug' allomalar, sarkardalar xotirasiga bag'ishlab o'tkazilgan kurash hamda boshqa turlar bo'yicha xalqaro turnirlar O'zbekiston sport tarixidan keng joy oldi.

Sharqona yakka bellashuvlar (karate, taekvando, ushu, kikboksing va hokazo) bo'yicha juda ko'p yosh sportchilar (ular orasida 9–11–13 yoshli Abdumavlonovlar ham bor) xalqaro turnirlar va jahon championatlarda muvaffaqiyatli qatnashib kelmoqda. Ularning mehnati va shuhrati Prezident hamda Respublika hukumati tomonidan haqli ravishda taqdirlanmoqda.

1998-yil Moskvada birinchi xalqaro yoshlari o'yini bo'lib o'tdi. Unda 131 mamlakatdan sportchilar qatnashadi. O'zbekiston yoshlari safida 109 kishi bo'lib, sportning 11-turida ishtirok etishdi. Umumjamoalar orasida O'zbekiston faxrli 13-o'rinni egalladi. Kurashchilar o'yindagi 10 ta medalning 8 tasini (1 ta oltin, 3 ta kumush va 4 ta bronza) egalladi. Dilshod Mansurov erkin kurashda oltin medal sohibi bo'ldi. 1998-yil XIII Osiyo o'yinlarida (Bangkok) respublika sportchilari muvaffaqiyatli ishtirok etadi. 41 mamlakat sportning 36 turi bo'yicha o'z vakillarini yuborgan edi. Faqat Xitoy, Yaponiya Tailand va Koreya to'la dasturda ishtirok etdi. O'zbekiston sportchilari 21 tur bo'yicha qatnashdi. Umumiy hisobda respublikamiz sportchilari 10-o'rinni egalladi.

Bu Xirosimadagi o'rindan ikki barobar past edi. Uning sababi shundaki, shtanga, gimnastika, o'q otish, tennis, sinxronli suzish, taekvando va xokkey sport turlarida o'z imkoniyatlaridan foydalana olmadilar. V.Shin boshchiligidagi M.Abdullayev, S.Mixaylov, R.Chagayev boks bo'yicha champion bo'ldi. Suv sporti turlarida jamoalarimiz 2–3-

o'rinlarni egalladi. Yengil atletikachilar O.Veretelnikov (o'n kurash) va S. Voinov (nayza uloqtirish) oltin medalga sazovor bo'lishdi. Umumiy medallar soni 40 ta edi, 6 ta oltin, 22 ta kumush va 12 ta bronza.

1999-yilda IV qishki Osiyo o'yinlarida sportchilarimiz qatnashdi.

1999-yil Xyustonda boks bo'yicha jahon championati bo'ladi. O'.Haydarov va M.Abdullayevlar jahon championati unvonini egalladi.

«Yunusobod» sport majmuida Prezident kubogi bo'yicha 6-xalqaro turnir o'tkazildi.

2002-yil Janubiy Koreyaning Pusan shahrida XIV Osiyo o'yinlarida ishtirok etgan bokschilar, suv sporti vakillari, yengil atletikachilar va boshqa sportchilar muvaffaqiyatli qatnashdilar. Sharqona yakka kurashlar, boks, milliy kurash, futbol va boshqa sport turlari bo'yicha respublikamiz sportchilari AQSH, Angliya, Rossiya, Janubiy Koreya, Tailand va boshqa ko'pgina mamlakatlarda turli xil turnirlar birinchiliklari hamda rasmiy musobaqalarda ishtirok etishdi.

Umuman aytganda, O'zbekiston sportchilarining nufuzi jahondagi barcha mamlakatlarga tanildi.

#### **12.4. Mustaqil O'zbekiston olimpiadachilari**

O'zbekiston hali XOQ tarkibiga rasmiy ravishda a'zo bo'limganligi va sobiq Ittifoq o'rniga mustaqil davlatlar hamdo'stligining (MDH-SNG) tashkil etilishi tufayli 1992-yilgi Olimpiya o'yinlarida Barselonada Ittifoq MOQ (SNG) terma jamoalari tarkibida ishtirok etgan edi.

Olimpiya o'yinlarida yurtimizning 17 nafar sportchisi muvaffaqiyatli qatnashdi. O.Chusovitina va Rozaliya Galiyevalar jamoa tarkibida champion unvoniga erishdi. Yengil atletikaning estafeta (4x100) turida qatnashgan M.Shmonina oltin medalga sazovor bo'ldi. S.Sirsov og'ir atletika bo'yicha ikkinchi o'ringa erishdi. O'q otish sport turida ham A.Astroboev kumush medalni egalladi. Qiličhbozlikda V.Zaxaryevich bronza medalini olishga muvaffaq bo'ldi.

Medal nasib etmagan bo'lsa-da, D.Polyunin, V.Zaysev, R.Ganiyev, S.Usov, (yengil atletika); A.Tyurin va I.Kirsov (grebli), chim xokkey bo'yicha: A. Krasnoyarsyev, I.Mullajonov, A.Domashov kabilar yaxshi natijalar ko'rsatdi. olimpiada qatnashchilarini respublika sport jamoatchiligi qizg'in kutib oldi va ular taqdirlandilar.

Shuni ham ta'kidlash lozimki, 1994-yil fevralida XVII qishki olimpiya o'yinlarida respublikamiz sportchilari mustaqil ravishda birinchi marotaba qatnashdi. Unda chang'ida akrobatik sakrash bo'yicha hamyurtimiz L.Cheryazova yana bir bor o'zining mahoratini (u jahon championi hamdir) namoyish qilib, oltin nishon sovrindori bo'lib, O'zbekiston bayrog'ini baland ko'tarish va respublika madhiyasining jaranglashini ta'minladi. Bu xizmatlari uchun L.Cheryazova O'zbekiston Respublikasi Prezidenti I.A.Karimovning faxriy yorliq va qimmatbaho mukofotlariga sazovor bo'ldi. Shuningdek, 1994-yil aprelida Toshkentga tashrif buyurgan Xalqaro olimpiya qo'mitasining prezidenti X.Samaranch va Respublika Prezidenti I.A.Karimovning tabrik va olqishlariga ham sazovor bo'ldi.

O'zbekiston sportchilari mustaqil jamoa sifatida 1996-yil XXVI olimpiya o'yinlarida (Atlanta, AQSH) birinchi marta qatnashdi. Unda 76 nafar sportchilar ishtirok etib, 13 sport turi bo'yicha bellashuvlarda o'zlarini sinadilar. Suv sport turlarida 17 kishi, yengil atletikada 12 kishi, suzishda 10 kishi, boks va dzyudoda 7 kishi, erkin kurashda 6 kishi, grekrim kurashida 4 kishi, og'ir atletikada 5 kishi, gimnastikada 2 kishi (1 ayol, 1 erkak), tennisda 2 kishi, o'q otish, velosport, qilichbozlikda bittadan sportchi qatnashgan edi.

Ular shahar va viloyatlar miqyosida ko'rib chiqilsa: Toshkent-37, Qoraqalpog'iston-1, Toshkent viloyati-14, Andijon-5, Samarqand-6, Farg'ona-6, Navoiy-5, Buxoro-2, Sirdaryo-2, Qashqadaryo-1, Xorazm-1 tadan to'g'ri keladi. Qolgan viloyatlardan esa sportchilar ishtirok etmadni.

O'zbekiston medallar soni bo'yicha 197 mamlakat ichida 58-o'rinni egalladi. A.Bagdasarov dzyu-do kurashi bo'yicha (68 kg) kumush medaliga sazovor bo'lgan bo'lsa, Karim

To'laganov esa boks bo'yicha (71 kg) bronza medalini yurtimizga hadya qildi. Dzyudochi V.Shamakov 7-o'rinni, Alisher Muxtorov 9-o'rinni egalladi. Boks bo'yicha D.Yorbekov (75 kg), N.Atoyevlar 5–8-o'rinni egalladi. Boshqa sport turlarida ham sportchilarimiz yaxshi natijalarga erishib, kuchli o'nlikdan joy olishga muvaffaq bo'lganlar.

Respublika hukumati olimpiya qatnashchilarini orden va medallar bilan mukofotladi. «Mehnat shuhrati» ordeni bilan A.Bagdasarov va K.To'laganov, «Do'stlik» ordeni bilan N.Atoyev, R.Ganiyev, O. Chusovitina, D.Yorbekov, «Shuhrat» medali bilan Sh.Axmedov, A.Ochilov, D.Zaxardinov, A.Shturbabinlar taqdirlandi.

Murabbiylardan S.Kuznetsova (gimnastika), X.Muhammedov (boks), V.Pyatayev kabilar faxriy yorliqlar bilan mukofotlandi.

Navbatdagi olimpiya o'yinlariga tayyoragarlik ishlari, eng avvalo, o'tgan o'yinlardagi xato va nuqsonlarni tugatish, egallangan tajribalarni keng qo'llash bilan amalgalash oshirildi. Sportchilarni Sidney (Avstraliya)da bo'ladigan XXVII olimpiya o'yinlariga tayyorlashni yaxshilashga qaratilgan Prezident farmoni (2000-yil 7-iyun) e'lon qilindi. G'oliblikni qo'liga kiritish uchun astoydil g'ayrat ko'rsatishga da'vat etuvchi mukofotlar ta'sis etildi, ya'ni oltin medal uchun—100 ming, kumush medal uchun—50 ming va bronza medali uchun 25 ming Amerika dollari belgilandi. Bu, o'z navbatida, murabbiylarning g'ayratini oshirib yubordi.

Uzoq qit'adagi (Avstraliya) Sidney shahrida XXVII olimpiya o'yinlari 2000-yil 15-sentabrdan 1-oktabrgacha davom etdi. Bu o'yinlar XX asming so'nggi o'yini va olimpiya o'yinlari tarixida esa eng ko'p sportchi qatnashganligi (199 mamlakatdan 11147 kishi) bilan tilga olinadi.

Bu o'yinlarda O'zbekistondan 125 kishi, shundan 77 nafar sportchi ishtirop etdi. Ular sportning 13 turida qatnashdi. Sportchilarni tayyorlashda «Dinamo» (18) — barcha medallilar ular hisobida, MHSK (26), «Yoshlik» (12), kasaba uyushmalari sport jamiyatasi (21) katta hissa qo'shdilar. Boshqa viloyatlar safiga Jizzax va Namangan viloyatlari ham

o'z sportchilarini qatnashtirish bilan qo'shildi.

Umumiy medallar soni bo'yicha O'zbekiston 41-o'rinni egalladi. Osiyo mintaqasidagi davlatlar orasida esa 7-o'rinda edi.

Boks bo'yicha sportchilarimiz g'oyat qattiq kurash olib borishdi. Muhammadqodir Abdullayev (Andijon) oltin medal sovrendori bo'ldi. Kumush medal sovrendori esa erkin kurashchi Artur Taymozovga nasib etdi. Bokschilar Sergey Mixaylov (Andijon) va Rustam Saidov (Toshkent)lar bronza medallarini egallahsga muvaffaq bo'ldi.

Ta'kidlash lozimki, uzoq Sidneydan kelgan g'alaba haqidagi xabarni eshitib, Prezidentimiz I.A.Karimov tabrik telegrammasini yubordi. Uni olgan M.Abdullayev qayta-qayta o'qib chiqib, o'z minnatdorchiligini Prezidentga izhor etgan.

O'zbekiston qishki sport turlari bo'yicha ham o'z jamoalarini tayyorlashni davom ettirdi. 1998-yil XVIII qishki olimpiya o'yinlari Nagono shahrida o'tkazildi. Unda 72 ta davlat vakillari ishtirok etishdi, o'zbekistonlik sportchilar 13 kishidan iborat edi. Ular 14 turdan 3 tasida qatnashdi. 32 mamlakatdan qatnashgan 30 nafar figurali uchish turida T.Malinina 8-o'rinni egalladi. Chang'ida akrobatik sakrash (fristayl) turida L.Cheryazova 24 sportchi ichida 13-o'rinni egallyaydi. Bunda uning avvalgi olgan jarohat asoratlari o'z ta'sirini ko'rsatgan edi. Komil O'rınboyev 50 sportchidan 28-o'rinni oldi. U erkaklar orasida figurali uchishda 24 davlatning 29 sportchisi orasida 19-o'rinda edi.

Sovrindor olimpiadachilar haqida so'z yuritilsa, quyidagi ma'lumotlarga ega bo'lish mumkin, ya'ni:

1994-yil XXVII qishki olimpiada, Cheryazova L. 1-o'rin.

1996-yil XXVI yozgi olimpiada, (AQSH): A.Bagdasarov dzyu-do, 2-o'rin; K.To'laganov boks, 3-o'rin.

2000-yil XXVII yozgi olimpiada, (Avstralija): M.Abdullayev boks, 1-o'rin; A.Taymazov erkin kurash, 2-o'rin; S.Mixaylov boks, 3-o'rin; R.Saidov boks, 3-o'rin;

2004-yil XXVIII yozgi olimpiada, (Gretsiya): A.Doktorashvili Yunon-rum kurashi, 1-o'jin; A.Taymazov erkin kurash, 1-o'rin; M.Ibragimov erkin kurash, 3-o'rin; O'.Haydarov boks, 2-o'rin; B.Sultonov boks, 3-o'rin.

Ta'kidlash lozimki, gimnastika, suvda suzish, yengil atletika, boks va boshqa bir qator sport turlari bo'yicha ishtirok etgan iqtidorli sportchilarimiz medallarga ega bo'la olmasalarda, lekin kuchli 10,6 o'rinalar safidan joy olib, olimpiya o'yinlari tarixining zarvaraqlariga nomlari yozilib qoldi.

Xulosa shundan iboratki, O'zbekistonda sovetlar mustam-lakachiligidan ozod etilganligini 1991-yil 1-sentabrdan buyon har yili tantanali ravishda bayram qilib kelinmoqda.

Mamlakatimizning istiqolli va istiqboli «O'zbekiston Respublikasi Konstitutsiyasi»da (1992-yil 8-dekabr) batafsil ifoda etildi.

Respublikada jismoniy madaniyat harakatini yangi yo'lga qo'yish, sport tashkilotlarining xalqaro aloqalarini o'rnatish hamda Markaziy Osiyo, Osiyo va jahon miqyosidagi barcha sport musobaqalarida vakillarimizning ishtiroki va g'alabasini ta'minlash yo'llari eng muhim vazifa qilib qo'yildi. Bunday ulug'vor va keng qamrovli murakkab muammolami hal etish maqsadida 1992-yil 14-yanvarda «Jismoniy tarbiya va sport to'g'risida» qonun qabul qilindi, keyinchalik u qayta ishlab chiqilib, yangi tahrirda yana (2000-yil) qabul qilindi. Respublikamiz olimpiiadachilari imkoniyat darajasida yurtimiz shon-shuhratini baland ko'tarib kelmoqda. Xalqaro sport aloqalarni mustahkamlash va sportchilarning xalqaro sport maydonlarida ishtirok etishlarini ta'minlash uchun nufuzli va nodavlat maqomiga ega bo'lgan Milliy Olimpiya qo'mitasi (MOQ) 1992-yilda ta'sis etildi. Bunday faoliyatlarini to'la amalga oshirish yo'lida O'zbekiston Respublika Vazirlar Mahkamasining qator qarorlari (1993, 1996, 1998, 1999, 2000, 2002, 2003-yil va hokazo) qabul qilindi. Bunda «O'zbekistonda jismoniy tarbiya va sportni yanada rivojlantirish chora-tadbirlari to'g'risida»gi qarori (1999-yil 27-may) mazmun va mohiyat jihatdan muhim ahamiyatga ega bo'lishi bilan bir qatorda kelajakda buyuk burilishlar yasash, yoshlarni ma'naviy va jismoniy barkamollikka erishtirish, aholining salomatligini doimiy ravishda muhofaza qilish yo'lida eng zarur omil bo'lib xizmat qilmoqda.

Yuqorida ko'rsatilgan ma'lumotlar va dalillar respublikadagi iqtisodiy, ijtimoiy-madaniy rivojlanish va aholining salomatligini yaxshilash yo'lida qilinayotgan sa'y-harakatlar nishonasidir.

Xulosa qilib aytganda, sport tashkilotlari xodimlari, aholining ijtimoiy-madaniy va salomatligi bilan shug'ullanuvchi tashkilotlar, mas'ul xodimlar, ayniqsa, aholining barcha qatlamlaridagi kishilar sport inshootlaridan unumli, maqsadli foydalanishlari lozim bo'ladi.

### **O'z-o'zini nazorat qilish uchun savollar**

1. Sobiq Ittifoq davrida O'zbekiston sportchilari qanday xalqaro sport musobaqalarida ishtirok etdi?
2. Jahon championlari, Olimpiya o'yinlari sovrindorlari-dan kimlarni bilasiz?
3. O'zbekiston Respublikasi Milliy Olimpiya qo'mitasi (MOQ) qachon tashkil etildi, uning prezidentlari kim bo'lgan? MOQning tuzilishi va maqsad hamda vazifalari nimalardan iborat?
4. O'zbekiston Respublikasi milliy olimpiya akademiyasi haqida nimalarni bilasiz? Uning zimmasiga qanday mas'uliyatlar yuklatilgan?
5. Markaziy Osiyo o'yinlari va unda O'zbekiston sportchilarining ishtiroki qanday?
6. Osiyo o'yinlarida sportchilarimiz ilk bor qachon qatnashdi va ularning naijalari qanday bo'ldi?
7. XIII-XV Osiyo o'yinlari qayerlarda o'tkazildi, ularda O'zbekiston sportchilari qanday natijalarga erishdi?
8. Kimlar va qachon jahon championatlarida ishtirok etishdi, ularning erishgan yutuqlari qanday bo'ldi?
9. O'zbekiston sport jamoalari mustaqil ravishda olimpiya o'yinlarida qachondan boshlab ishtirok etib kelmoqda, ularning natijalari qanday bo'ldi?
10. M.Abdullayev, A.Doktorashvili, A.Bagdasarovlar qaysi olimpiya o'yinlarida oltin medal olishga sazovor bo'lishdi?

### XIII bob. JISMONIY MADANIYATNI TASHKIL ETISH YA BOSHQARISH

Zamonaviy taraqqiyotning barcha jarayonlari, shuningdek, insoniyat jismoniy madaniyatni jarayoni ham aniq tashkiliy reja va boshqaruvni talab etadi. Respublikamizda aholi jismoniy madaniyatini tashkil etish va boshqarishning o'ziga xos, takrorlanmas tizimi tashkil etilgan. Buning asosida kishilarni bolalik chog'laridanoq jismoniy madaniyat bilan ongli shug'ullanishni rejalashtirish, tashkil etish va boshqarish, uni kishilarning keyingi hayoti davrlarida ham muntazam davom etishni ta'minlash turadi.

Respublikamiz mustaqilligining dastlabki kunlaridan mamlakatimiz aholisini jismoniy madaniyatni tashkil etish va boshqarishga katta e'tibor berildi. Prezidentimiz I.A.Karimov «faqat sog'lom avlodgina buyuk kelajakni qurishga qodir» ekanligini o'zining ma'ruzalarida bir necha bor ta'kidlab o'tgan. Aholini jismoniy madaniyatini tashkil etish va boshqarishni yo'lga qo'yish maqsadida Mustaqil Davlatlar Hamdo'stligida birinchi bo'lib «Jismoniy tarbiya va sport to'g'risida»gi qonun qabul qilindi. Shuningdek, 2000-yildan aholini salomatlik va jismoniy tayyorgarlik darajasini belgilovchi «Alpomish» va «Barchinoy» salomatlik testlari kishilarimiz kundalik hayotiga tatbiq etildi. Bugungi kunda har uch yilda navbati bilan o'tkazilayotgan «Umid nihollari», «Barkamol avlod o'yinlari» va «Universiada» kabi uch bosqichli musobaqalar jismoniy madaniyat tizimini tashkil etish va boshqarishning ilmiy, amaliy va uslubiy asosini tashkil etadi. Bu tizimi respublikamiz o'quvchilari va yoshlarini jismoniy madaniyat bilan muntazam shug'ullanib sog'lom turmush tarzini shakllantiradi. Unumli mehnatga va vatan himoyasiga puxta tayyorianishlariga samarali xizmat qilib kelmoqda. O'zbekiston Respublikasi Vazirlar Mahkamasining

2002-yil 24-oktabrda qabul qilingan «O'zbekistonda bolalar sportini rivojlantirish jamg'armasini tuzish to'g'risida»gi Qarori harn jismoniy madaniyat harakatini tashkil etish va boshqarishda tub burilish yasadi. Qarorgacha maktab yoshi-dagi bolalarning 7–8% sport to'garaklariga qarab olingan bo'lsa, bu ko'rsatkich bugungi kunda 40%ga yetadi.

Jismoniy madaniyat bugungi kunda eng muhim ijtimoiy hodisa sifatida mamlakatimiz xalq xo'jaligi hayotida katta o'rinn tutadi. Shu bois u davlat miqyosidagi tarmoq sifatida sog'liqni saqlash, maorif, madaniyat, qurolli kuchlar, ichki ishlar, xavfsizlik xizmati, mehnat va boshqa markaziy idora-larning ishidagi eng muhim muvofiqlashtiruvchi kundalik omil hisoblanib, u bo'yicha ishlar turli darajada (shahar, tu-man, viloyatlar va respublika) rejalashtiriladi va boshqariladi. Ularning natijalari kundalik, haftalik, oylik, kvartal va yillik hisobotlarda aks ettiriladi.

Respublikamizda jismoniy madaniyatni rejalashtirish, tashkil etish va boshqarishda O'zbekiston Respublikasi Ma-daniyat va sport ishlari vazirligi, O'zbekiston bolalar sportini rivojlantirish jamg'armasining respublika Kengashi, Oliy va o'cta maxsus ta'lif vazirligi qoshidagi «Talaba» sport uyushmasi, O'zbekiston Respublikasi Xalq ta'limi vazirligi qoshidagi bolalar sportini rivojlantirish jamg'armasi, shuning-dek, viloyatlar va tumanlar hokimliklari hozirgi, madaniyat va sport ishlari boshqarmalari asosiy idoralardir. Ular respublikamizda jismoniy madaniyat ishlarini tashkil etish va bosh-qarishdagi yuqori tashkilotlar hisoblanadi. Jismoniy madaniyat harakatini tashkil etish va boshqarishda quyi tashkilot-larga har bir ishlab chiqarish va noishlab chiqarish korxonalari maktabgacha ta'lim muassasalari, umum ta'lim maktablari, mahallalar, akademik litsey, kasb-hunar kollejlari va oliy o'quv yurtlari kiradi. Asosiy ish aynan shu jamoalarda olib boriladi va ular respublikamiz aholisining jismoniy madaniyat tarbiyasini amalga oshirib, kishilarni sog'lom turmush tarziga yo'naltirishni, uzoq umr ko'rib samarali hayat ke-chirishni ta'minlaydi. Bu jamoalarda jismoniy madaniyat ish-larini tashkil qilish havaskorlik, yakka tartibda mashq qilish,

omma bo'lib mashq qilish va boshqa shakkarda olib boriladi.

Jismoniy madaniyat harakatini tashkil qilish va boshqarish bo'yicha ko'plab tadqiqotlar o'tkazilgan, ularning natijalari amaliy tavsiyanomalar, o'quv qo'llanmalar va darsliklar sifatida chop etilgan. Bularga quyidagilarni misol keltirish mumkin: -T.T.Yunusov, R.A.Abdumalikov «O'zbekistonda jismoniy tarbiya va sportni boshqarishni tashkil etish yo'llari», Toshkent, 1992; J.E.Eshnazarov — «Jismoniy madaniyat va sportni boshqarish», Samarqand, 1994; K.D.Yarashev «Jismoniy tarbiya va sportni boshqarish», Toshkent, Abu Ali ibn Sino nomidagi nashriyot, 2002-yil va b. Bulardan tashqari, 2000—2006-yillarda Toshkentda, Samarqandda va boshqa shaharlarda jismoniy madaniyatni tashkil etishning dolzarb muammolariga bag'ishlangan res-publika ilmiy-nazariy va ilmiy-uslubiy anjumanlarning to'plamlarida ham ko'plab maqolalar, tezislar joy olganki, ular ham jismoniy madaniyatni tashkil etish va boshqarish tizimini takomillashtirishga katta hissa qo'shadi.

Bozor iqtisodiyotiga asoslangan madaniyatni tashkil etish va boshqarish o'ziga xos xususiyatlarga ega. U, eng avvalo, kishilarni ma'lum kasb-korga, mablag'ga ega bo'lishiga asoslanadi.

Ko'plab kishilar, ayniqsa, sportchilar, murabbiylar jismoniy madaniyat sohasi bo'yicha tadbirkorlik bilan shug'ullanishlari uchun keng imkoniyatlar yaratilmoqda. Xususan, jismoniy madaniyat majmualari, sport inshootlari soliqqa tortilmaydi yoki qisman tortiladi. Chunki ular respublikamiz aholisini sog'lomlashdirish ishlarida faol qatnashayotgan majmualardir. Shunga qaramasdan, bugungi kunda soha bo'yicha tadbirkoriik, tashabbuskorlik ishlari keng rivojlangan. Aksincha, bu masala chet mamlakatlarda, masalan, AQSH, Yaponiya, Germaniya kabi davlatlarda yaxshi yo'lga qo'yilgan. AQSHda jismoniy madaniyat va sportga sarflanadigan mablag'ning 100% o'z-o'zini mablag' bilan ta'minlaydi va sarflaydi.

Ularda jismoniy madaniyat va sport menenjmenti (boshqaruv tizimi) va marketingi (bozor munosabatlari) yaxshi

rivojlangan. Menenjment va marketing birinchi navbatda kishilarni ehtiyojini o'rganish, reklama va ularga namunali, ishonchli xizmat ko'rsatishga asoslanadi. Kelgusida bu sohalar alohida fan sifatida shakllanib boradi.

### **13.1. Jismoniy madaniyat harakatini boshqarishning vazifalari**

Respublika va quyi sport tashkilotlari o'z faoliyatlarida juda ko'p vazifalarni amalga oshiradi. Ularda eng muhimlari quyidagicha:

1. Jismoniy tarbiya va sport taraqqiyotini bashorat qilish (prognoz) va rejalahstrish. Bunda uch yillik va undan ham uzoq muddatlarga belgilangan rejalarни ishlab chiqadi, belgilaydi. Qisqa muddatlarga aniq rejalarни belgilaydi.

2. Kadrlarni tayyorlash va joylashtirish. Jismoniy tarbiya o'quv yurtlarining maxsus kadrlar tayyorlashdagi tizimlarini boshqarib boriladi.

3. G'oyaviy maskuraviy ishlar. Bunda hukumat va jamoat tashkilotlari aholini davlat siyosati asosida tarbiyalash uchun olib borilayotgan g'oyaviy-siyosiy, xalqlar o'rtasidagi do'stlik va rahbarlik ishlariga to'la amal qilingan holda ish tutishi ko'zda tutiladi.

4. Jismoniy madaniyat va sportni targ'ibot qilish. Aholining barcha tabaqalariga qarab, ularning hayotida jismoniy tarbiya va sportni singdirish masalalari bo'yicha faol ish olib borish masalalari qo'yiladi.

5. Boshqaruvchilik mehnati faoliyatini ilmiy tashkil qilish. Bunda rahbar kadrlar ish faoliyatida yangi ish usullari, vaqtidan unumli foydalanish, ilg'or, sinalgan tajribalarga tayanib, ish samaralarini ko'paytirish maqsadida barcha mehnat faoliyatlarni ilmiy asoslangan usullar asosida ohb borish zarurdir.

6. Quyi tarmoqdagi faoliyatni takomillashtirish maqsadida va metodik qo'llanmalar bilan ta'minlash.

7. Aholi o'rtasida jismoniy tarbiya va sportni ommaviy ravishda rivojlantirish.

8. Turli to'garaklar, musobaqalar tashkil qilish, yoshlarning sport mahoratini oshirish.

9. Aholining kundalik turmushiga va faoliyatiga jismoniy tarbiya va sportni tobora kengroq singdirib borish.

10. Sobiq Ittifoqdagi respublikalar va jismoniy tarbiya va sport harakati faoliyatlarini o'zaro tajriba almashish yo'li bilan tanqidiy o'rganish va zarurlarini qo'llash.

11. Davlat, kasaba uyushmalari, tijorat, xo'jalik daromadlarini hisobiga sport bazalarini rivojlantirish.

12. Sport tashkilotlarini moliyaviy, moddiy texnika bilan ta'minlash.

13. Tashkilotlardagi kadrlar va faollardan ko'proq foydalanish, ularni qo'llab-quvvatlash, rivojlantirish.

14. Zamon talablari asosida jismoniy tarbiya tizimini va uni boshqarish tartiblarini yanada takomillashtirish.

15. Ilmiy-nazariy anjumanlar o'tkazish, jismoniy tarbiya va sport ishlarini ilmiy asoslangan holda olib borish, ilmiy kadrlarni ko'paytirish.

Respublikada jismoniy madaniyat harakatini boshqarish vazifalari rahbarlik qilish faoliyatida alohida ajralib turadi. Jismoniy tarbiya va sport Davlat qo'mitasi huzuridagi turli boshqarmalar, bo'limlarning rahbarlik vazifalari bunga misol bo'la oladi.

Yuqorida qayd etilgan vazifalarni amalga oshirish uchun sport tashkilotlari rahbariyatlari, ularning quyi jamoalari kengashlari qilinadigan ishlar yuzasidan tegishli qarorlar ishlab chiqadilar. Buning uchun quyidagi tadbirdarni bajarish lozim:

1. Bajarilishi lozim bo'lgan tadbirdarni rejalashtirish (Nizom, kalendar reja va h.k.ni tasdiqlash).

2. Yig'ilish muddati va kun tartibini belgilash.

3. Ma'ruza yoki axborot matnnini tayyorlash (rais yoki bitor mas'ul xodim).

4. Yig'ilish yoki kengashda masalani muhokama qilish. Muzokaralar bo'lishi shart.

5. Bir qarorga kelish, uni tasdiqlash (spartakiada Nizomi tasdiqlansin, qisqa vaqt ichida jamoalarga yuborilsin degan mazmunda).

6. Qaror va tadbir haqidagi matnlarni tegishli tashkilotlarga yuborish.

7. Qarorning bajarilishini belgilangan muddat bo'yicha nazorat qilish, tekshirish, axborotlar yig'ish va h.k.

### 13.2. Jismoniy madaniyat harakatini rejalashtirish

Jamiyatning ijtimoiy-tarixiy rivojlanishidagi muhim taraqqiyotlar alohida ahamiyatlar kasb etadi. Bu esa jismoniy madaniyat harakatiga ham taalluqlidir. Shu sababli, O'zbekistonda jismoniy madaniyat va sportning rivojlanish sohalarini avvaldan mo'ljallah va rejalashtirish katta ahamiyatga egadir.

Bashorat qilish (prognоз atamasi) keng ma'noda jismoniy madaniyat va sport sohasidagi taraqqiyotni ilmiy asosda avvaldan ko'ra bilish demakdir. Bular, albatta, bor imkoniyatlar asosida belgilanadi.

Jismoniy madaniyat harakatidagi kelgusida bo'ladigan jarayonlarni avvaldan aytish uchun bu sohani chuqur o'rganish, ilmiy tadqiqot va mo'tadil istiqbolli rejalmari ko'rib chiqishni, fan va texnikaning erishgan yangi yutuqlariga tayanishni taqozo qiladi. Shu asosda barcha rejalar tuziladi.

Avvaldan mo'ljallahning (bashorat qilishning) ikki yo'nalishi mavjud:

1. Tadqiqot o'tkazish.
2. Norma belgilash (normativ).

Tadqiqot o'tkazishda jismoniy madaniyat va sport sohasidagi barcha imkon va sharoitlar nazariy jihatdan o'rganib chiqiladi. Normativ turida esa shu sohalardagi asosiy belgililar, ilg'or tajribalar, kelgusi vazifalarga norma-talab qo'yiladi.

Bular respublikada jismoniy madaniyat va sportning taraqqiyot belgi va normalarni joylarda tartib bilan bajarilishini belgilab beradi. Bashoratlар maxsus tajribalar orqali tekshiriladi.

Ilmiy tadqiqot va normativ bashoratlari taqqoslash asosida (yillar va joylar h.k.) barcha jarayonlarni rejalashtirishga asos bo'ladi.

Jismoniy madaniyat va sport sohalarini bashorat qilish (mo'ljallash) jarayonlari quyidagilarga tegishlidir:

- jismoniy madaniyat va sportining barcha sohalarini rivojlantirish;
- jismoniy madaniyat harakatlarining turli normalarini tarmoqlar va idoraviy mo'ljallash;
- fanni rivojlantirish;
- turli sport buyumlarini ishlab chiqarish va iste'mol qilish;
- ixtisoslik kadrlarga bo'lgan talablar;
- jismoniy tarbiya o'quv yurtlari tarmog'ini kengaytirish;
- kishilarning jismoniy qobiliyatlarini rivojlantirish;
- rekord natijalari;
- jismoniy tarbiya tizimlarini takomillashtirish.

Mo'ljallash va rejalashtirish uchun axborotlarninig zudlik bilan yig'ilishini talab etuvchi majmuaviy faoliyat juda zarurdir.

Jismoniy madaniyat harakatini rivojlantirishning mo'ljallash modelini (namuna, shakl) tuzishning quyidagi davrlari bo'lishi mumkin:

- jamiyat hayotida jismoniy tarbiya va sportning hozirgi davrdagi ahamiyatini ochib beruvchi nazariy dasturlar ishlab chiqish;
- jismoniy madaniyat va sport rivojlanishini nazariy das-turlari va tarixiy tahlil asosida boshlang'ich hisoblarni yozish;
- jismoniy madaniyat va sportni yanada rivojlantirishning yo'nalishi va asosiy tomonlarini, ya'ni amaliyotning aniq holatini yuzaga chiqarish;
- jismoniy madaniyat harakatini rivojlantirishning avvalgi davrlardagiga assoslanib mo'ljallangan modelini, shuningdek, aniq amaliyot natijalarini tahlil qilishni hisobga olgan holda aniqlangan rivojlanish tomonlarini va qo'yilgan vazifalarni ishlab chiqish;
- mo'ljallangan modellar namunalari olimlar va mutaxassislar tomonidan tekshirib ko'riliши va ma'qullanishi zarur;
- modellarning namunasini sinab ko'rish (ekspert) asosida baholash;

- jismoniy madaniyat va sportni rivojlantirishning rejasini tuzish takliflarini ishlab chiqish;

- barcha jamoalar va sohalarning ish faoliyatini rivojlantirish kabi jismoniy madaniyat jamoalari kengashining ish rejalarini tuzishda katta ijodiy yondoshishni talab etadi. Chunki jismoniy tarbiya, sport va sayohat ishlari ko'p karrali faoliyatlardan iboratdir.

Odatda, bir yillik yoki ko'p yillik (perspektiv) ish rejalarini tuzish uchun o'tgan yilgi (davrdagi) qilingan ishlami tahlil qilish, unga to'g'ri baho berishni talab etadi. Shu sabaga ko'ra, rejalashtirishni lozim bo'lgan sohalarini miqdori, muddati hamda bajaruvchilaming ish qobiliyati jamoanинг ish sharoiti va boshqa zarur tomonlari hisobga olinadi.

Shuni e'tiborga olish kerakki, jamoa bir yillik ish rejasini tuzishda quyidagi asosiy talablar (prinsip)ga amal qilishi lozim bo'ladi:

1. Davlat taraqqiyoti ko'rsatkichlari va talablari.
2. Ilmiylik.
3. Bor imkoniyatni hisobga olish.
4. Aniqlik.

Bu talablarni quyidagicha izohlash mumkin:

Davlat taraqqiyoti talabi – deganda, jamiyatimizning ijtimoiy taraqqiyot qonunlari, prezident va hukumatninig chiqqargan qarorlari va Oliy Kengash tomonidan qabul qilin-gan qonunlarga to'la rioya qilish va unga amal qilish tu-shuniladi.

Ilmiy talabi esa barcha faoliyatlardagi tajribalarda sinnovdan o'tgan, qo'llanilishga tavsiya etgan natijalar, fan yutuqlari asosida ish olib borishni anglatadi. Bu fanda sport in-shootlarini qurish, aholini jismoniy tarbiya va sport, sayohatga ko'plab jalb etish, yetuk sportchilar yetishtirish va shu kabilardagi erishilayotgan tajribalarni keltirish mumkin.

Bor imkoniyatlarni hisobga olish (obyektivlik) talabi hamma sohalarni hisobga olgan holda qilinadigan faoliyat-larni o'z ichiga oladi. Bunda jismoniy tarbiya va sport davlat qo'mitalari, sport jamiyatlari kengashlari va ularga aloqador davlat idoralari hamda jamoatchi tashkilotlarning o'zaro

hamkorlikda ishlari talab etiladi.

**Aniq rejalashtirish** eng muhim jarayonlardan biri hisoblanadi. Chunki rejalashtirilayotgan barcha tadbirlarning zaruriyat, bajarilish muddatlari, ularning miqdorlari va ijrochilar, jamoa muhiti hamda imkoniyatiga qarab aniq belgilashni talab etadi. O'quv yurtlari hamda ishlab chiqarish korxonalarini, muassasalar va barcha tashkilotlardagi jismoniy madaniyat jamoalari kengashlarining bir yillik ish rejasini va kalendar rejalarini tuzishda yuqorida ijtimioiy muhit talablariga to'la amal qilishlari lozim.

Ish rejalarini tuzishni avvalo nimadan boshlash kerak?

Yilning (o'quv yili) oxiri yaqinlashganda jamoa kengashi navbatdagi yig'ilishida kelgusi yil uchun reja ishlab chiqishni barcha a'zolariga vazifa qilib qo'yadi. Kengash raisi umumiy rahbarlik qiladi va belgilangan muddatda a'zolardan tuzilgan rejalarни yig'ib olib chuqur o'rganib chiqadi. Zarur bo'lganda esa ularni yordam yoki maslahatga chaqiradi.

Jamoa kengashining ish mazmuni va tuzilishi bo'yicha har bir kengash a'zosi o'ziga yuklatilgan komissiya (bo'lim, sektor) rejasini tuzishga kirishadi. Unda quyidagi talablar va shartlarga rioya qilishga to'g'ri keladi.

1. Rejaning ko'rsatkichlarini belgilab olish.
2. Rejaning umumiy tuzilishini (modeli) aniqlash.

Rejaning ko'rsatkichlarini belgilash deganda, barcha turrlar va faoliyatlarining ketma-ketligi va tartibini belgilashni tushunish lozimi. Ya'ni to'garaklarda shug'ullanish, musobaqalarda qatnashish, razryad va hakamlarni tayyorlash.

**Rejaning umumiy tuzilishi** deganda, ko'rsatkichlar va qilinadigan ishlarning umumiy tuzilishi yo'naliш va belgilari tushuniladi.

Keyingi taraqqiyotimiz davrida respublikada jismoniy madaniyat va sportning asosiy ko'rsatkichlarini rivojlantirishda quyidagi talablarga tayanish maqsadga muvofiqdir (har bir jamoaning ishlovchi yoki o'qiydigan kishilarining umumiy soniga nisbatan foiz hisobida):

1. O'quv 2. Ishlab chiqarish  
yurtlarida jamoalarida va  
muassasalarda

- jismoniy tarbiya bilan shug'ullanuvchilar	- 100	30—50
- jismoniy taraqqiyot nishondorlari	- 60—70	20—25
- razryadli sportchilar	- 30—35	15—20
- jamoatchi-instruktorlar har	- 10—15	kishiga bittadan.

Bu talablarning haqqoniyligi, aniqligi shu bilan asoslanadiki, hozirgi kunda barcha o'quv yurtlari, korxonalarda sport inshootlari yetarli darajada mavjud. Mutaxassis kadrlar, jamoatchi konstrukturlar yil sayin oshib bormoqda. Aholi o'rtasida tushuntirish ishlari, ommaviy jismoniy tarbiya va sport tadbirlari aniq kalender rejalar asosida olib borilmoqda. Respublika hukumati hamda kasaba uyushmalari, sport tashkilotlari jismoniy madaniyat, sport va sayohat ishlari rivojlantirish uchun turli tadbirlarni amalga oshirmoqda.

Jamoalarning sport musobaqalari kalender rejasini tuzishda ham ba'zi bir holatlarni aniq hisobga olmoq kerak. Bunda, avvalo, sevimli sport turlari bo'yicha to'garaklar tashkil qilish, shug'ullanuvchilar uchun shart-sharoitlar yaratish, rahbarlarning bunga mas'uliyatini qaratish muhim aharniyatga egadir. Bu o'rinda iqlim sharoitlari, ish turlari (mehnat xususiyatlari) va bo'sh vaqtlni hisobga olmoq kerak.

Har bir bo'lim va sohalar bo'yicha rejalar tuzilib bo'lgach, ularni yig'ib, yagona reja to'la muhokama qilinadi va uning yakuni sport jarniyati a'zolarining umumiy yig'ilishida muhokama qilinadi va tasdiqlanadi.

Taqsimlangan rejaning ijro etilishi yuzasidan nazorat kengash raisi tomonidan muntazam ravishda olib boriladi.

Ijroni nazorat qilishda quyidagilarga rioya qilish tavsiya etiladi:

1. Kengash yig'ilishlarida topshiriq berilgan kishilarning vazifalarini bajarish haqidagi axborotlarni eshitib borish.

2. Maxsus komissiyalar tuzilib, zarur ish bo'limlarining faoliyatini o'rganish va tekshirib turish.

3. Devoriy gazeta va tirajli gazetalarda ishlarni bajarilishi haqidagi ma'lumotlarni yoritib berish.

4. Kamchiligi bor joylarda ishlarni tezda tuzatish va yaxshilash.

5. Trenerlar, o'qituvchilar, instruktorlar-tashkilotchilarning ish faoliyatini tez-tez ko'rsatish, ularning hisobotlarini eshitish.

6. Musobaqa yakunlari, razryad normativlarini topshirish natijalari haqida hisoblarni tez-tez eshitib borish.

Talabalar va o'quvchi yoshlar ishlarining bu tomonlarini amaliy o'rganishlari uchun amaliyot jarayonida sinchiklab kuzatib borishlari, kengash qarorlarini o'qib-o'rganishlari lozimi bo'ldi.

Jismoniy madaniyat va sport harakatining asosini boshlang'ich jamoalar tashkil qiladi.

Jismoniy madaniyat jamoasini tashkil qilish ularning ish faoliyatini to'g'ri boshqarishda kasaba uyushmalari, yoshlar ittifoqi yaqindan yordam beradi. Tuman sport qo'mitalari, ko'ngilli sport jamiyatlari kengashlari, jamoatchi tashkilotlar quyi jamoalarga amaliy yordam berish bilan birgalikda, ularning boshqarish huquqlari, ishlab chiqarishda mehnat unumdarligini oshirish, o'quvchi yoshlarni mehnat va mudosaaga tayyorlanishlarida yo'l-yo'riq ko'rsatib beradi.

Ommanni jismoniy tarbiya va sportga jalb qilishda, ular bilan turli ommaviy sport musobaqalarini o'tkazishda, sog'lomlashtirish va umumiy jismoniy tayyorgarlik guruh mashg'ulotlari hamda sport to'garaklarining ish mazmunini yaxshilashda mutaxassis xodimlar o'z rejalarini hozirgi kunning talabi bo'yicha tuzib boradi.

Jamoalarning ish faoliyatini tobora yaxshilashda uning kengashlari tomonidan tuzilgan yillik ish rejasi va sport musobaqalarining kalendar rejalarini asosiy bosqichni tashkil qiladi.

Rejalarning ijrosini nazorat qilib borish, tekshirish ishlarida kengashlarning raislari, uning a'zolari, faollar hozirgi kun talablari asosida ish tutadilar.

Respublikada Oliy Kengash hamda Vazirlar Mahkamasining qarorlari asosida ishlarni yuritish, aniq rejalar tuzishga qaratilgan vazifalarni amalga oshirishda sport tashkilotlari, ularning quyi jamoalari o‘z ishlarini yangi talab va rivojlanish yo‘llarini o‘rgangan holda faoliyat ko‘rsatishlari zarur bo‘ladi.

Ish faoliyatlarini rejalashtirishga doir faoliyatlarni o‘rganish uchun talabalar va yosh mutaxassislarga quydagilar tavsiya etiladi:

1. Jismoniy madaniyat va sport taraqqiyotining asosiyo‘rsatkichlarini yoddan bilish.

2. Jamoalarning (sport klubi) ish faoliyati bilan chuqur tanishish.

3. Rejalashtirishga doir hozirgi zamon taraqqiyoti talablarini o‘zlashtirib olish.

4. Bo‘sh vaqtarda jismoniy madaniyat va sport harakatining barcha tarmoqlariga tegishli bo‘lgan jamoalariga (o‘quv yurtlari, korxona, muassasa, davlat va xo‘jalik jamoalari va h.k.) alohida bir yillik va kalendor rejalar tuzish.

Jismoniy madaniyat va sport ishlarini rejalashtirish respublika Jismoniy madaniyat va sport Davlat qo‘mitasi va uning quyi organlari hamda jamoat tashkilotlari orqali amalga oshiriladi. Quyi tashkilotlarda tuziladigan ish rejalarning ba’zi bir namunalarini ko‘rsatish maqsadga muvofiqdir.

(vaqt, imzo)

**(tashkilot nomi) JISMONIY  
MADANIYAT  
JAMOASI KENGASHINING (SPORT KLUB)  
BIR YILLIK NAMUNAVIY ISh REJASI**

T.r	Ishlarning nomlanishi	Bajarilish muddati	Bajaruvchilar	Bajarilgan haqida belgi
-----	-----------------------	--------------------	---------------	-------------------------

**1. TASHKILIY ISHLAR**

1	Jismoniy madaniyat jamoasi kengashining hisobot saylov yig'ilishini o'tkazish	Dekabr	Kengash raisi	
2	Sport to'garaklari, sog'lom-lashtirish guruhlarni tashkil qilish	Sentabr	Trener, jamoatchchi faollar	
3	Jamoa kengashi yig'ilishini o'tkazish	Oyda bir marta	Kengash raisi	
4	Sex, bo'lim va guruhlarda jismoniy tarbiya tashkilotchisi, komanda kapitani va boshqa faollarni saylash	Mart, yil boshida		
5	O'zaro mehnat musobaqalarni uyushtirish, uning yakunlari	-/-	Kasaba uyushma	
6	Belgilari (emblemalar), mukofot yorliqlarni tayyorlash	-/-	Kengash	

**2. O'QUV-SPORT ISHLARI**

1	Sport to'garaklarining ish re-jalarini va jadvalini tuzish	Yil boshida	Trener-lar	
2	Sport to'garaklari, sog'lomlash-tirish guruhlarining mashg'u-lotini tashkil qilish	Haftada 2–3 marta	-/-	
3	Sport musobaqalarining kalendar rejasini tuzish	Yil boshida	Kengash	
4	O'tkaziladigan musobaqalarning Nizomlarini ishlab chiqarish va	Kalendar plan	-/-	

	tasdiqlash, musobaqalar o'tkazish	asosida		
5	Tuman, shahar musobaqalarida qatnashish uchun terma komandalar tuzish	-//-	-//-	
6	O'quvchi yoshlardan iborat komandalar tuzish, trenirovka o'tkazish	-//-	Trenerlar	
7	Razryad berishga doir hujjatlarni rasmiylashtirish	Har oyda	Kengash	
8	Sportchilarni tibbiy ko'rikdan o'tkazish, doimiy tibbiy nazoratini ta'minlash	Bir yilda 2-3 marta	Tibbiyot-chi Kengash	

### 3. JISMONIY TARBIYA VA SOG'LOMLASHTIRISH TADBIRLARI

1	Ishlab chiqarish jismoniy tarbiya-sog'lomlashtirish daqiqlarini, harakat tanaffuslarini uyushtirish	Har kuni	Tashkilot-chilar	
2	Dam olish kuni sayohatlarini tashkil qilish	Oyda bir marta	-//-	
3	Ishdan keyingi bo'sh vaqt va dam olish kunlari turar joylar, ishxonaning sport o'yingohlarida oila va brigada mashg'ulotlarini tashkil qilish, turli musobaqalarni uyushtirish	Har hafta	Faollar, tashkilot-chilar	
4	Jismoniy chiniqish musobaqalarini tashkil qilish	-//-	-//-	
5	Aholi turar joylar, shahar va tumanlar hamda ularning chetlari, tog'lardagi dam olish joylarida turli o'yinlar, uyushtirish	Har oyda bir marta	-//-	

### 4. JAMOATCHI-TASHKILOTLARNI TAYYORLASH

1	Sport turlari bo'yicha to'garaklar, sog'lomlashtirish, umumiy jismoniy tayyorgarlik guruhlari, sayohat bo'yicha jamoatchi instruktorlar (tashkilotchilar), hakamlar, komanda kapitanlarini tayyorlash uchun			
---	---	--	--	--

	seminar rejalarini tuzish, mashg'ulotlar o'tkazish			
2	Trenirovka va sport musobaqlari jarayonida bo'lajak jismoniy tarbiya faollarini stayerlikka qo'yish, ularni o'rgatish	Jadval asosida	Trenerlar	
3	Tashkilotchilar, yoshlar ittifoqi, kasaba uyushmasi tashkilotlarning jismoniy tarbiya va sport bo'limlari uchun javobgar kishilarga doimiy suhabatlar, seminar o'tkazib turish	Oyda 2 marta	Trenerlar, o'qituv-chilar, tashkilotchilar	
4	Shahar va tuman miqyosida o'tkaziladigan turli seminar va kengashlarda eng faol tashkilotchilar, hakamlarni yuborib turish	Grafik bo'yicha	Jamoa kengashi	
<b>5. TARG'IBOT VA TASHVIQOT ISHLARI</b>				
1	Jamoada «Sport» yoki «Jismoniy kamolot» (boshqa nom ham mumkin) nomi bilan devoriy gazeta chiqarish	Har oyda	Muharririyat yoshlar ittifoqi	
2	Havo mavjhlari oynomalar orqali tanaffus paytlarida sport axborotlarini berib borish	Har kuni	Yoshlar ittifoqi, tahririyat	
3	Jismoniy chiniqish mashg'uloti normativlarini bajarilishi haqida axborot berib borish	Oyda 1 marta	Jamoa kengashi	
4	Sexlar, bo'limlar, guruqlar, sifllarda va yotoqxonalarda turli maruzalar va suhabatlar tashkil qilish	-/-	Targ'ibot bo'yicha komissiya	
5	Sport maydonlari, zallarida sportga doir ko'rgazmalilik shiorlarini, rasmlarni chiroyli qilib jihozlash	Doimo	Jamoat kengashi	
6	Sport burchagini tashkil qilish	-/-	-/-	
7	Sport rekordlarini yozish uchun daftari tashkil qilish	Yil boshida	-/-	
8	Sport kechalarini tashkil qilish	Yil davomida 2-3 marta	-/-	

9	Ertalabki gigiyenik gimnastika, ishlab chiqarish gimnastikasi, yugurish, sayohat va sport turlarining odam tanasini mastahkamlashdagi ahamiyati haqida suhbatlar o'tkazish	Doimo	Metodist, trener, o'quv-chilar	
10	Sport haqida maxsus filmlarni namoyish etib turish			

#### 6. HISOBGA OLISH VA HISOBOT TUZISH

1	Jamoada hisobga olishning yagona shakllarini olib borish (JXYaSh - FEUK)	Yil boshida	Jamoakengashi raisi	
2	JXYaSh – 1. Shug'ullanuvchilar ko'ngilli sport jamiyatni (KSJ) a'zolarining ro'yxati. JXYaSh – 2. 2 razryadlilar, nishondorlar va jamoatchi instruktorlar haqida rasmiy hujjatlar (protokollar, jurnallar, buyruqlar). JXYaSh – 3. Yuqori natijalar kartochkasi va ular haqidagi hujjatlar. JXYaSh – 4. Jismoniy madaniyat xodimlarining shaxsiy kartochkasi (ma'lumoti, malaka oshirganligi va h.k.). JXYaSh – 5. Sport inshootlari hisobga olish kartochkasi (soni, hajmi va holati). JXYaSh – 6. Sport turlari bo'yicha to'garaklarning jurnal-lari. JXYaSh – 7. Jismoniy madaniyat jamoasining ishlarini hisobga olib borish jurnali	-//-	Kotib	
3	JMJ (jismoniy madaniyat jamoasi)ning raqamli hisobotini tuzish	-//-	-//-	
4	Qilingan barcha ishlar bo'yicha yozma hisobot tuzish	-//-	-//-	

VII. MOLIYAVIY VA XO'JALIK ISHLARI					
1	Jamoaning bir yillik moliyaviy daromadlari va xarajatlar smetasini tuzish va tasdiqlash	Yil oxirida	Jamoa rahbari, kasaba uyushmasi		
2	Sport jihozlari va buyumlarini xarid qilish, ularni ta'mirlash	Yil davomida	Jamoa keng.		
3	Ish joyi, yotoqxonalar oldida oddiy o'yin va sport maydonlarini qurish va jihozlash	Yil davomida	Tash-kilot-chilar, trenerlar		
4	Tibbiy-jismoniy tarbiya mahkamasini tashkil qilish.	Yil davomida	Jamoa rahbari		
5	Sport jihozari, buyumlari va inshootlarini saqlash, ehtiyyot qilish	Har kvartalda	Kengash raisi		
6	G'olib komandalar va sportchilami taqdiriash uchun yorliqlar, mukofotlar kubok va boshqalarni xarid qilish	- // -	Kotib		
7	A'zolik badallarini yig'ish	- // -	Kotib		

Jismoniy madaniyat kengashi bir yillik ish rejasini kengash a'zolari, jamoa rahbari, kasaba uyushmasi, yoshlari «Kamolot» uyushmasi bilan kelishilgan holda ishlab chiqadi va umumiy yig'ilishda (kengashida) tasdiqlaydi.

Har bir jamoa yil davomida o'tkaziladigan ommaviy sog'lomlashtirish va sport tadbirlari bo'yicha o'tkazilayotgan musobaqalami ham aniq rejalashtirish zarur bo'ladi.

Bu o'rinda quyidagi rejaning namunasini tavsija etish mumkin:

**Jismoniy madaniyat kengashining jismoniy tarbiya sog'lomlashtirish va sport tadbirlari bo'yicha bir yillik taxminiy kalendar rejasi**

t. r	Tadbirlarning nomi	Muddati	O'tka- zish joyi	Qatna- shuvchilar	Bajaruv- chilar	Baja- rilgan
I. SOG'LOMLASHTIRISH TADBIRLARI						
1	Ishlab chiqarish	Bahor	Stadion,	Har bir	Tashkilo	

	gimnastikasi bo'yicha ommaviy musobaqalar		sport maydon- chalar	sinf	tchilar	
2	Katta tanaffuslar, bo'sh vaqtarda turli fizkult daqi- qalar o'tkazish.	Kuz	Haftada bir marta	sex	Hamma	
3	Ish va turar joy- laridagi sport kom- pleksi (maydon- chalarida) «Oilaviy startga», brigada bo'yicha stadionda musobaqalar o'tkazish	Har oyda	- // -	Terma komanda- lar	Jamoa kapitani	
4	Jismoniy chiniqish uchun muso- baqalar o'tkazish	Jadval bo'yicha	- // -	Hamma		
5	Sayohatlar,slyotlar tashkil qilish	- // -	Dam olish			

## II. KOMPLEKS TADBIRLAR

1	Jamoaning an'a- naviy spartakiadasi	-//-	Sport zal terma	Koman- dalar	Jamoa kapitani	
2	Bir necha sport turlari bo'yicha va bir vaqtning o'zida o'tkaziladigan o'rtoqlik uchrashuvlari	-//-	- // -	- // -	- // -	

## III. SPORT TURLARI BO'YICHA O'TKAZILADIGAN VA AN'ANAVIY MUSOBAQALAR

1	Shaxsiy birinchilik, jamoalar birinchiligi	- // -	- // -	- // -	- // -	
2	Kalendar va xotira kunlari bag'ishlan- gan sovrinlar (mu- sobaqalar) jismoniy tarbiyachilar kuni, o'quv yili bosh-					

	lanishi, sport mavsumi ochilishi va h.k.				
3	Sport turlari bo'yicha musobaqalar				

Bu rejani jismoniy madaniyat jamoasi trenerlar, hakamilar, jamoatchi tashkilotlarning vakillari ishtirokida ishlab chiqiladi va umumiy yig'ilishda tasdiqlanadi.

Jismoniy madaniyat jamoalarining ish faoliyatida, ayniqsa, sport musobaqalarini o'tkazish uchun nizomlarni tayyorlash muhim ahamiyatga ega. O'tkaziladigan spartakiada, sport turlari bo'yicha birinchiliklar va boshqa musobaqalar uchun alohida nizomlar tayyorlanadi.

Bunday nizomlarni tuzishda quyidagi holatlar, albatta, e'tiborga olinadi:

#### 1. Musobaqaning maqsadi va vazifalari.

Bunda yoshlarni sportga jalb qilish, terma jamoalar tuzish, iqtidorli sportchilarni saralash kabi maqsadlar qo'yiladi. Shuningdek, jismoniy tarbiya va sportni xalqqa targ'ibot qilish, sportning ommaviyligini oshirish, bayramlarni sportdagи yutuqlar bilan munosib kutib olish kabi vazifalarni qo'yadi.

#### 2. Musobaqalarni o'tkazish muddati.

Nizomni tayyorlashda musobaqani o'tkazish muddatini aniq belgilash muhim ahamiyatga ega. Chunki sport turining xususiyatini, ob-havo sharoiti, mehnat yoki o'quv jarayonini hisobga olish to'g'ri keladi.

#### 3. Musobaqalarga rahbarlik.

Sport musobaqalarini o'tkazgan tashkilot, ularga rahbarlik qilish yo'llari, asosiy shartlar bu yerda aniq ko'rsatiladi.

#### 4. Musobaqalarga qatnashuvchilar.

Bu bo'limda sport turlari yoki har bir turdag'i ko'rsatkichlar bo'yicha o'tkaziladigan talablar ko'rsatiladi. Musobaqalarda qatnashuvchilarni (yoshi, tayyorgarligi, vazni va h.k.) aniq belgilanadi.

5. Musobaqalarning dasturi.

Bunda barcha turlar ko'rsatiladi.

6. Musobaqalarni o'tkazish tartiblari.

Bunda asosiy talablar, shartlar ifodalanadi.

7. G'oliblarni aniqlash va rag'batlantirish.

Musobaqa g'oliblарини aniqlash usullари, ularga qо'йилдиган qoidalar va shartlar, taqdirlanadigan mukofotlar, ularни berish tartiblari bu bo'limda o'z aksini topadi.

8. Ariza berish tartibi va muddati.

Musobaqalarda qatnashish uchun har bir sport turi bo'yicha alohida ariza berish bilan aniqlanadi, muddatlar shartlarini avvaldan belgilash musobaqaning o'z vaqtida boshlanishi va maqsaddagidek o'tishini ta'minlaydi.

9. Ariza shakli.

Ariza har bir sportning xususiyatiga qarab to'ldiriladi. Umuman barcha jamoalardagi mutaxassis xodimlar, shuningdek, tuziladigan barcha rejalarini tuzish, musobaqalarning nizomlarini avvaldan tayyorlab qo'yish, tegishli jamoalar, bo'limlar, guruhlarga tarqatilishi barcha ishlarining muvaf-qaqiyatlil bo'lishiga zamin tayyorlaydi.

### **13.3. Jismoniy madaniyat va sport ishlarini boshqarish usullari**

Respublika Prezidenti farmonlari va hukumat qarorlarini amalga oshirishda so'nggi yillarda boshqaruvchilik yo'llari tubdan o'zgaradi va u tobora takomillashtirilmoqda. Ilg'or va ilmiy asoslangan hamda chetdan o'rganilgan fan, texnika, sanoat, qishloq xo'jaligi jismoniy madaniyat va boshqa sohalarda keng qo'llanilmoqda.

Davlat idoralari va jamoat tashkilotlarining jamoat ishlarini boshqarishning bir qator yangi shakl va yo'llari, usullari Respublika Oliy Kengashi, Vazirlar Mahkamasi va boshqa turli vazirliklarning qarorlari, yo'l-yo'riq va ko'rsatmalarida aniq ko'rsatilmoqda. Bular hayotga asta-sekinlik bilan to'la singdirilmoqda.

Jismoniy madaniyat va sportni boshqarishning o'ziga xos shakl va yo'llari kun sayin boyib, to'ldirilib borilmoqda.

Respublikada «Jismoniy tarbiya va sport to'g'risida» qonun qabul qilinishi, O'zbekiston Milliy Olimpiya qo'mitasining tuzilishi va sport tashkilotlari hamda jamiyatlarining mustaqil o'zini-o'zi boshqarishga o'tishi bu jarayonlarni vujudga keltirdi.

Jismoniy madaniyat harakatini boshqarish tizimida idoraviy-tashkiliy, iqtisodiy, huquqiy, xo'jalik, shuningdek, g'oyaviy va axloqiy ta'sir etuvchi usullar qo'llanadi. Ular ham o'z navbatida bir necha turga bo'linadi.

**Idoraviy tashkilotchilik uslubi.** Jismoniy madaniyat harakatining barcha tarmoqlariga mansubdir.

Idoraviy-tashkiliy uslubga quyidagilar kiradi:

1. Tashkiliy - farmoyish berish.
2. Tashkiliy – biriashtirish.
3. Tashkiliy - yo'l-yo'riq ko'rsatish (instruktaj).
4. Tashkiliy – (farmoyish) texnik ta'minot, xo'jalik va h.k.

Tashkiliy – farmoyish berish yo'lida rahbarlik qilishning tashkiliy tuzilishini o'zgartirish, uni yanada takomillashtirish masalalari ko'zda tutiladi.

Tashkiliy – farmoyish berish uslubiy jismoniy madaniyat harakatida vaqtincha boshqaruv tashkiloti vazifasini bajaradi. Masalan, vaqtinchalik komissiya, hakamlar jamoasi va h.k. Bunday komissiyalar sport qo'mitalarida, KSJ kengashlari, quyi jamoalar, sport bazalari va boshqa tashkilotlarda tuziladi.

Komissiyalarning vazifasi zarur bo'lgan barcha ishlarni tezda amalga oshirishdan iboratdir.

Tashkiliy-instruktiv (yo'l-yo'riq berish) usuli (yo'li) jismoniy madaniyat tashkilotlarida turli ma'lumotga ixtisosga ega bo'lgan va yoshi, ish stagi jihatdan har xil kishilar ishlaydi. Shu tufayli ularga vaqt-i-vaqt bilan yuqori tashkilotlar tomonidan instruktaj berib boriladi. Bu usul barcha tarmoqlar, jamoalarda ish uslubining yagona talab asosida yuritilishiga sababchi bo'ladi.

Tashkiliy birlashtiruvchi (koordinatsion) usuli jismoniy madaniyat va sport ishlari ko'pgina idoralar, tashkilotlar, jamoalar, turli o'quv yurtlarida olib boriladi. Shunga qaramasdan, unga rahbarlik qilishda yagona talab birlashtiruvchi usullar asosida ish olib boriladi. Barcha sohalardagi jismoniy madaniyat harakatini bir usulda boshqarish faoliyatini bu usul izga solib turadi. Bunga sport qo'mitasi bevosita rahbarlik ishini olib boradi. Kasaba uyushmalari, yoshlar ittifoqi, «Vatanparvar» tashkilotlari, turli vazirliklar bilan kelishgan holda birgalikda faoliyatini yuritadi.

Tashkiliy-texnik ta'minot usuli.

Unda quyidagilar hal qilinadi:

1. Yangi sport asboblari, jihozlari va kiyimlarini takomil lashtirish.
2. Zamonaviy sport bazalarini ko'rish, loyihamarini tuzish.
3. Sport mashg'ulotlarini o'tkazishda yangi texnik vositalar bilan ta'minlash.
4. Sport joyi va xizmat joylarini texnika vositalari bilan jihozlash.
5. Boshqaruv tarmoqlarini tashkiliy texnik vositalar bilan ta'minlash va undan umumiy foydalanish.
6. Boshqarish tizimlarini avtomatlashtirish.

Jismoniy madaniyat harkatini boshqarishda barcha davlat va jamoat tashkilotlari yuqoridaq usullarga to'la amal qilish bilan birgalikda o'z idoralarida barcha hujjatlami tutish, ularni talabdagiidek texnik jihatdan yuritishlari lozim.

Respublikada jismoniy madaniyat va sport ishlari yaxshilash, uni yanada rivojlantirish, yirik sport tadbirlarini amalga oshirish, sport komplekslarini ko'rish sohalari bo'yicha davlat va jamoat tashkilotlari tomonidan vaqtiga vaqtiga bilan turli qarorlar, buyruqlar, direktiv xatlar, ko'rgazmalar chiqariladi. Bunday vazifalarni bajarishda Jismoniy tarbiya va sport davlat qo'mitalari, madaniyat va sport ishlari vazirliklari o'zlarining quyi tashkilotlari xodimlari bilan birgalikda amalga oshiradi. Shuning bilan birgalikda bu vazifalarni bajarishda Madaniyat va sport ishlari vazirliklari,

turli komissiyalari, faollar, jamoatchi instruktorlaming faol ishtiroki bilan amalga oshiradi. Ularga tayangan holda ish tutadi.

Jismoniy madaniyat harakatining boshqarish yo'llarida turli yig'ilishlarining mohiyati juda kattadir.

Jismoniy tarbiya va sport davlat qo'mitalari, viloyat boshqarmalari, tuman boshqarmalari rejalar asosida o'zlarinig hay'ati, kengash, seminar kabi yig'ilishlarda o'tkazilib turadi. Bunday hollarda ko'rildigan masalalarni jadvalini tasdiqlaydi va uning bajarilishi uchun puxta tayyorgarlik ko'rildi.

Instruksiya davlat va tashkilotlar tomonidan chiqariladigan yo'l-yo'riq ko'rsatuvchi hujjatdir. Masalan: jamoatchi instruktorlar tayyorlash, sportchi razryadilar tayyorlash, hisobotlar tuzish va boshqalar.

Nizom, musobaqalar, tashkiliy qo'mitalar faoliyati va ish mazmunini izohlovchi hujjattidir.

Ustav sport jamiyatlari, sport boshqarmalari, jismoniy madaniyat jamoalarini tashkil qilish, uni boshqarish qoidalari haqidagi hujjatdir.

Bu hujjatlar asosan jismoniy madaniyat va sport davlat qo'mitasi, sport jamiyatlari kengashlari, kasaba uyushmalari federatsiyasi kabi tashkilotlar tomonidan ishlab chiqariladi va tasdiqlanadi. Bu esa quyi tashkilotlar uchun to'la amal qiluvchi qonun sifatida qo'llaniladi.

Davlat idoralari va jamoat tashkilotlari tomonidan turli direktiv (ko'rgazma) hujjatlar ishlab chiqiladi va quyi tashkilotlarga bajarish uchun yuboriladi. Bu hujjatlar barcha jamoalarda ishlab chiqiladi va amalga oshirish uchun tadbir choralar ko'rildi.

Direktiv hujjatlarning amalda bajarilishini tekshirish uchun maxsus xodimlarga topshiriladi. Bu xodim esa vaqt soati bilan tashkilotlarni tekshiradi, yozma ma'lumot, hisobotlar oladi. Natijada shu hujjatlar asosida yakunlar yasab, yuqori tashkilotlar xabar yuborib turadi, hisobot tuziladi.

**Iqtisodiy usul.** Jismoniy madaniyat va sport harakati faqat keng ommani jalb qilibgina qolmasdan, balki sport inshootlarini qurish va undan foydalanish, musobaqalar, ijara

haqqi, pulli xizmat, sport bo'limlari, jihozlari ishlab chiqish va ularni savdo qilishda keladigan ulkan moddiy boylikka ham egadir. Shu sababdan, jismoniy madaniyat va sportni boshqarishda iqtisodiy munosabatlar qilish: xo'jalik, tijorat xizmatlari, lotoreya o'yinlari va shunga o'xshash murakkab jarayonga ega bo'lgan yo'llar mavjuddir.

Hozirgi bozor iqtisodiyoti jarayonida xo'jalikni yuritish tartib va uslublari har xil holatlarda olib borilmoqda. Lekin umumiy qoidalar saqlangan holda turli uslublarni ishlatish mumkin bo'ladi.

Jismoniy madaniyat va sportni rivojlantirishga ajratilgan mablag'larni ham iqtisodiy jihatdan tahlil qilib borish zarur.

Iqtisodiy boshqarish moddiy jihatdan qiziqtirish tartibi ham katta ahamiyatga ega.

Bu faqat xo'jalik ishlab chiqarish sohasidagina emas, balki boshqaruv tashkilotlari, trenerlar, jamoatchi kadrlar o'rtasida ham qiziqish uyg'otadi. Shuning uchun qilingan ishlar o'zaro ijtimoiy musobaqalar yakuniga qarab ish jismoniy madaniyat tashkilotlarining eng yaxshi xodimlarini yorliq, diplom va estalik yorliqlari bilan taqdirlanadi.

Jismoniy madaniyat va sportni boshqarishda moddiy va ma'naviy rag'batlantirish ishlari barcha faoliyatlarining yanada takomillashuviga ijobjiy ta'sir ko'rsatadi.

Shunday qilib, jismoniy madaniyat va sportni boshqarishda iqtisodiy usul moddiy manbalarni jismoniy tarbiya va sportni rivojlantirish uchun unumli foydalanishga qaratilgan sohadir.

**Boshqarishning huquqiy usullari.** Bu usul jismoniy madaniyat va sportni boshqarish tashkilotlarining huquqiy belgilarni aniqlovchi va ularning eng yuqori ko'rsatkichlariga erishuvini ta'minlaydi. Shu bilan boshqaruvchilar, xizmat qiluvchilarning huquqiy normalari, vazifalarini belgilab beradi.

Jismoniy madaniyat va sport harakatining barcha tarmoqlaridan, ya'ni boshqarishning davlat va havaskorlik sohalarida o'zlarining amaliy ish faoliyatlarini qolalatnomalar asosida yuritadilar. Bular asosan qonun kuchiga ega bo'lgan nizomlar, ustavlar, dasturlar, rejalar, qoidalar, instruksiyalardir.

Sport qo'mitalar tizimida huquqiy munosabatlarni belgilovchi hujjat respublika Vazirlar Mahkamasi tomonidan 1991-yil tasdiqlangan O'zbekiston Respublikasi va sport davlat qo'mitasi haqida Nizom hisoblanadi. Bunda sport qo'mitalarining tuzilishi, vazifasi, burchi va huquqlari belgilangan.

Respublikada jismoniy tarbiya va sport ishlaringin boshqarilishida eng muhim huquqiy hujjat «Jismoniy tarbiya va sport to'g'risida» gi qonun hisoblanadi. Barcha faoliyatlar va hujjatlar shu qonun asosida tuziladi.

**G'oyaviy va ma'naviy ta'sir etuvchi usullar.** Sobiq ittifoq-da va O'zbekistonda hukumat tomonidan ma'naviy-masifikuraviy ishlarni yaxshilash borasida juda ko'p qarorlar qabul qilindi. Ularda kishilarni, ayniqsa, o'quvchi yoshlarni tarbiyalashda ular g'oyaviy-siyosiy va madaniy bilimlarini oshirib, qurilishning barcha jabhalarida faol ishtirok etishni ta'minlash, ularni mehnat qilish, Vatanni sevish, ijtimoiy jamiyat erishgan barcha yutuqlar va an'analarni e'zozlash tushunchalarini chuqur singdirish, baynalmilalchilik ruhini rivojlantirish, jismonan layoqatli qilib tarbiyalash, ularning har tomonlama rivojlanishi va yuksak jismoniy kamolotga erishishlarini to'la ta'minlash masalalari eng muhim vazifa qilib qo'yiladi.

Bu vazifalarni amalga oshirishda jismoniy madaniyat va sport harakatini boshqarish tashkilotlarining barcha tarmoqlari, ularning quyi jamoalari faol ishtirok etib keldi.

Respublikada Jismoniy tarbiya va sport davlat qo'mitalari, Madaniyat va sport ishlari vazirliklari butun aholi o'rtaida ta'lif-tarbiya va siyosiy ishlarni olib borishda g'oyaviy kurash oldingi safda boradi. Sport turlari bo'yicha barcha komandalarda jamoalarda tashkil qilingan sport to'garaklarda, bolalar va o'smirlar sport maktablarida yosh sportchilarni do'stlik ruhida tarbiyalash, Vatanga mehrmuhabbat bilan qarash, o'zaro hurmat qilish, birodarlikni mustahkamlash, siyosiy bilimlarni oshirish ishlarni olib boradi. Sport bazalarida barcha tadbirlar jarayonida siyosiy-tarbiyaviy va targ'ibot ishlarni muntazam ravishda olib borilmoqda.

Bu g'oyalar mustaqil O'zbekiston Respublikasi deb e'lon qilingandan (1991-yil 31-avgust) keyin yana takomillashtirmoqda. O'quvchi yoshlari, sportchilar, mutaxassis xodimlar o'rtasida o'ziga xos tarbiyaviy, siyosiy, g'oyaviy ishlari olib borilmoqda. Sportning milliy turlarini rivojlantirishga doir g'oyaviy tushuntirish va qiziqtirish ishlari jonlantirilmoqda.

Quyi jamoalarda o'tkaziladigan g'oyaviy ishlarning muhim turlaridan biri o'zaro ijtimoiy musobaqalar o'tkazib turish hisoblanadi.

O'zaro munosabatlarni tashkil qilishda hammaga ochiq, natijalarni taqqoslash, amaliy ilg'or tajribalarni takrorlanish mumkinligi kabi talablar va qoidalarga amal qilish kerak. Musobaqalarni tashkil qilishda rag'batlantirish tadbirlari, ma'naviy qiziqtirish eng muhim omillardan bo'lib hisoblanadi.

Jismoniy madaniyat harakati tarmoqlari o'rtasida tashkil qilingan o'zaro musobaqalarda ma'lum vazifalarni bajarish bilan birqalikda mutaxassis xodimlar va sportchilarning ijtimoiy mehnat va jamoat mulkiga munosabatini tarbiyalashni lozim, tashabbuskorlikni rivojlantirishda ishlab chiqarishda jamoatchilikning faolligini ko'tarishda, yuqori axloq sifatida tarbiyalash, o'zaro o'rtoqchilik va hamkorlik munosabatlarini, intizom va uyushqoqlikni mustahkamlashda ko'maklashishi lozim.

Jismoniy madaniyat harakatidan jamoalararo musobaqalar hayot sinovlarida erishilgan yaxshi tajribalardan biridir.

Bu shakllarda eng muhimi Jismoniy tarbiya va sport davlat qo'imitasi tomonidan tashkil qilinadigan sport jamiyatları, turli idoralar, viloyatlar, shaharlar, tumanlar jismoniy madaniyat tashkilotlari o'rtasida jismoniy tarbiya va sportning barcha ko'rsatkichlari bo'yicha eng yaxshi natijaga erishish musobaqasini tashkil qilishdir. Bunday tadbirlar turli bayramlar va katta ishlar yakuniga bag'ishlab tashkil qilinadi.

Bunday hollarda turli vazifalar, majburiyatlar qabul qilinadi. Majburiyatlardan jismoniy tarbiya va sport mashg'ulotlaridan yalpi ommaviylikka erishish, yuqori

malakali sportchilarni tarbiyalab yetishtirish, moddiy-texnik bazalarini rivojlantirish, jismoniy tarbiya va sportni targ'ibot qilish, faollarni tayyorlash va shu kabilar kiritiladi.

O'zaro musobaqalashishning nizomlarini ishlab chiqish va qabul qilishda uni oqilona tashkiliy asoslariga tayanish zarur. Musobaqaning shartlari shug'ullanuvchilar va sportchilar ommasining musobaqaqada qatnashadigan ijodiy faoliyat nati-jalari bo'lishi lozimi. Jismoniy madaniyat tashkilotlarining xilma-xilligiga qarab, jamoalar kuchi va sharoiti teng bo'lgan holda o'zaro musobaqalarni uyushtiradi. Bu esa ko'rsatkichlarni haqiqiy va sifatli qilib bajarishga imkon beradi.

Respublikada jamoalararo musobaqani tashkil qilishning o'ziga xos tartibi ishlab chiqilgan, yil sayin takomillashtirilib boriladi. Bular quyidagilardan iborat:

1. Respublikada Jismoniy tarbiya va sport davlat qo'mitasi bo'yicha: viloyatlar, shahar va tuman sport tashkilotlari ko'ngilli sport jamiyatlari, idoralarning jismoniy tarbiya tashkilotlari, jamoalari va tegishli o'quv yurtlari o'rtaida.

2. Respublika kasaba uyushmalari federatsiyasi «O'zbekiston» sport jamiyatni va uning quyi tashkilotlari o'rtaida.

3. «Dinamo» sport jamiyatni bo'yicha.

4. «Mehnat zaxiralari» sport jamiyatni bo'yicha.

Bundan tashqari, ommaviy jismoniy tarbiya va sport ishlarni aholi, ishlab chiqarish o'quv yurtlarida, davlat xo'jalik jamoalari va muassasalarida ishlarni yaxshi yo'lga qo'yish uchun ham o'zaro musobaqa tashkil qilinadi.

## XOTIMA

O'zbekiston xalqlari tarixida inson umumiy madaniyatning tarkibiy qismi sifatida jismoniy madaniyat va sport salmoqli o'rnlardan birini egallashi bilan u jamiyat rivojida o'ziga xos tarzda namoyon bo'lmoqda. Buning asosiy sabablaridan biri shundaki, mustaqillikning mazmunini sport orqali kengaytirish hamda boyitishga Respublika Prezidenti I.A.Karimov hamda O'zbekiston Respublika Vazirlar Mahkamasi ko'plab nazariy, tashkiliy, moddiy tadbirdamlari amalga oshirib kelmoqda.

Kadrlar tayyorlash milliy dasturi, sog'lom avlod davlat dasturi asosida aholining, ayniqsa, o'quvchi yoshlar va talabalaming jismoniy barkamolligini ta'minlash, ularning kasb-hunar egasi bo'lishi, buyuk kelajakda ona Vatanini himoya qilish kabi keng qamrovli va o'ta mas'uliyatlari faoliyatlarida dolzarb vazifa qilib qo'yilmoxda. Bu yo'lida xalqimiz va yurtimiz tarixini qunt bilan o'rganish, ijobiy xususiyatlarni milliy qadriyatlarga qo'shib, ularga amal qilishda jismoniy tarbiya va sportning muhim o'rni bor.

Arxeologik topilmalar, baland qoya-toshlarga bitilgan suratlar, «Avesto» diniy ma'rifiy kitob, «Alpomish», «Go'ro'g'li», «Qirqqiz» kabi xalq og'zaki ijodi durdonalari, «Shohnoma», «Manas», «Xamsa» kabi adabiy durdonalari, sharqning buyuk allomalaridan Abu Ali ibn Sino va boshqa mutafakkir donishmandlaming boy tarixiy meroslari mazmunlarida jismoniy madaniyatning salomatlik, jismoniy chiniqish kabi tomonlari o'z ifodasini topgan. Bu, o'z navbatida, jismoniy madaniyatning tarixiy jarayon va ta'limgartarbiyaning asosiy mazmunlaridan biri ekanligi haqida shahodatdir.

Buyuk sarkarda Amir Temur va uning avlodlari Mirzo Ulug'bek, Zahiriddin Muhammad Bobur hamda keyingi

davrlarda davlatni (xonliklar) idora qilgan podsholar, sarkardalar, olimlar hayotida jismoniy madaniyatni yuqori darajaga ko'tarishgan. Jismoniy madaniyatning eng muhim vositalari bo'lgan piyoda yurishlar, otda nayza otish, qilichbozlik, kurash, tog'larga chiqish, suvda suzish kabi murakkab amaliy faoliyatlaridan jismonan chiniqish, jang qilish quroli sifatida foydalanganlilari juda ko'p tarixiy manbalar, badiiy asarlarda o'z ifodasini topgan.

Ma'lumki, hozirgi zamon sport turlarining o'tmishda, ayniqsa, futbol (Angliya), basketbol (AQSH), boks (Rossiya), gimnastika (Chexiya, Germaniya, Shvetsiya), sharqona yakka kurashlar (Xitoy, Yaponiya, Koreya) va b.q.ning vujudga kelishi Yevropa, Osiyo, Amerika va boshqa qit'alardagi xalqlarining ommaviy o'yinlarni tashkil qilishlari, rasmiy xalqaro musobaqalarga aylantirishlarini ta'minladi.

Bu yo'lda ba'zi bir sport turlari bo'yicha Yevropa va xalqaro sport uyushmalarining tashkil qilinishini (1860—1890-yil) yuzaga keltirdi. Ayniqsa, Pyer Kuberten (Fransiya) tomonidan xalqaro olimpiya qo'mitasini tashkil etishi (1894) hozirgi davr olimpiya o'yinlarini o'tkazishga (1896) asos soldi.

Birinchi (1913—1916) va ikkinchi (1941—1945) jahon urushlari tufayli Rossiya va uning negizida sobiq SSSR to 1952-yilgacha olimpiya o'yinlarida ishtirok etishdan mahrum etildi. Ikkinci jahon urushida SSSR nemis fashizmini batamom tor-mor qilgandan keyingina xalqaro sport hamjamiyatlari (federatsiyalar, XOQ va h.k.) SSSRni mustaqil davlat sifatida tan oldi va Yevropa jahon birinchiliklari, olimpiya o'yinlarida qatnashishga (1952-yil) rozichilik bildirishdi. Natijada sobiq SSSR 1952—1992-yilda o'tkazilgan olimpiya o'yinlarida ishtirok etish, g'alabalarni qo'lga kiritish va olimpiya harakatini demokratlashtirishda oldingi safda bo'ldi.

Ta'kidlash lozimki, so'nggi yillardagi (1996, 2000, 2004) olimpiya o'yinlari o'tgan davrlardagiga nisbatan ommaviyroq (qatnashchilar soni) hamda ochilish marosimlarining jozibali, qiziqarli bo'lishi bilan jahon xalqlari e'tiboriga sazovor bo'ldi.

Futbol, boks, yengil atletika, gimnastika, suvda suzish, sport kurashlari va boshqa sport turlari bo'yicha Markaziy Osiyo, Osiyo o'yinlari hamda jahon birinchiliklari juda qiziqarli ravishda tashkil qilinmoqda.

Sportni ommalashtirish, ularni yoshlari va mehnatkashlarning sog'lom turmush tarziga singdirishda ommaviy axborot vositalari, ayniqsa, televideniya katta xizmat qilmoqda.

Yuqorida qayd etilgan tadbirlar va jarayonlar O'zbekiston sharoitida ham yangi mazmun hamda mohiyat jihatdan katta o'rinnegallab keldi, ayniqsa, mustaqillik yillarda sportni yuqori pog'onaga ko'tarishda juda ko'p tadbirlar amalga oshirildi. Ular orasida «Jismoniy tarbiya va sport to'g'risida»gi qonunning qabul qilinishi (1992), O'zbekiston Respublikasi Milliy Olimpiya qo'mitasining ta'sis etilishi muhim ahamiyat kasb etdi. Respublikamiz sportchilari Markaziy Osiyo, Osiyo o'yinlarida ishtirok etib, peshqadamlar safida dadil bormoqda. Shuningdek, olimpiya o'yinlarida (XXVI, XXVII, XXVIII) mustaqil jamoa sifatida qatnashib, munosib sovrinlarga ega bo'ldi.

Hukumatimiz milliy qadriyatlami tiklash, o'quvchi yoshlarni ma'naviy va jismoniy barkamol qilib tarbiyalash, iqtidorli bolalarни sportga jalb etish, ularga zarur shart-sharoitlar yaratib berish, ayniqsa, sport inshootlarini xalqaro andozalarga mos ravishda qurishni amalga oshirmoqda.

Aholining sihat-salomatligini yaxshilash, o'quvchi yoshlarni kasb-hunarga yo'naltirish borasida sog'lom avlod davlat dasturi, davlat ta'lim standartlari, «Algomish» va «Barchinoy» maxsus testlarining joriy etilishi diqqatga sazovordir. Shuningdek, xalq milliy o'yinlariga bag'ishlab o'tkazib kelinayotgan «Algomish o'yinlari», «To'maris o'yinlari»ning respublika festivallari milliy qadriyatlarini tobora kengaytirishning ramziga aylandi. Maktab o'quvchilarining «Umid nihollari», kasb-hunar kollejlari o'quvchi-yoshlarning «Barkamol avlod», Oliy o'quv yurtlari talabalarining «Universiada» o'yinlari va boshqa ko'p bosqichli sport musobaqalari an'anaga aylandi.

O'quvchi yoshlarning jismoniy tarbiya ta'lmini chuqur egallashlari, iqtidorli sportchilar, mutaxassis xodimlarning ilmiy-nazariy bilimlarini boyitish yo'lida xalqaro va respublika miqyosidagi anjumanlar o'tkazilmoqda. Ilmiy tadqiqotlar, amaliy tajribalarning natijalari asosida darsliklar, o'quv-uslubiy qo'llanmalar, ommabop risolalar nashrdan chiqarilmoqda.

Onalik va bolalikni himoya qilish, «Sog'lom ona-sog'lom bola» ruknida tibbiyat sohasidagi xodimlar, xotin-qizlar qo'mitalari «Otam, onam va men», «Oilaviy sport», «Sog'lom oila» kabi jismoniy tarbiya va sport tadbirlaridan maqsadli foydalanmoqda.

O'zbekistonning shon-shuhratini jahonga yoyishda milliy kurash bo'yicha jahon birinchiliklarining tashkil etilishi (1999—Toshkent, 2000—Turkiya, 2001—Vengriya, 2002—Armaniston, 2005—Toshkent) muhim ahamiyat kasb etmoqda.

Pirovardida ta'kidlash lozimki, jismoniy madaniyat va sport tarixi fani o'quvchi yoshlar hamda talabalarning dunyoviy bilimlarini chuqurlashtirishda, ularni bo'lajak kasb mahoratlarini egallashlarida katta ahamiyat kasb etib kelmoqda.

### **Eng muhim tarixiy solnomalar**

Yangi eradan avvalgi 2 minginchi yillarning oxiri	Eng qadimgi Zardushtiy ajdodlarimizning ijtimoiy-madaniy hayotida qomus bo'lib qo'llangan «Avesto» kitobining yaratilishi.
Yangi eradan avvalgi 1 minginchi yillar	Kurash, ko'pkari, uloq, otda poyga, menganlik va ko'p sonli harakatli o'yinlarning qo'llanishi, bu haqda «Alpomish», «Go'ro'g'li», «Shohnoma» kabi dostonlarda ifoda etilishi.
810—870-yillar	Islom dini olamida mashhur «Hadis» ilmining asoschilaridan biri Xo'ja Ismoil Imom Buxoriy yashagan davr.
980—1037-yillar	Sharq va jahon tibbiyat olamida mashhur bo'lgan buxorolik olim Abu Ali ibn Sino

	yashagan davr.
1336–1405-yillar	Sohibqiron Amir Temur yashagan davr.
1441–1501-yillar	Sharq she'riyatining buyuk sultonni Alisher Navoiy ijod etgan davr.
1451–1510-yillar	Muhammad Shayboniyxonning yashagan va hukmronlik qilgan davri.
1482-yil	Zahiriddin Muhammad Bobur yashagan davr.
1809–1822-yillar	Umarxon Qo'qon xonligini boshqaradi.
1822–1842-yillar	Umarxonning o'g'li Alixon taxtga o'tiradi. Xudoyorxonning Qo'qon xonligi taxtiga o'tirishi.
1839-yil	Orenburg harbiy gubernatori Perovskiy boshchiligidagi rus qo'shinlari Xivaga qarshi jang qiladi.
1847-yil Sirdaryo	Sirdaryo etagida Orol harbiy qal'asi barpo etilib, Markaziy Osiyo yerlariga rus qo'shinlari tomonidan hujum boshlanadi.
1864–1865-yillar	Turkiston, Chimkent, Avliyo ota, Toshkent ruslar tomonidan bosib olinadi.
1868, 1876, 1884-yillar	Samarcand, Farg'onan, Rossiya qo'l ostiga o'tadi. Rus podshosi Aleksandr I. Qo'qon xonligini tugatib uning o'miga guberna (viloyat) tashkil etdi va general Skobelyevni boshliq qilib tayinlandi.
1872, 1875, 1876, 1892, 1918- yillar	Chirchiq, Qo'qon, Farg'onan, Toshkent, Andijon va boshqa joylarda chor Rossiyasiga qarshi isyonlar bo'ldi.
XIX asr va XX asr	Rus olimlari P.P.Semenov-Tyanshanskiy (1827–1917), A.P.Fedchenko (1844–1873), Mushketov (1850–1902), V.V.Bartold, M.S.Andreyev, Ye.Bertels, N.P.Ostromov, V.L.Vyatkin, A.A.Semenov va boshqalar turli sohalarda tadqiqot o'tkazish maqsadida O'rta Osiyoga kelgan va Chorizm da'vat etgan juda ko'p ayg'oqchilik faoliyatlarni ham amalga oshirgan.
1827–1897-yillar	Ahmad Donish Buxoro xonligining Rossiyadagi elchisi va savdo-sotiq ishlari boshlig'i bo'lgan.
1895-yil 23-iyun	Toshkentlik Ahmad polvon nernislarning

	mashhur kurash polvoni Rippel (133 kg) bilan kurashib yigitgan kun.
1916-yil 1-oktabr	Toshkentda «Sport safarbarligi» tashkiloti tuziladi.
1919-yil	20 yoshli Toshkentdagi sirk polvoni Toji polvon Avlayev klassik kurash bo'yicha o'tkazilgan musobaqa g'olib bo'ladi.
1923-yil	Toshkent va Samarqandda «Dinamo» sport jamiyatini tuziladi.
1924-yil	Umumturkiston Olimpiyadasi tashkil etiladi.
1924-yil 27-oktabr	O'zbekiston Respublika deb e'lon qilingan kun.
1927-yil	Umumo'zbek 1 Spartakiadasi o'tkazildi. Toshkentda «Spartak», Samarqandda «Dinamo» stadionlari ishga tushadi.
1929-yil	«Pravda Vostoka», «Komsomoles Uzbekistana» gazetalari sovrini uchun birinchi marta estafeta o'tkaziladi.
1931–1934-yillar	«Mehnat va mudofaaga tayyor» (1–2- GTO bosqich) hamda «Mehnat va mudofaaga tayyor» (BGTO) jismoniy madaniyat majmualari joriy etildi.
1934-yil	1-O'rta Osiyo spartakiadasi o'tkaziladi.
1935-yil	Toshkentda Jismoniy madaniyat texnikumi ochildi.
1939-yil	Moskvada o'tkazilgan umumittifoq jismoniy madaniyat 1 paradida O'zbekiston vakillari qatnashadi.
1941–1945-yillar	Ikkinchisi jahon urushi davri.
1949-yil	Toshkent DPI tarkibida jismoniy tarbiya bo'limi, 1952-yildan mustaqil fakultet ishga tushdi.
1950-yil	«Paxtakor» qishloq ko'ngilli sport jamiyatini tuzish to'g'risida hukumat qarori qabul qilinadi.
1951-yil	Samarqand, Xo'jayli, Termiz, Kosonsoy va Angren shaharlarida jismoniy tarbiya pedagogika bilim yurtlari ochildi.
1955-yil	O'zbekiston davlat jismoniy tarbiya instituti ochildi.

1956-yil	Toshkentda «Paxtakor» stadioni ishga tushadi va unda 1 Respublika spartakiadasi o'tkazildi. Bu SSSR xalqlari 1 Spartakiadasiga (1956) tayyorgarlikning sinovi bo'ldi.
1959-yil	SSSR xalqlari 2 Spartakiadasida respublika sportchilarining qatnashib 12–13-o'rnlarni egallashi.
1963-yil	3– Spartakiadaning o'tkazilishi.
1967-yil	4– Spartakiada o'tkazilib, O'zbekiston 9-o'rinni egalladi.
1971-yil	5- Spartakiada bo'ldi. O'zbekiston 2-o'rinni egalladi.
1975-yil	6- Spartakiada turli shaharlarda sport turlari bo'yicha o'tkazildi. O'zbekiston 9-o'rinda bo'ldi.
1979-yil	7- Spartakiada Moskvada o'tkaziladigan XXII Olimpiya o'yinlariga tayyogarlik bo'ldi. Bunda respublikamiz sportchilari ilk bor 7-o'ringa ko'tariladi.
1983-yil	8- Spartakiadada respublikamiz sportchilari yaxshi natijalarga erishdi.
1987-yil	9- Spartakiada o'tkazildi.
1991-yil	10 eng so'nggi Spartakiada bo'ldi. Qayta qurish jarayoni sport musobaqalariga salbiy ta'sir ko'rsatdi. Ko'pchilik taniqli sportchilar unda ishtirok etmadidi. O'zbekiston sportchilari yuqori natijalarga erishdi.
1991-yil sentabr	1- O'zbekistonning mustaqil kuni va xalq bayrami.
1992-yil yanvar	14- O'zbekiston Respublikasining «Jismoniy tarbiya va sport to'g'risida»gi qonunning qabul qilinishi, 2000-yil, mayda u yangi tahrirda qabul qilinadi.
1992-yil yanvar	21- O'zbekiston Respublikasi Milliy Olimpiya qo'mitasining (MOQ) ta'sis etilishi.
1993-yil 18-mart	O'zbekiston Respublikasi Vazirlar Mahkamasining «O'zbekistonda futbolni rivojlantirish tadbirlari to'g'risida»gi qarori chiqqan.

1994-yil 4-mart	«Sog'lom avlod uchun» ordeni ta'sis etilgan kun.
1994-yil	12 Osiyo o'yinlarida (Xirosimia) O'zbekiston sportchilarining ilk bor qatnashishi. Ularning futbol bo'yicha Osiyo championi unvoniga ega bo'lgan vaqt.
1995-yil sentabr	Markaziy Osiyo Respublikalarining birinchi o'yinlari Toshkentda o'tkazildi.
1997-yil 10-oktabr	O'zbekiston Respublikasi Prezidenti I.A.Karimovning «Ta'lim tarbiya va kadrler tayyorlash tizimini tubdan isloh qilish, barkamol avlodni voyaga yetkazish to'g'risida»gi Farmoni e'lon qilindi.
1997-yil	Sog'lom avlod Davlat dasturi joriy etiladi. Kadrler tayyorlash milliy dasturini amalga oshirishga kirishdi.
1998-yil	«Alpomish» dostonining yaratilishiga 1000 yil to'lishini nishonlash haqida qaror qabul qilindi. Termizda «Alpomish o'yinlari» Respublika festivali bo'lib o'tdi.
1999-yil 27-may	O'zbekiston RVMning «O'zbekistonda jismoniy tarbiya va sportni yanada rivojlantirish chora-tadbirlari to'g'risida»gi qarori qabul qilindi. Unda jismoniy tarbiya va sportni rivojlantirish davlat dasturi (Konsepsiya) e'lon qilindi.
1999-yil	Jizzaxda ayollar yiliga bag'ishlab «To'maris o'yinlari» 1-Respublika festivali o'tkazildi.
1999-yil mayda	Toshkentda O'zbek kurashi bo'yicha birinchi jahon championati o'tkazildi. Kurash Xalqaro Assotsiatsiyasi tuzildi. K.Yusupov unga prezident etib saylandi.
2000-yil 7-iyul	2000-yil Sidney (Avstraliya)da bo'lgan XXVII Olimpiya o'yinlariga tayyorgarlik masalalari bilan bog'liq respublika prezidenti farmoni e'lon qilindi.
2000-yil 30-sentabr – 16-oktabr	Sidney (Avstraliya) XXVII Olimpiya o'yinlari o'tkazildi.
2000-yil	Namanganda Respublika Oliy o'quv yurtlari talabalarining 1-Universiadasi o'tkazildi.

2000-yil	Farg'onada «Alpomish o'yinlari» 2-Respublika festivali bo'ldi.
2001-yil	Jizzaxda «Barkamol avlod» sport musobaqalari birinchi marotaba tashkil etildi. Toshkentda maktab o'quvchilarining «Umid nihollari» respublika musobaqalari bo'ldi. Shahrisabzda «To'maris o'yinlari» 2-Respublika festivali o'tdi.
2002-yil may-iyun	Buxoroda Respublika Oliy o'quv yurtlari talabalarning 2-Universiadasi bo'lib o'tadi. Unda Toshkent 1-g'oliblikka erishadi.
2002-yil 31-may-dan 30-iyun-gacha	Futbol bo'yicha 17-jahon championati Tokio va Seulda o'tkaziladi. Finalda Braziliya va Germaniya jamoalari uchrashib (2:0) futbol bo'yicha jahon championi unvonini Braziliya egallaydi. 3-4-o'rinalar uchun Koreya va Turkiya o'zaro yarim finalda kuch sinashdi. 3:2 hisobi bilan Koreya g'olib chiqdi.
2002-yil iyul	Gulistonda «Alpomish o'yinlari» 3-Respublika festivali bo'lib o'tdi.
2002-yil	Yerevanda O'zbek kurashi bo'yicha 4-jahon championati bo'lib o'tdi.
2002-yil 25-oktabr	O'z.R. Prezidenti «O'zbekistonda Bolalar sportini rivojlantirish jamg'armasini tuzish to'g'risida»gi Farmoni e'lon qilindi.
2004-yilda	Samarqandda respublika talabalar Universiadasi o'tkazildi.
2004-yil avgust	Afinada (Gretsiya) XXVIII Olimpiya o'yinlari o'tkazildi. Unda O'zbekiston sportchilari 5 ta medal olishga sazovor bo'ldi.
2005-yil noyabr	Milliy kurash bo'yicha 5-jahon championati Toshkentda o'tkazildi.

## **FOYDALANILGAN ADABIYOTLAR**

### **i. Rasmiy mambalar**

1. O'zbekiston Respublikasining Konstitutsiyasi, T., «O'zbekiston», 1992.
2. O'zbekiston Respublikasining «Jismoniy tarbiya va sport to'g'risida»gi Qonuni (yangi tahrirda) 2000.
3. O'zbekiston Respublikasining «Ta'lim to'g'risida»gi Qonuni (yangi tahrirda) 1997.
4. O'zbekiston Respublikasi Prezidentining «Sog'lom avlod uchun» ordenini ta'sis qilish to'g'risidagi Farmoni, 1993, 4-mart.
5. O'zbekiston Respublikasi Vazirlar Mahkamasining «Sog'lom avlod uchun» davlat dasturi, 1997.
6. O'zbekiston Respublikasi Vazirlar Mahkamasining «O'zbekistonda jismoniy tarbiya va sportni yanada rivojlantirish chora-tadbirlari to'g'sidagi»gi Qarori, 1999, 27-may.
7. O'zbekiston Respublikasi Vazirlar Mahkamasining O'zbekistonda «Bolalar sportini rivojlantirish jamg'armasining faoliyatini tashkil etish to'g'risida»gi Qarori, 2002-yil 30-oktabr.
8. O'zbekiston Respublikasi Vazirlar Mahkamasining «Ommaviy sport targ'ibotini yanada kuchaytirish chora-tadbirlari to'g'risida»gi Qarori, 2003-yil 4-noyabr.
9. O'zbekiston Respublikasining kadrlar tayyorlash milliy dasturi, 1997.
10. O'zbekiston Respublikasining davlat ta'lim standartlari, 1999.
11. O'zbekiston Respublikasining sog'lom avlod davlat dasturi, 1999.
12. «Alpomish» va «Barchinoy» maxsus testlar, 2000.
13. I.A.Karimov «O'zbekiston kelajagi buyuk davlat», -T., «O'zbekiston», 1992-yil.
14. I.A.Karimov «O'zbekistonning o'z istiqlol va taraqqiyot yo'li», T., «O'zbekiston», 1992.
15. I.A.Karimov «Bizdan ozod va obod vatan qolsin», -T., «O'zbekiston», 1994.

16. I.A.Karimov «O'zbekiston XXI asrda bo'sag'asida», -T., «O'zbekiston», 1997.
17. I.A.Karimov «O'zbekiston XXI asrga intilmoqda», -T., «O'zbekiston», 2000.

## 2. Asosiy adabiyotlar

1. Abdullayev A.A., Xonkeldiyev SH.H., Jismoniy tarbiya nazariyasi va uslubiyati, darslik, Farg'on'a, 2001.
2. Abdumalikov R., Jismoniy madaniyat va sport ixtisosligidagi talabalarni boshqaruvchilik faoliyatlariga tayyorlashning nazariy va amaliy asoslari, monog., -T., O'zDJTI nashr, 1994, 162-bet.
3. Abdumalikov R., Qudratov R.Q., Yarashev K.D., Ko'pkari, ilmiy-ommabop kitob, -T., O'zDJTI nashr, 1997, 117-bet.
4. Abdumalikov R., Xoldorov T.X., Turizm, o'quv qo'llanma, T., O'qituvchi, 1988.
5. Abdumalikov R., Eshnazarov J.E., Ajodolar jismoniy madaniyat tarixini o'rganish masalalari, o'quv qo'llanma, -T., Matbuot, 1993.
6. Akramov A.K., O'zbekistonda jismoniy madaniyat va sport tarixi, o'quv qo'llanma, -T., O'zDJTI nashr, 1997.
7. Alpomish dostoni 1-2-qismilar, -T., «O'zbekiston», 1992–1993.
8. Axmedov B.A., Amir Temur, tarixiy roman, -T., 1995.
9. Jismoniy tarbiya tarixi. Darslik (tarjima), -T., «O'qituvchi», 1975.
10. Кун Б. «Всеобщая история физической культуры и спорта», М., «Радуга», 1982, 399 с.
11. Ismoilov R.I., Sholomitskiy Yu.S., O'zbekistonda fizkultura tarixi, metod.kul., «O'qituvchi» 1968.
12. Казаева Р.А., Развитие женского физкультурного движения в Узбекистане. -T., «O'zbekiston» 1979.
13. Obidov-T., O'zbek polvonlari, T., G'.G'ulom nomli nashr, 1979.
14. Ostonov S., Besh Halqa qissasi, -T., «Yosh gvardiya», 1984.
15. Омонжолов Т., Мастерские памятники Ташкентского оазиса, автореф. Дис. На. Соис. Ст. канд. ист. наук. Ленинград, 1984, 17 с.

16. Пономарев Н.И., Возникнование и превоначальное развитие физического воспитания. М., ФИС, 1970.
17. Романов А.О., Международное спортивное движение. М., ФИС, 1978.
18. Ruziyev S., Shatemikov E.K. va boshqa, O'zbekiston Olimpiyskiy, -Т., «O'zbekiston», 2001.
19. Саломов Р.С. Проблемы высшего физкультурного образования, моног., -Т., 1992.
20. Столбов В.В. История физической культуры и спорта, учебник. М., «ФИС», 2000.
21. Toymurodov O.R., O'zbek milliy kurashi, -Т., Ibn Sino, 1990.
22. Toshpo'latov J.T., Surxondaryoda jismoniy tarbiya va sport, -Т., O'zDJTI nashr., 1991.
23. Usmonxo'jayev T.S., Xo'jayev F., 1001 uyni., Ibn Sino, 1990.
24. Усманходжаев Т.С., Научно-педагогические основы физического созаерщесвования детей в связи их двигательной активности, автореф. Дис. на соис. уч. ст. док. пед. наук.
25. O'zbekov M., Dolkart E., Olimpiyskiye zvyozdi, -Т., «Yosh gvardiya», 1993.
26. Xalqaro Olimpiya qo'mitasining 100 yilligiga bag'ishlangan I-Respublika ilmiy anjumani ma'ruzalar to'plami, O'zDJTI nashr., 1994.
27. Hidoyatov G.A., Mening jonajon tarixim, -Т., «O'qituvchi», 1990, 400-bet.
28. Eshnazarov J., Jismoniy madaniyat va sportni boshqarish. O'quv qo'llanma, Samarkand, 1994.

### **3. Qo'shimcha adabiyotlar**

1. Chernyayevskiy V.D., Fizkultura va salomatlik, -Т., Ibn Sino, 1990.
2. Ешназаров Ж.Э., Физ. воспитание и спорт в Узбекистане с период развитого социализма и строительства. коммуниз. ма, автореф. канд. дис., -Т., 1995.
3. Ярашев К.Д., Педагогические основы подготовки специалистов физкультуры и спорта, автореф. Канд. Дис., - Т., 1995.
4. Yarashev K.D., Ommaviy sog'lomlashtiruvchi jismoniy tarbiya va xalq milliy o'yinlari bo'yicha mutaxassislar tayyorlash ma-

salalari, monog., –T., O'zDJTI nashr., 1997.

5. Yarashyev K.D., Jismoniy tarbiya va sportni boshqarish, darslik, –T., Ibn Sino, 2002, 223-bet.

6. Yarashev K.D., Abdumalikov R., Komiloy X.K., «Alpomish» va «Barchinoy» maxsus testi majmuasini ommalashtirish yo'llari, o'quv qo'llanma, –T., O'zDJTI nashr., 2002, 52-bet.

7. Yarashev K.D., Abdumalikov R., Xoldorov T.X. va boshqa, Jismoniy madaniyat tarbiyasining nazari va uslubiy asoslari, o'quv qo'llanma, –T., O'zDJTI nashr., 2003, 92-bet.

8. Yaroskiy A., Poddubniy A., O'zbekistonning xalqaro sport aloqalari, –T., «O'zbekiston», 1980.

9. Юнусов Т.Т., Организация и управление физ. Движениям в Республики Узбекистан уч.пос., –T., O'zDJTI nashr., 1995.

10 Yunusov T.T., Abdumalikov R., Yarashev K.D., Assolom Olimpiada, T., O'zDJTI nashr., 1993.

11. Hamroqulov A.Q., Yunusov T.T. Olimpiya bilimlari asoslari, o'quv qo'llanma, T., «Sharq» nashr., 2002, 93-bet.

12. Qudratov R.Q., Abdumalikov R., Xoldorov T.X., Sog'lom avlod tarbiyasida jismoniy tarbiya va sport, o'quv qo'llanma, –T., O'zDJTI nashr., 2003, 90-bet.

13. Qoraboyev U., O'zbek xalq o'yinlari, –T., «San'at», 2001, 56-bet.

14. Qoshg'ariy M.; Devonu lug'otit turk, 3-tom, 1960.

15. XXI asr – Istiqbolimiz timsollari, –T., 1991.

# MUNDARIJA

Kirish.....	3
<i>I bo'lim. Xorijiy mamlakatlarida jismoniy madaniyat va sport tarixi</i>	
<i>I bob. Qadimgi ajdodlar jismoniy madaniyat tarixidan lavhalar</i>	
1.1. Qadimgi odamlarning ijtimoiy-madaniy turmushida jismoniy tarbiyaning o'rni.....	7
1.2. Qadimgi Sharq davlatlarida jismoniy tarbiya .....	14
1.3. Qadimgi Yunonistonda jismoniy tarbiya. Olimpiya bayramlari.....	15
1.4. Qadimgi Rimda jismoniy tarbiya .....	22
<i>II bob. O'rta asrlarda jismoniy tarbiya va sport</i>	
2.1. Yevropa mamlakatlarida jismoniy tarbiya va sport .....	27
2.2. Osiyo, Afrika va Amerika qit'alarida jismoniy tarbiya va sport.....	30
2.3. Uyg'onish davrida jismoniy tarbiya tizimi va pedagogik g'oyalarning paydo bo'lishi.....	32
2.4. Olimpiya an'analarini qayta tiklash harakati.....	36
<i>III bob. Yangi davrda jismoniy tarbiya</i>	
3.1. Gimnastika tizimlari.....	42
3.2. Sport-o'yin tizimlari.....	45
3.3. Jismoniy madaniyatda reakreatsion harakatlar.....	49
3.4. Havaskorlik va professional sport.....	51
3.5. Birinchi jahon urushi arafasi va urush yillarda jismoniy tarbiya va sport.....	54
<i>IV bob. XX asrning 20-yillarda Ikkinchiji jahon urushi tugagan davrgacha jismoniy tarbiya va sport</i>	
4.1. Germaniya, Italiya, Yaponiya .mamlakatlarida jismoniy tarbiya va sport.....	56
4.2. AQSH, Fransiya, Buyuk Britaniya, Skandinaviya mamlakatlarida jismoniy tarbiya va sport.....	61
4.3. Xalqaro miqyosda ishchilar sportining rivojlanishi.....	67
4.4. Jismoniy tarbiyaning yangi yo'nalishlari.....	69
4.5. Ikkinchiji jahon urushi davrida sportchilarning fashizmga qarshi kurashlari.....	70
<i>V bob. Ikkinchiji jahon urushdan keyingi davrlarda jismoniy tarbiya va sport</i>	
5.1. G'arb mamlakatlari hayotida jismoniy tarbiya va sport.....	73

5.2. Taraqqiyot yo‘lidagi davlatlar.....	83
5.3 XX asr oxirida jahon mamlakatlarida jismoniy tarbiya va sport.....	88
<b>VI bob. Rossiya va sobiq SSSRda jismoniy madaniyat va sport</b>	
6.1. Qadimgi Rusda jismoniy madaniyat (IX–XVII asrlar).....	93
6.2 Rus dvoryanlari hayotida jismoniy tarbiya.....	96
6.3 P.F.Lesgaftning jismoniy tarbiya ta’limi.....	111
6.4. Rossiyaning Olimpiya harakati yo‘lidagi intilishlari.....	117
6.5. Sobiq SSSR davrida jismoniy tarbiya va sport. Jismoniy tarbiya harakatining yangi shakllari va rahbarlik usullari (1917–1941-yillar).....	122
II bo‘lim. Xalqaro sport va olimpiya harakati tarixi	
<i>VII bob. Xalqaro sport va olimpiya harakatining vujudga kelishi hamda dastlabki rivojlanishi</i>	
7.1. Xalqaro sport va olimpiya harakatining vujudga kelish sabablari.....	157
7.2. Birinchi Xalqaro Kongress.....	162
7.3. Olimpiya g‘oyalarining amalga oshishi.....	164
<i>VIII bob. XX asrning birinchi yarmida xalqaro sport va olimpiya harakati</i>	
8.1. Xalqaro sport harakatining kengayishi.....	166
8.2. Yozgi va qishki Olimpiya o‘yinlari.....	169
8.3. Xalqaro Olimpiya qo‘mitasi va uning Prezidentlari. Olimpiya Kongresslari.....	175
<i>IX bob. XX asrning ikkinchi yarmida xalqaro sport va olimpiya harakati</i>	
9.1. Ikki tuzum qarama-qarshiligi va birligi.....	180
9.2. Olimpizm, XOQ va uning prezidentlari.....	183
9.3. Olimpiya o‘yinlari.....	187
9.4. Olimpiya an‘analarining davom etishi.....	192
9.5. Olimpiya kongresslari va hozirgi davr muammolari....	195
III bo‘lim. O‘zbekistonda jismoniy madaniyat va sport taraqqiyoti tarixi	
<i>X bob. Uzoq va yaqin o‘tmishdagi ajdod hamda avlodlarimizning jismoniy madaniyati tarixiga oid sharhlari</i>	
10.1. Eng qadimgi ajdodlar jismoniy madaniyati haqidgi manbalar.....	207
10.2. Chor Rossiysi va Sovetlar hukmronligi davrlarida (1865–1991) jismoniy tarbiya va sport.....	230

*XI bob.* O'zbekiston mustaqilligi davrida (1991–2005)  
 jismoniy tarbiya va sport taraqqiyotining tarixiy  
 xususiyatlari

11.1. O'zbekiston Respublikasining «Jismoniy tarbiya va sport to'g'risida»gi qonumi hamda respublika hukumatining qarorlari.....	254
11.2. Ko'p bosqichli ommaviy sport tadbirlarining sog'lomlashtiruvchi va tarixiy ahamiyati.....	271
11.3. Kadrlar tayyorlash milliy dasturi yo'nalishida jismoniy tarbiya va sport... Davlat...ta'lim...standartlari...mazmunida jismoniy tarbiya va sport...Xalq milliy.o'yinlari...qadriyatlar.timsoli.....	278
11.6. Sport turlari haqida qisqacha bayonlar.....	282
11.7. Sport inshootlari.....	286
11.8. Xotin-qizlar jismoniy tarbiyasi va sporti.....	291
11.9. Nogironlar sporti.....	308
11.10. Ommaviy sportni targ'ibot qilishning hozirgi davr talablari.....	310
11.11. Jismoniy tarbiya ta'limi va sport taraqqiyotining ilmiy-amaliy asoslari.....	315
<i>XII bob.</i> O'zbekistonning xalqaro sport aloqalari	
12.1. Sobiq Ittifoq davrida sportchilarining xalqaro sport musobaqalarida ishtirok etishi.....	316
12.2. O'zbekiston Respublikasi Milliy Olimpiya qo'mitasining (MOQ) tashkil qilinishi va uning xalqaro sport aloqalari.....	326
12.3. Respublika sportchilarining Markaziy Osiyo, Osiyo o'yinlari va jahon musobaqalaridagi ishtiroki.....	332
12.4. Mustaqil O'zbekiston olimpiiadachilari.....	334
<i>XIII bob.</i> Jismoniy madaniyatni tashkil etish va boshqarish	
13.1. Jismoniy madaniyat harakatini boshqarishning vazifalari.....	337
13.2. Jismoniy madaniyat harakatini rejalashtirish.....	344
13.3. Jismoniy madaniyat va sport ishlarini boshqarish usullari.....	348
Xotima.....	
Foydalanilgan adabiyotlar.....	362
	371
	380

**JISMONIY MADANIYAT  
TARIXI VA BOSHQARISH**

Toshkent – «Fan va texnologiya» – 2008

Muharrir: **M.Mirkomilov**  
Tex. muharrir: **A.Moydinov**  
Musahhih: **M.Hayitova**  
Sahifalovchi: **Sh.Mirqosimova**

Bosishga ruxsat etildi: 24.06.08. Bichimi 60x84 1/61.

«TimezUz» garniturasi. Ofset usulida bosildi.

Shartli bosma tabog'i 24,0. Nashr tabog'i 23,5.

Tiraji 1000. Buyurtma №65.

«Fan va texnologiyalar Markazining bosmaxonasi»da chop etildi.

700003, Toshkent shahri, Olmazor ko'chasi, 171-uy.